

Д. В. Цыганкин

ЭРЗЯНЬ КЕЛЬ 5



ВАЛСЮЛМАВКСТНЭ ДЫ ВАЛРИСЬМЕТНЕ – СИНТАКСИС

КОРТАМОНЬ ГАЙТТНЕ – ФОНЕТИКА

ВАЛТНЭНЬ СЁРМАДОМАСТ – ОРФОГРАФИЯ

ВАЛОНЬ ПЕЛЬКСТНЭ ВАЛОНЬ ТЕЕВЕМАСЬ – МОРФОЛОГИЯ

КОРТАМОНЬ ЛУВТНЭ – СТИЛИСТИКА



Д. В. Цыганкин

ЭРЗЯНЬ КЕЛЬ

ФОНЕТИКА, ЛЕКСИКА
ДЫ ВАЛОНЬ ТЕЕВЕМА

5

КЛАССНЕНЭНЬ
Омбоце издания

*Кемекстызе
Мордовия Республикань
Образованиянь министерствась*

Саранск
Мордовской книжной издательствась
2010

УДК 373.167.1
ББК 81.2 Морд
Ц 94

Условной тешкстнэ:

торо* – валонть смустезэ панжови валкссо (учебникенть песэ);

тевть¹ – валонтень теемс фонетикань ёндо ваннома;

ашине² – валонть ванномс составонь коряс;

лишме³ – валонть ванномс кода кортамо пелькс.

Сех превеекс эрьва тевсэ а улеват. — Валрнсьментень теемс синтаксис ёндо ваннома.

▲ – теориянь сведения, конатне максовить материалонть чарькодеманзо кис.

● – тонавтнезенть мельс ледстямонь кис максовкст.

О – налксемань ёнкс марто упражненият.

• – таблица од материалонть толковамонзо кис.

• – фонетикань, лексикань ды валонь теевемань чарькодемат, конатнень эрывать кирдемс мельсэ.

Цыганкин Д. В.

Ц 94 Эрзянь кель. Фонетика, лексика ды валонь теевема. 5-це класснэнь. Омбоце изданиясь. – Саранск: Мордовской книжной изда-гельствась,, 2010. – 180 с. – эрзя. яз.

ISBN 5 – 7595 – 1553 – 5

Цыганкин Д. В. Эрзянский язык: Для 5-го кл.

УДК 373.167.1
ББК 81.2 Морд

ISBN 5 – 7595 – 1553 – 5

Цыганкин Дмитрий Васильевич, 2010
Коровина Валентина Александровна,
оформление, 2010



1. Школа, школа...
 Эйкакш оймень пизэ!
 Тон кандат уцяскас сыця шкат.
 Хоть умок прядытинь — ливтясть кизэть —
 Пси токномакс мештеван ютат.
 Тон, школа, аштят пандо чиресэ,
 Валдо вальмат, прок панжадо сельмть,
 Чоп цитнить лембе читнень сырнесэ,
 Ютыцяненъ ёвтнить вадря мельть.
 Ламо янт эйстэть велентень валгить,
 Ламо янт тонъ эйс, школа, кузить,
 Ней эйкакшост тонавтат монъ ялгань,
 Сыненст панжат од уцяскав кить...
 (А. Доронин.)

Кодат валмеревкст тонавтнемачидентъ ды школадонтъ тынь содатадо?
 Эйстэст колмо-ниле сёрмадодо.

КЕЛЕСЬ — КЕЗЭРЕНЬ ЛУВОНЬ ЭРЯМОНЬ ЁНКС.

2. Ловнынк. Мезекс эряви келесь? Кодамо эрямонъ невтемасо (примерсэ) чарькодеватеви се, мекс келесь — ломанень ойме, лисьмапрясто чудиця ведь? Васенце кевкстеманть лангс каршовалонтъ (ответэнтъ) сёрмадынк.

Келесь — ломанень ойме.

«Ёминдеряй келесь, — сёрмады К.Д. Ушинский, рузонь ине педагогось, — народось уш а карми». Келесь, сонзэ валсо кортазь, «...сехте эрикс, сехте кеме сюлмо, кона вейсэнди народонь эрямочинть, неень ды сы шкань эрицятнень. Сон аволь ансяк невти народонь эрямочинть, но самай сонсь улиак те эрямочикс».

Келенть вельде ломанесь васенцекс карми содамо, мезе эзь сода. Эрвась эйстэнек, весе минь, свал мездеяк арсетяно. Теньсэяк келенть покш леззэ. Сонстемэнзэ а шаштови икелев наукась, техникась, искусствась — ломаненть эрямочизэ.

Эсеть келесь — арсемань ды содамочинь ёнкс, ашти народонь сюпавчикс, виень лисьмапрякс. Эрва келенть улить эсензэ ёнксонзо. Улить сынь эрзянь келентькак. Эйсэнзэ вастневить ламо валт, конатнень смустест кодаяк а ютавтовить рузонь кельс вейке валсо. Мерьсынек, *чиньжарамо* валось — те аволь касовкс, кона эри чинть ало (подсолнух), а касовкс, кона чаравты прянзо чинть перька. Лисьмапря валоськак а ёвтави вейке валсонть «родник». Те — лисьмань пря, косто ушодови, косто саеви ведесь. Истят валтнэде эрзянь кельсэ ламо. А стяко эрзянь кельденть улить пек ламо паро валт, конатнень ёвтыть поэтнэ, писательтне.

1. **Ванькс** сон, теке сэнь менелесь,
Лисьмапрянь чудиця ведесь,
Чивтёрдыця зоря тештесъ,
Пекшень цветстэ саезь медесь.

Тонадынек **минь** эсь кельсэ
Васень валонть ёвтнекшнеме,
Эйкакш шкане паро мельсэ
«Тетяй» ды «авай» мернеме.

(Е. Пятаев.)

2. Мон вечкса тиринь келем. Эрзянь кельсэ корты авам. Тиринь кельденть башка тонавтнян рузонь. Сонзэ эйсэ улить предлогт. Эрзянь кельсэ предлогт арасть, улить валмельгакст. Ламо келень содамось лезды народтнэнь ютксо ояксчинь кемекстамонтень. Туиндерян покшто тиринь ма-стором эйстэ васов, авань келенть а стувтса.

- Тонавтнинк стихенть ёвтнемга.

3. Сёрмадынк. Толковинк валмеревкстнэнь смустест.

1. Паро валось кеж ёмавты, берянь валось тюрьгавты. 2. Ломань марто кортак аламось, эсеть марто ламось. 3. Шкасо шнамось — вий рашты, пек сялдомась — вий машты. 4. Валмеревксэсь — пек пшти вал, сельмс пезны, теке нал. 5. Евты вал, прок нолды нал.

4. Ловнынк сёрмадовкстнэнь. Зярдось сынь вастневить кортамось? Кодась сынь лездыть ломантнэнь эсь ютковаст кортамотнесэ?

Шумбрачи! Вастомазонь! Пасиба! Сюкпря!

5. Аравтниндерясынк валрисьмес валтнэнь кода эряви, ловнотадо кортамодо паро валмеревкст.

1. Кортамс, теке, ой, вадемс. 2. Превей, чатьмонемс, зярдось, чаула, моткодемс.

УШОДКСОНЬ КЛАССТНЭСЭ ТОНАВТНЕЗЕНТЬ МЕЛЬС ЛЕДСТЯМОСЬ.

1 §. Валось. Валонть пельксэнь-пелькс явомазо.

6. Арседе истят валрисьметь, конатнесэ ало максозь валсюлмавксонь те или тона пельксэсь полавтовлізе эсензэ песэ улезь валонь полавтница суффиксэнтъ.

Н е в т е м г а: *Паксясь сырнень толс[^]о палы.*

Розень кши; эрзянь ёвкс; чопода ве; цёрынесь лелянь.

7. Валтнэстэ тееде валрисьметь. Сёрмадынк. Валонь кодаты пелькст лездасть тенк тенсьэ?

1. Ава, ловномс, эйкакш, эрзянь ёвкс. 2. Чи, менель, лембе, валомс. 3. Весе, пинге, тосо, эрямс. 4. Свал, улемс, паро, теёмс.

8. 1) Сёрмадынк, невтинк суффикстнэнь. Суффиксэсь невтеви истямо тешксэ $\wedge$.

Н е в т е м г а: *сурк[^]ске.*

Вашине, вирень, каладовкс, кежей, кольне-ма, кочкиця, мазыйстэ, мендевкс, неень.

2) Вальюрось невтеви истямо тешксэ $\frown$.

Н е в т е м г а: *кир[^]кс.*

Муинк эрва валстонть вальюронть, суффикстнэнь. Валтнэнь сёрмадынк. Вальюронть ды суффикстнэнь невтинк эрявикс тешкссэ.

Пижнема, пильгине, сэрейстэ, сезнемс, тикшев, тюзала.

2 §. Кортамо пелькстнэ. Сынст лезэст кортамонь рисьмесэнтъ.

9. Ловнынк валрисьментъ. Кодат содавикс тыненк кортамо пелькст эйсэнзэ вастневить?

...Эрямонь ведьгевесь яжи, а лови парт ды берянтъ, а веши тансть.

(Маризь Кемаль.)

- Кодамо келень наукань кортамо пелькссэ тонавтовить кортамо пелькстнэ?

10. Сёрмадынк васня существительнойтнень, мейле — прилагательнойтнень, песэ — глаголтнэнь. Невтинк эрявикс тешкссэ улезь суффикстнэнь.

Виев, виемемс, вий, виевчи; кежей, кеж, кежейгадомс, кеждямс; варма, вармав, вармаськадомс; пей, пеев, пейдемс.

11. Лемдинк текстэнтъ. Сёрмадынк явовтозь валтнэнь сетнень марто, конанень сын аравтовить. Невтинк эрявикс тешкссэ валтнэнь пест. Муинк прилагательнойтнень.

Парксо оймсинь эземне лангсо, ваксозон озась цёрыне. Кедьсэнзэ кирдсь мороженой.

– Леляй, мороженойдентъ башка мезеяк седе тантей арась. Ёвтык, мезесь седе чапамо.

«Перец, сал, горчица, — лован эськан. Ды сеске ледсь мелезэнь эйкакшпингем. Текень мельга весемесь уезевсь пря потмован: веле, вирь, ташто кудонок, авам. Ужока...

– Моданть лангсо сехте чапамот авать сельведензэ.

– Мон весементъ чарькодия. Алкине сюрк тетъ, леляй, — мерсь цёрынесь ды ношкстась эсь киванзо.

– Ков тон? Ужо! Лоткак!

12. Содавынк содамоёвкстнэнь. Сёрмадынк. Ёвтынк, кодамо кортамо пелькст эйсэст вастневить. Кикстынк алга 3-це лицянь глаголтнэнь.

1. Сонсь пейтеме, а суски певтеме. 2. Ниле алят, мельцек-мельцек чиить, вейкест-вейкест а сасыть. 3. Монь а сэвсамизь, монстемень а ярсыть. 4. Кедтеме-пильгевтеме, сонсь кудо вансты.

3 §. Валрисьмень прявт ды аволь прявт пелькстнэ. Апак келейгавтозь ды келейгавтозь валрисьметне.

П о д л е ж а щ е е с ь д ы с к а з у е м о е с ь – те прявт пелькстнэ. Весе лиятне – аволь прявт пелькст. Валрисьметне, конатнесэ улить ансяк прявт пелькстнэ, лововить апак келейгавтовозь.

Валрисьметне, конатнесэ прявт пелькстнэде башка улить аволь прявт пелькст, лововить келейгавтозь валрисьмекс.

13. Сёрмадынк. Алга эрявикс тешкссэ кикстынк валрисьмень прявт пелькстнэнь. Кода сынст муинк?

1. Сась сёксень васенце чись. 2. Тусь пиземе. 3. Удыть сад пиретне. 4. Серьгедсь атякш. 5. Лопатне чарыть-велить. 6. Уить раужо пельть. 7. Яла пувить ды пувить якшамо варматне.

14. Васня муинк апак келейгавто валрисьметнень, мейле — келейгавтозь. Мель яводо аволь прявт пелькстнэньгак.

Сэтьме. Виресь каштмоли. Шкань-шкань пувазевеи варма. Те шкасто виресь увнозевеи, лажнозевеи. Увтось пачкоди натой кардазонтень. Даволось пилес. Сон кунсолы вирень увтонть, ды ёжозояк апаркстоми. Вирьсэнтэ эсь пингест печтить эрьва кодат эрицят.

15. Максозь валтнэстэ тееде апак келейгавто ды келейгавтозь валрисьметь.

1. Мон, учомс, тонь, эйсэ. 2. Уемс, пельтне. 3. Налксемс, цёрыненьтэ, кудо, вакссо. 4. Кизэ, самс. 5. Сон, чаво, валт, эзь.

16. Апак келейгавто валрисьметнень теинк келейгавтозевекс.

1. Модась кельме. 2. Лов эзь пра. 3. Китнень лангсо эйгажа. 4. Пертьпельксэсь раужды. 5. Чатьмони Сураськак.

17. 1. Арседе каткине артовксонтэ коряс колмо апак келейгавто ды колмо келейгавтозь валрисьметь. Сёрмадынк.

2. Муинк ёвксстонть подлежащейтнень ды сказуемойтнень. Алга черьк-стынк.



Сурай.

Кочкуровской райононь Пырма веленть маласо ули тарка, конанень мерить Сурай латко. Кортыть, зярд-бути сеть таркатнесэ эрясь эрзянь богатырь Сурай. Секс латконтеньгак кармасть мереме Сурай латко. Сурай ульнесь пек виев, киненьгак эзь правтневне бороцямсто, киненьгак эзь изняво тюремстэ. Мейсэяк сон, кортыть, эзь цяпадеве, налткак эзть пезна эйзэнзэ.

Мекс жо истя? Оймезэ, келя, сонзэ ульнесь пшти уро прясо, урось кекшезель чопода вирьсэ.

Цёрась сон берянь вал зярдояк эзь ёвта. Ламо паро тейсь ломантненень. Майсицятне ламольть, лездамс ульнесь кинень. Чапсь кудот, сюрот видсь, вачо ломантненень андылинзе-симдилинзе. Нарьгицятне толдо прок пельсть эйстэнзэ. Ламо морот морасть те ломанденть.

СИНТАКСИСЭСЬ. ЛОТКСЕМА ТЕШКСТНЭ. КОРТАМОНЬ МАШТОМАСЬ.

4 §. Валзюлмавксто чарькодемась.


Кавто сёрмадовкстнэсэ конась седе видестэ лемди невтемань кисэ артозенть? Мекс?

Цёра

Од цёра



Лемдинк артовкстнэсэ невтевкстнэнь (ломантненень) валсюрмавкссо, конатнесэ улезэ домкасто панжозь се, мезе тешкстави эйсэст.



18. Ловнынк, максозь кевкстематненень лангс максодо каршо вал (ответ).

мастор

казне

уемс

анокстамс

тиринь мастор

питней казне

уемс шождынестэ

анокстамс телентень

Кона невтемкатнесэ седе чарькодевиксстэ невтевить предметнэ ды тевтеематне?

Сюлмавозь ли вить пелень валтнэ эсь ютковаст?

▲ Эсь ютковаст сюлмавозь кавто (лиясто колмояк) валтнэненъ мерить валсюлмавкс.

Валсюлмавксось ашти кавто пельксстэ: п р я в т ды аволь п р я в т. Аволь прявт валось (второстепенной членэсь) сюлмави прявт валонть (подлежащее или сказуемое) марто смустень коряс.

Смустень сюлмавомась чарькодевтеви кевкстемасо, конась аравтови прявт валстонть аволь прявтоцентъ лангс.

Н е в т е м г а: *Вечкемс тиринь велентъ.*



Аволь прявт валось прявтоцентъ марто сюлмави аволь ансяк смустень коряс, но грамматиканъ коряскак. Те сюлмавксось невтеви валонъ полавтница суффикс ды валмельгакс вельде.

Н е в т е м г а: Лисемс школа[^]сто; мелявты аван[^]зо кисэ.

19. Невтинк валсюлмавкстнэсэ смустень ды грамматиканъ коряс валтнэнь ютксо сюлмавкстнэнь. Сёрмадынк валсюлмавкстнэнь.

Н е в т е м г а:

Ава, лем;

ютамс, школа, вакска.



20. Ало максозь валсюлмавкстнэде ёвтнеде аравтомачинъ коряс: 1) прявт валось, кодамо кортамо пельксэ невтеви; 2) аволь прявт валось, кодамо кортамо пельксэ невтеви; 3) прявт валстонть аволь прявтоцентъ лангс кевкстемась.

кодамо?	мезе?	кинь?
х.	х.	х.

Н е в т е м г а: прил.+сущ. глаг.+сущ.
сущ.+сущ.

Вирень нармунь, тетянь кудо, эчке тумо, пандомс питне, уроконтъ ушодксозо, лезэ ломаннень, кеместэ содамс, леень чире, стака молема, велесэ эрямо, письмаронь кудо, лейга уйкшнema.



21. Арседе валсюлмавкст, конатнесэ улест куземс, валгомс, стямс, чалгамс, аштемс, кепедемс, прамс глаголтнэ кустема валонтъ марто.

Кустемат, кустемат,
Кустемат эрямонь перть.
Валгомат, куземат.

Пупордемат, прамот, сиземат.

Ильведевкст. Арсемат. Тевть.

(Д. Надькин.)

Вий, варма; чийнемс, школа; арамс, кудо, икеле; сыргамс, ки, ланго; вастомс, ялга, марто; кардаз, кенкш; морамс, мазый; кизэ, лембе.

22. Максозь валтнэнь ды схематнень коряс арседе валсюлмавкст. Сёрмадынк, эрявикс букватнень путнезь.

мезенть эйстэ?
х.
Якстер... гадомс ...

мезе?
х.
ускомс ...

мезень кисэ?
х.
каз... мс ...

мекс?
х.
ту... мс ...

23. Ловнынк. Сёрмадынк валрисьменть, конаньсэ ёвтави саевксэнтъ прявтонь арсемазо. Явовтозь валтнэнь марто башка сёрмадынк валсюлмавкстнэнь, конатнесэ вейке теке жо явозь валось ве валзюлмавкссонтъ улезэ прявтоцекс, омбоцесэнтъ — аволь прявтоцекс.

Эрзянь келесь — эйкакшонть васень тиринь келезэ, конань вельде еон сови эрямос, касты превензэ, **келейгавты** пертьпелькска ванноманзо, эрямонтъ чарькодеманзо. Тиринь келесь эрзятнень **сюпавчист**, оймест, седеест, кеняркост. Минек **эрямосо** арась истямо мезеяк, конась а ёвтаволь эрзянь кельсэ. Сюкпря тонеть, Эрзянь кель! Тонавтат минек темень тееме, паронтъ ды беряненъ нееме, эрямонь вечкеме ды ломанекс улеме, моронь морамо ды мазыйстэ эрямо.

Тонь тонавтомась — вийть эрзятнень **седейсэ**!

24. Ловнынк. Лемдинк. Башка сёрмадынк ниле валсюлмавкстнэнь «существительной + существительной», колмо — «глагол + существительной», колмо — «прилагательной + существительной».

Валось мерсь, Тевень вечксазо.
Тевесь — малавикс ялгазо.
Анок молемс кедте кедьс
Сонзэ марто толс ды ведьс.
Кутмордызе Тевень кирьганть,
Молить вейсэ чить ды веть,
Эрямонь кияванть сыргасть.
Ютыть пандот, ведть ды сэдть.
Кадык чоп пиземе пизи,
Валось зярдояк а сизи.
Сонзэ лангсо арась канкс,
Сталмось путозь Тевень лангс.
Секс шождасто валось моли —
Чаво кедьсэнзэ аволи.
Зярдосыть болотат, пандт,
Тевесь сизи, лотки, вант.
Валось кадсы, а мелявты,
Но Тевесь сонзэ велявты:
Мекс яват монь эйстэ, Вал,
Алтыть улеме мартон свал.

(П. Любаев.)

Валсюлмавксонь ванномась.

Ванноманть молемазо:

1. Ёвтамс прявт ды аволь прявт пельксэнтъ, путомс сыненст кевкстемат.

2. Ёвтамс, кодат кортамо пелькст прявт ды аволь прявт пелькстнэ.

Ванноманть невтемга:

Чокишень тештетне


ё в т н е з ь:

Чокишень тештетне валсюлмавкссонть прявт пельксэсь — *тештетне*. *Тештетне* кодат? *чокишень*. *Чокишень* — аволь прявт пелькс.

Прявт пельксэсь ёвтазь существительнойсэ.

Аволь прявтоцесь — прилагательнойсэ.

с ё р м а д о з ь:



25. Валсյолмавсктнэнь ваннынк ёвтнезь.

Таргавсть сурекс, ванькс менелесь, ломантнень казнест.

26. Сёрмадодо ёвтнема, косо улест валсյолмавкст:

Кизэнь валске, лей чире, сыре каль, алка курот, кавто цёрынеть, понгсть беряньстэ, пидемс сатыть. (Валтнэнь пест эрявить полавтомс).

5 §. Валрисьмеде чарькодема.

27. Ловнынк сёрмадовксонтъ. Мезе стакалгавты максозентъ теэманзо?

Сёксесь эсь прянзо невти эрьва мейсэ пиресэ кенерсть эрьва кодат эмежть куяртнэ те шкантень натой прядовать ламо пурныть тансть морковтнэ якстерькайтне кенери чурькась пейнечурькась касты покш прят ушоды кенеремс капстась чиньжарамось каясы эсензэ мазычинзэ ды ушоды кенерема.

Сёрмадынк. Явшинк эрявикс валрисьмева, путнинк лотксема тешкстнэнь.

28. Ловнынк. Тедеде эйстэст валрисьметь. Мезе тенень эряви? Сёрмадынк арсезь валрисьметнень. Путнинк эрявикс лотксема тешкстнэнь.

1. Од, ломань, сюпав, вий, сыре ломань, прев. 2. Теле, кевкстемс, мезе, теэмс, кизна. 3. Косо, арась, содамочи, тосо, арась, ёрокчи. 4. Ломань, марто, кортамс, аламо, эсь, марто, ламо.

29. Ловнынк. Муинк валрисьметнень пест, мельсэ кирдеде валветямонтъ (интонациянтъ). Валрисьментъ песэ валветямось валгстови. Сёрмадынк, валрисьментъ пес путынк эрявикс лотксема тешксэнтъ.

Те сёксня Танянень топодсть кемгавксово иеть тусь кевейксэеце те шкась — тейтерень мазый шка Таня човине ёлганя рунго ашо черь валдо чама мазый тейтерь сельмензэ сэнтъ покшт Наймансо сонзэ вечксызь Танянь тетязо-авазо роботыть ошсо Танячак чачсь покш ошсо.

Валрисьметнень вельде минь ёвтатано арсема, мель, ёжомарямо. Кевкстема, энялдома, кармавтома вельде пшкалетяно вейкенень-вейкенень. Валрисьмесэнтъ весе валтнэ эсь ютковаст сюлмавить грамматикань коряс. Прявт пелькстнэ — подлежащеесь ды сказуемоесь — аштить сонзэ юрокс. Валрисьментъ ули эсензэ прядомань валветямозо (интонациязо).

30. Ваннынк невтевкстнэнь. Ёвтынк, кодамо валрисьмесэнтъ юрокс аштить кавтонест прявт пелькстнэ, а конасонтъ, вейкесь эйстэст — подлежащеесь или сказуемоесь.

1. *Тунда чувтнэ вельтявить ниже лопасо.*
2. *Сёксень ве. Савсь молемс кудов чоподава.*
3. *Пачкодинь леейтень.*

Валрисьмесэ грамматикань юрокс эрсить кавтонест прявт пелькстнэ — подлежащеесь ды сказуемоесь, не в темга: Пиземесь лоткась; эрси кавтотнестэ вейкесь — или подлежащеесь, или сказуемоесь, не в темга: Сёксъ. Ушосонтъ якшавтсь.

31. Ловнынк валрисьметнень, песэ вайгелентъ валгстынк. Сёрмадынк. Явовтынк эрявикс киксэ валрисьмень прявт пелькстнэнь. Точкатнень таркас сёрмадышк эрявикс букватнень.

Венел...ксэсь потмура. Экше. Поцерди кельме пиземе. Аволь васоло каятотсь кискалевкс.нь цийн...ма. Курок кардо уголонть малав сась рау-жо пондакш кискалевкс. Кут...мере кис.кезэ верев. Левксэсь сэр...с начко. Сорны ды цийни. Капшазь эцесь калькуракшонтъ потс.

32. Изложения. Ловнынк. Лемдинк сёрмадовксонть истямо валсо, конасонть невтеви прявт арсемась. Явинк эрявикс кикскесэ кавто валрисьметнень, конатнесэ грамматикань вейке прявт пелькс.

Сэтьме...

А кашторкс, а варма. Коштось ванькс, кодамо эрси ансяк васенце ловонь прыдомадо мейле.

Сувтемшка ашназа чись теке сутямсь. Вешкстынь ды кунсолозевинь: пертьпельга теке сэтьмечись. Косо-бути а васоло кискам вешнесь нумоло. Умок учан, зярдо макссы вайгелензэ. Яла чатьмонсь. Вития удалом ружиянтъ ды стамбарнэ сыргинь латконть кувалт. Марявсь, кода пильгем ало чикордозь матравсь аволь сэрей ловось, синтревсть а неявикс тарадтнэ. Цийк! — каятотсь пилезэнь, теке кие-бути кисканть пулонзо лангс чалгась. Те сон маризе нумоло чиненть. «Ули» — кенярдозевинь.

Апак учонь онгомадонть гайгезевсь латкось, лажнозевсь весе виресь. Мерят, теке аволь вейке киска — сядо!

Мон шождасто таргия ойдем, нежединь чувтс ды карминь кунсолото. Марявсь, кискась аволь онгсь — лайшесь-авардсь. Теке авардсь покштяк покш кенярксто, лайшесь кодамо-бути ёмавксто.

«Эх, превтеме, превтеме! — арсинь менельс ванозь. Стяко чийнят, ялатеке аволь тонеть понги нумолось».

Эсеньгак истя эрямосонть: панян, панян уцясканть мельга, лиясто кенярдозь, лиясто авардезь, сон жо кодаяк а саеви. Ансяк ялатеке чиян. Ды тень маряви: ули эрямонь вайгелем ды, паряк, кияк сонзэ марясы?

(Л. Седойкин.)

6 §. Кортамонть путовксонзо (целензэ) коряс валрисьметнень явовомаст.

33. Невтинк, кодат валрисьметне: а) мездеяк ёвтнить, б) ули эйсэст кевкстема, в) невтить кармавтома, вешема.

1. Пуvasь телень тарькс варма. 2. Кардазонть велькска кандсь ловонь коволт.

3. Леменк, мазыйнеть, а ёвтасынк? Содавиксэкс а теевтяно? Морак тень моро ютазь шкадо!

Кортамо-арсема мелень коряс валрисьметне эрсить ёвтнемань, кевкстемань, кармавтомань.

Валрисьметнень, конатнень вельде минь мездеяк ёвтнетяно, мерить ёвтнемань; валрисьметненень, конатнесэ ули кевксте-ма – кевкстемань;

Валрисьметненень, конатнесэ минь киньгак кармавттаномезеяк тееме, вешеме – кармавтомань (повелительной).

34. Ёвтнемань валрисьметнень теинк кармавтоманцекс. Сёрмадынк.

Н е в т е м г а: *Цёрынетне теить нармунтненень андомкат. — Цёрынеть, тееде нармунтненень андомкат.*

1. Тейтерькатне тонавтнить викшнеме. 2. Эйкакштнэ парсте тонавтнизь уроктнэнь. 3. Тонавтницятне чийнесть, налксесть, чоледсть, кода озят. 4. Анокстынь экзаменс, максынь сынст вадрясто. 5. Лембестэ оршинь, а кельман.

35. Вить пеле кевкстема валтнэнь марто арседе валрисьметь. Сёрмадынк. Алга эрявикс киксэ невтинк валрисьмень грамматикань юртнэнь.

кие? мезе?
кода?
зярдо?
косо? ков?

36. Вайгельсэ ловнынк сёрмадовксонтэ, мельсэ кирдинк валветямонтэ сюлмамонзо лотксема тешкстнэнь марто. Лемдинк. Омбоце валрисьмесэнтэ ёвтынк прявт пелькстнэнь.

Кевть, рудаз кокоркат, кшни пелькст, сулика штелькст... Сынст ютксо кецни-ожолды одажа лопа. Маряви, перьканзо шукшпрянтэ ды минек лангсоjak сон пейди. «Ванодо, мезе ютксан — монсь ялатеке васенцекс вастыя чипаентэ! Весень изнинь, натой нардев кшнитненьгак», — корты сырнень кенярксов ды каштан вановтозо.

Кецнинь мартонзо монгак. Вана косо ды зярдо панжови мазычинтэ алкуксонь виезэ! Вана кинь мель эряви ваномс!

Куконь эрыгть (ландышт), тюльпант, гользёр-розат... Кодя ансяк а элякалетяно мартост! Сынь мазыйтэ, сынэ оймень эждийтэ... Лият эйстэнек ловить эйсэст Инешкипазонь казнёкс. Ойсевтнить, микшнить сынст эрьва кува. Ансяк чипаентэ васенце вастыцянтэ мазычизэ мекс-бути тенек а неяви.

Мекс истямо ношка вановтонок?

Мекс сельменек лангс кемтяно ды арась меленек ваномс превсэ?

(Нуянь Видяз.)

37. Кодамо темань коряс вейсэндявить валмеревкстнэ? Сёрмадынк, точкатнень таркас путник эрявикс букватнень. Евтынк, кодат кортамонтэ путовксонзо коряс валрисьметне.

1. Сонензэ порник ды кургозонзо путык. 2. Лакси аволь узересь, ёроков кедесь. 3. Пинге эряк, пинге тонавтнек. 4. Тонавтнек парос, берянесь тень пингстэ превезэт... 5. Эрьва тевес... кед...-сэнзэ налкsezь налкси. 6. Сонзэ кучнемс ансяк кул...ма мель...га.

- Ёвтынк прявт пельксэнтэ котоце валрисьмесэнтэ.

7 §. Серьгедемань валрисьметне.

38. Ловнынк валрисьметнень. Кодамо ёжомарямо сынъ невтить? Кодат лотксема тешкст аштить песэст? Кода мерить истят валрисьметненень?

Сась тундо! Тундо токась минек велес!
Вальмало письмарт валдо морот викшнить!
Мон вальманть — келес!
Седеенть монъ — келес:
Кунсолок, кода часиядонть пижнить!
(А. Арапов.)

Кода эряви ёвтамс валрисьметнень, конатнень песэ ашти серьгедемань тешкс? Зярдэ эрявкшнить серьгедемань вал-рисьметне?

39. Ловнынк вайгельсэ В. Шукшинэнь «Верьгизт» ёвтнемасто саевксэнтъ. Евтынк, зяро эйсэнзэ серьгедемань валрисьметь. Сёрмадынк.

Наум мезе моцъ пансь эсензэ лишментъ. Варштась, неизе, кода верьгизтнэ ютыть содамонзо эйсэ, ды бойкасто велявтызе прянзо мекев.

– Сал-ыть!
– Ужо аламос, тетяй! ... Макст узере! Мен-тяно!
– Салы-ть!
– Кирдик алашат, ментяно! ... Кирдик ала-мос, идемевсь истямо!
– Ерт тенст мезеяк! — серьгедсь Наум.

Муинк валрисьметнень, конатне кортамонь путовксонь коряс — кармавтомань, ёжомарямо виень коряс — серьгедемань.

40. Ловнынк ды ёвтынк, кодат керш ёно валрисьметне кортамо мелень коряс. Мейсэ а вейкетъ вить ёно валрисьметне?

Тонавтницясь муевсь.
Ков ней сайсамак?
Кунсолок – лоткак.

Тонавтницясь муевсь!
Ков ней сайсамак!
Кунсолок – лоткак!

Ёвтнемань валрисьметнень ловномсто вайгелесь васня кепедеви, мейле тееви а покш лоткамка (пауза), валрисьментъ песэ вайгелесь валгстови, н е в т е м г а: Кельмевкс моданть эйстэ моли кельме калгодо кошт. Кевкстемань валрисьметнесэ вайгелесь сех пек кепедеви кевкстема валонть лангсо, невтемга: Тон ков истя капшат? Кие тонъ эйсэ учи?

Кармавтомань валрисьметнесэ седе кепедевезь вайгельсэ ёвтави сказуемоесь, эйсэнзэ улезь васенце слогонь явовтозь, н е в т е м г а: Моледе седе капшазь. Максодо миненек ки.

цивтёрдыть ведьбайгетне чинть каршо кодат мазыйть велень ломантне эйкакштнэ, цецятне, менельсэ тештетне кодамо эрямось мезе эряви сайть, лексек весе мештьсэть, кенярдт.

(Т. Барговань коряс.)

8 §. Валрисьмень пельксэнзэ.

46. Максозь валтнэстэ тееде валрисьме, эрявиндеряй, путынк валонть эрявикс формас.

- | | |
|-----------------------------------|-----------------------------|
| 1. Вирь, теле, сокс, цёрыне. | валрисьмень прявт пелькстнэ |
| 2. Пакся, важомемс, чокшне, монь. | валрисьмень аволь прявт |
| 3. Школа, вакс, улемс. | пелькстнэ |


Кодамо пелькстэме а тееви валрисьмесь? Явинк эрявикс тешкссэ валрисьмень прявт пелькстнэнь.

Валтнэнь, конат совить валрисьмес ды ответить кодамояк кевкстема лангс, мерить валрисьмень пелькст.

Подлежащее ды сказуемое – те прявт пелькст. Сынть теить валрисьмень. юронзо. Весе лия пелькстнэ лововить аволь прявтоцекс.

Валрисьмень пелькстнэ эсь ютковаст сюлмавить смустень коряс ды валонь полавтыця суффикс вельде.

47. Максозь валрисьметнэстэ невтинк пелькстнэнь ютксо сюлмавкстнэнь.



Эйкакштнэ чийнесть пиземень алга. Пиземесь лоткась ансяк чокшне ланга.

48. Муинк эрва валрисьмень юронзо. Ёвтынк аволь прявт пелькстнэнь. Зяро валт ды валрисьмень прявт эрва валрисьмесэнь?

Моданть вельксс новольсь телень цят якшамо ве. Покштояк покш раужо сёлмонзо копачинзе весе пертьпельксэнь. Нусманясто, стакасто увны Казней веленть икельга сравтозь луганть ды паксянть томбале виресь. Веленть эйстэ ве ёнов ашти чувтонь ташто кудо. Эйзэнзэ педявтозь од кудо.

Кенкшенть маласо, олго лангсо, кирмицявсь киска. А уды. Чоподасонтъ кавто толнэкс палыть сельмензэ.

(И. Калинин.)

9 §. Валрисьмень прывт пельксэнзэ.

49. Сёрмадынк. Кикстынк валрисьмень прывт валтнэнь. Ало максозь кевкстематнень коряс ёвтнеде сындест.

1. Паксяванть ловось а пек сэреедь.
2. Ялатеке сон сизевтинзе лишметнень.
3. Сынъ ней мольсть састо.

подлежащее _____ .
сказуемое _____ .

1. Мезе невти подлежащее? Кодамо кевкстемань коряс сон муеви валрисьмесэнтъ? 3. Кодамо кортамо пельксэ ды кодамо падежень формасо сон эрси невтезь? 4. Мезе невти сказуемое? Кодамо кевкстемасо сон муеви валрисьмесэнтъ? Кодамо кортамо пельксэ ды шкань кодамо формасо валрисьмесэ невтеви? Арседе прывт пелькс марто валрисьме.

50. Ловнынк, валрисьметнень потсо ды валрисьметнень песэ эрявикс лотксемань теезь. Муинк эрьва валрисьмень юронзо. Ёвтынк, кодамо кортамо пельксэ невтезь подлежащее, кодамо падежэ ашти те или тона кортамо пельксэсь.

Н е в т е м а г а: Иневедекс кайсеви товзюрось. Валрисьмень юрось — *кайсеви товзюрось*. Подле-жащее *товзюрось* ёвтави именительной падежень формасо.

Подлежащее – те валрисьмень прывт пелькс, кона сюлмазь сказуемоентъ марто смустень ды грамматикань коряс, отведи кие? мезе? кевкстематнень лангс. Подлежащее невтеви именительной па-дежень существительнойсэ, местоимениясо, лиясто – числительнойсэ.

Сказуемое – те валрисьмень прывт пелькс, кона сюлмазь подлежащеентъ марто ды отведи *мезе теи предметэсь? кодамо предметэсь? кие или мезе сон истямось?* кевкстематнень лангс.

Сказуемое сехте сеedyтэ невтеви глаголсо, истя жо сон невтеви прилагательнойсэ, существительнойсэ.

Подлежащеентъ ды сказуемоентъ алга кикстадо истя: Вечкемась кази домка вий.

51. Сёрмадынк. Невтинк киксэ подлежащеентъ ды сказуемоентъ. Евтынк, мейсэ невтеви подлежащее ды сказуемое.

Чудикерькст улыцянтъ кувалма таргавсть, Лембе пиземе мадсь моданть лангс; Агу бабам тень анокстась парго — Ванды стяма ды молема пангс.

(А. Аранов.)

52. Муинк подлежащеентъ ды сонзэ эйстэ аравтодо кевкстема сказуемоентень. Кодамо кортамо пелькссэ ёвтазь сказуемоесь? Ловнынк, вайгельсэ сказуемоентъ явовтозь.

Н е в т е м г а: Пичесь (кодамо?) сэрей (прил.).

1. Менелесь валдо-сэнь. 2. Ветне якшамот. 3. Инерка эрькесь домка. 4. Минек велень пертьпелькстнэ мазыйть. 5. Чись маней ды пси.

▲ Улиндеряйтъ кавтонеск прявт пелькстнэ невтезь именительной падежень существительнойсэ, сестэ сынст юткс путови тире. Модась (сущ. им. п.) — минек сюпавчинек. (сущ. им.п.).

53. Ловнынк валрисьметнень, подлежащеентъ ды сказуемоентъ юткс лотксемань (паузань) теезь. Кода сёрмадомсто те лотксемазь невтеви? Муинк подлежащеентъ ды сонзэ эйстэ явовтозь сказуемоентень путодо кевкстема. Евтынк, мейсэ невтеви подлежащеесь ды сказу-емоесь.

1. Обуцявтомо ломанесь – варма-крандаз. 2. Вайгельтеме морыцясь – ломань лангсо нарьгиця. 3. Армиявтомо масторось — пирявкстомо пире. 4. Тетявтомо-ававтомо эйдесь – пандочиресэ тикше. 5. Валмеревксэсь – пек пшти вал, сельмс пезны, теке нал. 6. Нузякчись — стака сэредема. 7. Нузяксонтъ вечкема тевезэ – удомась.

54. Полавтынк валрисьметнень лиясо, смустень коряс малавикссэ. Путодо, козо эряви, тире.

Н е в т е м г а: Обуцясь ловови оймень чамакс. – Обуцясь (сущ. им. п.) – оймень чама (сущ.им.п.).

1. Монь лелям тонавтни университетсэ. 2. Тумось ловови лембечинь ды валдочинь вечкиця чувтокс. 3. Сонзэ авазо потявты скалт. 4. Модась ловови эрямонь виекс. 5. Васянь тетязо важоди агрономокс.

55. Олячинь диктант. Кунсолынк текстэнтъ, максодо каршо вал кевктематнень лангс: 1) зяро пелькссэ ашти текстэсь? 2) мезде кортави эрьва пелькссэнтъ? 3) мейсэ невтеви сказуемоесь?

Пек мазый сёксесь! Чувтотнень лангсо лопатне ожот ды якстереть. Коштось ванькс. Мезеяк а маряви вирьсэнтъ. Ансяк шкань-шкань шекшатась

сезьсы те каштмолеманть. Маряви, кода пильгтнень ало каштордыть коське лопатне. Сееде чувтотнень пачк моданть лангс прыть сёксень чинть кельме струянзо.

10 §. Валрисьмень аволь прявт пельксэнзэ.

Ваннынк керш ёно ды вить ёно максозь валрисьметнень. Евтынк, мейсэ сынъ а вейкетъ.


Сась тундо!

Тундо токась минек велес!

Валрисьмень аволь прявт пелькстнэ чарькодевтить прявт пелькстнэнь или лия аволь прявт пелькстнэнь.

Валрисьмень аволь прявт пелькстнэ грамматикань смустень коряс явовить колмо кужос: дополнения, определения, обстоятельства.

56. Ваннынк валрисьмень схеманть. Невтинк, валрисьмень аволь прявт пелькстнэстэ, конатне чарькодевтить прявт пелькстнэнь, конатне — валрисьмень аволь прявт пелькстнэнь. Сёрмадынк.



11 §. Дополнениясь.

Ловнынк. Сёрмадынк явовтозь валтнэнь вейсэ сеть валтнэнь марто, конатненень сынъ аравовить. Прявт валстонть путодо кевкстема сонзэ эйстэ сьолмазь эрявиксэнтень. Невтемга. *Мишадо велесэнтъ эзть ёвта* (мезе?) *берянь вал* (им. п.).

Вирь кужосто, лепе алдо
Минь муинек валдо-валдо

Сиянь ведне — лисьмаприне.
 Чудикерькске — черьпулыне.
 Ленгень кечинеть теинек,
 Симеманок явавтынек.
 Эрвась эйстэнек маризе,
 Кодя симеманть явизе
 Сиянь ведесь рунгостонок, —
 Те ульнесь теке онстонок.

Кодамо кевкстема лангс ответить прявтозтнень марто сюлмазь валтнэ?
 Кодамо кортамо пелькст сын?

**Дополнениясь – валрисьмень аволь прявт пелькс,
 конанень аравтови косвенной падежень кевкстема, сонзэ вельде
 невтеви предметэнь кодамояк смусть.**

**Косвенной падежекс лововить, именительной падежденьть
 башка, весе лия падежтне.**

СОДАДО! Эрзянь кельсэ дополнениясь, весе падежень кевкстематнеде
 башка, ответи именительной падежень **мезе?** кевкстеманть лангскак.
 Невтемга: Цёковонь кельстэ а пидекшныть (мезе?) **ям** (им. п.).

57. Прядынк ушодозь валрисьметнень. Кикстынк эрявикс кикссэ
 подлежащеенть, сказуемоенть ды дополнениянть. Невтинк, кодамо кортамо
 пелькссэ путови дополнениясь.

1. Эрямось сокоронткак тейсы (мезекс?) 2. Од ломантне сюпавт
 (мейсэ?) сыре ломантне — превсэ. 3. Видечись питней (мезде?) 4. Иля
 пеле (мезде?) пельть салава сускицядо. 5. Нолажа ки лангсо киштемась а
 витьсы (мезеть?) 6. Эрвась эсензэ ладсо лисни (мейстэ?) 7. Ламо
 превть а эрявить (мезентень?) 8. Тонавтнек (мезес?) ... , берянесь тень
 пингстэ превезэтькак а сы. 9. Сонсь пейтеме, сонсь суски (мезтеме?)

**Дополнениясь ёвтавкшнови существительнойсэ ды
 местоимениясо, валрисьмесэ чарькодевити васняк сказуемоенть.
 Дополнениясь кикстави истя. _ _ _ _ _ .**

Нетъ кевкстематне монь а кадныть.

58. Ловнынк. Сёрмадынк. Дополнениянтень невтинк эрявикс кикссэ.
 Точкатнень таркас путынк эрявикс букватнень.

Недлѧ ютконѧ перть кискась эзь лисне кардазстонть. Аштесь таркасонзо, нолсесь-пичкавтсь верьгизэнь коц...керьавкстнэнь ды сусковкстнэнь. Сэре...ькстнэ кармасть аламонь-аламонь потоамо. Лездась Олдаяк. Эр...ва валскестэ лоткси кисканть вак...с. Очконтень, кона тесэ ашти кие соды зярдо, каи ловсосо тан...шкавтозь модамарь ям. Ямсонть уйнить кавто-колмо кши сускомт.

(И. Калинин.)

59. Арседе ды сёрмадо до кавксо валрисьметь, косо дополнениянтень путовить истят кевкстемат: *мезе? мезенть? кинь? кинень? мезде? мейсэ? кивтеме? мезевтеме?*

12 §. Определениясь.

Ловнынк. Муинк валрисьмень пелькстнэнь, конат невтить предметнэнь уликсчист (признакост) ды путови сыненст кевкстема *кодамо*.

Чевте таркинесэ,
Лембе лушминесэ,
Мадезь аштян — велькскам
Ков-бути васов
Шожда, теке калнэ,
Ашо пельне уи,
Ашо пельне уи,
Сонсь а соды ков.

(А. Арапов.)

Определениясь – валрисьмень аволь прявт пелькс, кона невити предметнэнь уликсчи (признак), путови сонензэ кевкстема *кодамо*?

Улить определеният, конатненень аравтови *кинь? мезень?* кевкстематне. Определениясь кикстави истя.

Невтёмга: Авань казне. Вирень нармунь.

Валрисьмесэ определениясь свал ашти предметнэнь невитиця валонть (подлежащееень ды сказуемоеень) икеле. Определениясь нектеви, васняк, прилагательнойсэ.

60. Сёрмадынк. Невтинк эрявикс киксэ валрисьмень прявт пелькстнэнь ды аволь прявт пелькстнэнь – определениянтень. Содавынк, *кодамо* кевкстема лангс отечи определениясь, *кодамо* валонтень сон аравтови.

кодамо?
↓

Н е в т е м г а: Тусь дембе пиземе.

1. Пуvasь лембе варма. 2. Нармунень пизэтне чамсть. 3. Эйдекс пейди тундонь чись. 4. Вармань коволось ютась виренть велькса. 4. Вайгелев цёковнесь морот чоледи. 5. Тетянь валонзо мон а стувтсынъ.

61. Лемдинк текстэнтъ. Сёрмадынк. Точкатнень таркас смустень коряс путодо определения, тешкстынк сынст эрявикс киксэ.

1. ... теvентень ламо превть а эрявить. 2. Кие эрямосонтъ ... киява туи, се ... эрямо муи. 3. ... алашась борозданть а коласы.

62. Ловнынк. Валрисьметнесэ муинк определениятнень. Невтинк сёксень садонтъ. Кодат определения тынь соваvтыде?

Кизна садось валдо чинть ало лексесь тантей коштсо. Эрьва чувтонть тарадонзояк, пиже чевте лопине марто тарадкетнеяк кенярдозь вансть ды стамбарнэ лыйнестъ варминедентъ. Ней жо сась рудазов, тардев сёксъ. Умок пурназь садстонть умартне. Умок чупонезь умарькстнэнь алксост ...

13 §. Обстоятельствась.

Ловнынк. Валрисьмень кона прявт пельксэнтъ чарькодеvти явовтозь валось, мезе невтеви ды ко-дамо кевкстема лангс отvечи?

х. [кодамо?] ↓
Н е в т е м г а: Пачкодинъ (козо?) покш килангс.

Молян **вирьганть**, ванан. Пачкодинъ покш латкос. Симинъ лисьмастонть ды озынь **тумо алов** оймсеме. **Аламос** аштинъ ды варштынъ верев, — абунгадынъ: чувтнэнь **вельксстэ** неинъ истяшка пизэ, кона кото тумо пряс цяк-цяк кельгсь.

Обстоятельствась — валрисьмень аволь прявт пелькс, конанень путовить кевкстемат *косо? зярдо? зярс? ков? кува? косто? кода?*

Обстоятельстватне невтить теvтеема тарка, шка ды сень, кода теvтеемась теvви. Обстоятельствась кикстави истя _ . _ . _ . _ . _ . Валрисьмесэ обстоятельстватне невтеvить наречиясо, косвенной падежень существительнойсэ.

63. Сёрмадынк. Муинк валрисьмень пелькстнэнь. Ёвтынк, кодат кевкстемат аравовить сыненст, кона валтнэненъ сынъ аравовить.

х.
кода?
кува?

Не в т е м г а: Сынъ молить стамбаро мельган.

1. Чокшне Натальнень састь ялганзо. (К. Абрамов.) 2. Кувать кутморясь ды велявтнесь рунгосонзо вармась. (А. Куторкин.) 3. Моданть вельксс новольсь телень цят якшамо ве. (И. Калинкин.) 4. Чокшнестэнтъ пувазевсь варма, тештетнень кармасть вельтямо раужо пельть. (В. Алтышкин.) 5. Вирентъ ёндо пуvasь опаня вармась, — кандсь монь седейс тиринь велень вайгельть. (А. Лукьянов.)

64. Сёрмадодо валрисьметь неть схематнень коряс:

1. а) .
 б) ~~~~ .
 в) ~~~~ .

2. Максозь валрисьметнень невтинк схемасо.

- а) Ковось веньперть ваны сэтьме эрьке лангс.
 б) Ваньканень аволь весть савкшнось лездамс ялганстэнь.

65. Артовксонтъ коряс арседе валрисьметь или сюлмазь нурькине ёвтнема. Невтинк эрявикс киксэ валрисьмень пелькстнэнь, аволь прявтоцетнень.



14 §. Апак келейгавтозь ды келейгавтозь кавто составонь валрисьметне.

Ловнынк. Муинк валрисьмень прявт пелькстнэнь. Мейсэ явовить вейкест-вейкест эйстэ керш ёно ды вить ёно максозь валрисьметне?

1. Пиземесь пизи.

1. Пиземесь пизесь
веньперть.

2. Моро моратано.

3. Ливтясь яксярго.

2. Верьга вайгельть
моро моратано.

3. Ливтясь яксярго
верьга-верьга.

**Валрисьметненень, конат аштить ансяк прявт
пелькстнэстэ, мерить апак келейгавтозь.**

**Валрисьметненень, конатнесэ прявт пелькстнэде башка
ули вейке или вейкеде ламо аволь прявт пелькс, мерить
келейгав-тозь валрисьметь.**

66. Сёрмадынк. Невтинк эрявикс тешкссэ валрисьмень юронть. Конат валрисьметне апак келейгавтозь, конат — келейгавтозь. Сёрмадынк башка валсюлмавкстнэнь «глагол + наречия».

Н е в т е м г а. Менельксэсь полавтовсь (апак келейг.). Сиртесь пургонды весемеде мейле (келейг.).

Сась телесь. Килеенть тёкшкесэ сорны лопинесь. Сон кадовсь ськамонзо. Ялганзо умок лекшкадсть мода ёжос. Сынь удить а явовиця удомасо. А сон цидялды. Мерькасть эйсэнзэ сёксень тарькс якшамо пиземетне. Велявтнэсть сонзэ телень варматне. Пря киненьгак эзь максо. Учось виев варма... Учось истя лопась тундос.

(Нуянь Видязень коряс.)

67. Апак келейгавтозь валрисьметненень теинк келейгавтозекс. Сёрмадынк. Ёвтынк, кодамо кевкстема путови аволь прявт пелькстнэненень.

1. Пувась варма. 2. Сёксесь тарди. 3. Атякштнэ морыть. 4. Модась оймси. 5. Кискась онги. 6. Каштмолезевсь виресь.

68. Максозь валтнэстэ тееде апак келейгавтозь валрисьметь, конат вейсэндязь «Сёксень самось» темасонть:

1. Пиземе, варма, чувтнэстэ, нармунтне;

2. Пизи, пуви, прыть, тюжалгадыть, ливтить.

69. Сёрмадынк. Кикстынк прявт пелькстнэнь. Чарькодевинк валрисьметнесэ улэзь аволь прявт пелькстнэнь. Кодамо валрисьме совавтови (сущ., им. п.) — (сущ., им. п.) схеманть?

1. Машинась лоткась эстакадонть ваксс. 2. Чочктне ливтнезельть ды вачказельть орта икелев. 3. Вармась килеень пилекстнэнь сези. 4. Ушось тештте пешксе. 5. Тесэ тонь ломанесь — азор. 6. Паксясь келей, келей.

7. Оймест ванькст. 8. Прядовсь сокамось. 9. Мольтяно велев.
10. Солдатось — масторонь ванстыця.

70. Лувонь (планонь) коряс ёвтнеде валрисьмень прявт ды аволь прявт пелькстнэде. Кашо валонк кемекстынк кортамосо.

1. Валрисьмень пелькстнэстэ конатне лововить прявтоцекс?
2. Кодамо кевкстема аравтови подлежащеентнень?
3. Кодамо кевкстема путови сказуемоентнень?
4. Валрисьмень пелькстнэстэ конатне лововить аволь прявтоцекс?
5. Валрисьмень аволь прявт пелькстнэстэ конась невти предметнень уликсчи (признак)? А конась – тевдеема?

15 §. Вейкеть пелькс (однородной член) марто валрисьметне.

Ловнынк. Тееде валрисьмень пелькстнэнень ваннома.

1. Коштось качадсь пичеойсэ ды килей цюцовсо. 2. Ракшась эськелясь чирьстэ пильгень путнезь, парась пиже-ожо вайгельсэ. 3. Мартонзо сась цёрась сэрей ды чова рунго.

(А. Доронин.)


Невтинк валрисьмень вейкеть пелькстнэнь. Мезе вельде сынъ эсь ютковаст сюлмавить? Кодамо кортамо пельксэ ёвтазь?

Валрисьмень вейкеть пелькстнэнень путовить вейке теке жо кевкстемась, аравтовить валрисьмень кодамояк вейке пельксэнтень.

Валрисьмень вейкеть пелькстнэ вейкест-вейкест эйстэ аволь кундавозь-сюлмазь (зависимойть) ды ёвтавить вейкенъ-вейкенъ мельга вайгелень ветямо марто. Н е в т е м г а: *Кувсезь увныть килейтне, пойтне, пёкшетне.*

Валрисьмень вейкеть пельксэкс эрсить подлежащеенть пингстэ зярыя сказуемойть ды определения, сказуемоент пингстэ – зярыя подлежащейть, дополнения, обстоятельстват. Определенияне валрисьмень вейкеть пельксэкс эрсить дополнениянт пингстэяк.

Валрисьмень вейкеть пелькстнэ:



71. Ёвтынк, валрисьмень пелькстнэстэ, конатне лововить вейкетъ пельксэнь, кодамо кевкстема сынест аравтови. Сёрмадынк, валрисьмень вейкетъ пелькстнэнь тешксынк.

1. Телесь а эрси ловшушмовтомо, маней кельме чивтеме, сэтьме чокшневтеме. 2. Варакатне, чавкатне, сезыгантнэ, озязтнэ тельняк кадновить эсь эрямо таркаваст. 3. Укштортнэ сёксень куншкасо палсть якстере толсо, килейтне невтнестъ эсест ожо валдост, тумотне учость виевтеме лопань прамост.

72. Ловнынк текстэнтъ. Лемдинк сонзэ.

Косто муемс истят морот, конат сэрсь-келес шнавлидизь?! Тон инепевтеме мастор, потьма вирьсэ сюпават, домка лейсэ вандолдат. Пижеде пижеть тонь лугатне, цят раужот тонь паксятне.

Муинк валрисьмень вейкетъ пелькстнэнь. Сёрмадынк сынст сеть валтнэненъ, конатненъ марто сюлмавить. Ёвтынк, мекс васенце валрисьменьтэ пес путовить (!) лотксема тешкстнэ.

73. Прядынк валрисьметненъ скобкасо максозь валтнэсэ. Валрисьмень вейкетъ пелькстнэнь сюлминк **ды** сюлмиця валсо (союзсо), конаньсэ невтеви вейкенъ-вейкенъ мельга вайгелень ветямонтъ прядомазо.

1. Пандо чамава таргавсь яннэ. Эзганзо кузсть (ава, тетя, патя, покштя). 2. Лугалангсо пряст невтнестъ (ожо, сэнь, ашо) цецятне. 3. Велентъ песэ ашти (аволь покш кудо, кавто утомт, тувонь кардо).

74. Прядынк (сёрмадозь) ушодозь валрисьметненъ. Вейкетъ пелькстнэ улест определения марто.

1. Спортонъ пелькстамонтень састъ гимнастнэ ..., ..., 2. Столь лангс путсть умартъ, ..., 3. Минек школантъ перька касыть сэррей пичеть, ..., ..., ... 4. Монъ тетрадьс сёрмадозь ёвкст, ..., ..., ... 5. Паксятнесэ кенерсть сырненъ товзюрось, ..., ...,

16 §. Вейкетъ пелькс марто валрисьметнесэ лотксема тешкстнэ.

Ловнынк валрисьметненъ, конатнесэ вейкетъ пелькстнэ эсь ютковаст сюлмазь *вайгелень ветямосо* **ды а, но** сюлмиця валтнэсэ.

1. Степесь келей, келей ... А кудот, а велеть, а лисьмат, а лейнеть, а яннэть, а кить. (П. Любаев.) 2. Ютат ловонтъ ланга, а мельгат кадат домка

пыльге кикст. 3. Кувать эрясь покштям, но неявсь жо а сырекс. 4. Ламо ёвтнемат Петя цёрынесь ловнось, а истямонть — васенцеде.

Кодамо лотксема тешкс путови неть валрисьметнесэ?

Валрисьмень вейкеть пелькстнэнь юткс путневи запятой, улиндеряйт сынь апак сюлма сюлмиця валсо, или сынь сюлмавозь а, но сюлмиця вал вельде.

1. Олась сырнень чивалгомась
Арасть вайгельть,
Арасть ломанть.
Кососяк а куш а каш.
(Д. Надькин.)
 2. Ванодо — ливтить! — вейке омбонь сасы.
Мон – тов!
Мон нейке, келей Бука эрьке!
Састь утякат,
А туить тестэ васов!
(А. Арапов.)
 3. Галкин комась удыцянтъ велькс, аламос
вансь лагозонзо, кунсолызе, кода лекси, но эзизе
стявто. (К. Абрамов.)
- (=) , но (=) .

Валрисьмень вейкеть пелькстнэнь юткс запятой а путневи, сюлминдеряй ды союзось кавто валрисьмень пелькст.

Менелесь олазь, сэнь ды кельме.
(А. Эскин.)

75. Сёрмадынк валрисьметнень. Вейкеть пелькстнэнь, косо эряви явинк запятойсэ. Ёвтынк, кодамо валрисьмень пелькссэ аравтовить вейкеть пелькстнэ.

1 Пинге эряк, пинге тонавтнек. 2. Кельме теште мазый теште эйсэнь вансты эйсэнь эжди. (А. Арапов.) 3. Ютась пиземе но пулентъ киланга эзизе мадсте. 4. Тусь кулясь велентъ келес мейле пачкодсь омбо велев. 5. Чись уш менель куншкасо а лембезэ арась. 6. Паро таштадо важовчисэ изнядо-панеде зыянт. 7. Муинь ён таркине ды озынь.

17 §. Пшкадема марто валрисьметне.

Ловнынк валрисьметнень марямга. Аравтынк сынст карадо-каршо вайгелень ветямонь (интонациянь) коряс.

Пшкадемась – те вал или валсюлмавкс, конась невти сень, кинень пшкалить кортамсто.

76. Ловнынк. Муинк пшкадема тнень. Ёвтынк, кодат пшкадема марто валрисьметне кортавоксонь путовксонь (целень) коряс.

1. Ох, ялгинень-дугинень,
Ох, ялгинень-оинень,
Монень нарядт-оршамкат
Кодаткак а эрявить. *(Д. Морской.)*

Валрисьмень вейкетъ пелькстнэнь юткс запятой а путневи, сюлминдеряй *ды* союзось кавто валрисьмень пелькст.

2. Палт, седей! Иля сода сизема. *(П. Любаев.)*
3. Кастыть цёрат, тейтереть, эрзянь ава,— Сынъ а вешнить тевень шожда петь. *(Ч. Журавлёв.)*
4. Мекс тон нусманят, тейтерне? Сынъ тетъ ладить, сынъ тетъ молить. *(В. Корчеганов.)*
5. Шумбрат, авай! Пачтян кучомасон: Курок сан, вачкодян вальмас ветъ. *(С. Кинякин.)*

Пшкадемась валрисьмень лия валтнэнь эйстэ явови запятойсэ. Аштинде-ряй пшкадемась валрисьмень ушодкссо ды марявиндеряй виев ёжомарямо марто, сестэ мельганзо путови серьгедемань тешкс. Н е в т е м г а: Авай, авай! Кода тон монень эряват!

77. Сёрмадынк. Пшкадеманть тарканзо полавтынк. Путодо эрявикс лотксема тешкст.

Н е в т е м г а: **Оям**, мезе лиссь тонъ марто? Мезе лиссь, **оям**, тонъ марто? Мезе лиссь тонъ марто, **оям**?

1. Ней ялгат ёвтавлия мелем эсенек веледентъ.
2. Мон Иван Тихонович сизинь эйсэть вешнезь.
3. Сюкпря тетъ ялгинем паро валот кис. 4. Митя мезть кармат тейнеме чокшне.

78. Сёрмадынк, нолдазь лотксема тешкстнэнь путнезь. Пшкадемазнень алга кикстынк эрявикс тешкссэ.

1. Косо Ваня? Цёрат муинк Ванянь. 2. Иля кежиявтне тон якшамо теле.
3. Ульть шумбра

Лена Вадря оймсема тетъ! 4. Миколь лоткатано аламос, оймсетяно, оймем таргаса. 5. Вай, кодашка кеняркс эйднем тон монень кандыть! Жойнек жойнек монъ цёковнем баягинем горниповнем.

79. Ловнынк. Муинк пшкадемазнень, путнинк лотксема тешкстнэнь. Ёвтынк, кодамо лотксема тешкссэ сынъ явовить. Лемдинк текстэнь.

Пейделька минъ седе тов а ютавтано, – мерсь кедьнимилявосъ ды лоткась ливтямодо. Тейтернесъ молись кевентъ малас ды валдостонтъ несъ нулав бабине ды цёра. Бабась кортась:

– Цёрам куток мон туян тов, косот покштятне-бабатне, секскак максса тонеть кадовикс вием. Пейделька кевкстизе кедьнимилявонтъ:

– Тюжине кить нетъ ломантне?

– Те Лецькай баба цёранзо марто.

– Мезе сынъ теить тесэ.

– Сынъ тесэ эрить. Лецькай баба кучни мода лангс эрьва кодат ормат.

– Сестэ чарькодия, – мерсь Пейделька ды таго кекшсь кевентъ удалов кунсолomo. (М. Тарасова.)

80. Сёрмадодо сёрма эсенк ялганк туртов седе, кода тонавтнетядо, оймсетядо. Сёрмасонтъ улест пшкадемаз.

18 §. Валрисьмень ванномась.

Ванноманъ теemasъ:

1. Валрисьметнень лемест кортамонъ коряс.

2. Валрисьментъ юрозо (прывт пелькстнэ).

3. Валрисьментъ явовомазо аволь прывт пелькстнэнь улемаст ды а улемаст коряс.

4. Аволь прывт пелькстнэ (улиндеряйть сынъ). б. Вейкетъ пелькс марто валрисьметне (улиндеряйть сынъ).

5. Пшкадемазь (улиндеряй).

Ванноманъ невтемга:

(п р е в с э)

Састо ютнесть сумбура якшамо читне.

Те валрисьмесь ёвтнемань. Валрисьмень юрость — читне (подлежащей), ютнесть (сказуемой). Валрисьмесэнтъ улить аволь прявт пелькст, секс сон — келейгавтозь. *Читне* (кодат?) сумбура якшамо — определения. *Ютнесть* (кода?) састо — обстоятельства.

(с ё р м а д о з ь)

кода?

Састо ютнесть сумбура якшамо читне.

Васенце валрисьментень теде аволь сёрмадозь ваннома, омбоцентень — сёрмадозь.

1. Чокшне минек садсо гайгить цёковонь морот. 2. Кизэнь чивалгомась палсь якстере кумацекс.

19 §. Союз марто стакалгавтозь (сложной) валрисьметне.

Олась сырнень чивалгомась.

Экше кошт пувазевсь виренть ёндо.

Пувась телень тарькс варма, ды кардазонть велькса кандсь ловонь коволт.

Алёша ещё эзь пачкоде, кода сонзэ пилес каятотсь виев лажнома.

(Н. Эркай.)

Конат невтемгань кис саезь валрисьметнестэ апак стакалгавто, конат — стакалгавтозь? Муинк апак стакалгавтозь (простой) валрисьметнестэ сынст юрост. Невтинк стакалгавтозь валрисьметнень прявт пельксэст (юрост). Зяро апак стакалгавто (простой) валрисьметь стакалгавтозетнесэ (сложнойтнесэ).

Сюлмиця вал (союз) марто стакалгавтозь валрисьмесь ашти кавто или седе ламо апак стакалгавтозь валрисьместэ. Стакал-гавтозь валрисьмесэнтъ эрсить зярыя прявт пелькст, апак стакалгавтозетнесэ прявт пельксэсь вейке.

▲ Стакалгавтозь валрисьмесэнтъ весе пелькстнэ сюлмавить эсь ютковаст смустень ды вайгелень ветямонь (интонациянь) коряс.

Стакалгавтозь валрисьмень пелькстнэ, конатнень улить эсест юрост, сюлмавить вейкест-вейкест марто **а, но, ды, мекс, кона, кода,**

кодамо, зярдо, косо сьолмиця валсо, сёрмадомсто сынст икеле свал путови запятой.

Н е в т е м г а:

1. Зярдо сырги ялгат васов, мерть ильтямсто: «Паро ки!».
2. Олда эзь кенере кургонзо автеме, **кода** цёрась путынзе ярмактнень кедезэнзэ.
3. Кенкшесь панжовсь, ды совась кабинетэнзэ азорось.
4. Пандонтэ экштэ лиссь чись, но курок сонзэ кекшизь пельтне.
5. Шкась ульнесь уш пелеведе мейле, а учите-лентэ кудосо эзь маде толось.

81. Ловнынк. Ёвтынк, конат валрисьметне апак стакалгавтозь (простойть) ды конат стакалгавтозь (сложнойть).

1. Курок гайгезевсь музыка, ды те тейтересь прок вельмесь. (Т. Разгуляева.) 2. Эрясь велесэ цёранзо марто ве ава, цёрантень мерильть Амельдей. (М. Тарасова.) 3. Тедеде тундось сась та-кода апак фатя. (В. Алтышкин.) 4. Те шкас а содан, мекс ломантне лемдизь сонзэ Тумо Петякс. (Л. Седойкин.) 5. Кувать вадяшась эйсэнь лембе вармась. (А. Арапов.)

Н е в т е м г а: *Сёксесь экишесэ лекси вальмава.* — Валрисьмесэнтэ вейке юр. Валрисьмесь апак стакалгавто. *Кармась чополгадомо, ды Сергей озась автобусс,* — валрисьмесэнтэ кавто юрт: 1) *Кармась чополгадомо;* 2) *Сергей озась.* Те валрисьмесь — стакалгавтозь, ашти кавто пельксстэ.

82. Сёрмадынк. Путодо, козо эряви, запятой ды сьолмиця валонтэ икеле. Алга кикстынк валрисьмень прявт пелькстнэнь.

1. Авазо мезеяк эзь мере, баславизе ды сонсь тусь. 2. Чинь струятне ансяк тия-тува пачкодильть тумо тарадтнэнь юткова ды прыльть тикшентэ потс. 3. Лопатне вармадонть казямосто каштордсть ды те кашторксось эцесь седейс. 4. Таго аштян ташто кудо куншкасо ды кодаяк а сыргаван таркастон. 5. Нуема шкастонть сон тукшны кудосто пиже зорява ды сакшны чинзэ валгомадо мейле.

83. Сёрмадынк. Ёвтынк, кона валрисьметнесэ *а, но, ды* сьолмиця валтнэ простой валрисьметнэнь теить стакалгавтозекс, конатнесэ сынэ сьолмить валрисьмесэ вейкетэ пелькстнэнь. Толковинк запятойтнэнь путомаст. Валрисьмень прявт пелькстнэнь алга кикстынк.

1. Варштынэ сонзэ сельмс, ды скирьк тейсь седеем. 2. Чись кодамо лембе илязо уле, а ушодонтэ мейле кудосонтэ ялатеке вадря. 3. Ожо мекшесь

ливтась вейке ципакиненть малас ды кармась тердеме эйсэнзэ нешке пирев.
 4. Чинь-чоп учость велень эрицятне пиземе, но сон эзь учово.
 5. Сундeryгадозь сын лиссть кекшема таркастост, сорновтызь лангстост олгосюватнень ды сыргасть васоло неявиця виренть ёнов. 6. Ялатеке ловинек вейкенек-вейкенек оякс, ды мон мезеяк берянь тензэ эзинь арсе.

84. Теинк аволь стакалгавтозь валрисьметнень стакал-гавтозекс. Сёрмадынк сынст. Путнинк лотксема тешкст-нэнь. Прявт пелькстнэнь алга кикстынк.

а) союзтомо.

1. Садо тей эрямо. Учи эйсэнек велесь. 2. Лембестэ варминесь пувась. Цецятне тенень кенярдозевсть. 3. Шкась ютась. Чизэ валдомсь. 4. Теде содыль ансяк сонсь. Лият жо тунь теде эзть сода.

б) **ды, но** валсюлмицятнень марто:

1. Вишкине ульнесь. Сельме икеле кармась касомо. 2. Миша икелензэ путсь ярсамопель. Сон (кискась) эзь варштаяк ярсамканть лангс. 3. Леесь лиссь берёксто. Лаймесь вельтявсь ведьсэ. 4. Пандонтэ экшстэ варштась чись. Весемесь кенярдозевсь.

**Апак стакалгавто валрисьметне стакалгавтозевекс
 вейсэндявить сюлмиця лия вал вельдеяк: *бути, косо, кона, кода*.
 Неть сюлмиця валтнэнь икеле путневи запятой.**

85. Сёрмадынк валрисьметнень. Сюлмиця валтнэнь кикстынк. Икелест путодо запятойть.

1. Мекшвелесь ульнесь покш пурьгинепалак-сонь корёнсо кона алга ледезель ды ёртозель нуезь розенть марто. 2. Киштеме сон эзь машто, кода понгсь аволясь кедьсэнзэ менчесь пильгесэнзэ. 3. Велентень сын совасть чокшне зярдэ кудотнева уш неавсть толт. 4. Алёша эзь дивсе калтнэнь лангс секс што калонь кундамось сонензэ ульнесь аволь од тевекс. 5. Сонзэ ялганзо истя тейнекшнесть бути ковгак эрявсь модемс ды теде а содавольть тетяст-аваст. 6. Вирьсэ эрьва тикшесь доктор – содындерясынк сонзэ парсте.

86. Арседе максозь схематнень коряс стакалгавтозь валрисьметь. Сёрмадынк. Алга кикстынк валрисьмень прявт пелькстнэнь.

- | | |
|---|---|
| 1. 1) , 2) | 2. 1) , ды 2) |
| 3. 1) , но 2) | 4. 1) , кона 2) |

87. Арседе, кода прядомс стакалгавтозь валрисьметнень пест.

1. Чизэ кармась чопотеме, а тевесь 2. Сась декабрьсь, но
3. Максим атя эзизе маря, кода 4. Цёрынетне сыргасть веленть пев, косо
....

5. Авазо мезеяк эзь мере, баславизе, ды 6. Пувась шождыне
вармине, кона 7. Сон кодаяк эзь чарькоде, мезе 8. Энялдан икелест,
ёвтамс, кода

88. Тееде стакалгавтозь валрисьметь, конатнесэ смустень коряс улест
ды, но, кода, зярдо сюлмиця валтнэ.

1. Чизэ кузь верев.	Ушодсь пек калямо.
2. Лосьсэ тусь пиземе.	Лембе ушосонт а маряви.
	Минь пачкодинек эсенек велес.
	Кинть ланга появасть
	чудикерькст.
	Пек курокто лоткась.
3. Умок чарькодинь.	Те шкасто гайгезеви моро.
	Эряволь лездамс тензэ.

20 §. Стакалгавтозь валрисьмень ванномась.

Ванномань теemasь:

1. Кортамонтъ путовксонзо (целензэ) коряс валрисьмень видзэзэ.
2. Стакалгавтозь валрисьметнесэ апак стакалгавтозтне, сынст юрост.
3. Кода сюлмавить стакалгавтозь валрисьметнесэ апак стакалгавтозтне.
4. Лотксема текшкстнэ.

Ванномань невтемга:

(п р е в с э)

Обед малав пувазевсь варма, кармась прямо лов.

Валрисьмесь ёвтнемань, стакалгавтозь, ашти кавто валрисьмень юрсто,
конатне апак стакалгавтозь. Юрось васенцесэнтъ — *пувазевсь варма*,
омбоцесэнтъ — *кармась прямо лов*. Стакалгавтозь валрисьмесэнтъ, апак
стакалгавтозтне сюлмавить вайгелень ветямосо, явовить запятойсэ.

(с ё р м а д о з ь)

Обед малав пувазевсь варма, кармась прямо лов.

89. Максозь схематнень коряс арседе валрисьметь. Темась «Сёксень
прядомась».

1. ~~~~ ~~~~ =~~~ , ~~~~ - - - - =~~~ .
2. 0, ~~~~ - - - - =~~~? 3. ~~~~ , 0, - - - - =~~~ .
3. 1) , ды 2) 4. ~~~~ ~~~~ =~~~ - - - - !
5. ~~~~ ~~~~ - - - - =~~~ , кона =~~~ - - - - .

90. Диктант. Явовтозь валсюлмавкстнэстэ тешкстынк прявт валонть — существенноенть.

Омбоце чи арды поездэсь. Удалов кадовсь Оренбург ошось. Минек бабинетне те шкас эзизь кончтне сельмест. Сынъ аштить озадо тумбочканть кавто бокава ды чоледить цёковокс. Кие зярдо-бути вечксь ды ульнесь вечкезекс, эзизь стувто сеньгак, кода сынъ паро мельсэ ютавнизь шкаст тантейстэ кортнезь. Од тейтертне ды цёратне те кортнеманть кис кой-зярдо кадылизь удомасткак, ярсамосткак. Истямо жо ёжо марто ютавнесть шкаст сыре атятне ды бабатне, бути ладить **сынст валост**. Велесэ сеедьстэ эрси истяня: вастыть кавто атят чокшне, нежедить карадо-каршо ортань трокс ды, кортазь, стувтсызь весе тевест. Сынъ явить вейкест-вейкест эйстэ сестэ, кода аватне лисить **валске скалонь потявтомо**.

21 §. Виде кортамось.

Ловнынк.

Лидия Андреевна Русланова, зярдо сонзэ кевкстизь микрофон марто сцена лангс лисезь морыцятнеде, пейдезь мерсь: «Мезекс монень микрофонось? Вайгелем истякак зярс а лепамкшны. Моронть а тошкить, сонзэ эряви морамс. Арась вайгелеть, озак залс ды аштек, кунсолок, кода лиятне морыть».

Кие меринзе явовтозь валтнэнь? Кона сёрмадовкссонть неть валтнэ ёвтазь сонзэ лемстэ? Евтынк валрисьметнень, конатнесэ карминек содамо, кие меринзе сынст.

Виде кортамось — кодамояк ломанень валт, конат ёвтазь сонзэ лемстэ. Виде кортамонть пингстэ эрсить авторонь валт, конатнесэ невтеви, кие ёвтызе виде кортамонть.

Авторонь валтнэ:
Виде кортамось:

*Юртай апак учо пикадсь инженжень:
«Эрья ёвтника тенек, мень вармат
кандылизь минек ёнов?»*

Авторонь валтнэ



Виде кортамось




91. Ловнынк валрисьметнень. Авторонт валтнэ виде кортамонт пингстэ ёвтавить аламодо бойкасто ды вайгелень алкинъгавтозь. Ёвтынк лотксема тешкстнень, конат явовтыть авторонь валтнэнь мельга молиця кортамонт эйстэ кортамодонт.

1. Авам мерсь монень: «Паро теят — паро неят». 2. Ледстнесынъ деданъ валонзо. Сон свал кортнесь: «Лакси аволь узересь, ёроков кедесь». 3. Апак учо цёракаесь меревсь: «Мон пек чуман, тетяй?» 4. Перть-пельга марявсть вайгельть: «Сёлтось сезевсь! Сёлтось сезевсь!» 5. Весень кисэ мерсь Витя: «Сатано, сатано! Свал карматано сакшномо тенк лездема.

Виде кортамось саеви кавычкасо, сонзэ васенце валось сёрмадови покш буквасо. Ав-торонь валтнэнь мельга виде кортамонт икелев путовить кавто точкат. Аштиндеряй виде кортамось авторонь валтнэнь икеле, мельганзо путови или запятой, или кевкстемань, или серьгедемань тешкс ды эрванть мельга — тире. Авторонь валтнэ ушодовить покш буквасо.

Овтось сеери: «Медь! Пекше медь! Садо, рамадо! «Ваднека тень, Миша, киш ланга. Варчаса! — човине вайгельсэ рангстась Ривезькесь.



92. Сёрмадынк васня авторонь валтнэнь мельга аштиця виде кортамо марто валрисьметнень, мейле — авторонь валтнэнь икеле аштиця виде кортамо мартотнень. Путник лотксема тешкстнень.

1. Вадря куля кандсь Васька /рангстась васол-до Миша. 2. Петя мерсь /Те тевесь эряви теемс апак капша. 3. /Эрванть эсензэ пингезэ /нусманясто пейдезевсь ды мерсь покштям. 4. Сестэ вана мезе тейтяно /мерсь ялгам /ванды мольтяно вирев. 5. /Эйкакш шказо эль юты /мерсь Васянь авазо. 6. /Илямизь стувтне, сакшнодо /энялдсь Тюма атя. 7. /Сатано, сатано / весень кисэ серьгедсь Витя.

93. Полавтынк авторонь валтнэнь ды виде кортамонт (валрисьметнень) таркаст. Полавтынк, косо эряви, авторонь валтнэсэ валтнэнь таркаст. Кикстынк глаголтнэнь, конатнесэ виде кортамось совавтови валрисьмес.

1. «Кода эзинь сеере тензэ, сон эзь велявто», — кортась лелям. 2. Сон энялдсь: «Инеськетъ, садо монень инжекс!» 3. «Мерят тень те теवंть теємс? — кортась Васянь ялгазо. 4. Георгий згилязь мерсь: «Вельть уш кувать вешнить эйсэнь». 5. «Ярсадо, ярсадо, эйкакшт, умартнеде», — каванясь эйсэнек кудонь азорось. 6. Саша серьгедсь: «Кувать эно иляк кирде, мон учомо карман сонзэ».

22 §. Кавто ломань ютксо кортамось (диалогось).

Ушонть саизе ожо тюз, ансяк озим паксясь пижесэ сельмть кери. Сонзэ чирева ютамсто Екатерина Ивановна кевкстинзе васенце классо то-навтницятнень.

– Мезе тесэ касы? – ды невтсь озиментъ лангс.

– Те – луга! – серьгедсь Деляй Миша, ашо пря цёрабайнесь. — Вана касы, ды ледсызь. Мейле костясызь ды эцесызь латалов!

– Ледсызь! – прась валонзо трокс Алькань Наташа, безыгун тейтерькинесь.

– Аламодо касы ды ланганзо нолдыть скалт, реветь.

– Паряк кияк лиякс арси? – таго кевкстсь учительниаст.

Эйкакштнэ чатьмонсть.

Екатерина Ивановна варштась паксянтъ ёнов, арсезевсь мезде-бути ды мерсь:

– Сестэ вана мезе тейтяно — ванды мольтяно экскурсияв!

– Ур-ра! – ве вайгельсэ пижакадсть эйкакштнэ. – А ков?

– Ванды тынсь несынк! — мизолдозевсь Екатерина Ивановна.

Зяро ломанть ветясть кортамонть? Кие ёвтынзе валтнэнь «А ледсызь!». Ловнынк эрва кортыцянтъ валонзо авторонь валтнэвтеме. Ёвтынк, кодат кортамонь коряс неть валрисьметне.

Диалогось — те кавто или седе ламо ломанень ютксо кортамо. Эрва кортыцянтъ валонзо диалогсо сёрмадовить од строчкасто. Сынст икелев путови тире.

Улиндеряйтъ диалогонь пингстэ авторонь валт, сестэ путовить неке жо лотксема тешкстнэ, кодат эрсить виде кортамонть пингстэ (ансяк кавычкавтомо).

94. 1) Ловнынк ёвкссто саезь пельксэнтъ. Ёвтынк, зяро ломанть ветясть кортамонть. Чарькодевтинк диалогсо лотксема тешкстнэнь путнемаст.

Вастаня сыргась кудонть вешнеме. Мольсь, мольсь — муизе, совась ды несъ тосто сзрей цёра. Сюконясь тензэ, корты:

– Тонь кисэ Нардавань кучимим.

– Сестэ сыргатано.

Састъ Нардавантень, тона кевкстни:

- Мартот, Мараля, налчирькесь?
- Мартон.
- Кодя ней ведь чакшонть верев пачтямс?
- Мон содаса кода, — мерсь Вастаня. — Эр-мина, лездак монень! — серьгедсь тейтернесь.
- Пувазевсь варма, кивчкадсь ёндо, ды пель-тнень ютксто валгсь мода лангс сёлмов тейтерь.
- Вастаня, мейс тердимик?
- Эрмина, эряви кепедемс верев те чакшонть.

(Марина Тарасова.)

Сёрмадо до диалогстонть а вейкеть лотксема тешкс марто колмо валрисьметь. Невтинк сынст эрявикс тешкссэ.

2) Прядынк ды сёрмадынк телефонсо кортамонтъ, тень кисэ совавтынк диалогс ало максозь валтнэнь.

Шумбрачи, инеське, сюкпря, простямизь, вас-томазонок.

– Шумбрачи! Инеське, тердинк Митянь. Ули мелем кортамс мартонзо...

Валзюлмавкстнэ ды валрисьметне тонавтневить кельденть наукань башка пелькссэ – синтаксиссэ. Лотксема тешкстнэнь видестэ путнеме тонавты пунктуациясь.

Мельсэ кирдемга.

1. Евтадо валзюлмавкст. Невтинк прявт ды аволь прявт валтнэнь.
2. Мезентень мерить валрисьмень юр?
3. Кодат эрсить валрисьметне кортамо аравтомань коряс?
4. Кодат лотксема тешкст путневить валрисьметнень песэ?
5. Валрисьмень кона пелькстнэ прявтонь?
6. Кодат эрсить валрисьметне аволь прявт пелькстнэнь улемаст коряс?
7. Ёвтадо валрисьметь, конатнестэ улезэ ансяк ве прявт пелькс.
8. Кодат эрявикс уликсчист (признакост) вейкеть пелькс марто валрисьметнень?
9. Кодамо лотксема тешкс путневи валрисьмень вейкеть пелькстнэнь ютксо?
10. Мезе те пшкадемасть? Кодя сон явови сёрмадомсто?
11. Ёвтадо валрисьметь, косо секе жо валось аштевель бу пшкадемань ды подлежащеень рольсэ.
12. Кодат эрявикс уликсчинзэ стакалгавтозь валрисьметнень? Кодя явовотить вейкест-вейкест эйстэ сонзэ пельксэнзэ сёрмадомсто?


13. Ёвтадо, косо ды сюлмиця валось сюлми: а) валрисьмень юрт;
 б) стакалгавтозь валрисьмень пелькст. Толковинк лотксема тешкстнэнь
 путнемаст.


14. Мезе те виде кортамось? Мезе те диалогось? Кодя явови
 сёрмадомсто диалогось?

15. Сёрмадодо валрисьметь неть схематнень коряс:

1. — == . 4. — == — — — ды — — — .

2. — == — — — . 5. ~ — == ды == — — — .

3. — — — == ~ — 6.  .

7. ”  ? “ —  . 8.  , — == — — — — — !

ФОНЕТИКАСЬ. ГРАФИКАСЬ. ОРФОГРАФИЯСЬ. ПАРСТЕ КОРТАМОСЬ.

23 §. Кортамонь гайтне, сынст теевемаст.

Кортамось ашти гайтьстэ. Сынть теевить ломанень кортамонь органтнэсэ. Эрьва валонть улить эсензэ гайтензэ.


Ёвтынк валтнэнь, конатнесэ лемдевить артовкссо невтезь предметнэ.



Ёвтынк эрьва валонть гласной ды согласной гайтензэ. Кодат гласной гайтть сынст ютксо арасть?

★ Ваннынк артовксонть. Ёвтынк, кодат кортамонь уликт (органт) нолдавить тевс гайттнень теемстэ.

1. Ярсамопелень молема яннэсь.
2. Кирьгапаресь. 3. Вайгелень сантнэ.
4. Кирьгапарень вельксэсь. 5. Келесь. 6. Кельнесь.
7. Чевте кургоменелесь. 8. Кеме кургоменелесь.
9. Пейсывельтнесэ «пизынетне», козо аравтневить пейтне (альвеолат). 10. Пейтне. 11. Турватне.
12. Кургопотмось. 13. Судопотмось.



▲ Кортамонь гайтне теевить ансяк сестэ, зярдо тевелявтнестэ коштось лексемань кинть эзга сови кирьгапарентень, мейле кургопот-монтень, тосто юты судопотмованть. Кирьгапарьсэнтэ улить вайгелень сант. Сынть эрсить пек таргавозь кирьгапаренть трокс, ды сынст ютксо тееви аволь покш юткине, кува лиси коштось. Вайгелень сантнэнь юткова коштось ютамсто сорновтни сынст ды тееви гайть (звук).

Вайгелень сантнэ важдоить ансяк сестэ, зярдо теевить гласнойтне ды гайтев согласнойтне:

а, о, у,
э, и, ы

б, в, г, д, ж, з,
л, м, н, р, й

Гайттеме согласнойтнень (к, п, с, т, ф, х, ч, ц, ш, щ) ёвтамсто вайгелень сантнэ аштить аволь кеместэ таргавозь, сынть а сорныть.

▲ Кортамонь гайтнень теевемаст прядови судо потсонть (м, н) или курго потсо (весе лия согласнойтне) келень ды турватнень важедемаст вельде.

Ёвтынк, мейстэ ашти эрва валось. Зяро гайть *парта, васоло, олго, тарад* валтнэсэ?

Кодамо гайтень ёвтамсто коштось васты пирявкст: вейс васодезь турватне, пейсывельтненень нежедезь келесь?

95. Ёвтадо: 1. Вете согласной гайтть, конатнень теемстэ вайгелень теиця сантнэ сорныть, вете согласнойть, конатнень меремстэ сантнэ а сорныть.

2. Кодат явовить эсь ютковаст гайтне: *б, м, р, д, п; у, а, е*?

3. Кодат, тынк койсэ, согласнойть ды гласнойть ёвтавить истя, кода невтезь артовкстнэсэ?



4. Кодат согласнойтнень меремстэ коштось васты пирявкст?

Чачома масторонтень кастоманок кисэ
Седей паронь арсезь моронок гайгезэ,
Ды сонзэ кунсолозь и тонеть, и монень,
Кадык паро ломанть ютамсто суюконить.

(И. Прончатов.)

- Тонавтнинк стихотворениянтэ ёвтамга-марямга.


24 §. Гласной ды согласной гайтне.

Ёвтынк васня гласнойтнень, мейле согласнойтнень: *а — о, п — б, у — э, к — г, и — ы, т — д*.

Кодамо гайтень ёвтамсто коштось эсензэ лисема кинть лангсо а васты пирявкст? Конатне ёвтавить пирявкс марто?

▲ Гласной гайтнень ёвтамсто курго потмова коштось юты олясто (кельсэнтэ ды турватнесэ а тееви сонензэ пирявкс).

★ Эрзянь кельсэ гласной гайтнеде кото:



Согласной гайттенень теестэ коштось курго потсо васты эрьва кодат пирявкст, конат тейнекшневить турвань васодезь, верце пейсывелентень кельбрянь токазы. Коштонь струясь сези неть пирявкстнэнь (сестэ теевить $n — б$, $m — д$, $k — г$ согласнойтне) или юты пирявксонть юткинетнева (сестэ теевить $v — ф$, $s — з$, $ш — ж$, x согласнойтне).

96. Ёвтынк, кода теевить кортамонь гайттне?

Ё в т н е м а н ь п л а н о с ь.

1. Кодат кортамонь уликтнень (органтнэнь) вельде теевить гайттне?
2. Кодат кортамонь уликт лововить пек важодицякс?
3. Кодамо ролест вайгелень сантнэнь?
4. Зяро кужос явовить эрзянь келень гайттне?
5. Кодат гайттенень мерить гласнойть?
6. Кодат гайттенень мерить согласнойть?
7. Зяро гласной гайтть эрзянь кельсэ?

2. Кодамо кортамо уликсэ (органсо) тееви пирявксось $p — б$, $k — г$, $t — д$ согласнойтнень ёвтамсто?

3. Кодамо гайтьсэ эсь ютковаст явовить валтнэ?

Ков — лов, куво — туво, вар — пар, монь — минь, кал — скал, чей — чев, теле — келе, оламс — коламс, пой — кой, пей — тей.

97. 1. Сёрмадынк, алга кикстынк: гласнойтнень — вейке киксэ, согласнойтнень — кавтосо. Ёвтынк, кодат согласнойтнень ёвтамсто пирявксось тееви турвань васодезь, кодат — верце пейсывелентень кельпрянь токазы.

Чоподась састо копачизе раужо чапансонзо виренть. Менельсэнтъ сиянь кумбрыкс цельдёргадсть тештетне. Оймасть нармунтнеяк. Пертьпельксэсь каштмоли. Ансяк кой-кува васолга марявить ... ардыцят, кальдердемась та-кода горнипов ладсо кайсеви вирьганть. (Т. Раптанов.)

2. Диктант. Ёвтынк, кодат согласнойть *инжсекс* валсонть.

Телень вейке чистэ Алёшка ды Онта сыргасть вирев. Бажасть муемс тосто нармуненть, кона сакшны тенст *инжсекс*. Зептнень пештизь товзюродо.

Кискасткак саизь мартост. Сынь тошнакадсть мазый виренть кисэ. Кизна, зярдэ виресь оршазь пиже палясо, вармаськак яла сыль лопасонзо налксемэ, эйкакштнэяк тей экшезэнзэ чиильть. Мастумартне тесэ седей кецявтыльть, якстере сельмекс вейсэ ваныльть сыцятнень лангс.

25 §. Слогось.

Зяро пельксстэ (слогсто) тееви эрьва валось? Валонь кона пельксэсь (омбоце ды колмоце столбиксэ валтнэсэ) лия пелькстнэнь коряс ёвтави седе виевстэ? Кодат гайтть улиць эрьва пелькссэнтэ?

сад	тумо	алаша
кедь	олго	горнипов
тов	мода	лажания
сод	килей	кустема
куз	пире	ингельде

▲ Валтнэ явовить пельксэнь-пелькс. Эрьва пелькссэнтэ ули гласной гайть, кона съкамонзо или согласной гайть марто теи слог. Валсонть зяро слогт, зяро эйсэнзэ гласной гайтть.

Н е в т е м г а:

сад, ту-мо, а-ла-ша, э-рек-си-я
мо-да-марь, ва-сол-до, веч-ке-викс
ви-темс, ка-ла-домс, но-лаш-то-ма

Слогонь ламочинь коряс валтнэ эрсить вейке (*ал*), кавто (*шко-ла*), колмо (*ла-жа-ня*), ниле (*се-дей-шка-ва*) ды седе ламо слогонь.

98. Явшинк валтнэнь пельксэнь-пелькс. Вейке слогонь валтнэнь сёрмадынк башка столбикс, кавто слогсотнень — лияс ды седе тов.

Эрзянь келесь сюпав валсо. Минек покштятне таштасть эйсэст эрямосто ламо сядот иеть. Те — покш сюпавчи. Ансяк келесь теи народонть башка нациякс. Секс сонзэ эряви ванстомс, прок таштазь парочинть.

99. Ёвтынк: 1. Зяро слогт валтнэсэ?

Кевть, судо, зяро, вальма, колмо, кувака, кенеремс, састынька, ашолгадомс, кемгавтово, кепедеветемс, кувтолдокшномс.

2. Зяро слогтнэде?

Эрьва кинень панжозь
Кудонь кенкшем келес,
Совак тень эзганзо
Инжекс апак пеле.

(А. Мартынов.)

3. Конат слогтнэ ушодовить гласнойстэ, конат — согласнойстэ?

Якшамо. Жежейстэ ваны менелесь. Шкань-шкань моли лов. Лиясто варшты пель экштэ чись. Кармить сиядомо ловонть ланга сэнь толт, таго мадить. Васов, суре ладсо, таргавсь кшнинь кись. (Ф. Чесноков.)

4. Конат слогтнэ ушодовить согласнойсэ, конат — аштить вейке гайтьстэ?

Чинь лисеманть васты сон
Сырнень курго мизолкссо.
Обед ёнов чись ары —
Сонгак мельганзо чары.

100. Васня сёрмадынк вейке слогонь, мейле — кавто слогонь валтнэнь ды истямо ладсо седе тов.

Сёрма, од, лопа, машинист, чукшторов, горнипов, кснав, кстый, инзей, лезкс, изнямо, учитель, вирь, **вирьга**, умарь, теште, лей, недь, товзюро, эзем, космос, солдат, космодром, автомашина, вертолёт, трактор, скал, **уське**, гуй, карго, ожо, пиже, **ведьгев**, чи, сырне, разъезд, яволявтома, кирьга, класс, касса, армия, койме, ялга, яксярго.

- Явовтозь валтнэсэ толковинк **ь** путоманзо.
- Кодя теевсь *ведьгев* валось?
- Зяро гайтть *ялга* валсонть?

26 §. Гласной гайттне.

Ёвтынк валтнэнь, конатнесэ невтезь артовозь предметнэ.



кедь



кал



куз



ков

Ашти ли келесь ве таркасо неть валтнэсэ гласной гайтнень ёвтамсто?
Кода вети келесь эсь прынзо, с а е м г а, у ды э гайтнень меремстэ?

▲ Гласнойтнень ёвтамсто келесь яки верев-алов ды икелев-удалов. Алдо верев якамонтень мерить **к е п е д е в е м а**. Тень коряс гласнойтне эрсить алце **а**, куншкaso **о**, е, верце **и**, **ы**, у кепедевемань.

Икельде удалов аравтомантень мерить **р я д**. Тень коряс гласной гайтне эрсить икельце **е**, **и**, куншкaso а ды удалце рядонь **о**, **у**.

▲ **Икельце рядонь** гласнойтнень ёвтамсто келесь венствия икелев, кельбрысь токи алце пейтненень, а кель куншкaсь кепедеви кургоменелентень; **куншкaso рядонь** гласнойтнень ёвтамсто келесь цють-цють кепедеви кургоменелентень, сон ашти стамбарнэ; *удалце рядонь* гласнойтнень меремстэ чевте кургоменеленть пелев ке-педеви келенть кутьмерезэ, кельпрясь ашти алце пейтнень маласо.

• Гласной гайтень таблица

Келенть кепедеве-манзо коряс верде-алов	Келенть икелев-удалов якамонзо коряс		
	икельце рядонь	куншкaso рядонь	удалце рядонь
Верце кепедевемань	и	ы	у
Куншкaso кепедеве-мань	э		о
Алце кепедевемань		а	

▲ Турватнень важомаст коряс весе гласнойтне явовить кавто кужос: **турвань** (о, у) ды **аволь турвань** (э, и, ы, а) гласнойть.

101. Ловнынк. Максодо лем. Явовтозь валтнэнь сёрмадынк яводо мель васенце слогонь гласной гайттнень ванномаст (характеристикаст) лангс.

Н е в т е м г а: *врачтнэнь* — а гласной гайть, алце кепедевемань, куншкасо кирдань (рядонь), аволь турвань.

Весть сэредиця ломань сась врачнэнь.

— Доктор, монь таго-мекс пекем сэреди.

— Мезде тынь **ярсые** течи валске марто?

— **Мездеяк** эзинь яrsa.

— А мезде ярсые чокшне?

— Сэвинь та-кодат пиже фруктат.

— Вана тенк лекарствань кис рецепт. Карматадь те лекарстванть валске марто ды чокшне каплянь-каплянь кайсеме сельмес.

— Мезекс **монень** эряви те лекарствась? Ведь монь сэреди пекем, сельмень **пштидеяк** пштить. Сынь а сэредить.

— Саинк, саинк, ды, паряк, сы разнэ тынь парсте неевлинк сень, мезде ярстадо.

— Сюкпря, доктор.

- Муинк текстстэнтъ лицянь местоимениятнень.
- Арседе валсюлмавкст явовтозь валтнэнь марто.

102. Сёрмадынк. Явинк: 1. Вейке кикссэ верце кепедевемансетнень, кавтосо — куншкасо кепедевемансетнень, а виде кикссэ — алце кепедевемансетнень.

Чизэ эль лиси. Туманось овсе матрась, кадовсь ансяк тия-тува алка таркатнева. Кошлось кармась эжеме. Луганть потмова пароль молемасть, росась тантейстэ куцтясь пыльгетнень ды шождалгавтовтсть молеманть. (Н. Эркай.)

2. Вейке кикссэ турвань гласной гайттнень, кавтосо — куншкавансетнень.

Цярмунь велень кудотне аштить а покш леень кавто ёнга. Кона ёнов иля варшта, ансяк неяви вирь. Те веленть марто кеместэ сюлмавозь М. Е. Евсевьевень эрямозо. (П. Глухов.)

3. Вейке кикссэ икельце рядонь гласной гайттнень, кавтосо — куншкасо рядонсетнень, а виде кикссэ — удалце рядонсетнень.

Лугав пандо ашти вирьсэ,
Кузтнэ перьканзо мазыйть.

Пси чинть каршо вирьчиресэ
 Якстерьгалить тантей кстыить.
 (И. Калинин.)

103. Ваннынк мель явозь артовкстнэнь. Кодат гласной гайттть неть артовкстнэнь коряс теевить?



Кона пелев венстави келесь **в, п** гайттнень теестэ?

27 §. Гласноень гармониясь.

Ловнынк:

кудо	тов	вирь	кедь
кудосо	товсо	вирьсэ	кедьсэ
кудовтомо	товтомо	виртеме	кедтеме

Ёвтынк, кона валтнэсэ гласнойтне весе слогтнэсэ удалце рядонь, конатнесэ — икельце рядонь.

Эрзянь кельсэ эсензэ валтнэсэ аволь васенце слогонь гласнойтнень гайгемаст кеместэ сюлмавить валонь ушодкссо гласной гайтенть гайгеманзо марто: удалце рядонь **о, у** гласнойтнень мельга ёвтави удалце рядонь гласной **о**, икельце рядонь **и, э** гласнойтнень мельга — истя жо икельце рядонь **е, э**. Секс эрзянь валсонть сеedyстэ или ансяк удалце рядонь, или ансяк икельце рядонь гласнойть. Истямо гласноень вастневемантень мерить **г л а с н о е н ь г а р м о н и я**.

- Н е в т е м г а:
- 1) тумовтомо — толтомо
 - 2) пуловтомо — почтомо
 - 3) пизэвтеме — мельтеме
 - 4) певтеме — вийтеме

Удалце рядонь гласной марто валтнэсэ, зярдо сынст эйстэ тееви кодамояк валонь форма, лиясто гласноень гармониясь а ванстови. Ёвтавиндеряй теке жо валонь формасонть чевте парной согласной гайть, сестэ сонзэ мельга аравтови икельце рядонь гласной. Н е в т е м г а: *мор* — *моровтомо* (гласноень гармония), *моротневтеме* жо валонь формасонть гласноень гармониясь колави чевте парной **н'** согласной гайтьсэнтъ. Гласной **а** гайтенть мельга аволь васенце (омбоце, колмоце ды седе ламо слогтнэсэ)

ёвтавить кода икельце рядонь, истя жо удалце рядоньгак гласнойть. Н е в т е м г а: *панжомс, панемс, тантейстэ, налксиця, раське, картуз, карсема.*

▲ Эрзянь литературань кельсэ куншкасо ды валонть песэ слогтнэсэ сеедьстэ ёвтавить ды марявить **а, о, е** гайттне. Н е в т е м г а: *мода, овто, арсемс, куво, кувалмо, кемемс.* И ды **ы** гласной гайттне куншкасо ды валонь песэ слогтнэсэ ёвтавить: 1) глаголонь форматнесэ: *моли, мери, кадынзить, кардымизь*; 2) вишкалгавтыця суффикс марто валтнэсэ: *ашо — ашине, кудо — кудыне*; 3) кой-кона башка валтнэсэ: *мазы, ажия, оружия, сявдикс, сатышкасто, калмазырь.*

104. Сёрмадынк удалце рядонь гласной марто валтнэнь вить ёно колонкас, икельце рядонь гласной мартотнень — керш ёнов. Башка сёрмадынк сеть валтнэнь, косо арась гласноень гармониясь. Точкатнень таркас путодо эрявикс гласной.

Эме...сь, кеж...нзэ, веш...мс, кул...в, уск...мс, кеп...д...вт...мс, пиз...м...сь, тол...в, мел...з...нзэ, пок...льт...ме, мор...нзо, тюр...мс, товтн...нь, кун-гпказ...нз... .

105. Сёрмадынк. Кикстынк алга гласноень гармония марто валтнэнь. Муеде текстстэнтъ колмо валт, конатнесэ колави гласноень гармониясь. Ёвтынк, кодат валтнэсэ, аволь васенце, слогтнэсэ марявить ды сёрмадовить **и, ы** гайттне.

Саизе кудов сонзэ авазо⁴,
Вети эйсэнзэ, озны кисэнзэ.
Эрьмезь мельганзо моли састынька.
Кудос совамсто, верев куземстэ,
Кувака марявсь тензэ кустемась:
Чалги ве пильге — карми лексеме,
Чалги омбоце — лотки оймсеме.
Ульнесь кустемась колмо³ чалгамос,
Колоньгеменьшкас марявсь Эрьмезнень.
(Я. Кулдуркаев.)

- Муинк текстстэнтъ прилагательноентъ. Тонавтнинк стихотворениянтъ ёвтамга-марямга.

106. Сёрмадынк. Алга кикстынк валтнэнь, конатнесэ колави гласноень гармониясь. Ёвтынк, гласной или согласной гайтть сонзэ колыть.

Лопатне пeverсть. Чувтгнэ штапот, неявить чурокс. Виресь сэтьме, чаво. Ансяк бути лиясто косояк варнозеви алонь салыця варака или тер-

незеви кувака пуло сезьган. Празь лопатне ожо чов ладсо вельтизь вирень янонть. Те янонть Канаев содасы умок. Сон а весть чийнесь тия вишкинестэ, зярдо покштязо вансь Салдинэнь нешкепиренть. (К. Абрамов.)

107. Алга кикстынк вейке кикссэ валтнэнь, конатнесэ гласноень гармониясь а колави, кавто кикссэ, конатнесэ сон колави.

Чинть валгомсто чокшнень зорясь
Весе олакадсь,
Весе виресь, весе велесь
Чокшне бозакадсь.

Телень буря, кельме варма
Кармась урномо,
Бурянт каршо кудо вальмась
Кармась сорномо.

(Я. Григошин.)

28 §. Согласной гайттне.

Ловнынк. Мейсэ явовить валтнэ эсь ютковасть? Ули ли согласной гайттнень ёвтамсто шум?

ваз — таз	тол — тон
сал — кал	тев — тей
ваз — лаз	ков — лов

▲ Эрьва согласной гайтьсэнтэ ули шум. Сон тееви кортамонь аппаратонь кодамояк вейке таркасо. **Б, п, м** гайттнень ёвтамсто пирявксось тееви турвасо, сонзэ сеземстэ появи шум; **т, д, с, з, ш, н, л** — кельпрянтэ икелев венствомасо ды пейсывельтненень сонзэ нежедемасо; **к, г, х** — келень удалце пелькссэ ды курго менелень чевте пелькссэнтэ; **й** гайтентэ ёвтамсто келентэ куншказо ары кургоменелентэ, теньсэ тееви пирявкс. **Ц** ды **ч** гайттнень теевемстэ вейсэндить кавто согласной гайтень ёнкст: **ц** ← **т + с**; **ч** ← **т + ш**.

- Согласной гайттне истят:

**б, в, г, д, д', ж, з, з', й, к, л, л', м, н, н',
п, р, р', т, т', ф, х, ц, ц', ч, ш, щ**

108. 1. Сёрмадынк. Согласной гайттнень, конатнень ёвтамсто пирявксось тееви турвасо, кикстынк вейке кикссэ. Согласной гайттнень, конатнень ёвтамсто пирявксось тееви келень удалце пелькссэ ды кургоменелень калгодо пелькссэнтэ, — кавто кикссэ.

Шкась ульнесь ашолгадама ланга. Аламонь-аламонь толокс кирвайсь зорясь. Сон яла валдомгадсь. **Моданть** вельксэ нурьгась туман. Перть-пельксэсь ульнесь сэтьме. Но пограничникне содасть, што сопкатнень ютксто истямо сэтьмесь лиясто манятанзат. (И. Пиняев.)

2. Согласной гайттнень явинк пирявксонь коряс: васенце — пирявксось тееви кельбрюанть венствявомасо ды пейсывельтненень сонзэ нежедемасо, омбоце — пирявксось тееви келень куншка пельксэнь курго менелентень аравтомасо.

Кудотне аштить, прок матедевсь. Ломаньгак а неяви **велесэнтъ** — весе паксясо нуить. Ансяк косто-косто марят эйкакшонь вайгель или юты сыре баба. Мейле таго а куш а каш... Весе масторось прок матедевсь. (Ф. Чесноков.)

- Кодамо полавтнемань формасо аштить явовтозь суще-ствительнойтне? Невтинк вальюрист ды валонь полавтница суффикстнэнь.
- Ваннынк *кудотне* валонть гайтень коряс. Зяро эйсэнзэ гласной ды согласной гайтть?
- Толковинк *а куш а каш* меревксэнтъ.

109. Ёвтынк валтнэнь, конатнесэ лемдявить артозь предметнэ. Кодамо гласной ды согласной гайттнень лангс нежедезь содавить валтнэнь смустест? Муеде валонь кавто-колмо парат, конат эсь ютковаст явовит-**ь** или ансяк вейке гласной гайтьсэ, или вейке согласной гайтьсэ.



кал



нал



сүлмо



сёлмо

110. Ловнынк. Сёрмадынк башка явовтозь валтнэнь, кикстынк эйстэст гайттнень, конатнень ёвтамсто пирявксось тееви турвасо.

Вармась вешки пилетнесэ,
Скири чамат, судот сон⁴,
Но эйкакштнэнь ютксто тесэ
Марят валт: «Кодамо ён!»

(А. Щеглов.)

- Толковинк лотксема тешкстнэнь путнемаст.

111. Черъкстынк алга согласнойтнень, конатнень теемстэ кельпрясь венстяви икелев ды нежеди пейсывельтнень.

Телесь яла чаразь чарась цёрыненьть перька. Сон а неявиксстэ скирсясь судынензэ, мазылгавтсь щёканзо. Кирякстнемадо мейле Стёпка сайсь чувтонь келей койме ды кода карми лисьманть ваксто ловонть урядамо! Мельганзо ансяк ловонь пуль моли. Телесь ансяк чаравтсь прянзо, дивсесь салавине Стёпка лангс, зяро таштавсь виезэ саласкесэ ардтнемадонть.

29 §. Калгодочинь ды чевтечинь коряс кавонзазь (парной) согласной гайттне.

Ловнынк валтнэнь, конатнесэ лемдевить артозь предметнэ.



пар



парь



пизёл



каль

Кодамо согласной гайть ёвтави васенце валонть песэ, кодамо — омбоце валонть песэ? Мейсэ явовать сынь эсь ютковаст? Кодамо согласной гайтьсэ прядови колмоце валось, кодамосо — нилецесь? Кодамо ули явوما сынст ютксо? Мейсэ сынь а вейкетъ?

- Эрзянь кельсэ д, з, л, н, р, с, т, ц согласной гайттне эрсить калгодот ды чевттъ. Сыненст мерить калгодо ды чевтечинь коряс кавонзазь согласной гайттъ:

д з л н р с т ц
д' з' л' н' р' с' т' ц'

Н е в т е м г а:

сод — *сэдъ*, *куз* — *розъ*, *кал.* — *каль*, *мон* — *монь*, *пар* — *парь*, *садо* — *сядо*, *валан* — *валян*, *цона-демс* — *цярадемс*.

Весе лия согласной гайтне те ёнксонь коряс аволь кавонзавозь. Свал калгодо аволь кавонзавозь: **ч, ж, ш**. Чевтемкшница аволь кавонзавозь: **б, в, г, к, м, п, ф, х**. Свал чевте аволь кавонзавозь согласноеь — **й**. Чевтемкшница аволь кавонзазь гайтне марявить аламодо чевтьстэ, зярдэ сынь аштить икельце рядонь гласной икеле.

Н е в т е м г а:

бука — берянь, ваз — ведь, гайтев — гигерь, казне — кмень.

112. Сёрмадынк. Согласнойтнень чевтечинь-калгодочинь коряс явинк истя: а) кавонзазь; б) аволь кавонзазь калгодот; в) аволь кавонзазь чевтеть.

Умарькс.

Чинть валдозо сырнекс валовсь.
Мазый тундонь валскесь.
Садсо сыре умарькс ало
Касы од умарькске.

Нардев чова тарадкензэ
Чувтонть рунгос недясть,
Тошкить кудряв лопинензэ
Сэтьме варминедень.

(С. Платонов.)

- Кодамо формасо аштить явовтозь существительнойтне? Тонавтнинк стихотворениянь ёвтамга-марямга.

113. Максозь валтнэнень муеде истят, конатне эсь ют-коваст явовить ансяк калгодо ды чевте согласной гайтень карадо-каршо аравтомасо. Ёвтынк, полавтови или а полав-тови валтнэнь смустест.

кона—...	вана—...
сэнь — ...	сэльге — ...
тук — ...	сёксь — ...
канст — ...	кал — ...

- Ёвтынк, кодамо кортамо пельксэнь максозь валтнэ.
Арседэ тынсь истят парат.
- Арседе валонь рисьметь *сёксь*, *кал* валтнэнь марто.

114. Ловнынк. Сёрмадынк явовтозь валтнэнь ды муинк сынст ютксто сетнень, косо: 1) ансяк калгодо согласнойть; 2) ансяк чевте согласнойть; 3) калгодо ды чевте согласнойть.

Вана сон, розь паксясь!
А неяви пезэ.
Кода сонзэ нейсак,
Одс прок чачат тезэнь.
Колозтнэ уш кенерсть.
Вант, зёрнадо пешксеть.
Чить ды веть сынъ лымбить⁴,
Вейкест-вейкест эшксить.

- Муинк местоимениятнень, кодамо сынъ лицянь.

115. Ловнынк логогрифенть. Кодат валт кекшезь эйсэнзэ?

Бути мон **Л** марто,
Сестэ эйстэнь пелить,
Бути мон **Ль** марто,
Сестэ эйсэнь вельтить.

30 §. Гайтев ды гайттеме кавонзавозь согласной гайттне.

Ловнынк ды ёвтынк, кона валсонть согласнойтне ансяк гайтевть, конасонть — гайттеметь, а конасонть — нетне ды лиятне.

Маней — кельме — кикс.

Вайгелень коряс согласнойтне эрсить гайтевть ды гайттеметь. Гайттеметне теевить ансяк шумсто, гайтевтне — вайгельсэ ды шумсо.

★ Гайтев ды гайттеме согласной гайттне кавонзавить. Кавонзавозтне истят:

б в г д д' ж з з'
п ф к т т' ш с с'

х, ц, ц', ч — аволь кавонзавозь гайтевтеме согласнойть;
й, л, л', м, н, н', р, р' — аволь кавонзавозь гайтев согласнойть.

116. Максозь валтнэсэ полавтынк васенце согласной гайтенть эсензэ парасо:

балка — палка | пал —

жар —
ток —
сэпе —

ботамс —
туш —
сал —

117. Валтнэнь ушодкссо согласной гайттненень максодо фонетика ёндо ваннома. Ёвтынк, мейсэ тееви эрванть меремстэ пирявксось.

Н е в т е м г а: **к** гайтесь — калгодо согласной, гайттеме, чевтечинь коряс а эрси кавонзавозь, икельце рядонь гласноень икеле маряви чевтестэ. Сонзэ ёвтамсто пирявксось тееви кельпрянтъ икелев венствомасо ды пейсывелентень сонзэ нежедемасо.

Ков, сон, тол, вал, ваз, сур, таз.
Кев, пей, тев, медь, кель, сэръ.
Кундо, ловсо, мастор, налнэ, одава.

118. Сёрмадынк, эрва валось улезэ ламонь числасо. Ёвтынк, кодамо согласной маряви сынст меремстэ гайтев согласноеень таркас.

Арбуз, багаж, клуб, од, плуг, кеж, сэдъ.

▲ Аволь гайтев согласноеень икеле улемстэ гайтев согласноесь маряви гайттеме. Те эрси: 1) валонть падежга, числава ды лицява полавтнемстэ: *эмеить* (сёрмадови *эмежить*), *клубсо* (сёрмадови *клубсо*); 2) суффикс вельде од валонь теевемстэ: *кедь* — *кетъкс* (сёрмадови *кедькс*), *козомс* — *коскс* (сёрмадови *козкс*), *озяз* — *озязке* (сёрмадови *озязке*).

▲ Гайтев согласной мельга улемстэ аволь гайтев согласноесь маряви гайтевстэ. Те эрси: 1) кавто валсто од валонь теевемстэ, бути гайтев согласнойсэ прядозь валонть мельга моли гайттеме согласнойсэ ушодозь валось. Н е в т е м г а: *сэнь* + *кев* — *сэньгев* (истя маряви), сёрмадови *сэньгев*, *ён+тол* — *ёндол* (истя маряви), сёрмадови *ёнтол*.

2) валзюлмавкесо, прядовиндеряй васенце валось гайтев согласнойсэ, омбоцесь ушодови гайттеме согласнойсэ, сестэ сон маряви гайтев. Н е в т е м г а: *эрзянь гель* (сёрмадови *эрзянь кель*), *сёксень биземе* (сёрмадови *сёксень пиземе*).

119. Ёвтынк: 1. Кода маряви ды сёрмадови эрва валзюлмавкссонть омбоце валонть ушодкссо гайттеме согласноесь?

Медь парь; од пора; килей тарад; салтозь куяр; розь пакся; гуй пря; чокшнень шка; нармунень чоледема; од кудо; кшнинь койме; сэрей тикше.

2. Кода маряви ды сёрмадови эрва стакалгавтозь валсонть омбоце валонть ушодкссо гайттеме согласноесь?

Ведь (кев), пей (сывель), чинь (чарамо), тол (кель), тол (пандя), кемень (кавто), тов (сюр), ведь (прамкс).

3. Кодя маряви ды сёрмадови вальюронь прыдця гайтев согласноеь, ушодындеряй падежень суффиксэь гайттеме согласнойсэ?

Колхоз(со), куз(сто), недь(теме), сад(с), розь(сэ), ваз(томо), сруб(шка), чуж(с), уроз(кс).

4. Кодя маряви ды сёрмадови вальюронь прыдця гайтев согласноеь, ушодындеряви од валонь теиця суффиксэь гайттеме согласнойсэ?

Недь(кс), сараз(ке), коз(кс), тарад(ке), пург(с)-емс, лаз(кс), ранг(ставкс), сэрдь(кс), багаж(ке).

120. Сёрмадынк, согласнойтнеь явинк гайгемань коряс истямо кужова: а) кавонзась калгодо-чевтечинь коряс; б) аволь кавонзась гайтевь; в) аволь кавонзась гайттеме.

Чокшнесь паро, **чокшнесь** экше.

Капшазь кармась само сёксь.

Кизэсь тусь, а цвети пекше,

Ливтнить лопат паксянть трокс.

(Е. Пятаев.)

- Кодамо кортамо пелькс явовтозь валось?
- Евтынк вейке слогонь валтнэнь.

121. Ловнынк. Муинк ды сёрмадынк сеть валтнэнь ды валсюлмавкстнэнь, конатнесэ сынст ёвтамсто ули согласной гайтень эсензэ парасо полавтома.

1. Паро теvesь³ одкстомты,
Берянь теvesь таштомты.
2. Иень перть кавто кизэть а эрсить⁴.
3. Вейсэнь теvesь пандт сяворды.

- Явовтозь валстонть муинк вальюронть.

122. Кодамо кирдасо (рядсь) невтезь ансяк гайттеме согласнойтне?

б, п, с, т, х, з, к
к, п, ф, с, х, ш, ц
с, п, х, т, ж, м, ф

123. **Содадо:** неть валтнэсэ т гайтесъ маряви чевтестэ. Видестэ сынст ловнынк. Муинк сынст смустень толковамост рузонь валкссто.

Тема, тенор, текст, кратер, термин, теннис, лотерея, телевизор, теорема, терраса, термос.

- Арседе валт калгодо т гайтентъ марто.

124. Ловнынк стихотворениясто саявксэнтъ. Кунсолодо, кода марявить эйсэнзэ валтнэ. Зяроксть вастневи **ш** гайтесъ? Кодамо сонзэ паразо? Муинк текстстэнтъ. Мезе невти авторось **ш, с** гайттнень ламоксть саемасо?

Пакся, пакся, кодашка,
Розень пакся — моряшка —
Кизэнь чисэ кенерькшни,
Вармань каршо лымбакстни,
Розень олгось ашолгадсь,
Розь колозось ожолгадсь,
Косо-косо сяворькшнесь,
Стака прясо нуварькшнесь.
Вармась розентъ пувакшны,
Розесь нувсезь нувсекшны,
Зорясь росанть нолдасы,
Зёрнанть шлясы-нардасы,
Зёрнась плескакс цильдёрды.
(Я. Григошин.)

125. Ваннынк артовксонтъ. Сонзэ лемезэ — «Следопыт». Евтынк сонзэ смустензэ, сеть предметнэнь ды лицятнень, конат улить эйсэнзэ. Валтнэнь, конатнесэ невтевить предметтнэ, сёрмадынк. Кодат сынст эйсэ улить согласнойть?



31 §. Вачкодемась (ударениясь).

Ловнынк. Евтынк, мейсэ явови вачкодемась ало максозь текстнэсэ. Путови ли вачкодемась стихень валтнэсэ истя жо, кода прозань текстсэнтэ?

1. Тундонь платясо
Наряжазь садось,
Весё монь перькава
Цецясо чадовсь. (И. Кривошеев.)

2. Ульнесь маней лембе валске. Гриша ансяк лиссь кустемпес, пилезэнзэ сеске каятотсь нармунень мазый-мазый морыне.

▲ Ламо слогонь валтнэсэ вейке кодамояк слогось ёвтави лия слогтнэнь коряс седе виевстэ. Н е в т е м г а: *кудо* валсонть седе виевстэ ёвтави васенце слогось, *туян* валонь формасонть — омбоце слогось.

Валонть кодамояк слогонь виевстэ ёвтамонтень мерить в а ч к о д е м а (у д а р е н и я).

▲ Слогось, конань лангс пры вачкодемась, ловови вачкодевицякс. Лия слогтнэ — аволь вачкодевицякс.

Эрзянь кельсэ вачкодеманть кеме тарказо арась, но кортамсто седе сеедьстэ сон путови васенце слогонть лангс: *веле*, *ки́зэ*, *пи́ресэ*, *ке́рямс*, *ту́сто*, *то́зо*, *кандомс*, *сэ́тьме*.

Но неке жо валтнэсэ (кортамонть целензэ кис —сеедьстэ стихотворениятнесэ) вачкодемась путови лия слогтнэнь лангскак: *кудо́, кизэ́, пирёсэ, керя́мс, тусто́, тозо́, кандо́мс, сэтьме́.*

Вачкодемась путнезь арсевить ды сёрмадовить стихень строфатне. Сынст эйсэ вачкодемась кеместэ сюлмави стихень ритманть марто.

Н е в т е м г а:

Фермань кардазт, келей эмеж пире,
Пиже садт ды эрьва кодат паксят.
Скалонь стада валги леенть чирес,
Пижнезь, пейдезь пулькить ведьсэнт пакшат.
(С. Платонов.)

126. Ловнынк марявикстэ, вачкодемась ванстоэ. Яводо мель гласноень ды согласноень ёвтамонтень.

1. Чеерне-урыне.

— Тон чеерне-урыне,
Адя пештень кочкамо.
— Вай а молян, а молян,
Вирьсэ эри псакине,
Кундасамам, порьсамам,
Мазый шапкакс тейсамам,
Базар куншкас ливтьсамам,
Калацядо мисамам.
(М. Евсевьев.)

2. Вана чокшнесь уш маласо,
Ледицятне² станов састь.
Вишка вирень полянасо
Пси истя жо, кода чить.
Кода **вадря** куро алов
Пиже тикшине лангс прамс.
Кода вадря ливезь салов
Кедьсэ чамасто нардамс.
Зярдо содат: кизэнь чистэ
Тонь комбайнась увнось свал,
Ды машинат мельгат чистэ
Ускить народнэнь кши-сал.
(А. Мартынов.)

- Кодамо кортамо пельксэнь явовтозь валтнэ?

127. Ало максозь рузонь ды эрзянь стихень строфат. Сёрмадынк. Валтнэнь вельксэс путнеде вачкодемат. Ловнынк стихтнестэ саевкстнэнь мельс саезь (выразительнойстэ).

1. Чинзэ чоп сёксень менелесь
Кольги кельме пиземесэ⁴.
Нусманясто начко велесь
Кукорьгадсь леенть чиресэ.
(Р. Кемайкина.)

2. К избе дорогу санную,
Над ней летящий снег
Да ложку деревянную
Мне не забыть вовек.
Умчатся бы из города,
В село бы заглянуть
И в дедушкину бороду
Все пальцы окунуть.
К мозолям милой бабушки
Прижаться бы лицом.
(Н. Эркай.)

- Ёвтынк, ули или арась эрзянь ды рузонь кельтнесэ явовома вачкодеманть путомсто.

▲ Рузонь кельстэ саезь валтнэсэ (конат совасть эрзянь кельс аволь пек умок) вачкодеманть тарказо а полавтневи: *портфель, падеж, километра, президиум, самолёт, космодром, ракета, знамя, комбайнёр, магазин, столяр, силос, договор, инструмент, шофёр, процент, протокол, монолог, документ, пенал, цемент, агент, синоним.*

128. Сёрмадынк. Муинк лия кельстэ саезь валтнэсэ эрявикс слогонть, конань лангс путови вачкодемась. Лезды тенк рузонь орфографиянь валксось.

Авторучка, автор, акула, батон, барсук, вокзал, доктор, композитор, лунник, маятник, ордер, подшивка, ревизор.

32 §. Орфоэпиясь. Орфоэпиянь лувтнэ (норматне).

129. Ловнынк. Весе ли валтнэ ёвтавить истя, кода сёрмадозь? Кода марявить явовтозь валтнэсэ валонь уставия согласной гайтне?

1. Од **порась** максозь превень **пурнамс**. 2. **Кирдъсак** келеть — **ванстсак** мелеть. 3. Шкась юты — цела **пандт** луты.

▲ Эрьва валось, сонзэ эйсэ гласной ды согласной гайтнень, эряви ёвтамс видестэ. Тенень тонавы **о р ф о э п и я с ь**. **Орфоэпия** валось грекень (orthos — виде ды ё́ros — кортамо). Орфоэпиянь улить лувонзо, конат кеместэ сюлмавить гласной ды согласной гайтнень сёрмадомань правилатнень марто. Ламо валтнэ (валонь форматне) сёрмадовить истя, кода марявить (ёвтавить): *кудосо, кудовтомо, веле, велестэ, тозонь, тестэ, мелезэнь, кундамс, эждемс, кеме, таишто*. Лиятне жо ёвтавить а истя, кода сёрмадовить. Сынст сёрмадомсто эрявить мельсэ кирдемс орфоэпиянь правилатнень. Н е в т е м г а: ёвтави *мацтемс*, сёрмадови *мадстемс*, ёвтави *кетъкс*, сёрмадови *кедькс*, ёвтави *равужо*, сёрмадови *раужо*.

▲ Валсонть весе слогтнесэ гласнойтне ёвтавить ваньксстэ, апак киртя: *тумо — тумовтомо, олго — олгонь, веле — велесэ*.

А, о, э гласнойтне ёвтавить эрьва кодамо слогсо: *алаша, товоло, тезэнь, меремс*. **У** гласной гайтесэ сеedyстэ вастневи валонь васенце слогсо (панжозь ды пекстазь): *кудо, тумо, кунсолумс, пурьгине, ушо, умарькс, уштомс, удало*. Валонть куншкасо ды валонть песэ сон маряви ды сёрмадови кой-кона валтнэсэ. Н е в т е м г а: *салмукс, картуз, тутушка, лапужа, лапуш-кавтомс*.

И, ы гласнойтне, кода **у** гласной гайтеськак, сеedyстэ ёвтавить валонь васенце слогсо. Н е в т е м г а: *пиземе, пиче, исяк, ичемс, сыре, сыр-гамс, сыреждема*. Валонь куншкасо ды валонь песэ сын эрсить глаголонь лицянь петнесэ, вишкалгавтыця смусть марто валтнэсэ ды зярыя башка валсо. Н е в т е м г а: *моли, канды, ардынек, тердимизь, ашине, кудыне, ажия, асатыкс, салдырькс*.

Розь бакся (сёрмадови *розь пакся*), *од дзёра* (сёрмадови *од цёра*).

М, н, л, р согласнойтнень мельга **с** гайтесэ ёвтави ваньксстэ. Н е в т е м г а: *вирьсэ* (аволь *вирьцэ*) *беряньстэ* (аволь *беряньцтэ*), *мольсь* (аволь *мольць*).

Н, д согласной гайтне кой-кона валтнэсэ а марявить: *вакатнэ* (сёрмадови *вакантнэ*), *ломатть* (сёрмадови *ломанть*), *празник* (сёрмадови *праздник*).

Дс, тс согласной гайтнень васодемасо марявить прок **ц** гайтекс: *сияжцть* (сёрмадови *сияждсть*), *вицтэ* (сёрмадови *видьстэ*).

130. Сёрмадынк. 1. Муинк валтнэнь ютксто литературань келень валтнэнь ды видестэ сынст ёвтынк.

Чувто — чуфта — чувту, касэ — касы, кудосо — кудусу, кандомс — кандумс, вечксы — вечксэ, кизэненъ — кизынинъ.

2. Ёвтынк орфоэпиянь правилатненъ коряс валтнэнь ды валсюлмавкстнэнь.

Сэрей цёра, мазый чама, ошонъ пе, вирень тикше, ведень шалт, ведте, одто, кедте, содто, эмежде, садсо, сэдтеме, лазтнэ, тарвазт, вазт, кардазт, ривезть, недть, кежть, клубт, ломантне, виев варма, сэтьме чи, вечкевикс ялга.

131. Ловнынк. Лемдинк текстэнтъ. Ваннынк, кодат гласной гайтть марявить валтнэнь куншкасо ды песэ слогтнэсэ. Ёвтынк, кода марявить явовтозь валтнэсэ согласной гайттне.

Маря кузь Пор пандонтъ пряс...

Зяро мазычи перьканзо! Васоло вирентъ прязо экшелясь сэнь сувсо*, гайтев норовжорчтнэ, те сувонтень вайсезь, **кузсть** верев ды верев, ансяк Пор пандось **тенст** эзь сасаво. Нувсиця леентъ кавто чирева **сияждеть** эрьктъ, сынъ пирязь пиже нудейсэ ды чейсэ. Ды неявсь: эрьктне, кода нармунтнеяк, ливтясть весементъ марто, мезесь эрясь ды цветясь те модантъ лангсо.

- Муинк вейкетъ пелькстнэнь, кодасынь сюлмавить эсь ютковасть.

33 §. Кортамонтъ мазыйстэ гайгемазо.

132. Ловнынк.

1.—Мекс течи, дедай,
Тон а весёлат,
Ёвкскеть а ёвтнят,
Морот а морат?
Мекс течи, покштяй,
Улот новолезь,
Кода ашо лов,
Чамат оланя?

(И. Кривошеев.)

2. Кискат, псакат
Ускить кстыйтъ,
Ускить кстыйтъ —

Теске онкстыть.
 Кавксо кстыить —
 Тешкс тёшкстыть.
 Вейксэ кстыить —
 Кикс кикстыть.
 Онкстазь кстыйтнень
 Пекс пекстыть,
 Тешкстнэнь, кикстнэнь
 Мацтс кекшить.

(Д. Надькин.)

- Кона текстэсь ловнови мазыйстэ гайгезь, шождынестэ?
- Мекс? Мейсэ стакалгавтови омбоце текстэнтэ гайгемазо?

▲ Кортамось эрси мазыйстэ гайгевицякс (благозвучноекс) ды аволь мазыйстэ гайгевицякс. Мазыйстэ гайгевицякс кортамось эрси сестэ, зярдэ валтнэ текстсэнтэ аравтовить эрявикс ладсо. А васодевить вейс зярыя согласной гайттэ. Истя, сёрмадозь васенце текстэсь. Омбоце текстэсь жо гайги а мазыйстэ. Тесэ валтнэ лацезь стакасто, текстсэнтэ ламо согласной гайтень вейс васодема. Истямо сёрмадомась ловнови стакасто.

133. Ловнынк. Явовтодо мель тешкстазь валонь формат-ненень. Ёвтынк, кодат полавтомат появить сынст ёвтамсто.

1. **Валскесь сэньсэ** артовсь,
Венть полавты чи. (А. Щеглов.)
2. **Садтнэнь**, чувтнэнь велькска
Састо ливтниль лов. (Е. Пятаев.)
3. Сёксесь ашо суреть
Моданть келес **штердсь**. (П. Любаев.)
4. Чизэ вирентэ экшес **кеверсь**,
Моданть марто вастовсть вейс. (И. Калинин.)

- Муинк вейкетэ пелькстнэнь, конат эсь ютковаст сюлмавить союзтомо.

134. Ловнынк. Ёвтынк, кода марявить явовтозь валтнэсэ валонь уставиця согласной гайттне.

1. Од **порась**, мезть иля снарт, Мекев зярдояк а сы. (А. Моро.)

2. Эрямонь **чарось** апак лотка вели⁴. (Д. Надькин.)

3. Гайгезь гайги эрзянь **келесь**,
Сонзэ эйсэ кортат — ёжось касы. (А. Доронин.)

- Муинк отрицания марто глаголтнэнь.
- Явовтозь валтнэнь явинк слогонь-слог.

▲ Стихотворениясонть пек эрявиксэкс ловови рифмас валтнэнь эрявикс ладсо аравтомась ды сынст мазыйстэ гайгемась. Теньсэ покш лезэ кандыть эрьва стихень строканть песэ гласной ды согласной гайтнень рифмань теевемань кис аравтомаст.

Н е в т е м г а: Валске мартонь зорясь
 Менель крайсэ палсь,
 Мастор тештенть ланга
 Сядо толт сон валсь...
 (И. Кривошеев.)

Стихень строкатнень песэ явовтозь валтнэсэ прядыця слогтнесэ тееви рифмась (созвучиясь): *палсь* — *валсь*.

▲ Рифмань теевемась свал мельсэ кирди орфоэпиянь (ёвтамонь), но аволь орфографиянь (сёрмадомань) лувтнэнь. Н е в т е м г а: стихсэнтъ, кона максови ало, *штердсь*, *тердсь*, *кедьс* валтнэнь песэ рифмань мельсэ кирдэзь ёвтави **ц**, сёрмадови жо кавто гайтень вейс васодема — **дсь**, **дьс**.

Сёксесь ашо суреть
Моданть келес штердсь.
Модамарень паксясь
Урядамо тердсь.
Штобу модань казненць
Щупамс, саемс кедьс,
Таргинь пакся крайстэ
Модамарень недькс. (П. Любаев.)

135. Ловнынк. Муинк рифматнень ды ёвтынк, мейсэ сынъ теевить.
Невтинк явовтозь валтнэсэ вачкодеманть.

1. Чии, чии Ратор леесь,
Ваны мельганзо *килеесь*.
Чудить, налксить кельме *струят*, —
Костояк истят а муят.
Килеесь кольни, покшкавтни,
Раторонть кежензэ савтни.

(Н. Эркай.)

2. Кизэ куншка.

Гайги маней.

Вант, мик ардомсто **пият...**

Варда лишменть эйсэ пани,

Яла ноцковтни **ождят.**

Вежайтне пачкодсть лей чирес.

Варштась Варда — иневедь!

Весе моданть було **пирясь,**

Но троксканзо арась сэдъ.

(В. Радин.)

- Муинк васенце стихстэнтъ неень шкань глаголонь формат-нень. Тонавтнинк стихотворениятнень ёвтамга-марямга.

▲ Стихтнесэ лиясто кодамоjak эрjавикс мелень арсеманть тешксэнзэ кис вастневи вейке теке жо гайтесъ ламоксть. Н е в т е м г а: Н. Эркаень «Вирь лей лангось» стихотворениясонть ламоксть ёвтави **й** гайтесъ.

Вирь лей лангось

Лекси шожда парсо,

Берёкканзо чиить

Од килейтне.

Ки чиретне вельтявсть

Луганарсо, —

Жой паксятне,

Вай, кодат

Келейть ней!

Молят эзгаст —

Нурсить було лавсьсэ,

Маряса мон таго

Эйдень порам.

Поэтэнтъ ули мелезэ невтемс кизэнь чинть ушодксонзо, сонзэ сэтьме ды мазый ёнксонзо, тенень сонензэ лезды вейке теке жо гайтев чевте согласноень вастнемась.

Стихсэ вейке теке жо согласной гайтень ломоксть вастневемантень мерить а л л и т е р а ц и я.

Те валось латинэнь, косо **ал + «к» предлог + литера «буква».**

136. Ловнынк. Невтинк, мейсэ тееви рифмась. Муинк аллитерациятнень. Мезень кисэ сынст теи авторось? Евтынк, кода маряви явовтозь валось.

Ярде, ярде, морыне,
 Седе курок, цёрынеть!²
 Седе курок, тейтернеть,
 Кенерсь инзей кептернеть.
 Зняро ломанть тенк мернить
 Ды морамо ней тердить! (А. Моро.)

- Муинк стихстэнтъ подлежащйтнень.

137. Ловнынк, явовтодо мель сень лангс, кода поэтэсь вечкевиксстэ ёвтни веледентъ, тень кисэ стихсэнтъ ламоксть вастневи мель ванстыця с гайтесь. Невтинк рифманъ теиця слогтнень.

Прась Сурань томбалев
 Каргонь Кись,
 Састо тусь эзганзо
 Маней чись⁴.
 Покш Поводь велентень
 Инжекс сась,
 Эрьва эрицянтень
 Сон совась.
 Сравтовсь велентъ келес
 Валдо чись, Ветимим моньгак¹ тей
 Каргонь Кись. (Н. Эркай.)

- Муинк стихстэнтъ сказуемойтнень.

▲ Кортамосонтъ эрси истяк, зярдо валрисьмесэнтъ кодамояк валось лиятнестэ кепедеви вайгельсэ. Теньсэ невтевить эрьва кодат смустень коряс эрявикс арсемат ды ёжомарямот. Н е в т е м г а: *Колмоце бригадась эсензэ паксянзо видизе товзюросо*. Ловнови а вейкетъстэ, бути теке жо валрисьмень вайгельсэ кепедеви эрявикс валось:

1) кепедеви вайгельсэ колмоце валось, кевкстемась зяроце? *Колмоце бригадась эсензэ паксянзо видизе товзюросо* (аволь васенце ды омбоце);

2) кепедеви вайгельсэ *товзюросо* валось, кевкстемась мейсэ? — *Колмоце бригадась эсензэ паксянзо видизе товзюросо* (аволь пинемесэ ды розьсэ);

3) кепедеви вайгельсэ *эсензэ* валось, кевкстемась кинь? — *Колмоце бригадась эсензэ паксянзо видизе товзюросо* (аволь лия бригадань);

4) кепедеви вайгельсэ *видизе* валось, кевкстемась *видизе* ли? — *Колмоце бригадась эсензэ паксянзо видизе товзюросо*.

138. Сёрмадынк. Ловнынк истя, мезесь полавтолизе валрисьмень смустентъ вайгелень кепедемасо.

1. Мон якинь. Мон якинь. 2. Тон морат. Тон морат. 3. Ават тонеть максызе. Ават тонеть мак-сызе. 4. Тон теик теवंть? Тон теик теवंть?

139. Ловнынк, арседе, кона валтнэ, тынк койсэ, эрявить кепедемс вайгельсэ. Сёрмадынк, алга кикстынк неть валтнэнь.

Кавто цёрынетне мезе вий ардсть пиче вирентень. Телень якшамодонт чамаумарест якстерьгадсть, сельмечирькест ды сельмепонаст вельтявсть ашо лекшасо. Ансяк сынэ эзь маря якшамонт, мекевланк, нато ливезькадсть, истя бойкасто ардсть.

Вирентень пачкодезь, тусть седе састо. Кодамо паро вирьсэ! Сэтьме, ансяк шожда вармась экше ялткекс пувась чувтнэнь прясо. Эрьва пичесь — теке одирьва, кона оршась ашо паля ды весенень мельспаросо невтнесь эсь мазычинзэ.

- Муинк прилагательнойтнень.

34 §. Гайтне ды букватне. Алфавитэсь.

▲ Кортамонь гайтне сёрмадомсто неутевить буквасо. Эрьва гайтень ули эсензэ буквасо. Н е в-т е м г а: *кал* валсонть колмо гайтть ды колмо букват. Эрс истяк, зярд валсонть гайтнеде седе аламо букватнень коряс, н е в-т е м г а: *медь* валсонть колмо гайтть — **м, е, д**; а букватнеде ниле — **м, е, д, ь**; эрси мекевланкак — *пулиямс* валсонть сисем букват, гайтнеде жо кавксо — **п, у, л', и, й, а, м, с**.

Мезекс эрявить букватне?

Мезе те алфавитэсь?

А л ф а в и т (а з б у к а) мерить букватнень вейке-вейке мельга аравтомантень.

Алфавит валось теезь грекень келень кавто васенце букватнень лемстэ: **альфа** ды **бэта** — **(вита)**.

★ Эрьва букванть ули эсензэ лемезэ.

Аа	Бб	Вв	Гг	Дд	Ее	Ёё	Жж	Зз	Ии
а	бэ	вэ	гэ	дэ	е	ё	жэ	зэ	и
Йй	Кк	Лл	Мм	Нн	Оо	Пп	Рр	Сс	Тт
й	ка	эль	эм	эн	о	пэ	эр	эс	тэ
Уу	Фф	Хх	Цц	Чч	Шш	Щщ			
у	эф	ха	цэ	че	ша	ща			

ь	ы	ь	Э	Юю	Яя
калгодо	ы	чевте	э	ю	я
тешкс		тешкс			
(ь)		(ь)			

▲ Эрзянь алфавитсэнтъ 33 букват: 10 гласнойть, 21 согласной ды кавто букват — **Ъ, Ъ** гайттъ а невтить

▲ Алфавитэнтъ ды букватнень лемест эряви содамс. Алфавитэнтъ коряс сёрмадовить валкст, тейневить фамилиянь спискат, кудонь номерт, (н е в т е м г а: *60a, 60б, 50в* кудотне), библиотекасо автортнэнь фамилияст коряс аравтневить книгат. Вейкетъ буквасо ушодовиця валтнэ алфавитэнтъ лувс аравтовить омбоце ды мик колмоце букватнень коряс. Н е в т е м г а: *Князева* ды *Кладова* фамилиятнень алфавитэнтъ лувс аравтомсто васня эряви сёрмадомс *Кладова* фамилиянтъ, секс што **л** буквась ашти алфавитсэнтъ **н** буквадонть икеле.

140. Диктовазь валтнэнь ютксто ёвтынк сетнень, конатнесэ улить гайтень а невитиця букват.

Карькс, вальюр, район, рельса, сезяка, сельге, ломань.

- Ёвтадо каршовал кевкстематнень лангс.

1. Зяро кужос явовить эрзянь алфавитэнтъ букватне?

2. Мезекс эряви содамс алфавитэнтъ?

- Тонавтнинк алфавитэнтъ.

141. 1. Евтынк букватнень лемест, конатнесэ невтевить ало максозь валтнэсэ согласной гайттне.

Н е в т е м г а: *вал* валсонть **вэ** буквасонть невтеви **в** гайтесъ, а **эль** буквасонть — **л** гайтесъ.

Письмар, кудо, неръ, тикше, ой.

2. Явовтозь валтнэсэ толковинк **ь** путоманть.

Се вестэнтъ Куля баба ёвтнесъ Володяненъ од ёвкст. Цёрынесъ матедевсь ды несъ шабра бабадонть он: эрясь-аштесъ моданть лангсо Куля баба, **эждекшнесъ** аволь ансяк эсензэ, но ломанень **седейтькак...**

142. Сёрмадынк. Леень лемтнень аравтынк алфавитэнь коряс.

Мордовиянь карта лангсо невтезь леень ламо лемть: Сарка, Ладка, Мокша, Пырма, Пишля, Тавла, Сура, Сэняш, Рудня, Атьма, Варма, Шок-ша, Инсар, Саранка, Промза, Парца, Уряй, Исса, Юзга, Штырьма, Меня, Аморда, Ламотка, Виндрей, Юнка, Аксел, Нерлейка, Сивинь, Нуя, Чиуш.

◆ Буква вельде невтеви гайтесъ. Илядо човоря гайтентъ ды букванть. А эряви ёвтамс гайтентъ таркас букванть лемензэ.

- Толковинк, кодат ильведевкст нолдазь каршо валсонть. Витинк.

1. Вирь валсонть колмо гайтть: **вэ, и, эр.**

2. Мастор валсонть кото гайтть: **эм, а, эс, тэ, о, эр.**

143. Ловнынк. Васня ёвтынк гайтнень, конатнестэ тееви валось, мейле — букватнень, конатнень вельде валось сёрмадови.

Парта, кедь, куяр, вальма, алкс.

35 §. Валонть песэ ды валонть куншкасо чевте тешксэнь (ь) сёрмадомась.

144. Муинк валтнэнь, конатнесэ валонть куншкасо ды песэ сёрмадови чевте тешкс (ь).

1. Шумбрат, суюпря тетъ, вирень лей!

Суюконясть тетъ килейтне.

Пертьпельде вирьстэнтъ:

«Юта-а-ак те-е-й-й!» —

Рангстасть вирень оятне.

(Н. Эркай.)

2. Кшинтень моро моратано.

Кшись прок сырнень валдо чись.

Кшивтементъ, минь содатано,

Эрямонтень арась ки.

(З. Дорофеев.)

▲ Чевте тешксэсь (ь) путневи:

1) валонть песэ чевте -дъ, -зъ, -лъ, -нъ, -рь, -сь, -тъ, -ць кавонзавиця согласнойтнень мельга: *медь, кель, ломань, вирь, сёксъ, тенсть, граць*;

2) валонть куншкасо чевте кавонзавиця согласноенть мельга, бути мельганзо ёвтави калгодо кавонзавиця или аволь кавонзавиця согласной: *тарькс, вельсэ, вирьбуло, чевтьстэ, пацькамс, лисьма;*

3) чевте **ль** мельга: *пильге, велькс, мольсь, мельтеме.*

▲ Чевте тешксэсь (**ь**) а путневи:

1) зярдю валонть куншкасо ды валонть песэ вастовить кавто или седе ламо чевте кавонзавиця согласнойть: *минсь, весть, нетнень, ведне.*

2) **-нк, -нг, -нч, -нж, -чк** согласной гайтнень вейс аравтомаст юткс (стакалгавтозь валтнэде башка): *кенки, пинге, куншка, пенч, манчемс, кенже, муинк, эчке, вечкемс ды лият.*

Рузонь кельстэ саезь валтнэсэ, конат прядовить **-бь, -вь, -пь, -мь** гайтть лангс. Эрзянь кельсэ чевте тешксэсь (**ь**) неть валтнэсэ весе падежень формат-несэ а сёрмадови: рузонь *стенъ* — эрзянь *стен, степсэ, степстэ*; рузонь *озимъ*, эрзянь — *озим, озимстэ*, рузонь *дробъ* — эрзянь *дроб, дробтомо*.

145. Кевкстематнень лангс ве валсо максодо (сёрмадозь) каршовал. Сёрмадозь валтнэсэ алга черькстынк чевте согласнойтнень ды ёвтынк, мейсэ невтеви сынст чевтечись.

1. Кодя мерить пек кельмемантень?
2. Кодя мерить се шкантень, кона сы кизэнтъ мельга?
3. Кодамо праздникесь мартсто?

146. Сёрмадынк. Косо эряви, точкатнень таркас путодо чевте тешкс (**ь**). Толковинк, мекс сон путови или а путови.

1. Сехте питней те тевес..., конан...с валоз... ливезес... . 2. Нузяксто тевень теез..., кут... мерет... ули кел... мез... . 3. Тонавтнемас... берян...с а ветятанзат. 4. Эр...ва пент... ули ушодксозо. 5. Эс... прян... вечкицяс... кинен...гак а вечкеви. 6. Иля пеле пеел...де, пел...т... кувака кел...де.

147. Сёрмадынк. Точкатнень таркас путодо эрявикс буква.

Лис.ма пря, ормаме...кс*, ван...кс сел...ге, вед...байге, пер...ка, лос.кавтомс, пур...гине чир...ке, кер...кс, скамон, ул...ця, эскел...кс, мет...каз, вед...ме, сэт...ме, вед...гев, эр...ге, кар...кс, губор...кс, нел...гемс, кел...ме.

148. Ловнынк ды толковинк, мекс согласной гайтень васодема ютксо явовтозь валтнэсэ а сёрмадови чевте тешкс (**ь**).

1. Сех **питней** казне — паро шумбрачи.
2. Чись — весе **мазытнеде** мазый.

3. Кочкодыкесь моры **паксянть** песэ:
 «Монень вадря, монень лембе тевсэ!»
 – Вадря, зярдэ моро **седейтнесэ**. (Ч. Журавлев)
4. **Весть** тейса, **сядоксть** кундаса (Содамоёвкс)
5. Маштомс неезенть, марязенть, ловнозенть нурькинетэ **ёвтнеме** или сёрмадомо. Тенень эряви **тонавтнемс**.

36 §. Е, ё, ю, я гласной букватнень смустест ды сынст сёрмадома.

149. Ловнынк.

Ливтась яксярго ве эрькенть эйстэ,
 Ялганзо рангстасть каршонзо лейстэ.

(Н. Эркай.)

▲ *Яксярго* ды *ялганзо* валтнэнь ушодкссо парсте маряви кавто гайтень вастовома: вейсэ ёвтавить **й** ды **а** гайттне. Истямо гайтень вастовомась невтеви **я** буквасо. Кавто гайтень вастовома невтеви истя жо **е, ё, ю** букватнесэ: **е-йэ, ё-йо, ю-йу**. Н е в т е м г а: *сеель* валсонть омбоце буквасонть невтеви кавто гайтень вастовомась: **й** ды **е**. Васенце жо **е** буквась невти э гласной гайтенть ды икелензэ аштиця согласноенть чевтечинзэ (**сьэ**).

Ёжо ды *ютко* валтнэсэ **ё** буквасонть невтеви **й** ды **о** гайтень вастовомась (**йожо**), **ю** буквасонть жо — **й** ды **у** гайтень вастовомась (**йутко**).

Кавто гайтень вастовома **е, ё, ю, я** букватнесэ невтеви ансяк сестэ, зярдэ сын сёрмадовить валонть ушодкссо ды лия гласной буква мельга. Н е в т е м г а: сёрмадтано *ялга, пеель, ёндо́л, юкснемс, мертяно йалга, пейэ́ль, йондо́л, йукснемс*.

▲ **е, ё, ю, я** букватнень ули лия смустесткак. Сынст вельде невтевить э, **о, у, а** гласной гайттне, зярдэ сын ёвтавить чевте кавонзазь согласной мельга, н е в т е м г а: *сядо* валсонть **я** букванть вельде невтеви **а** гласной гайтесэ ды **с** согласноенть чевтечинзэ (**сьадо**); *недь* валсонть **е** буквась невти э гласной гайтенть ды **н** согласноенть чевтечинзэ (**ньэдь**).

♦ **К И Р Д И Н К М Е Л Ь С Э: е, ё, ю, я** букватнень а вейке смустест. Сынст вельде невтевить кода кавто гайтть — **йэ, йо, йу, йа**, истя жо вейке гласной гайть э, **о, у, а** ды икелест аштиця согласнойтнень чевтечист.

150. Ёвтынк валтнэнь, конатнесэ **е, ё, ю, я** букватне аштити или валонть ушодкссо, или лия гласной мельга. Мезе сын невтити? Кодамо валсо некеть жо букватне аштити согласной мельга? Мезе сын невтити согласной гайттнень мельга вастневемстэ.

Ютко, цянав, неия, кедтнеяк, сиянь, эзь муеве, каямс, Дубёнкань, цёков, сюкпря, ёмамс, сүпав, сеель, кудряв, эрексия, ялга, сёлмо, ютамс, пакся, сееремс, парямс, сельме, маней, ян, менель.

151. Ловнынк. Толковинк явовтозь валтнэсэ **е, ё, ю, я** букватнень.
Кодат гайттть сынъ невтить?

Художник.

Алёшка сад **пирев**³
Сокс лангсо совась,
Алёшка портфельстэ
Покш тетрадь таргась.

Тетрадень страницас
Умарьксэсь **ютась**.
Тетрадень страницас
Од **килеесъ стясъ**.

Тия рядсек арсестъ
Инзейть, чукшторовт...
Покштязо варштасы
Алёшканъ теветъ
Ды, нама, уш шнасы:
— **Цёркась** тон превей.
Цёркась тон **ёроков**,
Пек роботы прят,
Кеман, покшсто касозъ,
Художник улят.

Алёшканень вадря,
Алёшканень ён:
Уш, нама, тееви
Художникекс сон.

(А. Щеглов.)

- Тонавтнинк стихотворениянтъ.

152. Ёвтынк, мейсэ нектеви валтнэсэ согласной гайттнень чевтечист.

Уське, сядо, лужаня, уцяска, цеця, менель тюс, цёрыне, вайгель, эрзя,
нудей, верь, тёкш, меште, лёмзёркс, нармунъ, кеняркс, тенстьке лисьма.

153. Диктовазь валтнэнь ютксто муинк сетнень, конатнесэ рядсек
аштить кавто гласной гайттть; **й** ды гласной гайттть (гайттнень илинк човоря
букватнень марто).

Лауреат, киуло, ярмак, ёндо, газификация, юбилей, ютамс, президиум.

- Явовтозь валтнэнь марто арседе валрисьметь.

154. Сёрмадынк. Точкатнень таркас путынк эрявикс букватнень. Зяро гайтть ды букват явовтозь валтнэсэ?

Вана мезе, примеркс, мон ловнынь вейке книгастонть: «Вечкевикс Михаил Петрович! Балтийской флотонь моряктн... ёвтыть Тенк, советской народонь отважной ц...рант...нь, **седейшкавань** пасиба вастовоманть кис. Минь кен...рдтано Тынк кувалма, с.конятано Тынк героической **подвигенть** икеле. Минь карматано тонавтнеме Тынк пел...де мужествант...нь ды кемечинт...нь, карматано пштит... ванстоמו минек **вечкевикс** Отчизнанть священной рубеж...нз... . Арсетяно Тенк ламо иень часияв эрямо.

(Я. Пинясовонь коряс.)

- Муинк глаголонь ламонь числань васенце лицянь форматнень.

37 §. Э, е, и, ы гласной букватнень сёрмадомасть.

▲ 1) **э, ы** букватне валонть куншкасо ды песэ сёрмадовить кавонзавозь ёнкс марто калгодо согласной гайттнень мельга: *сэря, кизэ, пизэ, сэме, сывель, сынь, цёрыне;*

2) **е, и** букватне валонть куншкасо ды песэ сёрмадовить чевте кавонзавозь ды аволь кавонзавозь ёнкс марто согласной гайть мельга: *недь, верде, летьке, пей, медь, ниле, ривезь, лииме, тильге, моли, кольни.*

155. Сёрмадынк, толковинк, мекс явовтозь валтнэсэ сёрмадозь **э, е, и, ы.**

1. **Валскесь** якшамо. Эзь невягак, зярд лиссь чись. Виренть экштэ сон кармась неявомо ансяк **сестэ**, зярд кузсь верев.

2. **Палы** валдо **чизэ**.

А онкстави псизэ.

Цветяк, масторонок, —

Седейсэнек кизэ.

(Н. Эркай.)

3. **Мекшесь**, эсь пачканзо музгордезь,

Эрьва цецянь танстенть варчи,

Ансяк вестькак тензэ эзь леде:

Пурны ломаннень шумбрачи.

(А. Мартынов.)

156. Сёрмадынк, точкатнень таркас путодо эрявикс букват.

Киз...нь шкан...; с...нь менельст...нть; килеенть велькс...с, пинг...нь перть; с...рнень лисьмапря; покш с...ретькс; тек... чад...ведь; эйкакш пингст...; пекш...нь цвет; с...тьме шка.

38 §. Явовтыця калгодо (ъ) ды чевте (ь) тешкстнэ.

157. Ловнынк ды максодо каршо вал.

Обед — объездчик, пьеса — песэ, съезд — сельме.

Мейсэ явовить *объект, пьеса, обедъёнкс, съезд* валтнэсэ **е, ё, ю, я** гайттнень ёвтамост?

Эрзянь кельсэ улить зярыя валт (ламотне эйстэст рузонь кельстэ саезь) явовтыця **ъ** ды **ь** марто: *вальюр, разъезд, бильярд, кельюр, вирьян*.

▲ **Калгодо (ъ)** явовтыця тешксэсь яви калгодо согласноенть **е, ё, ю, я** гласнойтнень эйстэ: **ъ** вастневи рузонь **из-, над-, от-, перед-, под-, раз-, об-** приставка марто валтнэсэ: *подъём, предъюбилейной, объезд, разъезд*.

▲ **Чевте тешксэсь (ь)** яви чевте согласноенть мельга **е, ё, ю, я** гласнойтнень: *Ульяновск, Илья, курьер, статья, виръёнкс, мельявовкс, кальям*.

Калгодо (**ъ**) ды чевте (**ь**) явовтыця тешкстнэ валтнэнень путовить секс, мекс согласной ды мельганзо молиця гласной гайттне кортамсто авольть валово вейс; **е, ё, ю, я** гласнойтне ёвтавольть **йэ, йо, йу, йа** гайтекс.

158. Максозь валтнэнь явинк колмо кужова: явовтыця калгодо (**ъ**), явовтыця чевте (**ь**), чевте (**ь**) тешкстнэнь марто.

Карьер, Ольга, съезд, кальбуло, сывельям, Ульяновск, подъезд, статья, пьеса, кырга, Норильск, валерьянка, съёмка, ателье, кольца, сэтьме, Сибирь, портфель.

159. Максозь валтнэнь сёрмадынк кавто столбикс: валт, косо **ь** невти согласной гайтенть чевтечинзэ; валт, косо **ь** явовтыця.

Сельведь, теинька, Татьяна, обезьяна, пьеса, эрьвейкенъ, мельспаро, ульця, бурьян, ателье.

160. Сёрмадынк. 1. Точкатнень таркас путодо эрявикс букват. Толковинк сынст путовомаст.

1. Савсь ансяк ваномс; звен...евойтне теевел...т... истя, кода мерезел... .
2. Весе преподавател...тн...н... ладсо М. Е. Евсевь...ев якась училищань

форман... одежасо. Сэрей, усатн... ды сакалtn... нур...кинеcтэ нараз... .
3. Зярдo Степан Ил...ич озас..., уставас... кортамо Васёнкань авазo. 4. Икелев мол...тяно кеме эскел...кссэ.

- Муинк глаголонь 3-це лицаcо форматнень.

2. Ёвтынк, мекс явовтозъ валтнэсэ сёрмадови (ь).

1. Ялгавтомо-оявтомо — **коcьке** чувто тарадтомо. 2. **Эйкакшoсь** правты **сельведь**, авась — кавто. 3. **Куватьс** удындерят — паро а неят. 4. Манят вейке-кавто **ломань**, **а** **народoсь** а маняви. 5. Парo валoсь кeж ёмавты, берянесь — **тюрьгавты**³.

39 §. Фонетика ёндo валонь ванномась. Ванноманть молемазo.

1. Зяро слогонь валoсь, кодамо слог лангс пры вачкодемась?
2. Гласной гайтне — икельце или удалце рядонь, кодамо буквасo сынь невтевить?
3. Согласной гайтне — калгодо ды чевте, гайтев ды аволь гайтев согласнойть, кодамо буквасo сынь невтевить?
4. Зяро гайтть ды букват валсонть?

Ванномань невтемга.

Розь

Валoсь ве слогонь.

Гласной гайтесь **o** — удалце рядонь, невтеви **o** буквасo. Согласной гайтне: **p** — калгодо, гайтев, невтеви **эp** буквасo; **з'** — чевте, гайтев, невтеви **зэ** буквасo ды чевте **ь** тешкссэ.

Валсонть колмо гайтть, ниле букват.

Мода

Валoсь кавто слогонь, вачкодемась путови кода васенце, истя жо омбоце слогонть лангс: **мо-да**, **мо-да**.

Гласной гайтне: **o** — удалце рядонь, невтеви **o** буквасo; **a** — куншкacо рядонь, невтеви **a** буквасo.

Согласной гайтне: **m** — калгодо, гайтев, невтеви **эм** буквасo; **d** — калгодо, гайтев, невтеви **дэ** буквасo.

Валсонть ниле гайтть ды ниле букват.

♦ Кортамонь гайтне тонавтневить келень наукань башка пелькссэ — **фонетикаcо**. Кортамонь гайтнень ды букватнень юткco сюлмавкстнэ тонавтневить **графикаcо**.

161. Явовтозь валтнэнь ваннынк фонетика ёндо.

Зяроце чи уш моли **пиземе**. Сон моли аволь виевстэ ды аволь састояк, теке начко пуль пры верде, озы кудо прятнес, **чувтнэнь** ды тикшетнень лангс, эсь сталмосонтэ увти лопатнень алов.

Мельс ледсямось.

162. Сёрмадынк. Явовтозь валтнэстэ ёвтынк **е, ё, ю, я** букватнень смустест.

Сехте покш паркось минек планетанть лангсо — Кения масторсонтэ (Африкасо). Сонзэ покшолмазо 21 тыща квадратной вайгельпетэ (лециясынек: Мордовия Республиканть покшолмазо 26 тыщат квадратной вайгельпетэ). Те парконтэ **олясо** эрить 60 видэнь млекопитающейть, сынст **ютксо** слонт, носорогт, зубрат, ламо **лия** ракшат ды зверть, **ансяк** нармунтнеде **тесэ** котосядошка вид.

163. Сёрмадынк, точкатнень таркас путынк эрявикс букванть. Явовтозь валтнэсэ калгодо согласнойтнень кикстынк алга вестэ, чевтетнень — кавксть. Ёвтынк, кода невтеви васенце валрисьмесэнтэ чевте согласнойтнень чевтечист.

Кие ул...несь сёксен... вир...сэ, се соды: эр...ва кодамо **танст...** каяты судо варязот. Кос.ке **тикшен...гак**, пангон...гак, **умарен...гак**. Нама, весе те парочис..., пизёлтнэде башка, пурнавкшны. Пизёлтнэ учит... кел...мен... прамот, зярдэ весе чувтнэ невелит..., ды вирес... сэр...с панжови, карми неявомо эр...ва чувтос... . Зярдэ жо ютат вир...-гант...—весе **перт...пел...ксэс...** ожолт мери. Чик-чик!—чикордыть пил...ге ало праз... лопатне, ды тонс...как а фатят, кода чалгават кекшез... панго лангс. Те, нат..., а казне? Казне — ды кодамо!

Вана кона шкане паро **вир...сэнт...** — **сёксня!**

(И. Девин.)

- Муинк местной падежсэ аравтозь существительное.
- Ёвтынк, кодат текстсэнтэ прилагательнойтне.

164. Кикстынк алга сеть валтнэнь, конатнесэ согласноэнтэ чевтечись невтеви гласной буквасо. Сёрмадынк башка валтнэнь, косо гласной буквасонтэ тешкставить кавто гайтть.

1. Тонавтнемас... берян...с а ветятанзат. 2. Тонавтоз... ломанентен... чис.как седе валдо. 3. Чавт кшнинт..., зярс пси, тонавтнек, зярс одат. 4.

Тонавтнемас... — валдочи, а тонавтнемас...—чопода ве. 5. Ломаннен... берян... теят, тонс...как паро а неят. 6. Тевес... превт... рашты. 7. Паро тевес... кинен...гак а сядлови. 8. Эр...ва пент...ули ушодксозо. 9. Иля шна пря кел...сэ — шнак тевсэ. 10. Паро мел...т... арсят ... — паро валт марсят.

165. Ловнынк ды сёрмадынк. Явовтозь гайтев согласноенть таркас маряви аволь гайтев согласной. А теемс сынст сёрмадомсто ильведевкст, мезе эряви содамс теде?

1. Васоло вирь. Эчке пичеть. Алгаст парсейкс ацавсь ашо нупонь. Юткованзо, прок цецят, пиче пангот. Мазыйть. Лангсост ожола кикскетъ... Неть панготне кеметь, прок алкукс кевень.

(А. Куторкин.)

2. Цёковось ушоды моронзо сестэ, зярдю муи симемапель килей лопа лангсто.

3. Миша Тимофеев энялдсь чилисеманть вастомс Нуя лей берёксо вирьчиресэ. Весе кеняр-дозь согласясть ды, кедте кедьс кундазь, улыцянтъ куншкава сыргастъ вирентъ ёнов.

(П. Прохоров.)

- Муинк явовтозь валтнэсэ валъюронтъ.
- Кодамо шкань глаголтнэ 2-це валрисьмесэнтъ?

166. Сёрмадынк. Точкатнень таркас путодо чевте тешкс. 1-це ды 2-це валрисьметнесэ муинк чевте ды калгодо согласнойтнень.

1. Аштян покш эр...ке чиресэ ды пштистэ ванан ул...ма мел...га. 2. Ушосон...т... ул...нес... хот... и маней, но экше. 3. Пиземес... яла мол...с. . Сэт...местэ, тустосто прас. сонзэ питнейдеяк пит...ней ведес... кор...май модан...т... лангс. 4. Вагонон... чарыт...не весёлас-то ловнос.т... вайгел...петнен... .

- Муинк прилагательнойтнень.
- Муинк явовтозь валсонть валонь пелькстнэнь.

Кемекстамонь ды теемань кисэ кевкстемат.

1. Невтинк, мейсэ авейкетъксчись гласнойт-нень ды согласнойтнень теевемасо.

2. Кодат калгодо ды кодат чевте согласнойтнень арасть парной гайтест?

3. Евтадо гайтев ды аволь гайтев согласной гайтть марто невтемат, конатне а эрсить гайтевчинь коряс кавонзавозь.

4. Косо, вейке секе жо гайтесь невтеви кавто лия буквасо?

5. Косо **б, г, д, в, ж, з** букватнесэ невтевить аволь гайтев согласнойть?

6. Кодамо буквасо невтеви согласной гайттенень чевтечись?
7. Зярд а сёрмадови **ь** тешксэсь согласнойтненень ютксо чевтечинь невтемань кис?
8. Муиде саемат, конатнесэ **е, ё, ю, я** букватне невтить кавто гайтть.
9. Мезекс эряви содамс алфавитэсь?
10. Мезе те слогось?
11. Мейсэ тееви кортамонть мазыйстэ гайгемазо?

167. Арседе план, конань коряс эряви ёвтамс каршовал: «Фонетикась. Графикась. Орфографиясь. Кортамонь маштомась» пелькстнэнь коряс.

168. Кикстынк алга сеть валтнэнь, косо е, ё, ю, я букватне невтить кавто гайтть. Точкатненень таркас путодо, козо эряви, эрявикс буква.

Кудосонт... сэт...ме. Наташа, нать, тусь школав. Сэт...ме маряви ушосоjak. Ан...jak ул...цянтъ ёндо лиясто каяты ловонь чик...рдома или нурдо полозань вешкема. Ды весе те ней кадовсь удалов, теевсь исень чикс. «Тосо, небось, аволить карма вана истя лужалеме лембе таркасо, — ар...сезевсь Володя ды эсь пачканзо пейдезевсь. — Кодак сер...гедить «подъём!»— ливтят, теке кельме вед...сэ пургазь!»

ЛЕКСИКАСЬ. КОРТАМОНЬ МАШТОМАСЬ.

40 §. Лексикадо чарькодемась. Валонть смустезэ.

Весементень, мезе ули природасо, ломанень перька эрямосонть, кельсэнтъ улить сынст не-втемга эрявикс валт.

Эрьва валось невти сень, мезе вастневи пертьпельга: *кудо* — эрямо тарка; *теле* — иень сех якшамо шка; керямс — явомс мезенькак эйстэ кодамояк пелькс. Эрьва валонть ули эсензэ смустезэ: се, мезе сон невти, мезе сонзэ чарькодевити.

Се, мезе невти валось, ловови сонзэ потмочинь (лексикань) смустекс.

Валтнэнь потмочинь смустест толковави ды чарькодевитеи валкссо, косо сын аравтовить алфавитэнь коряс. Н е в т е м г а: *Кардо*, -дт. Скотинань кирдема тарка: *скалонь кардо*; *лишмень кардо*.

Валкссонть те валдонть минь карминек содамо: *кардо* — те скотинань эрямо тарка, ламонь числасо эряви сёрмадомс *кардот*.

▲ Весе валтнэ, конат улить эрзянь кельсэ, теить сонзэ валонь сюпавчинть — валташтаксонть. Келень наукань пельксэнтень, кона тонавтнии неень шкань уликс валтнэнь, мерить **л е к с и к о л о г и я**. Лексикология валось теевсь грекень келень кавто валсто: «**лехис**» — вал ды «**логос**» — тонавтнема.

169. Ловнынк. Максодо лем стихотворениянтень. Мезде моли эйсэнзэ кортамось? Кочкадо текстэнтъ колмо валт: существительной, прилагательной ды глагол. Кодамо паде-жень формасо аштить явовтозъ валтнэ?

Валдо мельть мон ашо листэс
Кодан буквасто, мелявтозь.
Сыгаь саезь эрямонь псистэ²,
Ойме ёжова ютавтозь,
Сынь, прок ванькс зёрнат, певерить,
Колозокс касомо туить.
Кадык ломань туртов эрить,
Сынст **седейстэ** тарка муить...
(А. Доронин.)

170. Мезе невтить *чиньжарамо*, *ёндол*, *суркс*, *киуло*, кандылов валтнэ? Терявтынк муемс сынст потмочинь смустест.

▲ Потмочинь смустте башка, валонть ули грамматикань смустезэ. Невтемга, существительноеень ловить истямокс — падежесь, числась; глаголонтъ — шкась, лицась ды числась.

171. Ловнынк. Максодо текстэнтень лем. Явовтозь смустезэ — потмочинь ды грамматикань смустест.

Невтемга: *Панар*. Потмочинь смустезэ — оршамопель. Грамматикань смустезэ — суц., осн. скл., им. п., вейкенъ числа.

1985 **ие**. Миргород. Оймсицятне ваныть концерт. Секе тев сынъ тошксесь, кона артистэсь седе парсте морась. Апак учо сценанть лангс лиссь вадрясто оршазь ёлганя цёра ды кармась ловномо стихть рузонь ды эрзянь кельтнесэ. Ловнось оймень путозь, валтнэнь ёвтнесь чарькодевиксстэ, чевте вайгельсэ, лиясто кедензэ эрязасто ёртылизе икелев, **чамазо** сияждсь. Маряви, кунсолыцятне таймаскадсть, сынъ нилезь нильность валтнэнь. Ды кода а кунсолозеват, бути икеленек эрзянь поэтэсь Илья Петрович Кривошеев (Илька Моряця)!

Оймсицятнень ютксо ульнинъ монгак, куш сестэ эзинъ сода: те ломанесь сови эрямозон ды вельть мазылгавтсы сонзэ.

Омбоцедеяк Илья Петровичень вастыя теске, Миргородонь санаториясо. Налксесь духовой оркестра. Шкась ульнесь маней, морасть нармунть, пертьпельга — кеняркс, марявсть эльница вайгельть. Поэтэнтъ лангсо ульнесь сёрмав костюм, ловдоак ашо панар, июлень чись, марявсь, налксесь **ожо** котанзо лангсоjak. **Варштась** лангозом ды тердимим киштеме. Зярдс музыкась прыдовсь, сон палызе кедем. Перьканок ломантне вансть лангозонок аламодо талакадозь.

Илья Петрович сэтъместэ мерсь:

— Тынк эряви кандтнемс кедь лангсо.

- Ёвтынк, зяро гайтть невти **е** буквась **ие** валсонть.

▲ Валонть потмочинь смустезэ чарькодеветви зярыя кисэ-янсо: а) малавикс смусть марто валсо (*сэняжа* — тюрс сэнь-ашо ёнкс марто); б) явови мель предметэнтъ уликсчинзэ (признаконзо), лангс, кона лемдеви валсонть (*куз* — свал пиже чувто); в) панжови валонть пелькстнэнь смустест (*лисьмапря* — тарка, косто лиси ведь).

172. Чарькодевтінк ало максозь валтнэнь потмочинь смустест. Сёрмадынк толковамонть истямо невтемганъ коряс:

Лисьма — теине ды домка чувовкс, конась сав-\тозь ведь кандыця кирдантень (слоентень).

Пря. Кабан. Кичкере. Сараз. Ларь. Эй. Кизэ. Сёрма. Кужо. Сырне.

В а л т н э: *аволь виде, мездяэ; сёрмадозь текст, конаньсэ киненьгак мезеяк ёвтневи; кудонь нармунь; чувтонь покш ящик, конаньсэ мезеяк кирдеви (ванстови); кельмевтезь ведь; иень сехте пек лембе шка; ломанень (ракшань) рунгонь пелькс; вирьсэ чаво тарка; идем туво; химической элемент, тюжа туюсонь, пек питней киши (металл).*

41 §. Вейке ды ламо смустть марто валт.

Ваннынк артовкстнэнь ды сёрмадынк сынст лемест.



Кодамо вейке теке жо валсо лемдевить артовозь предметнэ? Зяро лексической смусть марто эрси те валось? Зяро потмочинь смусть кандыть *куяр, карандаш, сельмушит, товзюро, вальгельгакс* валтнэ?

Валтнэнь, конатнесэ невтеви вейке кодамояк потмочинь смусть, мерить в е й к е с м у с т е н ь. Валтнэнь, конатнесэ невтеви потмочинь (лексикань) а вейке смусть, мерить л а м о с м у с т е н ь.

▲ Валкссо ламо смустть марто валтнэ максовить вейке секе жо валкскужосо башка цифра мельга.

Н е в т е м г а: *Каямс*: 1) *каямс* жеребейсэ; 2) *ям каямс*; 3) *каямс* стога; 4) *каямс* панаронть; 5) *каямс* налог; 6) *каямс* каштомс кши.

173. Ёвтынк, валтнэнь ютксто конат вейке смустень, конат — ламо смустень. Улиндеряй стакачи, мель яводо учебниксэ максозь валксонтень.

Аржо, атлас, базар, вар, ванькс, юр, керямс, числительной, суффикс.

- Вейке смустень валтнэнь марто сёрмадодо келейгавтозь валрисьметь.

174. Валкссто муеде ламо смустть марто колмо валт. Сёрмадодо сынст марто валонь истят сюлмавкст, конатнесэ улест невтезь эрванть потмочинь смустезэ.

Н е в т е м г а: *Пекстамс*: 1) *пекстамс* кенкшенть; 2) *пекстамс* варянтъ; 3) *пекстамс* леентъ.

▲ Ламо смустень валсонть лемдевить зярыя предметт, предметэнь уликсчить, тевдеемат, конатнесэ ули кодамояк малавиксчи.

Н е в т е м г а: *Пиже*: 1) тикшень тюс, лопань тюс: *пиже* лопа; 2) мезеяк аволь кенерезь: *пиже* умарь; 3) а пек нардев, ансяк чачозь, природасо шкань уставкс: *пиже* эйкакш, *пиже* зоря. Омбоце ды колмоце смустне лововить кандовозь: *пиже* валось невти аволь кенерезь предмет, шкань уставкс.

175. Ловнынк. Ёвтынк, кодамо ламо смустень валсонть малавиксчикс ашти: 1) предметэнь формась; 2) валтееманть тевс нолдамозо.

Ломанень кель; толгель; баяга кель.

Тувонь нерь; саразонь нерь; пеель нерь.

Пурдамс кырга; пурдамс гайка; пурдамс кистэнтъ; пурдамс кедь.


176. Ёвтынк, кодамо вейке малавиксчи ули *чевте* валонь смустьсэнтъ ало максозь валзюлмавкстнэсэ.

Чевте мода, чевте кши, чевте вайгель, чевте лов, чевте варма, чевте вановт, чевте седей, чевте тарка.

- Арседе валрисьметь *чевте кши* ды *чевте вановт* валсюлмавкстнэнь марто.
- *Вайгель* валонть ваннынк гайтень ёндо.

177. Кроссвордсо валось муеви сонзэ потмочинь смустентъ толковамонзо коряс. Клеткас сёрмадодо валт, конатнень мусынк, ловнындерясынк, мезе сын невтитъ.

Керш ёндо витев: ниле . уголсо кандомапельксэнь кис сумка; вальма шаршав,



кона тапаряви рулонокс.

Верде алов: комавтозь лаз марто школань столь; кикс марто Африкань идем алаша.

178. Ловнынк. Чарькодевинк, стихотворениясонть явовтозь валтнэ кандыть аволь вейке смусть.

Ютыть иеть. Пакшат яла
Чачить, касыть⁴. Улить покшт.
Эрванть бажамозо **палы** —
Пачкодемс изнямонь **тёкшс***.

Ламот стаканть марто тюрезь,
Паряк, **теште** лан... с валгить.
Ведь а стяк Гагарин Юрий
Сынен...т космосов невт...сь кить.

- Кодат букват сёрмадыде точкатнень таркас? Мекс?
- Зяро букват ды гайтть *ведь* валсонть?

179. Ваннынк артовкстнэнь. Мезе эрьвасонть неватеви? Сёрмадозь невинк сень, мезе неветезь артовкстнэсэ. Кодат валт тыненк эрявольть бу эрьва описаниянь сёрмадомсто? Улить или арасть ютксост истят, конатнесэ неватеви аволь вейке смусть?



180. Максодо текстэнтень лем. Муинк валтнэнь, конат лововить ламо смустень. Кона валрисьметнесэ ули пшкадема?

Бабась, паряк, кой-мезе ламо ёвтаволь, ансяк те шкастонть малазост мольсь Прокопыч⁴.

— Эка, кель макссь тензэ пазось, — корты атясь. — Сон уш содасы! Тон, урвине, иля кунсоло те ведунонть, мезеяк сон а соды.

— Тон, сыре корш, иля эцне козонь а эряви. Оно седе вадря бу пенгинеть керявлить валскенень.

— Ну, тень уш, поди, мон тонстеметь содаса... Кхе, святой ведьсэ... Эка, мусь надобия. Те галахось аволь святой ведьсэ — шайтянонь **ведьсэяк** а лецяви!

— Рангт седе пек. Ва марятанзат, невти сон тетъ галах.

— Хо-хо! А невти ли! Муить кинь тандавтнемс?!

(В. Коломасов.)

- Ёвтынк, кодамо падежсэ явовтозь валось.

181. Максодо каршовал:

Мезесь таргави? Мезесь кепедеви? Мезесь колави? Кодамо эрси келесь?

42 §. Виде ды кандовиця смусть марто валтнэ.

▲ Сырнень суркс валсюлмавксонтъ сырнень валось невти предметэнтъ (сурксонтъ) свал улемань ёнксонзо, сон ловови виде смустекс. Сырнень товзюро валсюлмавксонтъ теке жо валось ёвтави аволь эсензэ смусть марто. Сонзэ эйсэ появи од смусть — тусонь коряс товзюрось моли сырне ёнов. Истямо смустентень мерить **к а н д о в и ц я**.

Кандовиця смустесь свал появи кортамосонтъ: кодамояк малавиксчинь коряс теке жо валонтень появи кандовиця смусть, *н е в т е м г а: валаня ки* (валаня валось ёвтави эсензэ виде смустьсэ); но *валаня кель* (теке жо валось ёвтави кандовиця смусть марто).

Смустень кандомась эрси, зярдо: а) предметнэ эсь ютковаст малавикст формань коряс: *уло* (ломанень) — *уло* (кинь), *чама* (ломанень) — *чама* (пандонь); б) предметнэ эсь ютковаст малавикст уликсчинь (признаконь) коряс: *валдо* (чи) — *валдо* (эрямо); в) потмоёжонь коряс: *кеме* (пикс) — *кеме* (ялга), *сэтьме* (варма) — *сэтьме* (ломань).

Сеедьстэ ломанень тевтеематне аравтовить аволь живой предмет лангс, *н е в т е м г а: оймси ломанесь*, но *оймси пиже зорясь: сась кудов*, но *тундось сась апак учо; эйкакшось раказевсь*, но *раказевсь чись*.

Валкссо невтеви валонтъ аволь ансяк виде смустезэ, но кандовицяськак. *Н е в т е м г а: Виде, -еть: 1) виде ки; 2) канд. виде оyme.*

182. Муеде валкссто колмо валт, конатнень улить кандовиця смустест. Ёвтынк малавиксчинть валтнэсэ, конат эрсить виде ды кандовиця смустьсэ.

- Арседе муезь валтнэнь марто ёвтнемань валрисьметь.

183. Ёвтынк, кона валсюлмавксонтъ эйсэ валтнэ эсест виде смустьсэ, конатнесэ — кандовозь.

Мазый варштавкс — мазый ломань, кельме ёжо — кельме ведь, уцяскань канст — вишка канст, вейсэнь ки — вирень ки, келей лавсь — эрямонь лавсь, потмоёжо — стака ёжо.

184. Арседе ды толковинк: полавтови а полавтови явовтозь валтнэнь смустест, сюлминдерявить скобкасо саезь валтнэнь марто.

Кандомс (куля, ведь, рискс), **шалт** (эйдень, виев, лакиця), **чудикерькс** (бутрав, ванькс, валдо, кольняй), **кикс** (сырнень, верень, ванькс), **панжомс** (промкс, эсь мелеть, седей).

185. Ёвтынк, мекс аволь вейкетъ предметнэ ды предметэнь уликсчитне лемдевить ве валсо. Мейсэ сынст ютксо малавиксчись?

Тусто (ям) — **тусто** (вирь), **коське** (кши) — **коське** (козома), **теште** (менелень) — **теште** (знак), **кувака** (нерь) — **кувака** (ки).

186. Ёвтынк, ломанень кодат тевтеемат аравтовить стихотворениясонть аволь одушевлённой предметнэнь. Виде или кандовозь смусть марто валтнэ, конатнесэ тешкставить неть тевтеематне?

Пекше.

Нусманясто, прок **одирьва**,
Чинь куншкава ашти **пекшесь**⁴.
Вирень эрькстэ **сэтьминестэ**²
Сонзэ мештентъ пешти экшесь.
Чокшне таго сон наряжи,
Жойни весе лопатнесэ,
Тумонтъ вакссо парсте эжи,
Валдомгавтови тештнесэ.

• Толковинк явовтозь валтнэсэ чевте тешксэнтъ сёрмадоманзо.

▲ Смустень кандомась эрси сестэяк, зярдо кавто предметнэнь ютксо малавиксчись ашти сюлмазь истямо ёнкс марто, зярдо вейкетъксчинть таркас ёвтави се валось, конаньсэ лемдеви эрямонь, улемань, аштемань таркась (истямо смустень кандомантень мерить смежностень тевс нолдамо). *Н е в т е м г а: веле* (косо эрить) — весе *велесь* роботы (эряви меремс: *велесэ весе эрицятне роботыть*), *класс* (тонавтнемань тарка) — *классось* анокстась экзаменс (эряви чарькодемс: *классонтъ тонавтницятне анокстасть экзаменс*).

187. Арседе ды ёвтынк, мекс явовтозь валтнэ аштитъ аволь эсест смустьсэ.

1. Теёмс од кудо. **Кудось** вастызе сонзэ кеняркс марто. 2. **Школанть** перька касыть чувтт. Школась рамась компьютерт. 3. Ошось кадовсь ве ёно. Весе **ошось** лиссь улыцятнес. 4. Шержев атакс вастымизь **Байкалось**. Байкал эрькесь пек ванькс ды домка.

188. Ловнынк. Сёрмадынк сеть валсюлмавкстнэнь, косо кандовозь смустесь появась смежностень коряс.

1. Рангомат кепететсть, сыргозсь весе велесь. (Н. Эркай.) 2. Ульнесь вечкемат тонь валдо, паро. (С. Платонов.) 3. «Вирь ало леди колхоз?» — кевкстсь Татьяна Михайловна. 4. Весть землянкас монень Пушкин пек эсь шкастонзо совась. (А. Щеглов.) 5. Шалакадсь школась пакша вайгельсэ. (Я. Григошин.)

189. Арседе ды ёвтынк:

1. Кодамо **чама** киненьгак а шляви?
2. Кодамо **пря** а судряви?
3. Кодамо **тештеть** а цельдёрды?
4. Кодамо **келесь** а палы?
5. Кода тынь чарькодъсынк: «Но уш сядошка лопа кучан»?
6. Кодамо **канстось** а стака?

190. Максодо текстэнтень лем. Кикстынк алга кандовозь смусть марто валтнэнь.

Кодамо пингень шкасто те латконтень мер...ть васенцеде «Овто латко», теде, нама, кияк ней вит...стэ а ёвты. Ан...як кадовсть ёвксонь кондят ё...тнемат, конатнень мон ламоксть мар...инь велень атятнень пельде. Сехте пар...те ё...тнекшнесь Сёма Вася. Сон ульнесь пек содавикс охотн...к, калонь кундыця, кодат ней пек чуросто вастневить. Сонзэ валонь ёвтамо виесь кармавтыль кунсолосо сыретенн...гак, од лома...тнен...гак. Ёвтнематнень, марявсь, песткак арасел...ть. Кун...ольцятне э...ть сода сизема, зярд кун...олость Сёма Васянь.

- Ёвтынк, кодамо видэнь орфограммат путозь точкатнень таркас.
- Меельце валрисьментень тееде морфологиянь ёндо ваннома.

43 §. Омонимть.

Ловнынк.

Кежей теле. Январь *ков*.

Менельстэ цельдёрды *ков*.

(Я. Григошин.)

Вейкетъ ли явовтозъ валтнэнь смустест?
Вейкетъстэ ли сынъ марявить ды сёрмадовить?
Кодамо кортамо пельксэкс неть кавто валтнэ лововить?
Кода сыненст мерить?

Валтнэненъ, конатненъ вейкетъ марявомаст ды сёрмадовомаст, мерить о м о н и м т ь.

▲ Омонимтне свал эрсить вейке секе жо кортамо пельксэнь.
Н е в т е м г а: *ледемс* (ружиясо) — *ледемс* (тикше) — глаголт; *кедь*
(ломанень) — *кедь* (ревень) — существительнойть.

▲ Валкссо омонимтне невтевить валксонь башка кужосо, эрванть
мельга путови цифра.

★ Кедь I рука; кедь сурт (пальцы руки).

Кедь II кожа, шкурка, пленка; верьгизэнь кедь (волчья шкура).

191. Сёрмадынк. Эрва парастонть вейке омониментъ панжови
смустезэ. Панжинк истямо невтемань коряс омбоце омониментъ смустензэ.

Вал I (модань) — вал II... .

Лем I (ломань лем) — лем II... .

Пелема I (сондензэ) — пелема II... .

Пель I (час) — пель II... .

Ки I (керизе) — ки II... .

192. Ёвтынк омонимтненъ. Мезе сынъ невтитъ? Кодамо кортамо
пельксэнь?

Роднякс теевема — превс саема.

Шкань пелькс — сэредькс.

Видезь ярсамопельксэкс — скотинань прянь пелькс.

Чувто потсо чаво тарка — кужо.

- Кодамо валсонть **я** буквась невти кавто гайтть?

193. Омонимтненъ марто арседе валсюлмавкст, эрвасонть улезэ
панжозь сынст смустень авейкетъксчись.

Кенеремс I — кенеремс II, панемс I — панемс II, печкемс I —
печкемс II.

194. Мекс ало максозь валрисьметнесэ смустесь невтеви аволь чарькодевиксстэ?

Н е в т е м г а: Иля аште: тевесь эряви теемс (аштемс ламо шкань перть или аштемс питнень кис).

1. Кранось а роботы (водопроводонь или строямонь).
2. Кедесь кеме (сонзэ кеме кедесь мезть ансяк а теи — скалонь кедесь кеме).

195. Муинк текстнэстэ валтнэнь, конатнень улиць омонимест.

1. Шумбрачи тетъ, Комсомол, —
Од ломанень седей тол!
(П. Любаев.)

2. Ливтить каргт. Нармунень кельсэ
Ёвтыть модантень ён мельть.
Лексить кельместэ сынст велькссэ
Телень кучовкст — ашо пельть.
(И. Калинин.)

3. Икелеть аштить, од пора,
Сехте келей кить.
Тондеть ки ансяк эзь мора,
Тонь эзь слава ки.
(И. Кривошеев.)

- Толковинк, мекс од пора валсюлмавксось саеви кавто лотксема тешкссэ.
- Кодамо валсонть омбоце текстстэнтъ ё буквась невти кавто гайтть?

196. Ёвтынк, кодамо кись эрси стака, кодамось — сэвиця. Кодамо станось эрси стройнойкс, а кодамось — эрямо тарка? Кодамо ковань менельстэнтъ а неяви? Кодамо крансто а чуди ведь?

▲ Омонимтнень эйстэ эряви башка ванномс омоформатнень — вейкетъстэ марявиця валонь а вейкетъ формат. Омоформатне — те морфологиянь омонимть, сынъ совавтовить аволь вейке секе жо кортамо пельксэс. Н е в т е м г а: *верев* (верев кузть) — *верев* (кедезэ верев); *кельть* (ламо кельть соды) — *кельть* (ютак)? *Пельть* (менельсэнтъ пельть) — *пельть* (сондензэ).

Улиць эрзянь кельсэ омофонткак. Сынъ лововить фонетикань омонимекс. Те истят валт, конатнень вейкетъ марявомаст, но а вейкетъ

сёрмадомаст. Н е в т е м г а: *кансть* (видемс кансть) — *кандсть* (кандомс ведь); *лазт* (усксь лазт) — *лазт* (лазт пенгть).

197. Ловнынк. Муинк валонь форматнень, конатнень улить омоформаст ды омофоност. Эрванть смустензэ толковинк тынсенк примерсэ.

1. Суранть велькссэ зорясь палы,
Валдомсь тундонь валскесь¹.
Садсо сыре умарькс малас
Озавтозь умарькскесь.
Сон нолдынзе тарадкензэ,
Прянтъ верев кепеди.
(С. Платонов.)

2. Псилгадат. Истямо чине —
Тумонть алов чийть!
Тесэ ташто лопань чине
Ды масторонь вийть.
(А. Мартынов.)

3. Тетянь-авань сёрмат... Теке казнеть!
Сынь кенярксовт, потмоёжовт, валдт.
Ловнат эйсэст, — мерят, понгат праздникс...
(А. Доронин.)

- Невтинк кармавтома валрисьменть.

198. Евтынк, кодамо кортамо пельксэнь формакс эрсить максозь омоформатне. Эрванть марто арседе ды сёрмадодо валсюлмавкст.

Н е в т е м г а: *кить* I — *кить* II.

Кить (местоимения) састь — *кить* (существи-тельной) вирьганть ламо.

Кизэ I — кизэ II, пешть I — пешть II, арт I — арт II, валт I — валт II,
ве I — ве II.

▲ Лиясто омонимтне стихотворениясонть налксевить —истя тееви каламбур — валсо налксемась.

Н е в т е м г а: Эрвась кундась эсь пшти улос,
Зярдо лисинек киулос.

- Муинк омонимтнень. Мезе сынъ невтить?

44 §. Синонимть.

▲ Эрзянь кельсэ улить гайгемань коряс аволь вейкетъ валт, конатнесэ невтеви алкуксонь вейке теке жо тев: вейке секе жо предмет, вейке секе жо предметэнь уликсчи, вейке секе жо тевтеема. Н е в т е м г а: гайгемань коряс кавто аволь вейкетъ валтнэсэ: **ки** ды **ян** невтеви а ве ёндо вейке секе жо смусть — молема тарка. Н е в т е м г а:

Мольсь ки чирева цёрыне —
Валдо сельме, ашо черь.
Морась весёла морыне,
Кандсь кедь песэнзэ кептерь*...
Моли, весёласто ванны,
Коштось тантей, чачат одс...
Друк **кинтъ эйстэ тея яннэ**,
Гуйкс менчевезь, тусь вирь потс.
Яннэсь те — цёрынентъ кизэ.
Шешкезь кавто иень² перть.
Ансяк невтьсы прянзо чизэ —
Сонзэ кедьсэ уш кептерь.

Прилагательнойтне *виде, паро, ён* невтить вейке секе жо признак — предметэнь ды ломанентъ парочинзэ. Глаголтнэ *панжомс, автемс, тетъкемс* невтить а ве ёндо вейке секе жо тевтееманть — мезентькак панжомс.

▲ Валтнэ *ки, ян; виде, паро, ён; панжомс, автемс, тетъкемс* — синонимть. Смуستنъ коряс эрва синониментъ ули эсензэ кодамояк ёнкс, максы мезе-бути од. Синонимтнень ютксо малавиксчитне истят: вейкесь омбоцентъ смус-тензэ аволь ансяк панжи, толкови, но домкалгавты, келейгавты лия ёнкссо.

С и н о н и м т н е — те вейке секе жо кортамо пельксэнь валт, конат гайгемань коряс аволь вейкетъ, но смустень коряс малавикст.

▲ Вейкеде седе ламо валтнэде, конатнесэ вейке секе предметэсь, предметэнь уликсчись, тевтеемась невтевить а ве ёндо, мерить **синонимень кирда (ряд)**. Кирдасонтъ свал ули кортамосонтъ пек сеедьстэ вастневиця вал, сон ловови кирдань ушодыцякс, прявтокс. Синонимень валкссонтъ те валось лемдеви прявтвалокс. Н е в т е м г а:

маштомс — чавомс — истожамс — крошамс валтнэ лововить синонимекс, сынъ теить синони-мень ряд. Прявтвалось те кирдасонтъ — *маштомс* валось.

Ули «Эрзянь келень синонимень валкс». Сонзэ теизе Р.Н. Бузакова. Валкссонтъ синонимтнень толковамо́ст максови рузонъ кельсэ.

199. Муеде ало максозь валтнэнь ютксто синонимть *авардемс, берянь, вачкодемс, кирнявтомс* валтнэнь. Эрванть марто арседе валсюлмавкст.

Н е в т е м г а: *авардемс — килеекс кольгемс; авардемс састо — нурьгиця килеекс кольгемс.*

Валомс сельведть, кальдяв, урномс, лавшо, каямс, скокавтомс, цяхадемс, люкштядемс, дивсемс, пейдемс.

200. Ало максозь валтнэстэ муинк синонимтнень ды сёрмадынк эрва куронтъ башка. Кодат кортамо пелькст эрва куросонтъ?

Ташто, ардомс, сыре, туемс, кезэрень, молемс, киякс, соркстамс, куватьс, коштамс, коськемс, зярсыя, талайс, лакшторсо, ламо, цяторсо, бай-тяк, пукшторсо, зярыя, масторкс.

- Арседе глаголтнэнь-синонимтнень марто кевкстемань валрисьметь.
- *Талайс* валонтень синонимсэнтъ алга кикстынк орфограмманть. Арсинк те синонимень.
- Евтынк, кодамо пельксэсь *куватъс* валсонтъ ашти валь-юрокс.

201. Топавтынк синонимень кирдатнень скобкасо саезь валтнэсэ. Кикстынк алга прявтвалонтъ.

Манчемс — ..., тирямс — ..., чумондомс — ..., пижнемс — ..., эйкакш — ..., пейдема — ..., бой-касто — ..., састо — ..., кеме —

В а л т н э: *трямс-ваномс, кастомс, кастомс-кепетемс, мурнемс, кенгелямс, валомс пуло алга ведь, сееремс, рангомс, пакиша, эйде, тяка, ракамо, цихельдема, цяхамо, курок, эряза, сельгень прамс, стамбарнэ, сэтъместэ, нардев.*

- Арседе вейкетъ пелькс марто валрисьме, косо улест валтнэнь ютксо кавто синонимть.

202. Кодамо синоним марто сюлмави скобкасо саезь существительноесь? Арседе ды сёрмадынк эрвикс валсюлмавксонтъ.

Начко, летьке (луга, кутьмере)

Кеме, нардев (мушко, пикс) казямо
Кежей, благой (душман, атя)
Берянь, кальдяв (шумбрачи, тевне) сянгора.

- Арседе ёвтнемань валрисьметь, косо улест вить пеле максозь синонимтне.

203. Сёрмадынк. Кикстынк алга сеть синонимтнень, ко-нат невтить аволь ансяк предмет, тевтеема или предметэнь уликсчи, но сыненст минек меленек явоманок.

Ваткамс, ангордамс; жакадемс, ледемс; эйде, тяка; оргодемс, пстидемс; пек, верьга вайгельсэ; ярсамс, поремс; уракадомс, авардемс.

204. Эрва валонтень муеде синоним. Васенце букватнестэ тееви эрзянь писателень фамилия.

Ёртомс, тоща, мелявкс, юхаемс, шаштомс, энгамомс, эртемс.

- Арседе тынсь истямо кроссворд.

▲ Синонимтне лездыть ёвтамс арсеманть видестэ ды виевстэ; сынст вельде седе домкасто чарькодеватеви арсемась. Сынъ невтить келенть сю-павчинзэ ды эрва кодамо валонь аравтнема улемачинзэ. Синонимень сюпавчись кармавты явомс мель валонь кочкамонтень.

205. Сёрмадынк. Кикстынк алга *эйде* валонть синонимензэ. Кодамо лезэ сынъ кандыть стихотворениясонть? Путник, козо эряви, нолдазь лотксема тешкстнень.

Мадть эйдинем, мадть тякинем.

Конить раужо сельминеть.

Мон тонеть седей сяткинем

Моран нурсемань морыне.

(Р. Кемайкина.)

- Явовтозь валсонть кикстынк алга орфограмманть.

206. Максодо текстэнтень лем. Сёрмадынк, арседе, конась эряви саемс скобкасо путозь синонимтнестэ. Путынк эрявикс лотксема тешкстнень валрисьмесэнтъ, кона ушодови *шумбрат* валсонть.

Чилисемась (вельтязь, копачазь) рябой пельсэ. Якстере чарыкс удалдост (кепедевсь, лисевсь) чись. Мишка (чий, капшазь моли) межава. Ки-

рекс кевери мода покольтнень юткова, ансяк кудряв черензэ (луйнить, сорныть) вармадонть. Вана (неяви, редяви) уш самолётось. Кавто-колмо ломань (чарыть, велить, якить) **перьканзо**. Вейкесь, бульчом*, самай сонсь лётчикесь.

— Тюри-тюри-ри-ри-ри! — (морыть, цёкордить) сядо вайгельсэ норовжорчтнэ.

«Кие содасы, мень обуця эйсэст. Яла верев, яла менелентень?» — истя (арсезь, думазь), Мишка (пачкодсь, сась, мольсь) самолётонть ваксс.

— Шумбрат Захар леляй. Несак, кода псилгадынь: пек уш (капшинь, эряскадынь), — мерсь Мишка ды покш ломань ладсо (нардызе, ваньс-кавтызе) чаманзо.

— Молодец! Истя эряви.

Мелезэнзэ (паро, вадря, ён). Сонзэяк, нать, (ловить, кирдить) ломанькс.

— Адя седе малав. Вант, кода мон (якан, чийнян) механизмать мельга. Кевксть, мезе тетя эряви, мейле (вансынек, несынек) тонь самолётот. Чей, эзик стувто?

— Ну, мон, Захар леляй, аволь истяман! Мон ведь пионеран⁴.

- Явовтозь валтнэсэ алга кикстынк орфограмматнень.
- Васенце валрисьмесэнтъ муинк подлежащеентъ ды сказуемоемъ.

207. Муинк эрьва саевкстэнтъ синонимтнень. Кодамо эрьванть лезээз? Толковинк сынст ютксо смустень явовоманть.

1. Вешкить цёковтн... — садонть жойневтить,
Морыть пис...мартнэ — кудонть гайневтить.
2. Весе шумбрат сынъ, паро од цёрат¹,
Вейкесь эс...кельдась — виев тумо прок,
Совась омбоце — шумбра седеяк.
Эцесь колмоцесь — идем овтошка,
Ютась нилеце — кудос а кел...ги.
3. — Толонть мацтеде! — серьге...сть омбон...тнэ.
— Ливтемс весементъ! — пижнить веен...тнэ.

(В. Радаевень коряс.)

- Кодат правилат кирдиде мельсэ точкатнень таркас букватнень путнемстэ?

208. Сочинения. Муинк ды ваннынк В. Д. Хрымовонь «Телень чи» картинань репродукциянтъ. Мекс сон истя лемдязь? Ваннынк пштистэ картинас совавтозь весе этюдтнэнь. Мезе можна меремс *ловонть* коряс? Мезе неяви велентъ тона ёно? Кить неявить картинанть икеле плансонть?

Тееде описания (сёрмадозь) картинантень. Сочинениясонть улест синонимть.

45 §. Антонимть.

Ловнынк валмеревкстнэнь.

1. Сыре чувтось синдеви — одось мездяви. 2. Берянь ушодкс — берянь прядовкс. 3. Тонавтнемась — пштилгавты, нузяксчись — ношкалгавты. 4. Валске валдомгады, чокшне чополгады.

- Кикстынк алга валтнэнь, конат смустень коряс аравтовить карадо-каршо. Ёвтынк, кодамо кортамо пельксэнь сынъ.

А н т о н и м т н е — смустень коряс карадо-каршо аравтозь валт. Сынъ свал эрсить вейке секе жо кортамо пельксэкс.

▲ Валтнэнь карадо-каршо аравтомась эрси сюлмазь:

а) ломанень ёжомарямонь ды эрямо ёнксонь чарькодема марто: *паро — берянь, кеме седей — лавио седей, виев — лавио, сэрей — алкине;*

б) таркань чарькодема марто: *вере — ало, тесэ — тосо, маласо — васоло;*

в) шкань чарькодема марто: *валске — чокине, читъ — ветъ;*

г) тевтеема чарькодема марто: *кепедемс — валгстомс, прамс — стямс, туемс — самс, авар-демс — пейдемс.*

209. Муинк максозь валтнэнь антонимест. Явинк сынст кортамо пелькска.

Кувака, эчке, ношка, удомс, ашо, чат...монемс, эрямо, рудазов, пси, сэрей, туемс, ризнэмс, виев, валдо, тов, ве, кос...ке, кеняркс, алов, тесэ, чоподане, кизна, васоло.

- Точкатнень таркас сёрмадынк эрявикс букванть.

210. Явовтозь валтнэнь таркас муеде антоним. Сёрмадынк.

Ушодомс ловномо. **Кучомс** телеграмма. **Кенеремс** ардомо. **Прядомс** ёвтнеманть. *Максомс* книга. *Лембе* кизэ. *Кичкере* чувто. *Кувака* ки. *Эчке* палмань.

- Арседе антонимень парат.

211. Прядынк валрисьметнень. Явовтозь валтнэненъ муеде антонимть.

1. Сон сась апак учо, но аламо шкань ютазь... . 2. Сынь **установишь** пенгень лазноманть аволь умок, но уш 3. Иля кенярдо, зярдо **муют**, иля ризнэ, зярдо

212. Ало максозь антонимтнень марто арседе валрисьметь ды сёрмадынк.

Кеняркс — ризкс, ламо — аламо, одксчи — сыречи, мода вельксэ — мода ало.

213. Муинк максозь валтнэнь-прилагательнойтнень антонимест. Сюлминк сынст существительной марто ды сёрмадынк.

Н е в т е м г а: *келей* — *теине* совамо тарка. Кеме, пси, чапамо, човине, виев, валдо, ламба-мо, сэрей, раужо.

▲ Валтнэнь карадо-каршо смустень коряс аравтомась эряви сень кис, мекс эряви невтемс явле-ниятнень, событийтнень, предметнэнь уликсчист (признакост) ды тевтеематнень ютксо пек виев карадо-каршо аравтоманть (контрастонт). Сеедьстэ контрастось вастневи валмеревкстнэсэ. Н е в т е м г а: *Кизэсь* вечки сюронь кастома, *телесь* — ванстома.

214. Сёрмадынк валмеревкстнэнь. Кикстынк алга валтнэнь, конатнесэ тееви контрастось.

1. Паро тевенть кисэ шныть, беряненць кис сёв-ныть. 2. Тундось мазый цеця куросо, кизэсь — сюросо. 3. Вейсэнь горясь — пель горя, вейсэнь часиясь — алкуксонь часия. 4. Мезе одсто мартот саят, сырестэ сень марто молят.

- Евтынк, кодат гайтть невти **я** буквась явовтозь валсонть. Толковинк лотксема тешкстнэнь путомаст омбоце валрисьмесэнтъ. Арседе валмеревкст.

215. Муинк антонимтнень, конатнесэ тееви контрастось. Евтынк, кодамо чарькодема сынэ невтить.

Веле-веле ютксо¹
Таргавозь покш ки.
Чистэ зяро лома...ть
Туваня якить!
.....
Зяро вастовомат
Эрсить чистэ чис,
Ды зяро явомат

Соды челькев кись:
Сиземат, оймсемат,
Лисьма ведень тан...ть,
Седеень ризнэмат,
Ломанень кеняркст.

.....
Чить ды веть кайсети
Покш кинть вельк...сэ шалт,
Ды таргавсть эйстэнзэ
Эрьва ёнов янт⁴.
Сравтовсь кись келейстэ,
Васолдо васов.
Кинень ков эряви —
Се пачкоди тов.

(Е. Пятаев.)

- Кодат букват сёрмадыде точкатнень таркас? Мекс?
- Евтынк, косо вейкетъ пелькс марто валрисьмень пелькстнэ сюлмавить эсь ютковасть вайгель ветямо (интонация) вельде.
- Тонавтник стихотворениянтъ ловномга-марямга.

216. Максодо текстэнтень лем. Кикстынк алга антонимтнень.

Рация килейнесь, конань пал...есь мартонь тусто с.няжа коштось, аштось келей кужо куншкасо ды учось покш полавтомат эсензэ эрямосо. Ко-дамо сон карми уleme, вандынь чись? Мезе канды — седей ризкст, сельве...ть, паряк — кеняркст?

46 §. Валонь кемекставозь сюлмавкстнэ. (Фразеологизматне).

Ловнынк. Кодамо валрисьмень пельксэкс (членэкс) лововить явовтозь валтнэ ды валсюлмавкстнэ.

1. Миша те теветъ тейсы **куроксто**.
Миша те теветъ тейсы **сельгень прамс**.
2. Сон сыненст а **манчеви**.
Сон сыненст судодо а **ветневи**.

- Мезе невтить явовтозь валсюлмавкстнэ? Можна ли сынст эйстэ нолдамс или полавтомс кодамояк валось, мезесь а полавтсы весе меревксэнтъ смустензэ?

217. Тынк икеле валсюлмавкс. Конат эйстэст кемекста-возь, конатнесэ жо эрьва валонть ули эсензэ смустезэ?

1. Тон жо, од цёра-парочи, вант сонзэ мельга, кода чии. Вант сонзэ мельга веньперть, сельметь икельде ковгак иляк нолдтне.

2. Апак фатя цёрынесь чалгась кисканть пулонзо лангс. Капшасть, пансть эйсэст... Минектне чалгасть пулост лангс.

▲ Эрзянь кельсэ улиць **кемекставозь сюлмавкст** — **фразеологизмат**, конатнесэ невтеви кодамояк вейке чарькодема. Эрвась эйстэст эрси валрисьмень вейке пельксэкс. Н е в т е м г а: **Кувака кельтне эрьва ладсо поладыть кулянтъ. Явовтозь кемекставозь меревксэсь ашти подлежащеекс.**

Ламотне эйстэст кандыть ве валонь смусть. Н е в т е м г а: *кувака кель — лабордыця; ветнемс судодо — манчемс; автезь курго — толктомом; опит модемс — чатьмонемс; пееень пачк — кежсейстэ.*

В а л о н ь к е м е к с т а в о з ь с ю л м а в к с о с ь — с е е д ь с т э в а с т н е в и ц я м е р е в к с , к о н а н ь с э н е в т е в и в е й к е ч а р ь к о д е м а , в а л р и с ь м е с э а ш т и в е й к е п е л ь к с э к с .

Кемекставозь сюлмавкстнэнь смустест толковави «Фразеологической словарьсэнтъ», конань сёрмадызе Р.С. Ширманкина. Эрзя-рузонь валкссонтъ сеедьстэ вастневиця кемекставозь валмеревкстнэ невтевить ♦ тешкс марто: ♦ коморо потсо кирдемс, коморо потсо кандтнемс.

218. Муеде «Фразеологиянь валкссонтъ» колмо кемекставозь сюлмавкст ды арседе мартост валрисьметь.

219. Евтынк кемекставозь сюлмавкстнэнь. Кода чарькодинзе тейтерькась валтнэнь, конатнень меринзе Анка баба? Кода тынь чарькодъсынк кемекставозь сюлмавксонтъ смустензэ?

Вете иесэ тейтерькинесь кевкстизе аванзо, мейсэ човсить пейтнень?

— Сынст а човсить.

— Човсить! Мон мария, кода кортась Анка баба: «А мезть теемс тенст, секс сын пейть човсить».

220. Ловнынк кемекставозь сюлмавкстнэнь. Толковинк смустест. Невтинк сынст артовкссо.

Ветнемс судодо Кедь лангсо Ливтямс боцька тулокс

- Арседе тынсь кемекставозь сюлмавкст. Сёрмадынк.

221. Прядынк валрисьметнень кемекставозь сюлмавкссо — карадо каршо аравтомасо.

1. Истя кортамс ялгадот 2. Эрсить истят чить, зярдэ ломаненть тевензэ молить 3. Ой-мась, мезеяк эзь ёвтаяк, 4. Озак, аштек, иля чара 5. Мекс тынь чатьмонтядо, 6. Цела чи вешнить эйсэнзэ —

В а л т н э: кода велявтовсь келеть; прок кельпрязо сусковсь; кода ой ланга; вели прок реве; прок ведь кургозонк пурныде; прок ведьс ваясь.

222. Явинк ало максозь сюлмавкстнэнь кавто курос: васенцентень совавынк кемекставозь меревкстнэнь (фразеологизматнень), омбоцентень — аволь кемекставозь валсюлмавкстнэнь.

А мазый вайгельсэ; пиже-ожо вайгельсэ; керямс чувто; варьга курго; ве толсо паломс; ардомс веть; исень ломань; сурсо ловомс; сускомс пейть; кедь ало; кепедемс кедь; пильге лангс стямс; тей самс; кизэнь ве; ашо конёв; максомс вал; чаво мешок; виде паро мельсэ; мельга модемс; кундамс тевс; кандомс ведь; поремс пейть; прамс валонь трокс; вирь латконь трокс; кизэнь ве; ёртнемс варма мельга; ёртнемс кевть; ламо ведь чудесь; пе сась; сась чокшне; паз соды; содамс морот.

223. Эрявикс валсо или валсюлмавкссо панжинк кемекставозь сюлмавкстнэнь смустест. Колмотнень марто арседе валрисьметь.

човсемс кель	чуродо весть
чалгамс пуло лангс	чаво ломань
кода ведьс ваясь	мода алдо таргамс
автень курго	лисемс ведьстэ коськстэ
путомс пе	каямс сельмс
валаня кель	нолдамс ланга
панжомс сельметь	кундсемс варакат

224. Муинк валмеревкстнэстэ валсюлмавкстнэнь. Толковинк сынст смустест. Муинк прилагательнойтнень.

1. Кундыть тевс — совить превс. 2. Иля капша чаво валсо, капшак паро тевсэ. 3. Валсо эрьва ков, тевсэ а тей а тов. 4. Паро книга вастат — ламонь кирда превть кастат. 5. Кирдьяк келеть — вантсак мелеть. 6. Иля эря тувталсо, эряк виде валсо. 7. Валмеревксэсь — пек пшти вал, сельмс пезны теке нал. 8. Мельга молят — аламо муят.

225. Муинк вить пеле кемекставозь сюлмавкстнэнь пельксэст. Сёрмадынк. Конатнень эйстэст улить синонимест?

ваткамс	пуло алга
валомс ведь	киське
венстямс	сельведть

прамс	пильть
мельспаросо	ваномс
сюлмаамс	мель
ваномс	ве мельс
теемс	ёжов

▲ Кемекставозь сюлмавксось эрси башка валонтень синонимекс. Кодат кемекставозь валмеревкст аштить синонимекс, керш пеле колонкас совавтозь валтнэнь?

чиемс (пек)	ливтямс вармакс
ардомс бойкасто	каямс вал
меремс (мезеяк)	прянь-полдань синдезь
молемс (курок)	варяв курго
ловомс (эсь прянтъ	кандомс пря верьга
лиядо седе парокс)	

226. Полавтынк явовтозь кемекставозь сюлмавксонть валсо.

Н е в т е м г а: Вася куватьс вешнесь ялганзо, мик *прась пильге лангсто*. — Вася куватьс вешнесь ялганзо, мик пек сизесь.

1. *Чить-веть* а соды, яла арсекшни, кода пандомс бу стака кежензэ³ виев Дуболнэнь. 2. Сон, грешникесь, а соды, Егорей сонзэ пулонзо *алга ведь валы*. 3. — Те уш а содан, кода кемемс тонь, — пшкадсь Карцяйкин. — Сонзэ эсензэяк сатыть превензэ, аванень а понги *ветнемс судодо*. 4. Тень кис аламодо эрявсь *боканзо ичемс*, омбоцеде а эцевель ков а эряви. 5. Эмель атя келейстэ *кайсесь лапанзо* кардазонть вакска. 6. Вана тон мерят, мон *пулосонть чаравтынъ*.

В а л т н э: *манчи, ризны, кенгелямс, аламодо кайсемс, эскели*.

▲ Кемекставозь сюлмавкстнэ (фразеологизматне) сюпалгавтыть келенть, виевгавтыть сонзэ стилистикань ёнксонзо, сынъ теить кортамонь келенть седе мазыекс, седейс токицякс.

227. Ловнынк. Максодо текстэнтень лем. Муинк кемекставозь сюлмавкстнэнь.

Мекс тельня килеесь, поесь, тумось ды лия чувтотне кадовить лопавтомо, секе шкастонть маласост пижелдыть пичесь ды кузось? Кодат тенень тувталтнэ?

Васенцесь, мезе сы прязонок, те сёксень якшамось ды пиземев шкась. Истя ли те? Тень кемевтеманзо кисэ вансынек, мезе карми улеме сёксня **килейненть**, поенть ды туминенть марто, конатнень тунда озавтынек парнес

ды аштить кудосо. Тесэ лембе, ды сёксень пиземетнеяк а мешить тенст. Сёксня неть чувтынетне истя жо пeverдизь лопасть. Нать, лопань ёртомась аволь якшамосонть.

Учёнойтне муизь, лопатне прыть вана мекс: **сёксентень** сынст эйсэ таштавить ламо а эрявикс салт. Неть салтнэ (кальциень, магниень, кшнинь, кремниень) понгить лопатнес корёнтнэнь вельде модасто. Кона чувтось сая седе ламо летьке, сень лопатнесэ а эрявикс салтнэдеяк седе ламо. Лопатнень ёртозь, чувтось олякстоми неть салтнэде.

- Муинк явовтозь валтнэсэ вальюронтъ.
- Кодамо кортамо пелькст явовтозь валтнэ?

228. 1. Алга кикстынк кемекставозь сюлмавкстнэнь. Точкатнень таркас путынк эрявикс букванть.

«Чи валдо... . Ломантнень туртов эряви чи валдо. Растениятненен...как эряви те... . Ещё мезе эряви?»—седеяк кенярдозь ар...езевсь Прокина. Секебасом веляв...сь омбоце боканзо лан...с. Аламодо кир...мицявсь, сел...мензэ цют...кес конинзе. Мелезэнзэ паро. Трубасонть седеяк лужанясто вешки вармась. Прокина кунсолы. Превензэ кода-бути вецака...сть. Лембе... . Тундо... . Прокина цеця потсо ашти мадезь. Састыне куцти чаманзо вармась. Сонзэ пер...ка бизныть мекшть, скокаить цир...кунт. Варштась верев — менелесь домка, сэнь.

(Я. Григошин.)

2. Анокстадо сёрмадомо.

Сёксь... Модамартъ таргатано кепе. Модась, прок лембе кулов, куцти пильге алкст. Кастозесь кенярдовты эйсэнек. Сявордсак корёнонть, чукадъсак, ды прыть икелеть кеменьшка модамартъ — покшт, лапужат, теке картъ. Мон пульзинь, саяя кедезэнь вейкентъ, ютавтъя эзганзо турвам, палыя. Эйстэнзэ мольсь модань экше чине. Удалдо каятость эскелькст. Варштынъ — ашти сыре авинем. Аламодо визделгадынъ. — Зяро моданть виезэ! Вейке модамарь путат — кемень касыть. Вана косо сюпавчись, — састо мерсь сон. Ды, алкуксак, паро свал истя улевель: вейке модамарень таркас касовольть кемень, вейке товзюрынентъ таркас — ведьгемень, вейке паро теветъ таркас — сядот! Теньсэ минек виенек ды сюпавчинек.

(Л. Седойкин.)

ЭРЗЯНЬ КЕЛЕНЬ ВАЛОНЬ СЮПАВЧИНЬ ПЕЛЬКСТНЭ

47 §. Валтнэ, конат кадовсть финнэнь-угрань кельюрстонть.

229. Ловнынк. Максодо кевкстеманть лангс каршо вал: мекс эрзянь валтнэ смустень ды гайгемань коряскак малавикст мокшонь, финнэнь ды эстононь валтнэнь марто?

Пизэ, мокшокс *пиза*, финнэкс *pesä* (*песя*), эстонокс *pesa* (*песа*).

Тол, мокшокс *тол*, финнэкс *tuli* (*тули*), эстонокс *tuli* (*тули*).

Сюлмо, мокшокс *сюлма*, финнэкс *solmu* (*солму*), эстонокс *sõlm* (*сылм*).

Ой, мокшокс *вай*, финнэкс *voi* (*вои*), эстонокс *või* (*выи*).

Седей, мокшокс *седи*, финнэкс *sudän* (*сюдян*), эстонокс *süda* (*сюда*).

Ведь, мокшокс *ведь*, финнэкс *vesi* (*веси*), эстонокс *vesi* (*веси*), маринь вӱд, удмуртонь ву.

▲ Эрзянь келесь, кода и мокшонсеськак, совавтови келень семияс, конанень мерить финнэнь-угрань. Сынdest башка тезэ совавтовить; финнэнь, эстононь, карелэнь, вепсэнть, ижоронь, саамонь, коминь, удмуртонь, маринь, венгрань, хантынть, ды мансинь кельтне.

Весе сынть ушодызь эсест эрямочист ве раськенъ чувтсто — вейке келень юрсто. Эрзянь келесь те раськенъ чувтстонть ашти башка тарадкекс. Те парсте неяви артовкссонть (128 страницасо).

Финнэнь-угрань кельюрсто кадовсть зярыя валт, конат эрзянь валташтавкссо сайт эрявикс тарка. Ламотненень эйстэст улить малавикс валт финнэнь-угрань раськенъ лия кельтнесэяк.

Н е в т е м г а: *теле*, мокшокс *тяла*, финнэнь кельсэ *talvi* (*талви*), венгрань — *tel* (*тел*); *куз*, мокшонь кельсэяк *куз*, финнэнь кельсэ *kuusi* (*кууси*); коми кельсэ *коз*, маринь — *кож*; *сельме*, мокшокс *сельме*, финнэнь — *silmä* (*силмя*), коми — *син*; *колмо*, мокшокс *колма*, финнэнь кельсэ *kolme* (*колме*), маринь кельсэ *кум*; *пря*, мокшокс *пря*, финнэнь кельсэ *perä* (*перя*).

Финнэнь-угрань кельюрось ушодызе эсензэ эрямочинзэ **уралонь** кельюрсто, конась шкань ютазь явовсь кавтов: 1) финнэнь-угрань кельюрс, 2) самодийской кельюрс, конастонть теевсть неень шкань *ненецень*, *энецень*, *нганасанонь*, *селькупонь* ды малав кулозь *камасинэнь* кельтне. Эрвасонть улить валт, конатне малавикст гайгемань ды смустень коряс эрзянь валтнэненъ. Невтемга: *эртемс*, *ненецень* кельсэ *иртесъ*; *пульзямс*, *ненецень* — *пулы* «колелень», *куво*, *ненецень* — *хова*, *панго*, *ненецень* *нӱнг* «стебель, корень», *лӱм* «пойма», *ненецень* — *лым* «болото», *понгомс*, *ненецень* — *понгӱ* «невод, сеть», *пелемс*, *ненецень* — *пильц*, *ни*, *ненецень* *не* ды ламо лият.

230. Ловнынк. 1. Чарькодевинк, мекс ало максозь валтнэ лововить финнэнь-угрань шкань. Кодамо вал пельксэсь теи сынст малавиксэкс?

Андомс — финнэнь кельсэ antaa (*антаа*) «максомс», эстонь — andma (*андма*); *валгомс* — финнэнь кельсэ valkama (*валкама*); *уемс* — финнэнь кельсэ uida (*уйда*), эстонь кельсэ uiuma (*уйума*); *понамс* — финнэнь кельсэ punoa (*пунуа*), эстонь кельсэ punuma (*пунума*);

olla (о́лла), эстонь olema (оле́ма); те́емс — финнэнь кельсэ tehdä (те́хдя), эстонь кельсэ tegema (те́гема); ве́тямс — финнэнь кельсэ vetää (ве́тяя), эстонь кельсэ vedama (ве́дама).

kivi (киви)..., kieli (киели)..., talvi (талви)..., neri (нери), ... vesi (веси)..., kala (кала)..., piel (пиел)..., maksa (макса), ... pii (пии)..., veri (вери)..., jalka (йалка)..., sappi (саппи) ...	vakka (вакка), vasa (васа), vene(h) (венех), ikä (икя), karttaa (карттаа), voi (вои), tuli (тули), pala (пала), palo (пало), pesä (песя), pestä (пестя), piiri (пиيري), pää (пяя)
---	---

3. Сёрмадынк, точкатнень таркас маринь валтнэненъ муинк эрзянь кельсэ малавикстнэнь.

ошо, ...,	кылме, ...,	тумо, ...,	й,
поро, ...,	кудо, ...,	ишке, ...,	шардо, ...
кид, ...,	муш, ...,	пушто, ...,	ночко, ...
тошто, ...,	шоло, ...,	пизяш, ...,	мушкаш, ...

В а л т н э: *кельме, суюло, мушко, ашо, эске, пушт, кудо, паро, кедь, тумо, пизэ, таишто, ой, сярдо, начко, муськемс.*

231. Сёрмадынк. 1. Точкатнень таркас эрзянь валнэненъ муеде малавикст карелэнь кельстэ.

ваз, ... кенже, ... петъкель, ..., ниле, ...
 карго, ..., олго, ..., кудо, ..., сядо, ...
 промо, ..., эськелькс, ..., куво, ..., кемень

В а л т н э: *петъкель, неля, курги, кюнжи, ваза, олги, коди, пуарму, сада, аскел, кова, куммене.*

2. Точкатнень таркас эрзянь глаголтнэненъ муеде малавикст хантынъ кельстэ.

лутамс	кандомс
кучомс	лакамс
валгомс	тапамс
паломс	потамс

Валтнэ-глаголтнэ: *вялта, луттэта, хучилта, палта, хантомта, лагита, топта, потта.*

3. Точкатнень таркас эрзянь валтнэненъ муеде малавикст ненецень кельсэ.

пиемс	пукшо
пидемс	пона
понгомс	прамс
пель (половина)	педямс
пелемс	эртемс

Валтнэ: *пивы, пиде(сь), понгй, пеля, пилць, пук, пун, пырй(сь), пяда(сь), ирте(сь).*

▲ Эрзянь кельсэ финнэнь-угрань кельюр шкань валтнэде малав кавксоядошка. Сынст вельде тешкставить ломаненть ды пертьпельксэнть коряс сехте эрявикс чарькодемат. Ламотне эйстэст кавто слогонь: *кудо, валдо, варма, пизэ, вете, ниле, куво, олго*. Улить вейке слогоньгак (таго-зярдо ульнесть кавто слогонь): *ой, чи, кедь, кель, лем, ков, лов, пей, чов, эй, вирь, куз, керь, сэдь, пель, мель* ды лият.

232. Аравтозь валтнэнь эйстэ кочкинк ды сёрмадынк финнэнь-угрань кельюр шкансетнень. Максозенть теинк «Этимологиянь валксонтъ» лангс нежедезь.

Ялго, эйде, шуж, чувто, лишме, сакало, пине, чапамо, уро, цёра, **керь**, сапонь, турва, толга, **зепе**, пей, кизэ.

• Ёвтынк, кодамо гласной гайть невти гласной буквась явовтозь валсонть.

233. Д. В. Цыганкинэнь ды М.В. Мосинэнь «Этимологи-янь валксстонть» (1998) муеде «К» буквасто ушодозь вете валт, конат лововить финнэнь-угрань кельюр шкань. Толковинк, кодат чарькодемат сынст вельде невтевить.

48 §. Эрзянь кельсэ эрзянь-мокшонь вейсэ эрямошкань валтнэ.

Эрзянь ды мокшонь кельтнесэ ламо вейке юронь валт. Мельс саезь ванннк таблицанть ды максодо кевкстеманть лангс каршо вал: мекс сынъ гай-гемань ды смустень коряс пек малавикст?

койме — мокш. *кайме*
карго — мокш. *карга*
кемень — мокш. *кемонь*
кундамс — мокш. *кундамс*
кардаз — мокш. *калдаз*
качамо — мокш. *качам*
коцт — мокш. *котф*

▲ Эрзятнень ды мокшотнень историясо ульнесь шка, зярдо сынъ кортасть вейке кельсэ — вейсэнъ кельсэ, конань ульнесть зярыя малавикс диалектэнзэ (кортавксонзо). Шкань ютазь сонзэ эйстэ кармасть теевеме эрзянь ды мокшонь кельтне. Финнэнь-угрань раськенъ чувтосонтъ сынъ аштить прок вейке таракненъ кавто пенеть.

Эрзянь ды мокшонь кельтне пек малавикст валташтавксонъ коряс. Н е в т е м г а: *кудо* — *куд* (мокшокс), *моро* — *мор* (мокшокс), *ведьме* — *вядьме* (мокшокс), *пинеме* — *пинем* (мокшокс), *кедь* — *кядь* (мокшокс).

Эрзянь кельсэ вастневить истят валт, конат гайгемань коряс вейкеть мокшонь валтнэнь марто, но сынст смустест лият. Н е в т е м г а: *пакарь* — мокшокс *пакарь* (ловажа); *ловажа* — мокшокс *ловажа* (кулозь ломань); *кельгемс* — мокшокс *кельгомс* (вечкемс); *патья* — мокшокс *патья* (дядя); *олго* — мокшокс *олга* (жердя, слега).

234. Максозь валтнэнь явинк кавто кужос: васенцентень совавтынк эрзянь валтнэнь, омбоцентень — мокшонсетнень.

Шобда, таго, рвя, урва, тага, марто, мархта, прамс, пургамс, прважамс, провожамс, псьмар, письмар, пужемс, пужомс, пур, пор, пчкамс, пичкамс, пеле, пяле, певеремс, пяремс, суфнемс, сувтнемс, сюлмо, сюлма, сюре, суре, сэме, сяме.

- Кикстынк алга наречиятнень.

235. Сёрмадынк. 1. Эрзянь валтнэненъ муеде малавикс валт мокшонь кельстэ. Ёвтынк, мекс сынъ смустень ды ламотне эйстэст гайгемань коряскак малавикст.

Салов, ардтнемс, ацамо, ойме, тарка, вачо, венч, вере, ютко, кардаз, калов, кырга, керъ, моргов, менькс, пургамс.

В а л т н э: *кяр, крга, калу, калдаз, ётка, мянькс, пргамс, ацамс, арнемс, салу*.

2. Мокшонь валтнэненъ муеде малавикс валт эрзянь кельстэ.

Левож, ластя, ливозь, локсти, лувомс, лямбе, ляй, ляпе, мадомс, максима, мархта, марож, мезе-вок, меки, мзяра, мумс, панга, парьхци, пезомс, пиза, питни, потма, прамс, прдамс.

В а л т н э: *парсей, пезэмс, марч, локсей, муемс, левш, ласте, ливезь, мезеяк, ловомс, зяро, лене, пурдамс, мекев, марто, максо, питней, лей, пизэ, лембе, потмо*.

236. Мокшокс сёрмадозь валмеревкстнэнь ютавтынк эрзякс. Кикстынк алга валтнэнь, конат арасть эрзянь кельсэ.

1. Тунадсь мазы панчфса,
Сёксесь — сёронъ таньфса.
2. Кодама мяль кирдят (арьсят),
Стама вал и азат.
3. Тонафнек, мзярс одат —
Сирешкаса лама содат.
4. Аш месь ризнамс,
Кда ули мезьса пря трямс.

- Ёвтынк, кодамо лицянь формасо аштить явозь валтнэ.

237. Ловнынк. Явовтозь валтнэнень «Этимологиянь валксстонть» (1998) муеде мокшонь малавикс валт. Валксонть лангс нежедезь, ёвтынк сынст лисьмапрят.

Уроньбуло — те иезэнзэ кавксть полавтовиця тикше. Рана тунда касы розовоень кондямо или ашкола **валаня** нетькс (вейке-вейке мельга полалезь ды каркснезь **тюжа** керьксавозь лопинесэ). Те **шкастонть** тензэ мерить петькельне. **Сон** моли петькельне ёнов. **Кизэ** куншкане неть тундонь нетькстнэ коськить, ды корёнсто кармить касомо **пиже** тарадов нетькскеть. Касы паксясо **сёвонь** модава эли песоков модасо. Ормаменьксэкс лововить неть пиже тарадкетне. Сезневить кизна ды костявить вармасо, чинь а токамо **таркасо**. Тееви эйстэнзэ чай.

49 §. Эрзянь валтнэ, конат арасть мокшонь кельсэ.

Ловнынк.

<i>эрзякс</i>	<i>мокшокс</i>	<i>эрзякс</i>	<i>мокшокс</i>
вешемс	анамс	чийнемс	ласькондемс
конёв	кагод	сувтеме	локстем
чичав	келда	топо	мичке
вишкине	ёмлания	тансть	тяльме
озяз	кирхкс	шуба	ор
васоло	ичкози	реве	уча

Мезде кармавтыть арсеме истямо валонь а малавиксчитне? Ютавтынк сынст рузкс.

▲ Эрзятне ды мокшотне ламо пингень перть эрить башка. Башка эрямосонть сынст кельсэ появасть валт, конат улить эрзянь кельсэ, но арасть мокшонь кельсэ ды мекевланк. Н е в т е м г а: эрзянь валташтавкссо улить истят валт, кода: *уцяска* — мокш. *паваз*, *пелькс* — *мокш. паки*, *валске* — *шобдава*, *пенч* — *куцю*, *вакан* — *шаваня*, *шаки* — *сяканя*, *столь* — *морки*, *пшти* — *оржа*, *пивсэма* — *тяляма*, *реве* — *уча*, *весе* — *сембе*, *судо* — *шалхка*, *ней* — *тани*, *тарка* — *васта*, *састо* — *саворне*, *лисьма* — *эши*, *умок* — *кунара*, *стувтомс* — *юкстамс* ды лият.

238. Ало максозь валсюлмавкстнэсэ явовтозь валтнэнэнь муеде малавикс валт мокшонь кельстэ.

1. Уголиянь яма. 2. Пурьгине марто пиземе. 3. Эри васоло. 4. Конёвонь ярмакт. 5. Тов молян. 6. Тикшень стога. 7. Вечкемс эсь масторот. 8. Озязонь пизэ.

В а л т н э: кельгомс, ичкозе, седень, атям, кагодонь, кошту, капа, кирьхксонь.

- Пурьгине валонтень тееде морфологической ёндо ваном-явома (разбор).

239. Сёрмадынк: 1) кикстынк алга сеть мокшонь валтнэнь, конат арасть эрзянь кельсэ. Муеде тенст эрзянь малавикс валт.

1. Тундань морось сёксенда аделапи. 2. Цебярь азоронди кизоть аш кальдяв пингонза. 3. Ломанькс шачемс тёждя, но улемс ломанькс — ста-ка. 4. Жуватати кодама мяль, стама эздонза ярхцамбяль. 5. Кржа содат — кржа тият.

В а л т н э: паро, прядови, берянь, ие, шожда, скотинантень, аламо, истямо.

2. Рузонь валтнэнь ютавтынк эрзякс ды мокшокс.

стол	—	—	—	—	,	—	—	—	—
нос	—	—	—	—	,	—	—	—	—
корова	—	—	—	—	,	—	—	—	—
метла	—	—	—	—	,	—	—	—	—
большой	—	—	—	—	,	—	—	—	—
мало	—	—	—	—	,	—	—	—	—
счастье	—	—	—	—	,	—	—	—	—

В а л т н э: столь — ира, судо — шалхка, скал — тракс, тенсть — тьялме, покш — оцю, аламо — кржа, кеняркс — паваз.

240. Максодо текстэнтень лем. Явовтозь валтнэненъ муеде мокшонь малавикс валт.

Самара леентень пры Кинель леесь. Самарась канды ведензэ Равов. Вана неть таркатнесэ — Покш ды Вишка Кинель лейтнень ютксо — ещё ютазь пингестэ кепетет...ть эрзянь зярыя велеть. Лецтясынек эйстэст сетнень, конат теевсть содавиксэкс тосо чачозь-касозь талантливой ломанензэ кувалма. Сынст ютксо васень таркасо ашти Покш Толкан велесь. Тесэ чач...ть-кас...ть **истят** писательть, кода Алексей Дуняшин, Тимофей Раптанов, Василий Радаев, Ключовка велестэ лис.ть Афанасий Осипов (Артур Моро), Алексей Лукьянов.

- Кие сёрмадызе саевксэнтъ?

50 §. Лия кельстэ саезь валтнэ.

Ловнынк. Яводо мель сеть валтнэнь лангс, конатне эрзянь кельс совасть лия кельстэ. Евтынк сынст.

Маень васенце чистнестэ, бути ашти лембе шка, цветить сливась ды атымаресь, ашо-розовой тюссо оршавить умаринатне. Васолдо неявить одирьва ладсо ашо фатасо вельтязь лёмзёркстнэ.

▲ Лия кельстэ валтнэ кармасть совамо пек умок, ды ней ламотнень эйстэст кияк а лови лия келенсекс. Н е в т е м г а: *моце, ведра, пондо, боцька, куяр, орта, муцямс* валтнэнь ёвтамсто киньгак мельс а сы се, мекс неть валтнэ аволь эрзянь, аволь сонсензэ.

Мастор лангсо народтнэ а эрять вейкест-вейкест эйстэ домкасто явозь. Сынст ютксо свал эрсить эрьва кодат сюлмавкст: микшнемасо, культурасо, политикасо. Неть сюлмавкстнэнь лезэсэ кой-кона кудюютконь предметнэнь, машинань, кедь-ёнксонь, наукань чарькодемань ды лиямезень лемтне ютыть вейке кельстэ лия кельс. Эрзянь келеськак тень эйстэ а ашти явовицякс. Сон свал касы ды сюпалгады лия кельстэ саень валтнэнь вельдеяк.

Валтнэненъ, конат эрзянь кельс совасть лия кельстэ, мерить саень валт.

Эрзянь кельсэ улить пек умонь лия кельстэ саень валт. Истямокс, н е в т е м г а: лововить иранскойтне ды балтийскойтне: *узере, ломань, верьгиз, суро, кардаз, кардо, пеель, кшна, суро, мукорь, мирде, сазор, лей* ды лият. Улить тюркань кельтнестэ саезь валткак. Сынст ютксо булгаронь, чувашонь, татаронь. Н е в т е м г а: *атя, ава, цёра, алаша, айгор, кишумань, душман, сюкоро, эмеж, куяр, каршо, эрьва, пек* ды лият.

Саень валтнэде чарькодема масови «Этимологиянь валкссонтъ». Н е в т е м г а: *Башка*. — мокш. *башка*. Теевсь кавто пельксстэ: *баш+ка*. *Баш* — пельксэсь ловови тюркской кельтнестэ саень валокс, косо невти пря валонтъ смустензэ.

241. Ало максозь валтнэнь мельга сёрмадынк, кодамо кельстэ саезь. Лезды тенк теньсэ «Этимологиянь валксось» (1998).

Сапонь, зепе, эмеж, верьгиз, кардаз, комоля, кудо, кшна, одар, рисьме, пек, тейтерь, сур, сядо, теле, цётмар, укштор, безмень, башка, бурав, алаша.

242. Ловнынк. Кодамо арсема невтезь сонзэ эйсэ? Мезе невтить явовтозь саень валтнэ? Сёрмадынк сынст потмочинь смустест толковамонтъ.

Зярдо неят кевень **солдат**,
Тон вадрясто теде содак:
Те сон **душманонтъ** изнизе!
Саик **шапкат** икелензэ²
Ды модас суюконяк тензэ.
Эрямот, ялгай, идизе. (П. Любаев.)

- Кодат гайттъ невти **ю** буквась *суюконяк* валсонть?

243. Максозь валтнэстэ кочкинк ды сёрмадынк ансяк балтийской, иранонь, тюркань кельтнестэ саень валтнэнь. Лезды тенк «Этимологиянь валксось» (1998).

Юрт, эрьке, шаршав, чей, цирей, цилим, улав, сырне, сэдъ, кель, кал, азор, чавка, цётмар, уське, уроз, тор, тейтерь, пурьгине, сядо, сюва, сэнь, пеель, сезыган.

- Васенце ниле валтнэнь марто арседе валсюлмавкст. Сёрмадынк сынст.

▲ Эрзянь кортамосонтъ эрявикс тарка сайтъ рузонь валтнэ. Сынъ кармасть совамо эрзянь кельс пек умок, ды совить нейгак. Умонь (кезэрень) саень валокс лововить: *розь, капста, репс, мако, крён, сока, мотыга, грабля, варьгат, ковта, середа, пеця, бутылка, лахань, молотка, пила, долк, кольца, потолок, стога, оля, орта, толк* ды лият.

Ламо валт эрзянь кельс совасть XX пингень 20 иетнеде мейле. Сынст вельде чарькодевтевить од смустъ, конат появасть эрзянь народонтъ эрямосо. Ютксост ламо военной, техникань, наукань, политикань, юридической ды спортонь терминт: *солдат, батальон, полк, армия; самолёт, спутник; атом, ракета; лозунг, пленум; судия, прокурор; диктант, экзамен; финиш, футбол, хоккей* ды лият.

Рузонь келентъ вельде совасть ды нейгак совить эрзятнень кельс-валс интернациональной валт (валось латинэнь келень **интер** «ютксо» + **натио** «народ») — валт, конат вастневить авол ансяк рузонь ды эрзянь кельтнесэ, но ламо лия кельтнесэяк. Ламо кельсэ вастневицякс ловить *республика, революция, литература, автор, монумент*, стадион, космос, атом, биология, компьютер, пейджер, ксерокс, принтер, менеджер*.

Рузонь келентъ вельде кезэрень шкане эрзянь кельс совасть зярыя валт татаронь кельстэ. Истямокс эрявить ловомс: *амбар, барабан, башлык*, казна, караван, караул, кушак*, сазан, кабан, цюлан, тюфяк, баран, барсук, барыш*, бурав*.

244. «Этимологиянь валксстонть» (1998) ванннк валтнэнь, конат устававить о буквасо. Кодамо кельстэ ламотне эйстэст совасть эрзянь кельс? Улить арасть ютксост эрзянь сонсензэ келень валт?

245. Сёрмадынк. Кикстынк алга рузонь кельстэ или рузонь келенть вельде саень валтнэнь. Конат эйстэст лововить интернациональноекс?

Мордовия республикань столицасонть Саранск ошсо панжозь «Пингедэ пингес Россиянт марто» памятник. Сон стявтозь сэрей мар*лангсо А. С. Пушкин лемсэ культурань ды оймсеманьпарконт ды стадиононт ютксо кичиресэнт. Монументэнь авторось скульпторось И. Бродский, архитекторось И. Покровский.

Домка смусть кемекстазь памятниксэнт: ават — рузонь, мокшонь ды эрзянь — вейсэ эскелить икелев, кандыть кедьсэст лаврань лопава тарад — ояксинь ды изнямонь символонт. Сынь эскелить валдо мельсэ-арсемасо уш ламо пингень перть.

- Кодамо кортамо пельксэс совавтови явовтозь валось? Толковинк *мельсэ-арсемасо* валтнэнь смустест.

246. Ловнынк. Сёрмадомсто точкатнень таркас путодо эрявикс букват, рузонь кельстэ саезь валтнэнь алга кикстынк. Евтынк, кодамо ломанень кортамосо неть валтнэ седе вастневить.

Шкась ульнесь обедтэ мейле, зярдо шоферэсь лоткавтызе «Победанть» «Валдо ян» колхозонь правлениянт икелев¹.

— Уледе шумбрат, — монь ёнов ахолдась кед...сэнзэ шоферэсь, — ванды чокшне сан мел...ганк...

Правлениясонть ульнесь экше. Шкапонт маласо чат...монезь роботась счетоводось, нилен..геме-н..шка иесэ ава, вакс.нзо — кавто тейтерть: полевод...ской бригадань учетчицат. Седе ве ёно, башка столь экшэ, с...камонзо озадоль шержей сакало атя— ревкоми...иянь председателесь. Мон кевкстинь, косто муемс колхозонь прявтонть². Атясь кепединзе сельмукшонзо конянзо лан...с, а мельсэ мерсь:

— Чокшнень самс, секень вант, а кундасынк, сон бригадасо.


— **Сестэ косто муемс агрономонк?**

— Агрономонок косо? Паксясо важоди косяк, — корцяня вайгельсэнзэ марявсь згилямонт кондямо.

(С. Ларионов.)

- Евтынк, кодамо типень явовтозь валрисьмесь.
- Кепедизе, чокшне, маласо, муемс, башка валтнэненъ муеде антонимть.

247 Ваннык эрва артавксонтъ. Ёвтынк, мезе эрвасонтъ невтеви.
 Рузонь кельстэ саезь кодамо валсо сынъ лемдевить?



248. Муинк рузонь кельстэ саень валтнэнь, конат эрзянь кельсэ
 полавтызь эсест гайгемань ёнксост. Сёрмадынк, кода сынъ ёвтавить рузонь
 кельсэ.

1. Пек бувала, зярдэ виртне
 Ульнестъ овсе а ютавикст, —
 Тусто пельтнень прясост кирдтнестъ
 Сыре тумот, а изнявикст.

(Н. Эркай.)

2. Улавост марто мольсть полонс саезь ломанть, сетнеяк эрвясть
 ванстомс. (К. Абрамов.)

3. Семияст покшоль — ниле тейтерест ды вейке цёраст ульнесь.
 (А. Щеглов.)

4. **Минек** веле песэ пижелды покш роштя¹.

(П. Любаев.)

5. — Вай, пасиба, тетъ, оинем! —
Сеске седеесъ **тень** мерсь, —
Тердемадонть **монь** ойминем
Парсте эжнеме кенерсь.

(А. Мартынов.)

- Ёвтынк, кодамо кортамо пельксэнь явовтозь валтнэ.

249. Диктант.

Конев валось совась эрзянь кел...с пек умок. Мокшонь кельсэ сонзэ таркас ёвтави кагод. Кода кортыть уче...йтне-языковедтнэ*, конёв валось саез... булгаронь кел...стэ. Булгартнэ — тюркской кельтнесэ кортыця раськетне — эрясть Поволжьясо — Рав леенть чирева. Эр...зятн... сын...т пар...те содылизь. Булгартнэяк эрзятнень содылизь. К. Абрамов теде сёрмады «Пургаз» романсонть. Булгаронь кел...сэ ульнесь *кюиниг вал, нев...сь керькс «свиток» смустень. Эр...зянь кел...сэ сон кармась невтеме конёв смустень.

- Толковинк раське валсонть (**ь**) тешксэнтъ улеманзо.
- *Кельтнесэ* валонь формапонть содавтынк валъюронтъ, суффикстнэнь.

51 §. Эрзянь литературань келесь ды кортавкстнэ.

▲ Эрзянь келесь эсензэ эйс совавто лувонь (нормань) мельс кирдезь кортамонть (сёрмадоманть) ды эрва кодат башка велень кортамонь ёнкст, лиякс сыненст мерить **д и а л е к т и з м а т**, сын эрсить совавтозь писателень сёрмадовкстнэс.

Лувонь мельсэ кирдезь кортамось — те литературань келесь. Сонзэ улить валксонь (словарень), валонь формань, ёвтнемонь (меремань) ды сёрмадомань лувтнэ, сын лововить пек эрвиксэкс весе эрзянь кельсэ кортыцятненень, сёрмадыцятнень.

Литературань келенть кавто пельксэнзэ — кортамось, кона сёрмадозь лувтнэнь мельсэ кирдезь ды апак сёрмадо, сон ёвтави (мереви) устна. Кавто пелькстнэнь ютксо улить авейкетксчить. **Н е в т е м г а**, устной кортамосонть сеedyстэ вастневить апак стакалгавто валрисьметь, ламотне эйстэст аволь полнойть. Истямо кортамось сеedyстэ тевс нолдави диалогсо.

Сёрмадозь кортамосонть вастневить эрва кодат терминт, стакалгавтозь валрисьметь, тесэ мельсэ кирдевить лотксема тешкстнэ, валонь форматнень видестэ сёрмадомаст. Сёрмадозь кортамось — те ламо правилань коряс сюлмазь ёвтнема. Сонзэ ёнксонзо — нормань улемась.

Вал ёвтамо лувтнэнь коряс, аволь литературноекс лововить диалектной валтнэ: *кирькс* (озяз), *мурдамс* (пурдамс), *икильдямс* (сасамс), *ине пенч* (покш пенч), *тёплойть* (тёплой кемть), *айдяма* (кирякстома) ды лият.

Ёвтамонь ды грамматикань нормань коряс а виде ули, мереви кудусу, *кудыса* (эряви — кудосо), *велисы, велеста* (эряви велестэ), *кистой, кстэ* (эряви — кстый), *ряж* (эряви — уряж), *куда* (эряви — кудо), *вирей* (эряви — вирев), *панаруза* (эряви панарозо), *кудосом* (эряви — кудосон), *мольтям* (эряви — мольтяно), *эзь тук* (эряви — эзь туге), *апак сокак* (эряви — апак сока).

▲ Литературань кельсэнтэ келейстэ тевс нолдавить весе эрзятненень содавиця валтнэ. Н е в т е м г а, *киши, ведь, мастор, менель, сельме, мода; кувака, начко; ниле; мон; модемс, кортамс; пачк, зярдо*. Но улить валт, конатненень весе эрзятне а содасызь, сынъ арасть литературань кельсэяк. Н е в т е м г а, *пуцуз* (туво левкс) валось вастневи ансяк кой-кона эрзянь велень кортавокссо. Улить велень кортавокст, косо, *нумолонтень* мерить *труска, лёмзёрксонтень — лаймарь, ламарь чувто, лёмзёрина; столентень — тувор; гуентень — ёзнэ; мацтонтень — гобрик*. Нетъ валтнэ лововить диалектноекс, ды зярдо сынъ совавтовить художественной сёрмадовксс, сестэ эйсэст топавтови диалектизманы уликсчись.

**Д и а л е к т н о й в а л т н э — те валт, конат вастневить
вейке или зярыя велень кортамосо. Совавтовиндеряйтъ
литературань сёрмадовксс, сынъ лововить д и а л е к т и з м а к с.**

◆ Кодат валтнэненень мерить диалектизмат?

250. Максодо текстэнтень лем. Муинк диалектизматненень.

Мон эрян велесэ, конань вакссо ули покш эрьке. Лемезэ Леперьке. Вестъ тетянь марто ульнинь ошсо. Ды сестэяк мельсэнь свал ульнесь эсенек велесь ды Леперьке эрькесь. Мон яла ваннынь каршом молициятненень чамас ды арсинь: «Кода нетъ весе ломантне эрить, бути сынст арась истямо мазый эрькест? Ков сынъ чийнить кизэнь пси читнестэ. Зярдо ушосонтэ лексемскак стака. Эрькевтеме мон вейкеяк чи аволинь эряво. Кизэнь пси читнестэ эрьксэнтэ ведесь прок сизи экшелициятнеде. Чиресэнзэ, ашо модачоваронтэ лангсо, кие ансяк арась! Муськият-човицят. Эйдест се шкане пулькить лембе, прок чугунсо эждезь, ведьсэнтэ.

251. Ловнынк. Кода, тынк койсэ, аравтови а аравтови ало максозь диалогось кортамонь стильс. Бути аравтови, мекс?

Сынъ уш пачкодекшнестъ школантъ **малас**. Прохор Андреевич кундызе Настанъ шуба ожадо, невтсь колхозонь правлениянтэ пелев.

— Паряк, тов мольтяно? Тосо те шкастонтэ² ламо ломантъ а эрсить, вана и кортнетяно.

— Вай, тов мон а пачкодян... Седе вадря теске...

— Ярь, таго беда! Пильтнеяк уш а кунсолыть... . Лисни, шайтян бабась овсе эзь лезда.

(В. Коломасов.)

- Ёвтынк, кодамо кортамо пельксэнь явовтозь валтнэ.

252. Ловнынк. Толковинк диалектизматнень смустест. Полавтынк сынст литературной валсо.

1. Мезеяк а чарькодят, коли валтнэнь велявтнят пряст лангс. 2. Эй, родня, зяро ашти пурцюзось? 3. Ков истя, бодяй, тон капшазь молят? 4. —Ваня, — рангстась пирестэ авазо, — чийть пекстык гобрикенть. 5. Тейтертне чокшне молить скалонь педямо. 6. А ламарень ли цветямо чиненть никсезь сон иредсь?

253. Кочкадо, бути улить, 4 — 5 эсенк велень диалектной валт. Кодат валт ёвтавить сынст таркас литературань кельсэ? Сёрмадодо мартост валрисьметь, конатнесэ сынъ кандовольть бу диалектизманы улема ёнкс.

▲ Литературань келенть ды кортавкстнэнь (диалектнэнь) ютксо свал эрси кеме сюлмамо. Ламот валтнэ, конат эсест шкасто ульнесть кодаткак кортавкстнэсэ, ней лововить прок литературнойкс. Н е в т е м г а: *катка*, *умарина*, *кецямс* ды лият совасть литературань кельс эрзянь башка кортавкстнэстэ. Диалектной валтнэнь покш лезэст литературань келенть синонимсэ сюпалгавтомасонтъ. Н е в т е м г а: *умарькс* — *умарина* — *умарь ундо* — *умарь чувто*.

▲ Диалектизматнень вельде художественной произведениятнесэ невтеви персонажтнень келень ёнкстнэ, таркась, косо моли тевень теевемась.

254. Ловнынк. Муинк диалектэнь валтнэнь. Кодамо валсо литературань кельсэ сынъ полавтовить?

1. Прокопыч неIZE, кода бригадирэсь сельгсь³ ды, прянь нолдазь, тусь шабранть вальманзо алдо. Атясь снартнесь путомс сонзэ превс:

— Тон вана мезе тейть, цёрабай: изамо кучт киньгак тейтертнень эйстэ, ну и, стал-бусть, видицяткак карми улеме. Эка, тезэньгак чарькодемась эйсэть арась.

Филя истя тейськак.

(В. Коломасов.)

2. Остаткадо школасо. Те чокшнесь зярдояк а стувтови. Позда вес мольсь весёлгалемась. Од ломантне эзизь неияк, кода кармасть ашолгадомо.

(П. Прохоров.)

- Муинк весёлгалема валонтъ юронзо.

52 §. Таштомовозь валтнэ.

255. Ловнынк текстэнтъ. Муинк таштомовозь валтнэнь. Мезе эрьвась эйстэст невтсь? Мекс ёмасть сынъ эрьвачинъ кортамостонтъ? Сёрмадынк башка валтнэнь, конатнесэ точкатнень таркас эряви путомс нолдазь буквась.


Сась сёксесь. Шкась манеель, ялатеке чинь **валовкстнэ** истя, кода кизна, э...ть эжд... **модантъ**. **Читне** нур...кин...га...сть, ветне экшел...ть. Виресь полавтыз... оршамонзо.

Виртян ялганзо² марто эрить васоло телимсэ*. Нур...ка шкас телиментъ пер...ка путозельть зяряя кудот, вельтязельть кер...сэ, кевстэ вачказельть эйзэст толбандянь таркат. Цёратне путозь од велентъ пер...ка тейсть кородовскт*, кемекстасть эрямонь од таркаст. Ней чар...кодевсь, душманось пек виев, што сон а саеви штапонъ ке...ть, эряви анокстамс, пурнамс вий каршонзо. Секс Виртян, кона ней ульнесь весе кантнэнь* эйстэ кадовикс ушмантнэнь* лан...со пря...токс, мерсь **цёратненень** седе пар...те теемс телиментъ пер...ка кородовкстнэнь.

Ушмантнэ Виртянонь ловсть чирязокс*, ансяк Виртян чирязокс прянзо эзь маря. Весе марто вейсэ кан...несь чочкт, лаксесь эйсэст, чувнось туворт* — тейсь весементъ, мезе лиятнеяк.

(М. Брыжинский.)

- Ёвтынк, кодат васенце абзацсонть валрисьметне.
- Кодамо валонь полавтнемасо аштить явовтозь валтнэ?
- Муинк валтнэнь, конатнесэ гласной букватне невтить кавто гайтть.



Евтынк, мезть невтеть артовкстнэсэ. Улить или арасть сынъ ней ломантнень эрямосонтъ? Вастневить ли валтнэ, конатнесэ лемдевить артовозь предметнэ?

▲ Эрзянь валташтакссонтъ, кода лия кельсэтнесэяк, свал моли полавтома. Шкань ютазь кой-кона предметнэ, кедьёнкстнэ, оршамопельтне, кудоютконъ уликстнэ ды лиямезтне лисить эрьва чинь эрямостонтъ. Секе жо шкастонтъ лоткить вастневеме валтнэ, конатнесэ сынъ лемдевить. Н е в т е м г а: *пулай**, *ауня**, *пакаръ**, *суманъ**, *сюлгам**, *уре**, *пенч парго**,

*карь, човалят** валтнэсэ лемдэзь предметнэ эрямосонтъ стувтовсть или стувтовить, теке марто сынст лемдиця валтнэяк шаштсть или шаштыть ёма-мочис.

Эрси истяжк: валтнэ таштомить, лисить эрва чинь кортамостонтъ, но полавтовить лиясо, сынст жо вельде лемдэзь предметнэ, явлениягне кадовить эрямосонтъ. Н е в т е м г а: *ведьуло* (остров), *вармамевть* (парус), *пувамне* (пузырька), *каж* (беда), *чансть* (уцяска, пек паро), *улов* (покойник), *пакарь* (кость).

Истят валтнэненъ мерить **а р х а и з м а т**. Архаизматнестэ эряви явомс историзматненъ. Тезэнь совить сеть валтнэ, конат таштомсть эсест эйсэ лемдэзь предметнэнь марто. Н е в т е м г а: *уезд**, *инязор*, *бояр*, *продотряд*, *кулак**, *ловнома кудо*, *батрак**, *волость*, *едак*, *ячейка**, *продналог*, *ликбез*, *МТС*, *велье староста* валтнэсэ невтезь чарькодематне эсест шкасто эрямосонтъ вастневсть пек сеедьстэ, ней жо сынъ арасть. **И с т о р и з м а т н е** — неть предметнэнь лемть, конатне ёмасть эрямо-стонтъ, а вастневить неень шкань эрзянь кортамосонтъ.

**Валтнэненъ, конат лиссть эрва чинь кортамостонтъ,
мерить таштомозь валтили архаизмат.**

256. 1. Валтнэнь ютксто муинк таштомозтненъ валтнэнь. Евтынк, конат эйстэст архаизмат, конат историзмат. Мекс сынъ лововить таштомозекс?

Алтын*, аршин*, базар, балдуз*, важо*, пожай*, пондо, купець, вардо*, вардоньчи*, вата*, сумань*, уезд, толкун*, гаруз*, губерня, ловнома кудо, рига*, жалования, жандарма, кабак*, караван, чугунка ки, улав*, бояр, конюх, кучер, кенде*, кажо*, штере*.

- *Аршин, пондо* валтнэнь марто арседе валрисьметъ.

2. Васня сёрмадынк валтнэнь, конат таштомсть сынст эйсэ лемдэзь предметнэнь марто вейсэ, мейле — конат полавтовсть лия валсо.

Васта*, камбраз*, чиряз*, эрямо парь*, кесак*, сивекс*, избач, ликбез, вигине*, безмень*, пулай*, мерлушка*, оскал*, нал*, орво*, пакарь, штере*, пола*, потмар*, рисьме*, тирямо, ума*, усия*, чандо*, човар*, миле*, кумбо*, тувор*.

▲ Таштомозь валтнэ сеетьстэ вастневить художественной произведениясо. Сынст вельде невтеви народонтъ ютазь шкань эрямочизэ, кезэрень коензэ.

257. Ловнынк. Ёвтынк таштомозь валтнэнь. Мекс сынъ тустъ эрва чинь кортамостонтъ?

Гармония мельга, киштезь-моразь, састь обедамо весе тейтерь-аватне. Лоткасть крандаз ваксс. Латкаень Катя мазыйстэ ды весеменень вельть парсте чарькодевица, мельс пек туиця **киштемасо** невтинзе тейтерь-авань вейкест пес тевтнень: ведь кандомо якась, кесак* эвтсь, поволесь муськемат*, одирьвакс урнемстэ кургозонзо кепсесь лажамо пацянзо*, велявтсь, пурнась лугасо тикше ды киштсь свадьбасо. Налкесь пек мазый рунгозо, сёлмокс аволясть лавтовонзо. (А. Луторкин.)

- Муинк ютазь шкань глаголтнэнь.
- Ёвтынк явовтозь валсонть юронть, суффиксэнтъ ды валонь пенть.

258. Ловнынк. Муинк таштомовозь валтнэнь. Мекс сын лиссть неень шкань эрьва чинь кортамостонтъ?

1. Сон **панжизе** кардаз кенкшентъ ды совавтызе улавост кардазов. 2. Тесэ валдолъ¹, чев сялгомантень ладзельть колмо **палыця** чевть. 3. Тестэ ванстомс а киде, князень ломанть **тей** курокто а пачкодить. 4. Пургазнэнь невтизь Тяпай атянь нинть эрямо тарканзо. Сон эрясь вардакс. 5. Од цёратнень кармат тонавтомост³ тюреме. 6. Ламот эйстэст а содасызь, кона кедьсэ саема торось, кода кирдема кедьёнксось. 7. — Улезэ тензэ тень кисэ Ине Шкаень чансть, — мерсь Пургаз. 8. Нельгинзе весе улавост, конатнесэ усксть саезь суро ды лия паро. Нельгсь ламо ракшат, нолдась оляв полонс ломанть... 9. Суликась тенст тееви аволь ваньксстэ. Седе ламо, нама, теить эрьгеть ды човалят.

(К. Абрамовоь коряс.)

- Явовтозь валтнэненъ муеде антонимть.

259. 1. Сёрмадынк. Точкатнень таркас путник эрявикс букватнень.

Те ульнесь пек ум...к. Ало велес... эр...сь Умань Филя. Ат...сь виевел...гак ды пр...веел...гак. В...се в...лесь кун...олось эйс.нзэ. Ул...несь тей-терезэ Окся, конан...нь мазыйст... морамонтъ кис мер...ть Цёков. В...семень коряс туекшнесь т...тякс. Пивсэмст... цётмарсонть розь пултонть в...сть вачкодезь, прок торось, керилизе кавтов. В...йке чокшнес кесак штердиль, в...йке чис комсь сэльть коцт кодыль. Мазыел...гак. Сэнь с...льмензэ кинь лан..с варштыльтъ — мель...паро теиль: авардицясь пейдезевиль, ризныцясь моразевиль. Ул...нест...как се шкастонть² тензэ ан...як кем...исемге иеть. (И. Ведяшкин.)

- Алга кикстынк таштомовозь валтнэнь.

2. Диктант. Кикстынк алга таштомовозь валтнэнь.

Кияванть молить кавто ломанть. Молить, а капшить, вельть пси. Вейкенъ иензэ ниленьгеменьшка, омбоцентъ, паряк, комсентъ малав. Лавтовост лангсо кувака кечке келей узертъ — бердышт. Нетъ узертнень коряс содави: аштить инязоронъ тевсэ. Чинь псидентъ седе сырентъ коняс секе тев пургондыть ливезь байгеть. Сэрей рунгонзо лангсо орштазь кувака сумань... (К. Абрамов.)

53 §. Од валтнэ.

Ваннынк артовксотнэнь. Ёвтынк предметнэнь, конат улить эйсэст. Кодя сынъ лемдевить?

Мезе марто сюлмавозь нетъ валтнэнь появамоост эрва чинь кортамосонтъ?



Науканть, техниканть, культуранть, ломантнень вейсэндявксонъ эрямонть седе тов улемаст-касомаст марто вельмить-появить эрва кодат од предметт, кедьёнкст, машинат, койть, од чарькодемат. Мартост вейсэ совить келентень или чачить кельсэнтъ од валт, конатнесэ сынъ лемдевить. Н е в т е м г а, неень шканъ эрзянь кельсэ од валокс (**неологизмакс**) лововить истятнэ, кода *ковгеверькс* (календарь), *компьютер*, *принтер*, *пейджер*, *интернет*, *мороютко* (припев), *кевботмар* (пещера), *вальмачирьке* (налишники), *прявтош* (столица), *валдаштавкс* (лексика), *сотовой телефон*, *акция*, *бизнес*, *бизнесмен*, *биржа* ды лият.

Од валтнэненъ, конат чачить-появить кельсэнтъ, мерить неологизмат.

Одокс ловови валось се шкас, зярс сон а тееви содавиксэкс весе эрзянь кельсэ кортыцятненень. Н е в т е м г а, а кармить улеме неологизмакс *субботник*, *телевизор*, *райком*, *пятилетка*, *велень совет* валтнэ. Эсь шкане сынъ лововсть неологизмакс.

▲ Ламо од валт эсь шкане эрзянь кельс совасть ды нейгак совить рузонъ кельстэ или рузонъ келентъ вельде.

260. Ловнынк. Евтынк, мезе марто ульнесь сюлмавозь эрзянь кельсэ эрьва валонтъ появамозо. Кодат валтнэ нейгак неологизмат?

Ловнома кудо, избач, ударник, МТС, пятилетка, кооператор, компьютер, нейлон, комбайна, кочкамот, менеджер, космодром, ракетчик, ракета, спутник, колхоз, совхоз, велодром, ковкеверькс, валташтакс.

261. Ловнынк. Муинк ды сёрмадынк валтнэнь, конат эсь шкане ульнестъ неологизмакс. Конат эйстэст лововить интернациональноекс? Сёрмадынк башка сеть валтнэньгак, конатнесэ точкатнень таркас эряви путомс нолдазь букванть.

1. Наряжазь клубось. Валдо праз...ник Течи совась минек седейс.
(А. Щеглов.)

2. Сёлмо марто «Метеор» теплоходонтъ лан...с мон чалгинь Космодемьянскойсэ. Суднань капитанось — икелень летчик, Героесь Михаил Петрович Девятаев. Великой Отечественной войнань иетнестэ³ сон тейсь дивавтыця подвиг: «Хенкель-III» врагонь самолётсо ялганзо марто орго...сь фашистской пленстэ ды вал...сь родной моданть лан...с. (И. Пиняев.)

3. Вирь ды цемент марто
Сынь ардыть Рав чирев,
Ускить экскаваторт
Ды бульдозерт виевть⁴. (Е. Пятаев.)

4. Стака муемс ломань, кона бу аволь ловно газетат. Сынст страницатнесэ минь вастовтано меель...е кулятнень марто, конат састъ мирмасторонь весе пелькстнэстэ. Эйсэст печатазь эрьва кодамо темас материалтнэ невтить эсенек, тескень эрямонтъ, народонтъ течинь тевензэ, мелензэ, бажамонзо. Газетась терди, тонавты, вети од покш тевтнес, конат аравтозь минек обществанть икелев.

5. Мезе ан...як а сяворди шкась. Кияк а цидярды кар...нзо, кевент...как шлясы песококс. Косто уш цидярдомс лома...ень. Сявор...сь Стёпаяк. Кос.ксть васов нолдазь корёнонзо, а таргить икеле ла...со эрямо ой модасто, а сайтъ сок седеентъ эждемс. Атя ней сон. Ютасть, прок стака чарыть, революциянь иетне ланганзо. Яла цидяр...сь, эзь макс... пря. (Ф. Чесноков.)

• Сёрмадынк башка сеть валтнэнь, конатнесэ точкатнень таркас эряви путомс эрявикс буква.

262. Ледстинк, кодат од валт появасть неень шкасто иень ковтнень лемдемстэ. Сёрмадынк сынст.

54 §. Эрзянь литературань келень стилень ёндо явовомазо.

▲ Тынь сёрмадтадо сочинения, стенгазетас заметка, кортатадо ялганк марто или промкссо. Сави арсемс, кодамо валсо, валрисьмесэ ёвтамс эсь меленк, арсеманк, ёжомарямонк. Муемс истят валт ды валонь формат, конатне теить кортамонть ды сёрмадоманть мельстуицякс, седейс токицякс. Эряви содамс эрва валонь питнень. Тенень лезды стилистикась.

Стилистикась — те келень наукань пелькс, сонзэ эйсэ тонавтовить сёрмадомань ды кортамонь ёнкстнэ, лувтнэ (норматне), конат лездыть видестэ, маштозь, мельс саезь ёвтамс эсь арсемат, ёжомарямонт.

◆ Меze те стилистикась?

▲ Стилистикань нормань коряс, невтемга: *автезь курго, прянь-полдань сундезь, ормаза, идемевсь* валтнэ, кемекставозь меревкстнэ, эрявикс тарка сайть ломанень эсь юткова кортамосо ды художественной произведениятнесэ; наукань коряс сёрмадовкстнэсэ сын а вастневить.

Валтнэнь, келень лия эрва кодат ёвтамонь ёнкстнэ (кой-кона суффикстнэнь ды валрисьметнень) вастневемаст аштить сюлмазь стилистикань ёнкстнэнь марто. Эрванть улить эсензэ эрявикс стилистикань лувонзо (норманзо).

263. Ловнынк. Ёвтынк, ули или арась келень средствань коряс ало максозь текстнэнь ютксо авейкетксчи. Васенце текстэсь аравтови книжно-художественной стильс, омбоцесь — книжно-научнойс.

1. Лугась ансяк ледевсь, тусь лостердеме пиземе ды наксавтызе тикшень прокосо*. Кадовкшнось пурнамс ансяк поймасто ды сеяк, содазь, а шка-стонзо.

Но ялатеке пек сэтьме пиземесь, кона валсь мик цела недля, кандсь лезэ пешкедиця розентень. Олгс а сэреедь корьмаесь, зёрнас эрганаль. (А. Куторкин.)

2. Содазь, эрзянь кельсэ улить пек ламо валт, конат этимологиянь (смустень) коряс ванькст, лиякс меремс, содави, кодамо предметстэнтъ, явлениястонть саеви тешксэзэ, конань коряс сон лемдеви. Истят *якстерькай, чиньжарамо, пиципалакс, модамарь, суркс, сельведь, ёндо, чаро, кустема* ды ламо лия валтнэ. Кой-кона валтнэсэ смустесь (потмочинь смустесь) кекшезь. Тувталось, косто валось ушодызе эсь эрямонзо, ней а содави; тешксэсь, кона неяви валсонть се шкасто, зярдо сон появась кельсэнтъ, ёмась. Сон муеви, панжови, бути минь нолдасынек тевс этимологиянь принципентъ.

• Муинк васенце валрисьмесэнтъ сказуемойтнень.

♦ Валтнэнь историяст, сень, кодамо сынст чачома ды эрямо кист-яност, тонавтови келень наукань пельксэ — **этимологиясо** (этимология валось теевсь грекень кавто валсто: *етъмон* «алкукс»+ *логос* «тонавтомачи»).

Эрзянь литературань келенть улить эсензэ стилинзэ. Васенцесь — **книжноесь**. Омбоцесь — **кортамонцесь**. Колмоцесь — **деловоесь** (официальноесь).

Книжной стилинть пельксэнзэ: 1) **художественной**, конань коряс сёрмадовить романтнэ, ёвтнематне, стихтне, содавикс ломантнеде ледстнематне ды лиятне; 2) **газетань** — **публицистикань**, конань коряс сёрмадовить лувтнэнь мельсэ кирдэзь газетатне, журналтнэ, весе, мезе совавтови публицистикантень; 3) **наукань, тонавтомань**. Те стилинть пельксэнтъ а вастневить метафоратне, кемекставозь меревкстнэ, гиперболатне, стилинть ёндо артозь валтнэ. Сонзэ коряс сёрмадовить важODEVКСТНЭ, тонавтомань книгатне, валкстнэ, эрва кодат справочниктне.

Кортамонь стильсэнтъ сёрмадовить-ёвтневить эрва кодат ёвтнемат-кортамот, истя жо ёвтнемат, конатнесэ вастневить аволь литературань келень валт ды валонь формат. Те стильсэнтъ келейстэ тевс нолдавить валт, валонь формат, конатне келень наукасонть лемдевить **просторечнойкс**. Невтемга:

Кузя рисовась мезе-бути, ялгасо сёрмадсь.

— Зрасти, **комсомолия!**

— Привет, шабра!

— А косо сонсь **клубаресь?** — кевкстни Яхим.

— Вана а умок лиссь ков-бути, — ответчи Кузянь ялгась. — Заметка бу максовлитель, Петрович.

— Заметка — мезекс?

— Вана стенгазетантень.

Яхим пейдезевсь, аволдась кедьсэнзэ:

— Теваразень тев, братушка, те тынк газетась. Киненьгак сон а эряви, кияк а ловносы.

(В. Коломасов.)

• Ёвтынк, кодамо ёнксонь коряс диалогось совавтови кортамонь (разговорной) стильс. Кода мерить явовтозь валтнэненъ?

264. Сёрмадодо стенгазетас «Кизэнь чи» теманть коряс яволявкс. Снартодо эсь арсеманк пачтямс нурькинестэ, чарькодевиксстэ, эрявикс валонь саезь. Кодамо стиль эряви кирдемс мельсэ?

265. Тееде диалог «Мезе вечкеви ломантнесэ» тема лангс, конаньсэ улезэ парсте невтезь кортыцятненъ кельёнксонь характеристикаст. Кодамо стильс совавтсынк эсенк сёрмадовксонтъ?

266. Максодо лем васенце ды омбоце текстнэненъ. Ёвтынк, кодамо стильс колмонест сынъ совить. Мейсэ сынъ явовить стилинть коряс эсь ютковасть?

1. Бути лемдемс минек масторонь ламо национальной литературанть свал пургондыця, касыця чувтокс, сестэ украинской литературасы — сехте эчке, сехте кеме ды неявикс тарадозо. Сонзэ историясь ушодовсь кеззрень пингетнестэ, зярдэ теевсь украинской нациясь*. Ней моданть лангсо арась, паряк, вейкеяк ломань, кона а содасынзе истят поэтнэнь ды прозаиктнэнь, кода Тарас Шевченко, Леся Украинка, Максим Рыльский, Павло Тычина, Александр Корнейчук, Микола Бажан, Михаил Стельмах... Ине творчествасост сынь седеяк¹ кепедизь эсь народонть славанзо, мазылгавтызь келензэ ды оймензэ, панжсть келей ки сетненень³, кить поладыть сынст тевень.

- Муинк аволь определённой формань глаголтнэнь.

2. Вирь чиресэнтъ сон аштесь шумбра атякс⁴. Ды вана рунгозо верде алов соракадсь, мейле састынька, пурдавозь ладсо, мерят, варштыксэль сявордицянзо лангс, кармась прамо. Сяворсь теке аволь чувто — сонсь менелесь чаразевсь. Яжамонь цятортось, лопань увтось —прок пшти сзредемстэ пеень чикордома, куломсто меельце стака лекстямо.

Празьгак сон ульнесь мазый: эчке, виев, менельс энялдозь тарадт.

Сяворсь, ды пертьпельга теевсь каштмолема...

- Явовтозь валсонть ёвтынк гайгиця согласнойтнэнь.

3. Андё стясь. **Кедензэ** путынзе удалов, а керш пильгензэ чалгизе витентъ эйстэ пель эскельдяmodo седе икелев ды кармась ёвтнэме аз-буканть:

— А, бы, вы, гы, ды, кы, ны, лы, мы, хы, пы, сы...

— Лоткак, идемевсь левкс! — рангстась цёрынентъ лангс тетязо. — Мезть эно чинь паро чоп тейнить: эзик тонавтне азбуканть?! А кунсоломанть кис тонавттан вана нейке монсь. Кодя киськедтян вестъ, мейле кармат тетязь-авать мельде пелеме... Покш ли тев максозь ульнестъ тонеть, а тон, изидень чама кедь, эзик тее сеньгак. Мекс мон ве чокшнес **карминь азбуканть** содамо? А? (А. Куторкин.)

- Кодат ильведекст азбуканть тонавтомсто тейсь цёрынесь?
- Лездадо тензэ.
- Ёвтынк, кодамо кортамо пельксс совавтовить явовтозь валтнэ.
- Кодамо падежсэ ашти *кедензэ* валось?

267. Ёвтынк, кодамо стильсэ сёрмадозь тынк учебниктне ды «Родной литературасо» максозь произведениятне.

▲ **Деловой (официальной)** стильсэнтъ сёрмадовить указтнэ, законтнэ, минек республикань конституциясь, яволявтоматне, промксонь протоколтнэ, автобиографиятне ды тевень ветямонь лия конёвтне. Те стильсэнтъ валтнэ

свал вастневить эсест виде смустьсэ, а совавтовить эйзэнзэ эмоциональна артозь валт, арасть тесэ просторечной валт, кемекставозь меревкст.

268. Ловнынк энялдомань (заявлениянь) невтемганть. Ёвтынк, кодат сонзэ формань коряс ёнксонзо. Сёрмадодо энялдома, штобу примавлидизь школань спортонь секцияс, предметэнь кружокс.

Мокшалай велень
средней школань директоронтень
И. И. Ивановнень

Арзамаскин Мишань —
7 «А» классонь тонавтницаанть пельде

энялдома.

Энялдан примамс монь школань авиамоделень кружокс, мелем парсте содамс авиамоделизмань тевтнеде. Занятияс карман сакшномо кружоконь расписаниянть коряс.

сентябрянь 10-це чи, 2010 ие.

М. Арзамаскин.

269. Ловнынк яволявтомань невтемганть. Кодат сонзэ стилень коряс ёнксонзо? Сёрмадодо яволявтома, конаньсэ улезэ экскурсияв молемадо ёвтамо.

Яволявтома.

Субутасто, 2010 иень маень 8-це чистэ, школань актовой залсо Ине Отечественной войнасо улезтнень марто карми улеме вастомань чокшне, кона алтави Изнямонь Чинтень.

Программась

1. Ине Отечественной войнасо улезтнень лецтнемаст.
2. Концерт (концертэнтень ютавты школань художественной самодеятельностесь).

Ушодови чокшнесь 19-це чассто.

270. Деловой сёрмадомань невтемгась.

Монь книгань лавцям.

Сон теезь пичень лазсто. Кувалмозо метра. Келезэ 25 сантиметрат. Стенантень кемекстазь алга чавозь трокске вельде. Верьга, неть трокскетнень каршо, аштить чавозь колмо уголсо лазнэть.

Лавцянть лангс путнезь книгам. Тетрадтнень туртовгак ули тарка.

271. Художественной сёрмадомань невтемгась.

Монь книгань лавцям.

Зярыя появасть книгам, а путомс а козонь ульнесть. Энялдынь деданень, ды сон тейсь монень книгань лавця. На, мери, аравтнить эсь книгат ды тонавтнек седе парсте.

Тусь мелезнень лавцясь: валанясто строгазь, од лазонь, эйстэнзэ качады пиче вирень кошт. Курок мон сонзэ красяса пиже краскасо.

Лацинь ланганзо книгам, кода эрси библиотекасо, стопкинес путынь тетраденгак. Ней уш тия-тува а кармить усксевеме. Аран аламодо бокав, варштан эсень лавцянть лангс, ды седееззень тееви паро. Школасто самодо мейлеяк васня варштан сонзэ ёнов.

Сюкпря деданень.

272. Тееде вейкетстямо текстнэнь. Ёвтынк, мейсэ эсь ютковасть явовить. Сынст лангс нежедезь кудосо сёрмадодо деловой ды художественной описаният эсь мельсэ кочказь темань коряс.

273. Ловнынк. Ёвтынк, кодамо стилезэ максозь сёрманть. Сонзэ коряс арседе ды сёрмадодо сёрма эсенк малавикс ялганк туртов. Муинк сёрмастонть таштомозь валонть.

Фронтвикень сёрма.

Ине Отечественной войнасто кудов эзть велявто Ичалковской райононь Лобаски (Ламбаське) велень 367 ломанть. Сынь максызь эрямост Родинанть кис, маштовсть немецкой фашистнэнь каршо тюремстэ. Велень эрицятне² зярдояк а стувтсызь сынст лемест. Маштовозь воинтнэнь фа-милияст сёрмадозь веленть куншкасо стявтозь обелискенть икеле аштиця кевень плитантень. Юткстост минь несынек старшей лейтенантонть Михаил Степанович Гавриловонь лемензэяк. Михаил фронтсто сеедьстэ кучнесь сёрмат аванстэнь. Вана эйстэст вейкесь.

16.05.42 ие.

Шумбрачи, авай!

Тестэ мон тенк кучинь колмо сёрмат⁴. Пачкодсть ли сынъ — а содан, ответт зярс лангозост арасть.

Тылсэ эрязь, фронтонтъ ловинь а содан мезекс, арсинь, тосо ансяк¹ марявить пулянь вешкемат ды снарядонъ сезневема. Алкукс жо тесэ — тунь лия. Ютко шкасто — патефон*, гармоният, морот, натой ловнокшнан художественной литература. Тынк кис мелявтома, аволь монь кис. Нама, авай, тетъ а шожда, ды ялатеке кирдть прят эйсэ. Те иестэнтъ миненек маштома ятонть*, ды минь маштсынек. Мейле одс карматано эрямо, кода икелеяк.

Весень кис пек тошнакадынъ.

Сёрмадт, авай, хоть валкавто черькстак, содан, седе ламос шкат арась. Ёвтак Ваняненъ, кадык сёрмады.

Ультъ шумбра. Миша.

- Башка сёрмадынк лия кельстэ саезь валтнэнь.

274. Ловнынк ды ёвтынк. 1. Кодамо стильсэ сеедьстэ вастневить ало максозь валтнэ ды валсюлмавкстнэ?

Лейне, лов покольне³, парсей сёлмо, сырненъ кедь, орбита*, вальюр, горнипов, пиже вирне, мазыйка, корьмакай, седеймарий, течи-ванды, ялгинем-оинем, парыне, сюконямс пильгс, путомс пря, нолдамс варма мельга, шайтян левкс, пандя дрехнямс, ёнкс, васняк, область, территория, формула.

2. Кодамо кель-валонь ёнксонъ коряс содави – те кортамось совавтови книжной стильс?

Чувырканъ икельць-удалць кудосонтъ ушодовсь алкуксонъ весёлгалема. Симсть-ярась инжетне. Киштсть-морась. Мерят аволь ансяк ломантне² ве кругсо велясть-чарась — весе стенатне ды столътне, эземтне ды скамейкатне. (А. Куторкин.)

3. Кодамо стильсэ сёрмадозь текстэсь? Кодат кель-валонь ёнкст лездыть тенк содамс каршовалонтъ те кевкстеманть лангс?

Псака лапинеть (кошачья лапка) — ламо иень перть касыця тикше. Тикшесь аволь покш, недьксэнзэ¹ вельтязь сероень кондямо лопинесэ. Лопа алкстнэ ашот. Лопинетне **вишкинетъ**. Недьксентъ прясо ниле или вете розовой, или ашола цецинеть. Цецинетне **чевттъ**. Касы ашо нупонь лангсо, чинь токамо коське таркасо. Сонськак тикшесь прок коськезь.

Ловови ормаменьксэкс. Кочкить цецянзо. Сынст эйсэ дубильной веществат, эфирной ой. Лезэв экшендеманъ ды сюлонь-пекень ормадо.


- Явовтозь валтнэнень муеде антонимть.
- Муинк омбоце максомгасонть валрисьмень пелькстнэнь.
- Кодамо формасо колмоце максовкссонть аштить суще-ствительнойтне?

275. Ловнынк. Муинк поэтической валтнэнь. Кодамо стилень те текстэсь? Улить-арасть стихотворениясонть таштомозь валт? Кодамо лексикань ёнкс невтеви явовтозь валрисьмесэнь?

Тиринь* моданть седейшкава славан⁴,
 Сонзэ лангсо эрямонь юрось:
 Сонзэ лангсо чачсть тетям ды авам,
 Сынь корьмаенть сокасть, видсть сюрю.
 Монь чачома таркам — эрзянь велесь,
 Тосо чачсть седейсэнь парт мельтне.
 Сэнь паксякс тень неяви менелесь,
 Олгонь стогакс — пурнавозь пельтне.
 Валдо ксनावокс вень тешттне неявить,
 Видемань паргокс* — пешксе ковань,
 Умариная цецякс свал маряви...
 Мон кенярдозь веть менелев ванан,
Тештне липнезь тень сюкпря* кучить.
 Тосто вешнян эсь сы шкань янонть,
 Кона тов ливтямон пек учи.
 Тетям, авам — паксянь тевсэ азорт,
 Мон — цёрынест сынст ёнов молян.
 Ансяк шказо седе курок сазо —
 Монгак тевень азорокс улян.

(П. Любаев.)

- Арседе «Эсенк веленк» тема лангс художественной сёрмадома. Лезксэкс тенк улезэ икеле максозь стихотворениясь ды артовксось.
- Муинк местной падежсэ аравтозь существительнойтне.
- Муинк кемекставозь меревкстнэнь.
- Сёрмадодо кавтонь-кавтонь валт, косо **е, ё, ю, я** букватне невтить **э, о, у, а** гайттнень ды сынст икеле согласнойтнень чевтечист.



▲ Кортамось (сеедьстэ поэтическоеь) стилень коряс артозь эрси сестэяк, зярдо валрисьмес совавтовить перифразатне, олицетворениятне ды гиперболатне.

Не в те м га: Эрзянь кезэрень лей!
Кодамо тон вандолдыця, келей.
(П. Гайни.)

Не в темга: **Чатьмонсь виресь, —**
 Мерят, **кирдсь** мель...
(И. Калинин.)

Не в те м га: Вия эри тусто вирьсэнь,

Горянтъ моросо сон изни,
Зярдо моры — чувттнэ цветить,
Зярдо пейди — умартъ касыть.
(В. Радаев.)

276. Ловнынк. Муинк перифразатнень, олицетворениятнень ды гиперболатнень. Ёвтынк, кодамо смустень кандома способось нолдави тевс явовтозь валсюлмавкссонтъ.

1. Зярдо сы тундось — од шкань азорось,
Ды пертьпельксэнтъ пештить валдо гайть...
(И. Калинин.)

2. Ульцятне¹ чавот:
Весе **ошось** уды,
Ансяк даволось
Чары пертьпельга.
(П. Любаев.)

3. Шушмотне ванькст...
Ванькст прок одирьвань онт,
Сынь лексить...
Сынь эзть кенере матрамо.
(А. Арапов.)

4. Ендолкс ливтян. Мекс мон истя капшан?
Кие каршон лиси кустемпес?
(Ч. Журавлёв.)

277. Сёрмадодо истят валрисьметь, косо *тундо*, *веле*, *одксчи*, *Ока* (лей), *цёков* валтнэ улест ёвтазь перифразасо.

В а л т н э: *чачома тарка*; *кенярксов ика*; *пингень тундо*; *Мокша леень сазор*; *тундонъ гусяр**.

278. Арседе текст (аволь пек покш ёвтнема). Лемдинк сонзэ. Эйзэнзэ совавтынк олицетворения марто валсюлмавкстнэнь: *раки чись*; *капиш валдо леесь*; *судри вармась прятнень*; *налкси тундо*; *сазорокс сюкони килеесь*.

279. Евтынк, кодат стилистикань ёнкст кекшезь явовтозь валсюлмавкстнэсэ.

1. **Август ковось**
Покш киява
Моли шумбра,

Мазый **авакс**⁴. (А. Щеглов.)

2. Вай, Пурьгине, Пурьгине,
Менель лангонь инязор!
Вай, **менель ланга якиця,**
Тол ракшасо ардтница! (Эрзянь моросто.)

Булканть секс мазый чачозо,
Прок ашти пейдезь:
Пек ламо вий путозь тозонь
Ды ламо седей. (А. Щеглов.)

280. Ловнынк. Ёвтынк, кодамо стильс совавтови этикеттэ кортамось.
Муинк ламо смустень кандыця валтнэнь.

Кортамсто илядо сезне кортыцянтъ валонзо, кунсолынк фразантъ педес.
Сезиндерясызь кортамсто тынсенк валонк-фразанк, илядо арсе лот-
кавомс эсенк валсо тынк марто кортыцянтъ, чатьмонеде, валсо апак сезе
кунсолынк. Кортамсто-теемстэ илядо аволя кедьсэ. Илядо ранго, илядо пек
ды кувать **пейде**. Кортамсто тынк валтнэ марявольть ансяк сенень, кинь
марто басятадо.

- Ёвтынк явовтозь валонть синонимензэ.
- Толковинк валонк — фразанк, кортамсто — теемстэ валтнэнь сёрмадомаст.

281. Сёрмадодо Ф. В. Сычковонь «Тикше ледемстэ самось»
(«Возвращение с сенокоса») картинантъ коряс сочинения истямо планонь
коряс.

1. Тикше ледема шка.
2. Чинзэ валгомадо мейле.
3. Ледицятне сыргастъ кудов.
4. Лисьмантъ вакссо.
5. Лисьмантъ эйстэ васоло лугантъ лангсо.
6. Прядовсть те чинь тевтне: эряви оймсемс.

Сочинениянтъ художественнойкс улеманзо кисэ, илинк стувто эйзэнзэ
совавомс, козонь эряви, ламо смусть марто валтнэнь, кирдинк мельсэ
синонимтнень путнемаст, стилистикань лия ёнкстнэнь.

56 §. Эрзянь келень валкстнэ.

Ловнынк валкссото саезь валдо толковамонтъ.

Вановкс, -т, *сущ.* 1) взгляд; **весёла вановкс** — весёлый взгляд; 2) *перен.* взгляд, мнение, сужде-ние; **научной вановкст** — научные взгляды; полавтомс **вановксонтъ лия марто** — меняться взглядами.

Ёвтынк, кода те валкскужосонтъ толковави эрзянь валонтъ потмочинь смустезэ. Кодамо валкссо истя толковави валонтъ смустезэ?

♦ Валтнэ валксс пурнавить, валкстнэсэ сынст потмочинь (лексикань) смустень толковамось тонавтневи **лексикографиясо**. Лексикография ва-лось теевсь грекенъ келень кавто валсто: *lehikon* «валкс» ды *graphein* (графеин) «сёрмадомс». Эрзянь валтнэ алфавитэнь коряс аравтозь зярыя валксс.

▲ «**Эрзянь-рузонь валкс**» (Эрзянско-русский словарь). Теизь Р. Н. Бузакова, Р. С. Ширманкина, Е. Н. Лисина, В. П. Цыпкайкина, Н. С. Адушкина. Редактортнэ — Б. А. Серебрянников, Р. Н. Бузакова, М. В. Мосин. Эйзэнзэ совавтозь малав 27000 валт. Лиссь печатьсэ Москов ошсо 1993 иестэ.

Эрва валонтъ смустезэ панжови рузкс. Прявт валось максови раужосто. Вейке секе жо валонтъ ламо смустензэ панжовить рузкс, тень кисэ валкссонтъ тевс нолдавить скобка марто арабской цифратне. Невтемга: **нерь**, -ть, *сущ.* 1) клюв (о птицах); 2) рыло — морда (о животных); 3) острие; **салмуks нерь** — острие птицы; 4) *перен.* лицо; **кенерепакарьс маласо, но нересь а саты** — *посл.* близок локоть, да не укусишь (*букв.* лицом не достанешь)...

Прявт глаголтнэсэ максови стявтозь кикс/, конасонтъ инфинитивень -мс суффиксэсь явовтови валлувсонтъ, мельганзо аравтови вейкенъ числанъ колмоце лицянь -сь суффиксэсь. Невтемга:

пиксе | -мс, -сь, *гл.* 1) кипеть; **ведесь пикси** — вода кипит, 2) *перен.* кипятиться, горячиться; **пиксемс стяконъ тевентъ кис** — горячиться из-за пустяков...

Стявтозь киксэ | явовтовить прявт существительнойтнень пельксэст, зярдэ ламонъ числанъ -т суф-фиксэнтъ икеле улить полавтомат. Н е в т е м г а: очк | -о, -т, *сущ.*, корыто; **пешт** | -еть, -ть, *сущ.*, орех.

Омонимтне максовить башка статьятнесэ ды невтевить римской цифрасо. Н е в т е м г а: **пиже** I. 1 *прил.* 1) зеленый... 2) *сущ. собир.* зелень; **пижеть**

II *сущ.* 1) тк. ед. медь (металл)... 2) монеты (медные). Кемекставозь валсюлмавкстэ максовить ♦ тешксэнтъ мельга. Улиндеряй кемекставозь валсюлмавксось ламо смустьсэ, сестэ смустне явовить буквасо. Н е в т е м г а: **невтемс пря** а) показать себя, проявить свои качества; б) проявиться, показаться: сделать вид: **сон невтсь пря, што эзизе сода ин-жентъ** — она сделала вид, что не узнала гостя.

282. Ёвтынк, зяроксть «Эрзянь-рузонь валкссонтъ» (1931) максови *кедь* (рука) прявт валокс. Чарькодевтынк, кодамо тешксэ те валкужосонтъ невтеви кемекставозь вал-зюлмавксось.

283. Муинк «Эрзянь-рузонь валксонтъ» (1993) *карамс* прявт валонтъ. Максодо чарькодема, кода панжови сонзэ смустезэ, кодамо смуть марто сон эрси валрисьмесэ.

▲ «Вейсэ, башка, тешкс вельде» — валкс, козо совавтозь: 1) стакалгавтозь валтнэ, 2) кавонзазь валтнэ, 3) пельсуффикс вельде теезь валтнэ, 4) валсюлмавкстнэ, конатне кандыть ве валонь смуть. Валксонь сёрмадыцятне: Н. А. Агафонова, Р. А. Алёшкина, А. М. Гребнева, М. Д. Имайкина, Т. М. Тихонова, М. В. Мосин, Н. И. Рузанкин, А. М. Харитонов, Д. В. Цыганкин, В. П. Цыпкайкина. **Валксось** лиссь 2002 иестэ.

Эрьва валонтъ мельга максови грамматикань тешкс ды эрьвась ютавтови рузонь кельс. Н е в т е м г а: **авака верьгиз, суц., волчица.**

284. «Вейсэ, башка, тешкс вельде» валкстонть муеде вете валт пельсуффикс марто, вете — кавонзазь. Сёрмадынк. Толковинк сынст сёрмадомаст.

▲ «Валонь ёвтнема валкс». Теизе К. Г. Абрамов. Лиссь 2002 иестэ. Прявтвалось сёрмадови по-кшсто ды явовтови раужосто. Эрьва валонтъ мельга максовить эрявикс грамматикань тешкст. Н е в т е м г а: **А ВАНЬКС**, -со; -энь; -ке. Аволь ванькс. Каргоць. Апак шля. Апак ванськавто. Берянь. А маштовиця. *Ваканось вельть а ванькс, эряви шлямс. Панарось а ванькс, эряви муськемс. А ванькс кедьсэ иля сае киш.*

▲ «Эрзянско-русский словарь». Теизь М. Н. Коляденков ды Н. Ф. Цыганов. Редакторось — Д. В. Бубрих. Эйзэнзэ совавтозь малав 15000 валт. Эрзянсетне явовтозь раужосо, рузонь — ашназасо.

Вейке секе жо валонтъ ламо 'смустензэ панжовить рузкс, тень кис валкссонтъ тевс нолдавить скобка марто арабской цифратне. Невтемга: соламс: 1) растопиться (о жирах); 2) расплавиться (о металлах); 3) растаять (о снеге).

Виде смуть марто валось аравтови васенцекс, кандовозь смуть мартось — пес. Невтемга: камакш: 1) коренной зуб; клык; 2) *перен.* коренастый, крепкий человек; 3) *перен.* скупой, жесткий, упрямый.

Валкссонтъ максовить эрьва кодат грамматикань тешкст (ремаркат). Невтемга: *кенже*, -ть (кенжеть): 1) ноготь (у человека); 2) коготь (у птиц), 3) коготь, копыто (у животных).

▲ «Русско-эрзянский словарь». Теизь М. Н. Коляденков ды лият. Редакторось Д. В. Бубрих. Эйзэнзэ совавтозь 25000 ютавтозь эрзякс рузонь

валт. Рузонь валось явовтозь раужосо, эрзянсь — ашназасо. Невтемга: **вода** жс. ведь; **питьевая вода** — симема ведь; **проточная вода** — чудиця ведь; стоячая вода — а чудиця ведь; **холодная вода** — кельме ведь; **теплая вода** — лембе ведь; **много воды утекло** — ламо ведь чудесь.

▲ «Эрзянь-рузонь валкс. Русско-эрзянский словарь». Теизе В. С. Щемерова.

285. Максодо ответ истямо кевкстема лангс: зяро валт «Эрзянско-русский словарь» книгасонтъ? Кода толковави валонтъ лексикань смустезэ? Невтевить ли башка кемекставозь меревкстнэ, бути неевтевить — кода?

286. Ваннынк мельс саезь валкссто саевксэнтъ. Евтынк, кода сон тееви. Мезекс эйсэнзэ аравтовить скобка марто арабской цифратне? Кодамо стильс совавтови те саевксэсь?

Каладомс, -дсь. 1. Износиться, обветшать, прийти в ветхость (об одежде, обуви и т.п.). 2. Разрушиться, развалиться (о строениях). 3. Расстроиться (пекем каладсь «желудок у меня расстроился»). 4. Разойтись, распасться, не состояться (**промксось каладсь** «собрание не состоялось»). 5. Размотаться (о нитке и т.п.). ★ **Каладо курго** «плакса», **кургозо** каладсь «он расплакался, расстроился».

- Кода мерить *каладо курго* валсюлмавксонтень?

287. Сёрмадынк. Прядынк валксонь ущодозь статьятнень. Точкатнень таркас сёрмадынк рузкс валтнэнь кандовозь смустест ды невтинк сынст эрзянь саевкстнэсэ:

1. **Ванськадомс, -дсь:** 1) очиститься, сделаться чистым; 2) проясниться (менелесь ванськадсь — небо прояснилось, сельмень ванськадсть — глаза прояснились; 3) *перен.* ...

2. **Соламс:** 1) растопиться (о жидкости); 2) расплавиться (о металлах); 2)растаять (о снеге); 4) раствориться (о соли, сахаре и т.п.); 5) *перен.* ...

3. **Вановкс:** 1) взгляд; 2) *перен.* ...

4. **Плетямс:** 1) плести, заплести (плетень плетямс — плетень плести); 2) *перен.* ...

В а л т н э: *смягчиться, размягчиться: скрыться, убежать; мнение, убеждение; болтать чепуху, лгать, болтать, трепать языком.*

288. Ёвтынк, кодамо валкссо толковавить валтнэ истя. Мезекс валксонь саевксэнтъ аравтовить цифратне? Панжинк киртязь валтнэнь смустест.

Зерно ср. 1) зерна, суро видьме; 2) пелькске (малая частица); 3) видьме (конопляное и т.п.); 4) появавкс, появомо; ушодкс *перен.* (зародыш).

▲ **«Словарь синонимов эрзянского языка».** Теизе Р. Н. Бузакова. Редакторось — Д. В. Цыганкин. Эйзэнзэ совасть синонимень рядтнэ, конат улить эрзянь кортамосо. Эрва синонимень смустезэ панжови рузкс. Валось, кона ловови стилистикань ёндо апак арто, аравтови васенцекс. Кемекставозь меревкстнэ, аштиндеряйт синонимекс, путовить синонимень рядонтъ пес. Синонимтнень ютксо смустень коряс явовомась толковави рузкс. Тень кисэ саевить эрзянь ды мокшонь невтемгат — валрисьметь. Невтемга: **Кортамс**, *лабордомс*, *лавгамс*, *лакиштордомс*, *кель човсемс*. Авторось сермады: «эти слова объединены общим значением «устно сообщать, излагать что-л.». Слово *кортамс* имеет самое широкое значение «вслух выражать свои мысли, впечатления, делать замечания, сообщать что-л. и т.д.». **Лабордомс** обозначает «болтать без умолку», ему свойственна отрицательно-эмоциональная окраска. **Лавгамс** — говорить попусту, иногда говорить вздор. Фразеологическая единица **кель човсемс** имеет значение «точить ласы, болтать, судачить».

Алкуккак, Прохор Андреевич ней уш кортась трудовой дисциплинанть коряс (*Коломасов В. «Лавгинов», с. 65.*). Правда, теперь уже Прохор Андреевич говорил о трудовой дисциплине. Помняви, что ли, мезть лабордынъ врачонтень, ся-дошка орма ёвтынъ (*Абрамов К. «Ломантне теевсть малацекс», с. 259*). Помню, что ли, что на-говорила врачу, сотню болезней назвала. Кецямонь пачк Стёпа а сеске чарькодсь, мезть лаборды тейтересь (*Абрамов К. «Эрзянь цёра», 2 кн., с. 307*). На радостях Стёпа не сразу понял, о чем болтает девушка. — Озак, Егорей, эка, кадык лав-и (*Коломасов В. «Лавгинов», с. 63*). — Садись, Бгор, пусть его болтает. Саемс Охрем лелянтъ, сон косо ашти лавги, пеетькшни, лиясто манчи (*Абрамов К. «Эрзянь цёра», 2 кн., с. 11*). Взять дядю Бфрема, он везде болтает, шутит, иногда даже обманывает. — Маштат келень човсеме, — пейде-зевсь Таняяк («Валдо чинть ало», с. 44). — Уходи отсюда, говорят тебе! Мне некогда болтать с тобой.

- Кодамо стилень те текстэсь?

▲ **«Фразеологический словарь мордовских языков».** Теизе Р. С. Ширманкина. Редакторось — Д. В. Цыганкин. Кемекставозь меревкстнэ (фразеологизматне) толковавить рузкс. Эрвась эйстэст чарькодеветеви художественной произведениясто саезь невтемасо. Эрванть мельга максови тешкс: эрз., мокш., эрз.-мокш. Невтемга: **Сельгень прамс**, эрз.; **сельгонь прамс**, мокш. В мгновение ока. Моментально, вмиг, очень быстро. 1: «Иля мелявто, Гриша, иля... Те сельгень прамс тееви...» (*Раптанов Т. «Чихан пандо ало»*). «Не беспокойся, Гриша, не надо... Это очень быстро сделается».

1998 иестэ те валксось лиссь одс. Сонзэ лемезэ «**Фразеологиянь валкс**». Эйсэнзэ кемекставозь меревкстнэнь смустест панжови эрзякс. Невтемга: **кандомс пря верьга**— 1. Ловомс эсь прянь лиядо седе парокс. 2. Модемс наянсто, эсь прянь парсте марязь. Эрьва смустесь невтеви валрисьмесэ.

289. Муинк синонимень валксстонть **кенярдомс** валонтень синонимтнень. Ёвтынк, кода теезь валкужось. Мекс **кенярдомс** валось аравтови васенцекс?

290. Ваннынк мельс саезь валкссто саевксэнтъ. Кодамо валкссо истят меревкстнэ толковавить? Чарькодевтннк, кода панжови кемекставозь меревксэнтъ смустезэ.

Кирдемс кедь, эрз; **кирдемс кядь**, мокш. Быть сторонником кого-либо, разделяя чьи-либо взгляды, поддерживать кого-либо в его действиях, поступках и т.п. 1. «Эх, арась минек парторгось, сон кирдевлize тонъ кедентъ» (Эркай. Н. «Тундонь сад»). Пришли и те, которые поддерживали (букв. держали руку) богатых. **Кедень кирдема**, эрз; кядень кирдема, мокш. Поддержка. 2. **Кедень кирдемась эрьва тевсэ вадря**. Поддержка (букв.: руки держание) во всяком деле хороша.

291. Сёрмадынк валкссто саезь саевкстнэнь, точкатнень таркас рузкс тешкстынк кемекставозь меревкстнэнь смустест.

Нолдамс модань пачк, эрз.

Келей ваканокс тетъкевсть сельмензэ, сюдось тейтертнень³, модань пачк нолдась (Радаев В. «Сияжар»). — Как площадки открылись глаза его, проклинал девушек, чтобы они сквозь землю провалились. «Паряк, кольнят тон, Нуя сазоркам, — ушодсь кортамо тензэ Литова. — Модань пачк нолдат яла монъ эйсэ?» (Там же). — «Возможно, балуешься ты, сестрица Нуя, — стала говорить ей Литова. — Всё желаешь, чтобы сквозь землю я провалилась».

Прамс ве превс, эрз.

«Вана сон, яволявтомась, умок анок, мерят икелев содынъ: пратано ве превс» (Абрамов К. «Ломантне теевсть малацекс»). «Вот оно, заявление, давно готово, будто заранее знал: договоримся (букв.: упадем в один ум)».

- Кодат кемекставозь меревкст содатадо **прамс** валонть марто?

292. Прядынк валкскужонть. Точкатнень таркас сёрмадынк кемекставозь меревкстнэнь, конатнесэ улить **пря** ды **седей** валтнэ. Илинк стувто тешксэнтъ, кона путови валксонь кужосонть кемекставозь меревксэнтъ икеле.

1. **Пря:** 1) голова (ломань пря — человеческая голова); 2) вершина (чувтонь пря); 3) кончик (сурпря, пилепря)...

3. Седей (сердце); ...

Невтемга: **пря максомс** — сдаться (кому-либо), **седей петямс** — отвести душу.

293. Синонимень валкссонтэ эрва синонимень кирдась (рядось) ушодови стилень коряс нейтральной валсо. Сёрмадынк ды муеде тенст синонимть:

авардемс — ..., ..., ..., ...

ваткамс — ..., ..., ..., ...

вачкодемс — ..., ..., ..., ...

велямс — ..., ..., ...

кирвастемс — ..., ..., ..., ...

мадемс — ..., ..., ..., ...

пейдемс — ..., ..., ...

Максозентэ теемстэ лезды тенк эрзянь синонимень валксошь.

▲ «Эрзянь келень орфографической словарь». Теизь Р. Н. Бузакова ды Р. С. Ширманкина. Те валксошь эряви видестэ сёрмадомань кис. Валтнэ эйсэнэ аравтовить алфавитэнь коряс. Ламотнень мельга запятойсэ явозь максовить валонь полавтома форматне, бути сынст сёрмадомасть лиятнень коряс седе стака. Максозь форматнень мельга скобкосо аравтовить грамматикань тешкст. Н е в т е м г а:

лаз, лазт (л.ч.) лазокс (пр.п.)

кандо, кандт (л.ч.), кандсо (м.п.)

кандс (вн.п.), кандокс (пр.п.)

касомс, кассь (ют. шк., 3 л.)

каст (кар.н.), эзь касо (отр.ф.)

Ботанической ды зоологической терминтнэ максовить тешкс марто: (зоол.), (бот.). Невтемга: *овто (зоол.), пурьгине палакс (бот.)*.

294. Ваннынк «Орфографической словарьстэ» саезь пельксэнтэ. Панжинк киртявкстнэнь смустест:

1) *нупонь, нупонть (л.ч.), нупоньсэ (м.п.), нупоньс (вн.п.), нупонькс (пр.п.); нурдо, нурдт (л.ч.), нурдсо (м.п.), нурдсто (исх.п.), нурдс (вн.п.), нурдокс (пр.п.)*

нурдыне²

нурсевезь

нурсевемс, нурсевсь (ют. шк. 3 л.)

2) *овтонь понкс (бот.), овтонь понкст (л.ч.), овтонь чурька (бот.)*

овторник, повторникъ (л.ч.)
овторниксэ (м.п.), повторникс (вн.п.), повторникекс (пр.п.)
овтумарь (бот.), овтумартъ (л.ч.), овтумарьсэ (м.п.)
овтумарькс (бот.)
овтыне
овчарка
овчина

- Сёрмадынк кавто валсто теезь (составной) валтнэнь башка, конатнесэ васенце валось аравтови кандовозь смустьсэ.

295. «Эрзянь келень орфографической словарьстэнтъ» сёрмадынк ве раськенъ **кас(о)** — вал юронть марто валтнэнь. Толковинк грамматиканъ тешкстнэнь. Эрва валонть марто арседе ды сёрмадодо валсюлмавкст.

296. Точкатнень таркас сёрмадынк грамматиканъ тешкстнэнь ды валтнэсэ нолдазь букватнень:

- а) кенярдомс, кеняр...сь (...) кенярдовт (...), эзь кенярдовто (...)
- б) кедь, ке...те (...), ке...ьсэ (...)
- ке...ьстэ (...), ке...ьс, (...), ке...ькс (...)
- в) пильге, пиль...ть (...), пиль...сэ (...) пиль...стэ (...), пиль...с (...)

297. «Эрзянь келень орфографической словарьстэнтъ» сёрмадодо келень валт кавто пельксстэ теезь (составной), васенце пельксэсь — *вирь*. Вететнень ютавтынк рузкс ды арседе мартост валрисьметь.

▲ «Эрзянь келень нурькине этимологической словарь». Теизь Д. В. Цыганкин ды М. В. Мосин.

1998 иестэ «Этимологиянь валкс» лемсэ нолдазь сон одс, эйзэнзэ совавтозь зярыя лия валт, конатне арасть ... нурькинесэнтъ.

Валтнэ валкссонтъ максовить алфавитэнь коряс. Ламотнень мельга аравтови мокшонь келень вал. Весе эрзянь валтнэнь смустест чарькодеветев рузкс. Эрзянь ды мокшонь валтнэненъ свал максови малавикс вал финнэнь ды эстонэнь кельтнестэ. Лия ве раськенъ кельтнестэ жо малавикс валось саеви ансяк сестэ, бути эрзянь валонтень ули кеме малавикс вал. Н е в т е м г а: **Вал**, мокш. **вал** «слово». Кезэрень формазо **вале***. Сонзэ лисьмапрязо ловови финнэнь-угрань кельюрось. Малавикст улить лия финнэнь-угрань лия кельтнесэяк. Финнэнь кельсэ **вала** «присяга», эстонэнь кельсэ вастневи ансяк глаголонь валлувокс — **валетама** «кенгелямс», «манчемс».

298. «Этимологиянь валкссото» л буквасто ушодовиця саезь валтнэненъ муеде малавикст. Лезды тенк валксось.

	<i>мокшокс</i>	<i>финнэкс</i>	<i>эстонокс</i>
лашмо —	...	...	...
лем —	...	...	...
лепе —	...	...	...
лов —	...	...	...
ловажа —	...	...	...
ловомс —	...	...	...
лисьма —	...	...	...
лампа —	...	...	...

- Евтынк, кона валсонть сехте келей гласной гайтесъ.
- Кикстынк алга сеть валтнэнь, косо ули гласноень гармония.

299. «Этимологиянь валксонть» коряс ваннынк, кода появастъ эрзянь кельс *теле, сельме, сёксъ, пизёл, киш* валтнэ.

300. Финнэнь-угрань кельюрсо ульнестъ истят числительнойть, кода **колме, *нелия, *витте, *кутте*. Ёвтынк, кода полавтовсть сынст гайгемаст эрзянь, мокшонь, финнэнь, эстонь кельтнесэ. Лезды тенк этимологиянь валксось.

▲ «Эрзянь келень эпитетэнь нурькине словарь». Теизе А. Г. Борисов. Валксонтень совасть эпитетнэ, конат ёвтазь прилагательнойсэ, причастиясо, лиясто вейсэндявозь прилагательной или причастия марто.

Н е в т е м г а: **Вал** — *висъкс вал, кемевтиця вал, ёжовсто шныця вал*.

Существительнойтне, конатненень аравтови эпитетэсь, саевить нежекс ды явовтозь раужосо, сынст мельга столбикс алфавитэнь коряс сёрмадовить эпитетнэ.

Н е в т е м г а: **варштавкс**

апаро	ванькс
арсевиця	васенце
ацирьгадозь	виень кемезь
берянь	виздиця
благод	гуень
валдо	ёжов
валдочинь	кежей

301. Сёрмадышк. Прядынк валксужонть, точкатненень тар-кас путынк *тансть* валонтень сеть эпитетнэнь, конань тынь содасынк. Кикстынк алга кандовозь смустъ марто эпитетнэнь. Максозентъ теестэ лезды тенк «Эпитетэнь валксось».

	Тансть
а евтавиксэшка	сэпшть мериця
инзеень	...

розень кенерема	...
...	...
...	...
...	...
...	...
...	...

- Зяро гайтть явовтозь валсонть?

302. Сёрмадодо эпитетэнь валксстонть *тев* валонтень кемень эпитетт. Весе сынъ улест кандовозь смусть марто. Колмотнень марто арседе валрисьметь.

303 Эпитетэнь валкссонть *ки* валонтень максовить эпитетт. Максозень теемань кис максовить эйстэст кой-конатне. Кикстынк сынст эйстэ сетнень, конатнесэ ули кандовозь смусть.

Ки.

аволь виде	панжозь
валаня	ташто
вечкемань	тюремань
виськсэнь	уцяскав
колазь	фронтонь
куломань	шождыне

- Ёвтынк теине гласнойтнень.

304. 1. Ёвтынк, кода лиякс можна ёвтамс *сюдомс*, *куломс* валтнэнь смустест. Кодат *пиземе*, *прев*, *седей* валтнэнь эпитетэст? Каршо валонтъ максомс тенк лездыть валкстнэ. Конатне?

2. Муинк мазылгавтыця валсюлмавкстнэнь.

Пурьгинесэ ледезь
 Аварди килеесь,
 Рунгованзо чуди
 Сиянь сельведь леесь.
 (Н. Эркай.)

ВАЛОНЬ ПЕЛЬКСТНЭ ДЫ ВАЛОНЬ ТЕЕВЕМАСЬ

57 §. Валонь полавтнемась ды валонь теевемась. Валонть пельксэнзэ.

Ловнынк.

кедь — кедькс

сал — салов

сэнь — сэныпкадома

панжомс — панжома

кедь — кедьсэ

сал — салсто

сэнь — сэнтеме

андомс — андома

Кона кужосонть валонь кавтаськетне эсест смустест коряс аволь вейкетъ? Конасонть максозь ансяк теке жо валонь эрва кодат формат?

Ёвтынк суффикстнэнь, конатнень вельде теевсть вейсэнъ юр марто (раськенъ) валтнэ. Ёвтынк вейке теке жо валонь эрва кодамо форматнень теиця суффикстнэнь.

305. 1. Ловнынк.

Раужосто ашти виресь.

Сонзэ эйстэ леенть чирес

Чийсь килейнесь-тейтерькась. (Д. Надькин.)

Ёвтынк, кона валтнэ полавтневить падежга, конатне —лицява. Сёрмадозь полавтнинк *вирь* валонть ниле падежга, *чиемс* глаголонть —лицява. Мезе тынк лиссь: вейке валонь эрва кодат формат или лия смусть марто валт?

2. Ловнынк стихотворениясто саевксэнтъ. Невтинк, кодамо формасо ёвтазъ эйсэнзэ явовтозъ валтнэ.

...Кизэнь пе. **Пиресэ** умарь чине.

Чиньжарамось стака прянтъ нолдызе.

Ливтясть нильгемень сисем **иеть** ...

Ванды одов **лиси маней** чизэ!

(Маризь Кемаль.)

Н е в т е м г а: *паксясо* — сущ., мест. падеж., вейкенъ чис. формасо; *арды* — глаг., неенъ шк., 3-це лица, вейкенъ чис. формасо.

306. Эрва куросонть валтнэ ве раськенъ. Ёвтынк, мекс?

Сёрмав, сёрма, сёрмадомс, сёрмадомапель. Ашо, ашола, ашолгадомс, ашолгавтомс, ашолгавтома.

Валтнэ, конат теевить вейке теке жо юрсто, лемдевить раськенцекс. Н е в т е м г а: салов, салтомс, салыяв-томс, салыямс, салыякшномс валтнэ — ве раськень, сынъ теевсть сал вальюрсто.

▲ Раськень валтнэнь а эрявить човорямс вейке валонь эрьва кодамо форматнень марто. Ве раськень валтнэнь теевемстэ кельсэнтъ появить лексикань эрьва кодамо смусть марто валт. Н е в т е м г а: *покишке, покишолма, покишолгадомс, покишолгавтомс.*

Валонь полавтнемстэ валонть потмочинь (лексикань) смустезэ а полавтови, полавтови ансяк сонзэ грамматикань смустезэ. Н е в т е м г а: *кортан, кортат, корты; ава, авань, аванень, авадо.*

307. Невтинк, кодамо формасо максовить явовтозь валтнэ. Муеде *варма* валонтень ве юронь валт. Кодамо потмочинь смустезэ *идем* валонть?

Н е в т е м г а: *вайгельсэст* — сущ., мест. падеж., вейкень числа; *кунсолы* — глаг., неень шка, 3-це лица, вейкень числа.

58 §. Валлувось. Валонь полавтыця суффиксэсь.

Ловнынк.

Сорнозевсть поенть лопанзо. Вармань коволось маштнезь ютась лопатнень пачка. Васенцекс кавшакавтынзе маласо аштицятнень. Понгсь лия лопатнененьгак. Ялатеке уш аволь истя. Омбо ёно касыця лопатне ансяк лыказевсть. Кой-кона лопатнестэ мик кежейстэ варштась пиштевтицятнень ёнов. (*Нуянь Видязонь* коряс.)

Кона валось сеедьстэ вастневи валрисьметнесэ? Кодамо валонь полавтыця суффикс марто сон?

308. Сёрмадынк, скобкатнень панжозь. Мекс эряви полавтнемс *мода* валонть? Кодат валонь полавтыця суффикст эрсить мартонзо?

Сюронть виднить (мода). (Мода) — минек андыцянок. (Мода) мельга эряви парсте якамс. Валнозь (мода) саят паро урожай.

▲ Валонь полавтыця суффиксэсь (лиякс сон лемдеви **валонь пе**) невити:

1) существительное — падежензэ (валмельгакс марто или валмельгакстомо), числанзо, полавтнемань ёнксонзо (склонениянзо);

2) глаголонть — шканзо, лицянзо, числанзо, полавтнемань ёнксоzo (спряжениянзо).

Валонь полавтыця суффиксэсь — валонь пелькс, конань вельде теевить валонть форманзо. Сонзэ вельде валтнэ сюлмавить эсь ютковасть.

Валонь полавтница суффиксэсь муеви, аравтындерясынек валонть кодамояк падежень или лицянь формасо. Невтемга: *вальма, вальмань, вальманень, вальмадо; видян, видят, види.*

Тесэ валонь полавтница суффикстнэ: [^]-н[^], [^]-н[^]н[^], [^]-я[^]н[^], [^]-я[^]т[^], [^]-й[^]; валлувтнэ (а полавтневикс пелькст-нэ): *вальма-, вид-*.

Мезде мерить валлув? Мезде мерить валонь по-лавтница суффикс?

В а л л у в мерить валонь пельксэнтень, кона кадови валонь полавтница суффиксэнтъ явомадо мейле. Невтемга: алаша — алашасо (валлувось алаша), видян — видсь (валлувось вид-). Валлувсонть невтеви валонть лексикань смустезэ.

309. Ловнынк. Максодо текстэнтень лем. Сёрмадынк. Явовтозь валтнэстэ невтинк валлувонть ды валонь полавтница суффиксэнтъ.

Ансяк **кенеринь** вирьстэнтъ лисеме, чипаэнтъ вельтизе **овтошка** пель, **менельстэ** модас кивчкадсь ёндоу ды виевстэ зэрнезевсь пурьгине. Лосьсэ тусь пиземе. Верде празь, покш ведьбайгетне **эшксевсть** модантень ды явность а **ловови** зяро пельксэв. (*Т. Разгуляева.*)

▲ Падежга полавтневица валтнэнь лувось — те именительной падежень вейкенъ числанъ формась: **лопа, тундо, вальма, пря, веле, пизэ, ваз, медь, пикс.**

310. Сёрмадынк. Невтинк валтнэнь лувост. Явовтозь валсонть содавынк лувдонть башка полавтница суффиксэнтъ.

Пире, пирева, пиревтеме; вайгельть, вайгельсэ; толсто, толтомо; лей, леень, лейс.

▲ Согласной гайть лангс прядовиця существительнойтнень лувост ды пест ютксо эрсить сюлмиця гласнойть: **-о-, -е-, -э-.**

Невтемга: *тол-о-нъ, вир-е-сь, пикс-э-сь.*

▲ Кой-кона гласной лангс прядыця существительнойтнесэ валонь полавтница суффиксэнтъ икеле пракшны гласной гайтесъ. Н е в т е м г а: чувто — чувт-со, зепе; — зең-стэ; кардо — кард-с.

▲ Глаголонь валлувокс ловови се пельксэсь, кона кадови аволь определенной (инфинитивень) формань -мс суффиксэнтъ явомадо мейле. Глаго-лонь лувось свал прядови гласной гайтэсь, кой-кона глаголонь теевкстнэсэ сон пракшны: рамамс валлувось рама-, (рама-сѣ), ардомс-ардо(ард-сѣ), тердемс-терде: (терд-сѣ).

311. Сёрмадынк. Муинк максозь существительнойтнень валлувост ды валонь полавтница суффикстнэнь. Содавтынк, конатнесэ суффиксэнтъ икеле пракшны гласноесь.

Н е в т е м г а: эрьке-ѡа. — эрьке-, эрьке-сѣ;
ведь-сѣ — ведь, вед-е-нѣ.

Лейсэ. Классо. Заводга. Пенгевтеме. Лопасо. Каргот. Варьгашка. Сельмева. Овтодо. Кедте. Пильге.

312. Явинк валонь полавтница суффиксэнтъ. Сёрмадынк, васня лицянь, мейле падежень суффикстнэнь марто. Евтынк, кодамо грамматикань смусть невти суффиксэсь эрьва валонь формасонтъ.

Латкова, кепсить, морасть, совавтыть, сёрмадсь, пиресэ, медьсэ, вирьга, латкс, очксто, килейга, чакшс, тетрадьс.

313. В. Коломасовонь ёвтнемасто саявксэнтень максодо лем. Сёрмадынк, точкатнень таркас букватнень путнезь. Явовтозь валтнэнь невтинк валлувост ды валонь полавтница суффикстнэнь.

Мезе истямо кир...гась — тень весе содасызь. Сонтемензэ, келя, а кода эрямскак. Сон, те самай кир...гась, чачияк мартот. Те истямо пел...кс, конасонть **поладови** прясъ рунгонть марто. Весемень, кинь пил...гензэ кавто эли ниле, свал ули кир...гаст. Мик вер...га ливтицятнень — нарму...тнень ды карвонь кондятнэнь — сетнен...гак ули кир...гаст. Эрзякс **кир...гантень** мерить лиякс — пря недь...кс. Оно, мерить, се алюханть эчке пря недь...ксэзэ, а оно сень пек човине, прок **вазонь** пуло. Кир...гась, бути сон кувака ды ёлганя, парсте мазылгавты од аванть ды тейтерентъ. Мазылгавты сон, нама, истя нармунент...как, — сехте пек мацеентъ, каргонть, сеньксэнтъ, локсеентъ. Сынст истямо жо кувака, натой сонзэ вел...де кекшеви прясъ сёл-мост алов.

- Ёвтынк, кона валрисьметнесэ улить валрисьмень вейкетъ пелькст.
- Ёвтынк, кодат гласной гайтть невтитъ **я**, **е** букватне **лиякс**, **ёлганя** валтнэсэ.

59 §. Вальюр ды валонь теиця суффикс.

Ловнынк. Мезе максозь валтнэсэ лексикань смустень вейкетьксчись? Кодамо пельксэсэ вейсэнъ смустесь кандови?

Келе, келей, келейстэ, келейгадомс, келейгавомс.

▲ Весе валтнэ явовить кавто кужос:

1) Валт, конат эзть тееве кодамояк лия валсто. Н е в т е м г а: *вал, сэдъ, мазый, сур, кев, очко, пуло, пей, ие*. Истят валтнэсэ лувось ашти ансяк валонь юрсто, сонензэ мерить **апак тее валлув**.

2) Валт, конат теевсть лия валсто. Н е в т е м г а: *сур-кс, кедъ-ге, ашолла, коз-кс, чувто-м-о-мс, мазый-гад-о-мс, тель-ня*. Истят валтнэнь лувсост, юрдо башка, ули пелькс, конань лемезэ **валонь теиця суффикс**.

Ванносынек смустень коряс валтнэнь: *ашо, ашине, ашназа, ашолла, ашолгадомс, ашолгавомс*. Весе неть валтнэ ве раськенъ. Сынст смустьсэ минъ мутано вейсэнъ пелькс, кона невтезь *ашо* валсонть, ашти сыненст вейсэнъ юрокс.

Ю р мерить валонть прявт пельксэнтень, конаньсэ невтеви весе раськенъ весе валтнэнь вейсэнъ смустест.

Валонь теиця суффикс мерить вальюронть мельга аштиця пельксэнтень, конань вельде теевить од валт.

Вальюрось ды валонь теиця суффиксэсь вейс аравтозь теить (производной) валлув. Теезь валлувсонть эрсить зярыя валонь теиця суффикст.

Н е в т е м г а: келей-га-вт-н-е-мс, сур-кс-ке, як-с-е-кшн-е-мс, киште-зев-е-вт-е-мс.

314. Сёрмадынк васня валонь форматнень, мейле валонь теиця суффикс марто ве юронъ валтнэнь. Тешкстынк эрьва пельксэнтъ эрявикс тешксэ: валлувонть  валонь полавтниця суффиксэнтъ , вальюронть , валонь теиця суффиксэнтъ 

Ведь, ведев, ведень, веднень, вецана, ведте, вечакадомс, ведьсэ, ведьстэ, ведьс, вечакавомс.

315. Муинк валонь эрьва кужостонть юронть, валонь теиця суффиксэнтъ. Валтнэнь сёрмадынк. Юронть ды суффиксэнтъ невтинк тешксэ.

Н е в т е м г а:

,  ,    .

1. Авардемс, аварьгадомс, аварьгалемс, аварькшнемс, авардевтемс.
2. Пиже, пижине, пижела, пижелгавтомс, пижелгавтнемс.
3. Кев, кевне, кевензамс.
4. Келе, келей, келейгадомс, келейгавтомс.

316. Валтнэнень муеде раськенъ валт. Сёрмадынк. Невтинк эрявикс тешксэ суффикстнэнь.

Пей, лов, лембе, ой, ашо, якшамо, пря, кеж.

**Валонъ пельксэнтень, конанъ эйстэ тееви од валось, мерить
валонъ теиця (производящей) валлув.**

Одс теезь валтнэсэ валлувань эрси: 1) вальюронть марто вейке ды теке: *кедь* — *кедь-ге*, *сур* — *сур-кс*; 2) песэ гласноень правтозь: *кудо* — *куд-ыне*, *веле* — *вел-ине*; 3) меельце согласноень полавтома марто: *тарде-мс* — *тард(сь)* — *тарь-кс*, *кильде-мс* — *кильд(сь)* — *киль-ки*; 4) мельганзо сюлмиця гласной гайтень путома марто: *поки* — *поки-о-лма*, *кев* — *кев-е-нза-мс*, *сал* — *сал-о-в*.

317. Ловнынк. Кодамо валсто ды кодамо суффикс вельде теевсть явовтозь валтнэ?

1. **Превей** ломанентень ёвтат превть, а кежиявты, сонензэ превень **путомась** — **кенярксонъ** касома. 2. **Чаволанть** превс путсак — **апаргады**, со-нензэ превей валоськак покордамо. 3. **Лездамонть** кисэ ёвтак сюкпря, важедеманть кисэ пандт питне. (*Ч. Журавлёв.*)

318. Максозь апак теезь валтнэстэ (валлувтнэстэ) суффикс вельде тееде од валт. Суффикстнэнь, конатнень вельде сынъ теевить, невинк эрявикс тешксэ. Ёвтынк, улить-арасть полавтомат валлувонть песэ суффиксэнтъ икеле.

Не в т е м г а: **медь** — **мед-е-в** (суффиксэнтъ икелев путови гласной); **мор** — **мор-а-мс** (суффиксэнтъ икеле правтови валлувонъ меельце гласноесь).

ведь — ...	кандо — (кандомс) — ...
лов — ...	тарде — (тардемс) — ...
кал — ...	козо — (козомс) — ...
рудаз — ...	пало — (паломс) — ...

319. Кодат од валт теевить суффикс вельде ало максозь валтнэстэ? Теезь валлувонть алга кикстынк.

вере — верькс
ало — ...
пиле — ...
ён—...
сиве — ...

ацавомс — ацав-кс
ильведемс — ...
каштордомс — ...
ливтнемс — ...
кольнемс — ...

320. Тееде валонь рисьметь, конат невьсызь, кода теевсть максозь валтнэ. Невтинк эрявикс тешксэ теезь валлувонтъ.

Н е в т е м г а: покшолгалекшнемс: покш > покшо-лгадо-мс > покшо-лга-ле-мс > покшолгалекшне-мс.

Виевгалекшнемс, кувалгалекшнемс, лембелгалекшнемс, якстерьгалекшнемс, лавшолгалекшнемс, раушкалекшнемс.

321. Кочкомань диктант. Сёрмадомс: 1) апак тее валлув марто существительнойтнень; 2) апак тее валлув марто глаголтнень.

1. Лей, кардазтнэ, панжоме, седейшкава, леентъ, лезкс, килей, ацавкс, тумодонтъ, панжомс, ашоло, велькс; 2) Кирдема, кирдить, сыргавтомс, сыргить, нежедемс, лездамс, кандсь.

322. «Чилисема» журналстонть муеде:

Вете -ия суффикс вельде теезь валт	Вете -гад суффикс вельде теезь валт	Вете -ка суффикс вельде теезь валт
1. ваз-ия-мс	1. рауж-гад-о-мс	1. атя-ка
2.	2.	2.
3.	3.	3.
4.	4.	4.
5.	5.	5.

Невтинк кочказь валтнэнь пельксэст эрявикс тешксэ.

60 §. Валонь теевемась. Валонь теевемпельтне.

323. Ловнынк. Невтинк, кодат валонь теевемпельть явовтовить максозь валтнэсэ, кодамо пельксс кандови эрьва валсонть од валонь теиця (производящей) лувось.

Лазкс, вальмине, атякшке, пейне, лазномс, аламо, аламнешка, мазычи, калдордомс, чейпуло, киланго, карсемапель, пейзапель, кыргыпарь, одкстомомс, кшить-салт, таго-мезе, кие-бути.

▲ **Валонь теевемась** — те келень наукасонть башка пелькс, конасонть тонавтневить валонть теевема ёнксонзо, сонзэ теевема лувтне. Од теезь валось — те вейс пек кеместэ сюлмазь валонь теиця лувось ды валонь теиця суффиксэсь. Н е в т е м г а: *кикс* валось одс теезь *ки* теиця лувстонть. Весе валтнэ, конат улить кельсэнтъ, явовить кортамо пелькска. Сынст теевемаст мольсь ды моли зярыя кива-янга, эрьва корта-мо пельксэнтъ улить эсензэ валонь теевема пельксэнзэ.

Васенцесь эйстэст — суффикс вельде теевемась. Суффикстнэ путовить валонь теиця лувонть (юронть) мельга.

Н е в т е м г а: сур → сур-*к^с*, варя → варя-*в^ъ*, колмо → колмо-*н^з*-*а-м^с*, моро → мора-*зев-е-м^с*, превей → превей-*стэ*

324. Сёрмадынк. Суффикстнэнь невтинк эрявикс тешкссэ.

Манявкс, сеедьстэ, рудазов, цецине, паморькс, пижела, кевензамс, ламоксть, кизна, веть, сэнышкадомс, рудазов, кельмсемс.

▲ Сехте сеедьстэ вастневить валонь теиця истят суффикст: *-к^с* (**чев^{к^с}**), *-ма*, *-мо* (**тонавтне^{м^а}**, **чара^{м^о}**), *-ка* (**ципа^{к^а}**), *-гад-* (**сэрейга^{домс}**), *-лгад-* (**ожолга^{домс}**), *-кад-* (**качака^{домс}**), *-л-* (**качака^{лемс}**), *-н-* (**корт^{н^{емс}}**), *-с-* (**мор^{семс}**), *-кин-* (**сакш^{номс}**), *-ст-* (**моль^{стемс}**), *-т-* (**кирваз^{темс}**), *-д-* (**пей^{демс}**), *-в-* (**керяво^{мс}**), *-вт-* (**керяв^{томс}**), *-ке* (**пикс^{ке}**).

325. Максозь валтнэстэ тееде од валт эрявикс суффикс вельде.

Валонь теевема китне-янтнэ

Видьме, сэнь, сэредемс, **ракамс**, теемс, **ашо**, кал, келей, кельмемс, **валомс**, оргодемс, азоргадомс, кандомс, паломс.

• Явовтозь валтнэстэ одс теезь валтнэнь марто арседе валрисьметь.

▲ *-к^с*, *-с*, *-т*, *-ст*, *-кад* суффикстнэнь икеле теиця валлувонь (юронь) пень гайтев согласноесь маряви аволь гайтевстэ, сёрмадови гайтев согласной вельде. Н е в т е м г а: **лазкс** — ёвтави ласкс (сёрмадови **лазкс**), **недькс** — ёвтави нетькс (сёрмадови **недькс**), **сэредькс** — ёвтави сэретькс (сёрмадови **сэредькс**), **чалгсемс** — ёв-тави **чалксемс** (сёрмадови **чалгсемс**), **раужка-домс** — ёвтави раушкадомс (сёрмадови **раужка-домс**), **сеедьстэ** — ёвтави **сеетьстэ** (сёрмадови **сеедьстэ**).

Вастневить глаголонь валлувсто одс теезь существительнойть, конатнесэ *-к^с* суффиксэнтъ икеле пры аволь ансяк валлувонь меельце гласноесь, но и гласноентъ икеле согласноеськак: **авардемс** — **аварь-к^с** (сёрмадовияк **аварьк^с**), **тардемс** — **тарь-к^с** (сёрмадовияк **тарьк^с**), **ризнэмс** — **риз-к^с** (сёрмадовияк **ризк^с**).

▲ Валонь теиця суффикс вельде теезь валтнэ сёр-мадовить морфологиянь принципентъ коряс (вал-пелькстнэнь апак полавтово).

326. Максозь валтнэстэ тееде **-кс, -с-, -т-, -ст-, -кад-** суффикстнэнь вельде существительнойть, глаголт ды наречият. Сёрмадынк, ёвтынк, кодамо правилань коряс сёрмадовить одс теезь валтнэ.

Лезэ, валгомс, виде, верьгедемс, ушодомс, ильведемс, кирваземс, од, каштордомс, мадемс, кильдемс, тарад, раужо, виздемс.

▲ Омбоцесь эйстэст — пельсуффикс (аффиксоид) вельде теемась.

Пель суффиксэсь — те истямо валонь теевемпель, конасонть вейсэндявить башка валонь ды суффиксэнь ёнкст, лиякс меремс, сонзэ эйсэ ули кода башка валонь смуть, истя жо суффиксэнь. Невтемга: *маней чи — нузяксчи, якшамо чи — тоначи. Нузяксчи, тоначи* валтнэсэ чи пельксэсь канды суффиксэнь лезэ. Пельсуффиксэкс лововить: **-чи, -пуло** (*кечепуло*), **-пель** (*симемпель*), **-пря** (*кельпря*), **-ланго** (*нумаланго*), **-алкс** (*кенжеалкс*), **-пе** (*валпе*), **-ни** (*Васяниэзэ*), **-мезе** (*Васямезень*), **-марь** (*модамарь*).

327. Максозь валтнэстэ пельсуффикс вельде тееде валт, сёрмадынк.

Визькс, эйкакш, пой, суре, вельтямо, каль, тинге, пандо, лато, суре, вайгель, Ваня, мода, пиче, коня.

▲ -пуло, -пель, -пря, -пе пельсуффиксэнтэ ушодкссо одс теезь валтнэсэ ёвтави (маряви) гайтев согласной, сёрмадови аволь гайтев согласной вельде. Невтемга: ёвтави *уроньбуло*, сёрмадови *уроньпуло*; ёвтави *карьбра*, сёрмадови *карьпря*; ёвтави *тарадбе*, сёрмадови *тарадпе*.

328. Сёрмадомсто панжинк скобкатнень, башка пелькстнэнь таркас тееде существительнойть ды аравтынк сынст эривикс формас.

1. (Лисьмапря, пря) перька кассь сэрей тикше. 2. Се тонь ялгась (чаво пря). 3. (Каль, пуло) чоледить озязт. 4. Тундонь читнэстэ паксяв усксть (видема, пель). 5. (Керь, пе) кольгсь пиземе ведь. 6. Шкась ульнесь (нума, ланго). 7. Промкссонть кортасть (весе, мезе). 8. (Мода, марь) теить крахмал.

Пуло	— вал
Пуло	— пельсуффикс
Чи	— вал
Чи	— пельсуффикс

▲ Колмоцесь эйстэст — кавто ды седе ламо вальюристо (валлувсто) од валонь теевемась.

Истя теевить:

1) стакалгавтозь (сложной) валт, конатнесэ вейс аравтовить кавто или седе ламо вальюрт: *кирьга + парь = кирьгапарь, тол + пандя = толпандя,*

сельме + веде = сельведь, пей + сывель = пейсывель, веде + кев = ведекев.
Стакалгавтозь валонть эсензэ валлувозо вейке.

2) кавонзазь (парной валт), конатнесэ ве валось омбоценть марто грамматикань коряс мейсэяк а сюлмави, сынть теевить вейке ды теке формасо аштиця цела валонь васодемань вельде: *карь + пракста = карть-пракстат, патя + ялакс = патят-ялакт, киш + сал = кишть-салт, пиже + ожо = пиже-ожо, келев + валов = келев-валов.* Кавонзазь валсонть кавто валлувт, смустезэ — вейке. Кавонзазь валтнэ сёрмадовить черькске вельде.

329. Максозь валтнэстэ тееде стакалгавтозь валт. Толковинк стакалгавтозь валонь теиця пелькстнэстэ полавтнематнень.

Н е в т е м г а: *эй + суро = эйсуро* (омбоце пелькссэнтэ ушодксо аволь гайтев согласноентэ таркас ёвтави гайтев согласной, сёрмадовияк *эйсуро*).

Тол + пандя=..., чадыця + веде=..., сэнь + кев=..., мода + ватракш=..., кудо + азор =..., веде + прамс =..., сал + веде =..., лакиця + веде =..., урьва + аля =... .

330. Сёрмадынк. Кикстынк алга стакалгавтозь валтнэнь. Ёвтынк, кодат вальюрт сынст теить. Улить-арасть эйсэст полавтомат?

1. Чудеде, сельведть, чудеде, керьпеведе байгекс кольгеде, виев лисьмапрякс лиснеде. 2. Мика латалдо нардась лов. 3. Кирьгапарьсэнзэ кеж алось пирясь ёвтамо эрьва валонть. 4. Чевгень куслятнэстэ парось менчевсь толпандясто качамокс. (*А. Куторкин.*)

331. Сёрмадынк ансяк стакалгавтозь валтнэнь. Колмоце стакалгавтозь валонтень тееде гайтень коряс ваннома.

Сэредькс, валмеревкс, ёнтол, товсуро, кузнэ, недькс, кедьге, ожола, чилисема, толкель, чудикерькс, одирьва, кискалевкс, чиньчарамо, куды-келькс.

▲ Стакалгавтозь валтнэ сёрмадовить а истя, кода марявить.

332. Содынк содамоёвкстнэнь. Каршо валтнэ (ответнэ) — стакалгавтозь валт.

1. Весень эйсэ анды. Сонсь а ярсы.

2. Сонсь а суски, а сёвны, Т о к а с а к — а в а р д е м е карми.

3. Эрицятне эйсэнзэ ламо, ламо, Те кудыненть лемезэ...

МЕЛЬСЭ КИРДЕМГА!

-чи, -пуло, -пель, -пря, -ланго, -алкс, -пе, -мезе, -марь, -пель
аффиксоидтнэ а эрывать
ловомс стакалгавтозь
валонь пельксэкс, сынъ
кандыть суффиксэнь
смусть.

333. Ловнынк. Лемдинк текстэнтъ. Явинк сонзэ пельксэнь-пелькс. Эрьва пельксэнтень максодо лем. Те планонтъ коряс ёвтынк текстэнь смустентъ. Ёвтнемасонтъ улить стакалгавтозь валт. Муинк.

Марсинь мон эрьва кодат морот. Свал дивавтсь. эйсэнь эчке сурекс таргавозь вайгелесь, мазый-лембе валонзо. Ансяк весе неть моротне аволь истят питнейть, малавикст ды кенярдовтыцят, кода авань сэтьме... валтомо моронзо. Мон покш мельспаросо кунсолан сынст малав эрьва чи...

Пиже ве... кудосонтъ а куш а каш. Вана ла-зовсь вень чоподась, ды валскесь, теке одирьва, виздэзь невтизе валдо чачонзо. Те шкане ушодовитькак моротне — авам стясь ды ушодынзе эрьва чинь тевензэ. Вана марязевсть сэтьме эскельксэнзэ, киякс лазось чикоргадсь — те авам ютась цюланс, кирвазть тол, кармасть чамань шлямо.

Мейле каятотсь пенгень калдордома, сынст каштомс вачкамо, печькань кирвазтема. Толось цюлансо мадсь. Аламо шкань ютазь гувнозь, прок инегуень кургсто, каштомсто кармасть лисеме тол, сеедьстэ пукштязевсть сяткт, каршо стенасонтъ налксезевсть сулейть... Палт-эждяк, монъ кудонь тол, жойнек, эрямонь моро!

Кальцкадсь ведрань ведьме, жойкадевсь ведь, вачкодевсь кенкшесь, ды морось, мерят, сезевсь. Мейле таго панжовсь кенкшесь, ды уш эзь чикордо пешксе ведрась. Чудезевсь крынкас ловсо, кирнявтсь каштлангсто каткась... Кенярксось валозь валовсь потмозон. Таго марявить сэтьме эскелькст — авам лиссь ушов.

Ансяк авань моронзо свал оймень вितिцят. Лиясто сынdest сыргозилинек весе — седейстэ панкст лутыльтъ.

Васня чоподасонтъ марилинек кувсемат, мейле рангомат.

Чарькодилинек: авань кармасть чулксетеме пильгензэ.

— Мезе, авай, таго?

— Вай, эйкакшт, некак... — авам сезиль пижнемасо эсь валонзо.

Течи моротнень кунсолан мельспаросо. Маринь, кода авам нолдызе кардазсто скалонтъ, мейле сайсь ведра, сыргась лисьма лангов.

Истяко авань морамсто зярдоак эзия марсе, ды арсян, сон вейкеяк моро а соды.

(Л. Седойкин.)

- Ёвтынк, кодамо кортамонть путовксонзо (целензэ) коряс явовтозь валрисьмесь.
- Зяро *кирвазтема* валсонть пелькстнэ? Невтынк эрявикс тешкссэ суффикстнэнь.

334. Максозь валтнэстэ тееде кавонзазь валт. Муинк юткстост сетнень, конатне синонимень ды антонимень кавтаськетне.

Кортнемс, теемс; муськемс, човамс, оршамс, карсемс; шлямс, нардамс. Тей, тов; верьга, алга; чинек, венек; течи, ванды. Тетят, ават; покштят, бабат; понкс, панарт; тикшетъ, люкшат.

335. Максозь кавонзазь валтнэнь таркас муеде вейке вал — синоним.

Н е в т е м г а: резы-палы — сэреди.

Якамс-пакамс, витемс-петемс, пурнамс-сэрнямс, шлямс-нардамс, кузи валги, кишти-моры, ютыця-потыця, лисиця-совиця, эри-ашти.

336. Сёрмадынк М. Бебанонь «Ава» стихотворениястонть саевкстнэнь лотксема тешкстнэнь путнезь. Кавонзазь ды стакалгавтозь валтнэнь кикстынк алга.

Нать, а стяко морыльть авакай
«Мон трян кастан цёра тякай
Корьмай модань сокицякс видицякс
Кудонь кирдийкс тетянь авань трицякс...»

337. Кавонзазь валтнэнь ютавтынк рузонь кельс.

1. Маштат видеде-сокамо — машт сюронь пурнамо. 2. Салазь-колазь пеке а пештят. 3. А эрявить кши-салот, улезэ ансяк виде валот. 4. Ялгав томо-оявтомо — коське чувто тарадтомо. 5. Чинек венек а лоткси шумамодо ведьгевесь. 6. Тешттне липнить — **штатолгельть**, свети ловтанясто ков...

- Ёвтынк, зяро пельксстэ (валсто) ашти явовтозь валось.

338. Сёрмадынк валрисьметнень, точкатнень таркас путынк кавонзазь валтнэнь эрявикс пельксэст.

Салмукс.	Суре	=
салмукст-суреть	—	
кавонзазь вал.		

1. Пурнак-..., шабра, кудов, а то чумондсамизь 2. Кудазоравась оршась-..., кода сидикеле, ды тустъ атят-... . 3. Пек стака ульнесь кирдемс-... истямо кор. Совась цёрась Нужайнень, чекась-... .

339. Ловнынк Я. Григошинэнь «Эрзянь промкс» стихотворениянтъ. Кодамо шкадо сон ёвтни? Мезень кис авторос стихотворениянтень совавты зярыя кавонзазь валт? Ёвтынк, кода чарькодъсынк **«Конат эрить зепень токазы»** валрисьментъ. Кода мерить теде, невтиндеряви предметэс зярыя валсо (описательна)?

Эрзянь промкс.

Тесэ-тосо, вирь потмосо,
Вирь чиресэ, лей берёксо,
Покш велесэ, промкс кудосо
Эрзят талныть,
Газетт ловныть...
Лиссь промксстонть Мика лелям,
Сёрмас содый — паро алям;
Мика козкстась — паркстазь паркстась,
Кругом варштась — мейле рангстась:
«Ортя дедай,
Мезть тетъ кортан,
Мезть тетъ ёвтан:
Конат эрсить зепень токазы,
Конат маштнить **яказы-показы**,
Конань «парост» **салазь-колазь**,
Кона лечи **сельгезь-пувсезь**,
Эрить-аштить винань нолазь;
Кона яки **кувсезь-нувсезь**,
Нень а кочксемс, нень а ладямс
Советэнтень тевень коламс».

- Ёвтынк, кодамо валрисьмень ёнкс ули васенце валрисьмесэнтъ.
- Ёвтынк, кодамо валсо ушодови ды прядови виде кортамось.
- Ёвтынк, кода неень шкань правилань коряс сёрмадовить явовтозь валтнэ.

61 §. Киртязь валтнэ. Сынст ёвтамо́ст ды сёрмадома́ст.

Икеленк киртязь валт. Кода ёвтавить сынъ?

Завхоз, учком, юнкор, КамАЗ, сберкасса, МГПИ, тюз.

Истят валтнэ лемдевить стакалгавтозь киртязь валокс. Сынъ лововить рузонь кельстэ саень валокс. Теевемань коряс явовить:

1) валонь васенце букватнестэ теезь, ёвтавить прок башка валт. Н е в т е м г а: вуз — высшей учебной заведения; тюз — театр юного зрителя; МКИ — Мордовской книжной издательствась.

2) зярыя валонь васенце буквасто теезь, ёвтавить неть букватнень лемсэ. Н е в т е м г а: МГУ — эмгэу, ПТУ —пэтэу;

3) валонь васенце слогтнестэ теезь. Н е в т е м г а: завхоз, колхоз, юннат;

4) валонь васенце слогсто ды цела валсто теезь. Н е в т е м г а: сберкасса, стенгазета, профсоюз.

340. Панжинк киртязь валтнэнь смустест.

Н е в т е м г а: МТС (эмтээс) — машинно-тракторная станция.

Туз, партбилет, ВАЗ, ГАЗ, УАЗ, ПАЗ, БАМ.

341. Максозь валтнэнь явинк ниле кужова: васенцентень совавтынк киртязтнень, омбоцентень — стакалгавтозтнень, колмоцентень — кавонзавозтнень, нилецентень — аффиксоид вельде теезтнень.

Толгель, миномёт, тарадке, тетят-цёрат, нумаланго, лисьмапря, тоначи, кить-янт, кенерепакарь, ведькев, кальпуло, чадыведь, чивалгома, валдочи, горнипов, штердемс-кодамс, СарЭЗ, совхоз, эрямс-аштемс, кудот-чить, тия-тува, сэредькс, видьме, козкс, ашоло, пейдемс, сёксня, авиаclub, ярсамопель, нефтебаза, Кузбас.

342. Максозь валсюлмавкстнэстэ тееде киртязь валт. Евтынк, кодамо кужос совавтовсь эрьвась.

Специальной корреспондент, собственной корреспондент, мультипликационной фильма, химической чистка, центральной спортивной армиянь клуб.

62 §. Валпельксэнь ды теевемань коряс ванномась.

Валпельксэнь коряс

1. Валонь полавтыця суффиксэсь.
2. Валлувось.
3. Вальюрось.
4. Валонь теиця суффиксэсь.
5. Сюлмиця гласноесь.

Теевемань коряс

1. Теиця валось.

2. Валонь теиця лувось.
3. Теезь валлувось.
4. Валонь теиця суффиксэсь, сонзэ смустезэ.

Ванномань невтемга.

Ашолгадокинось

Ёвтнемстэ:

Ашолгадокинось глаго лонь формасонтъ **-сь** валонь полавтыця суффикс, валлувось **-ашол-гадокино-** теезь, суффикстэ **-кшн-**, **-лгад-**; вальюрось **-ашо**, суффикстнэнь ютксо ули сюлмиця гласной **-о-**

Ашолгадокинось — одс теезь вал, теевсь ашолгадомс валсто - **кшн-** суффиксэнтъ вельде. Валонь теиця (производящей) лувось – *ашолгад-*, теезь валлувось (производной) — *ашолгадоки-но-*. -кшн- суффиксэсь совавты глаголонтень ламокирдань смуть

Сермадомсто:

ашо-лгад-о-кшн-о-сь

*ашолгадомс, ашолгад-сь
ашолгад-
ашолгадокино-мс*

343. Ваннынк, валонь пельксэнь коряс валтнэнь (вайгельсэ):

Пилявкст, псилгадокинось, чеерькс, вирне, цийнемс, цёрат.

344. Максозь валтнэнь тевс нолдазь тееде сочинения «Кияк апак стувто».

Тундо, од, рунго, томбалькс, течи, оршазь, байге, менелькс, солдат, пиземе, пургондавокс, сэнь, сонзэ, пилекс, сельме, гайгемс, тейтерь, калмо, стямс, вельксэс, умонь.

Мельсэ кирдемга.

1. Валонь полавтневиця пельксэнтень мерить **суффикс**.
2. Валонь а полавтневиця пельксэнтень мерить **валлув**.
3. Валонь пельксэнтень, кона канды раськенъ весе валтнэнь вейсэнь смустест, мерить **вальюр**.
4. Валонь пельксэнтень, кона ашти валонь юронть мельга ды конань вельде теевить од валт, мерить **валонь теиця суффикс**.

5. Валлувань, кона ашти ансяк валонь юрсто, ловови **апак теезевекс**.
6. Улиндеряй валлувсонть юрдонтъ башка суффикс, сон карми улеме **теезь лувокс**.
7. Валонь полавтыця или валонь теиця суффиксэнтъ икеле эрсекшни **сюлмиця гласной (о, е, э)**, прядовиндеряй валлувань согласнойсэ.
8. Эрзянь кельсэ од валтнэ теевить: суффикс вельде, пельсуффикс (аффиксоид) вельде, ве валлувс кавто валонь совамо вельде (**стакалгавтозь валт**), кавто валонь васодема вельде (**кавонзазь валт**).

Содамочинь кис кевкстемат ды максомат.

1. Кодамо кинь-янонь коряс седе сеедьстэ теевить од валтнэ эрзянь кельсэнтъ?
2. Мезде мерить апак тее валлув, валонь теиця валлув, одс теезь вал?
3. Кода муемс существительноеень валлувонть, глаголонь (аволь определённой) форманть лувонзо?

ИЕНЬ ПЕРТЬ ТОНАВТНЕЗЕНТЬ МЕЛЬС ЛЕДСТЯМОСЬ.

1 §. Валсюлмавксонь ды валрисьмень коряс кемекстамонь кис кевкстематне ды максоматне.

1. Арседе валсюлмавкст. Ёвтынк прявт ды аволь прявт валтнэнь.
2. Мезе те валрисьмень юрость?
3. Кодат эрсить валрисьметь кортамонть путовксонзо коряс?
4. Кодат лотксема тешкст путовить валрисьменьть пес?
5. Кона валрисьмень пелькстнэ лововить прявтоцекс?
6. Ёвтынк валрисьмень аволь прявт пелькстнэнь.
7. Кода чарькодъсынк вейкетъ пелькс марто валрисьметнень?
8. Мезе те шпкадемась? Кода сон явови сёрмадомсто?
9. Мезе те стакалгавтозь валрисьмесь?
10. Мезе те виде кортамось? Кода сёрмадомсто явови диалогось?
11. Кодат лотксема тешкст тонавтыде те учебникень пелькссэнтъ?

345. Диктант. Толковинк лотксема тешкстнэнь путомаст. Васенце валрисьмесэнтъ невтинк прявт валтнэнь.

Кинть кавто ёнга сравтовсть паксят. Керш пеле сэнеждсь Найманонь виресь, вить ёно качамо ладсо неявисть вейкине сокицят. Кинть чирева тикшентъ потмова ожо сяткинекс цитнестъ васень панжовозь цецятне. Менелесь пешксель норовжорчонь вайгельде. Эзь чарькодеве, коволдо пувась вармась. Сон апак учо эшкевиль или бокасто, или чавиль видьстэ чамас, лиясто сыль косто-бути удалдо, Ветьке пандонтъ ёндо, ды кандыль летъеке мода чине. Но чопоньбелев вармась виемсь ды пувазевсь Сурань томбальде. Валдо менелесь кармась вельтявомо сэнь потмура пельсэ. Сынст чопода сулейтне раужо нулав суманькс усковсть пакся чамаванть. (К. Абрамовонь коряс.)

346. Тееде максозь схематнень коряс валрисьметь.

1. _____ = _____ .
2. _____ = _____ - - - .
3. _____ = _____ - - - ды - - - .
4. ~~~~~ _____ = _____ ды _____ - - -

347. Арседе валрисьметь максозь схематнень коряс.

1. , ды .
2. « ? » —

348. Ловнынк. Лемдинк текстэнтъ. Явинк сонзэ колмо пельксэв, сёрмадынк эрявикс лотксема тешкстнэнь путозь.

«Адя мольтяно эно» терди эйсэнь покштям ды, узерень-пилань саезь, минь сыргинек вешнеме тешкстазь чувтнэнь. Те — коськезь тумот ды поить. Сынь, ёвтнесь тень покштям, эрявить банянь алце венецень полавтомс ды лияс мейс.

Вана муинек коське сэрей ды эчкела тумо. Лангсонзо ули эрявикс тешксэсь. Покштям пштитэ ваннызе сонзэ сэрсь: Моли-арась сон тенек? «Туи!» — хлопадизе кедьлапушкасонзо чувтонть. Анокостынек пилямонзо.

Сайсынек седе алга моданть ёжова. Сэрей мукорь чувтонь сявордемстэ а мезекс кадномс. Сон киненьгак а эряви стяко наксалеме карми. Пиланть кирдть видестэ кавто кедьсэ тонавты эйсэнь покштям. Иля лепштя. Пеензэ пштитъ сынсь пезныть чувтонть. Сизят ёвтак оймсетяно. Капшамс тенек а ков ды а мезтькак. Мон комавтнян прям: «Чарькодян!» Ойдем пешксе кенярксонь валдо ёжосо. Кодя эно! Кундан покш ломанень тевс.

349. Изложения. Кодамо текстсэнтъ прявт арсемась?

Сёксень панжовкст.

Вечкеньбуесэ умок уш араселинь. Окойники муинь шка — тиринь велев пачкодинь октябрюнь меельце недлячистэнтъ. Маря патям ансяк сась церковасто. Сон свал вастни эйсэнь паро мельсэ. Сыречисэяк кадовсь эряза: кудованть эвтэзь эвтсь.

Ярсамо эзинек ойсе. Васня сыргинек калмазырев, кона ашти Паксяпентъ удало, сэрей таркасо, вирьчиресэ. Тов модемстэ яла кортнинек эрямонь мелявкстнэде-кажотнеде, меельце кулятнеде.

Ушось потмураль ды экшель. Каршо чистэнтъ пракшнось ловне, кона кадовсь тия-тува, прок кие-бути пандынентъ эзга сравтнесь нардамо пацят.

Калмазыресь неявсь пачк. Весе чувтотне ды ку-ракштнэ штапольть, ансяк тесэ-тосо тарность тюжа-ожо лопинеть ды якстердсть-луйнестъ пизёлксонь цюцёвтне. Зярдю пачкодинек раськень куронтень, патям эземне лангс путызе ды юкстизе сюкоро ды пряка марто викшнезь нардамонтъ. Ярсамопельдентъ коень коряс сускинек-теинек. Чатьмонезь лецтнинек кулозтнэнь лемест.

Зярс Маря патям ознось-чекась, а содан мекс — туинь калмазырентъ верепев, кона эль токи вирь-чирентень.

Лоткинъ. Вана икелень — аволь умонь, луганар-со апак вельтя калмо. Тумонь сэрей крёстонть эйстэ видьстэ лангозон сэтьместэ ваны од цёра, буто кевкстни: «Паряк, тон содат мекс маштымизь, а???».

— Те Шкерьге Катянь цёразо, чавизь Чечнясо, — ваксозон сазь, мерсь Маря патям. — Ней авазо кадовсь ськамонзо...

Прям нолдыя. Вановтом лоткась знамянтъ ало човине недькс кавто валдо-сэнь лопине лангс, конат неявсть прок тейтерень нусманя сельмекс.

Экше ялткентъ эйстэ мазыйкатне лыкасть-лепшкалестъ, теке пельсть — куроке кельмить-ёмить. Ялатеке ойдем токизе валдо мель: «Вансак ва... васень якшамотнес ванстовить... . Сы тундо, ды таго вельмить-панжовить. Истя кармить цветямо-сорномо иестэ-иес, семс, зярс маштозентъ корьмаезэ кукорьгадозь карми сакшномо тей...»

2 §. Фонетикань, графикань ды орфографиянь коряс кемекстамонь кис кевкстемат ды максомат.

1. Кодя явовить келентъ кепедеманзо коряс гласной гайттне?
2. Кодя явовить гласной гайттне кирдань (рядонь) коряс?
3. Зяро курос явовить гайгемань коряс согласной гайттне?
4. Зяро курос явовить чевтечинь-калгодочинь коряс согласной гайттне?
5. Алфавитэнь букватнень явинк курова, конатнень совавтынк: 1) букват, конат невтить вей-ке гайть; 2) букват, конат невтить кавто гайтть; 3) букват, конат а невтить кодаткак гайтть; кодат неть куротнесэ букватне?
6. Евтынк, кода невтеви сёрмадомсто согласнойтнень чевтечист.

350. Сёрмадынк. Алга тешкстынк: гласнойтнень — вейке тешкссэ, согласнойтнень — кавтосо. Ёвтынк, кодат неть гласнойтне эсест теевемаст коряс.

Грацтне чарастъ велентъ велькска, мелявтозь карность. Мейле ойсестъ кальтнень прява. Чувтнэ сеске сындест теевсть раужокс. Ванан грацтнень лангс, ды седеем ризнэзевсь.

Веть грацтне кадызь велентъ, кадызь пизэст. Ансяк ней, зярдэ сынъ тусть, чарькодинь: сась сёксъ.

Чить тусь пиземе. Вармась сезнесъ чувтотнень прясто кадовозь лопатнень, увтнесъ тарадтнэнь, конатнень ютксо рединь мезе-бути раужо. Те ульнесъ граць. Кадовсь ськамонзо. Вармась апак жаля шатавтсь сонзэ, грацесь жо келейгавтынзе пильгензэ ды эль-эль кирдевсь тарадонтъ песэ.

351. Ёвтынк гласнойтнень ютксто: а) верцентъ; б) алцентъ; в) удалцентъ; г) икельцентъ; д) куншкасонть.

352. Ёвтынк *лисьмапря* валсонть гласнойтнень. Кодат сынъ кепедевемань коряс?

353. Сёрмадынк. Согласнойтнень явинк гайгемань коряс истямо курова: а) кавонзазь, б) аволь кавонзазь гайтевтъ; в) аволь кавонзазь аволь гайтевтъ.

Вад лей чиресэ соки Сёмань бригадазо. Прядыть «Якстере тештень» видемаст. «1 Мая» колхозонь пинемесь пижелды. Седе товоло пижёлдыть Селищань озимть. Чи валдоськак пижестэ сиялды паксяванть. Вад леенть тона чирева васов таргавсть лугат. Ансяк машт скотинань кирдеме. (Ф. Чесноков.)

354. Сёрмадынк. Согласнойтнень чевтечинь-калгодочинь коряс явинк истя: а) кавонзазь; б) аволь кавонзазь калгодот; в) аволь кавонзазь чевтеть.

Цярмун или Малые Кармалы велесь сравтовсь а покш лейненть кувалт. А васоло вирь.

Те веленть марто кеместэ сюлмавозь М. Е. Евсеевевень эрямозо. Тесэ сон чачсь 1864 иестэ.

Цярмунсо сестэ школа арасель. Савсь Макар-нэнь тонавтнеме якамс сисем вайгельпень тарка чувашонь Шерауты велев. Тонавтнесь вадрясто. Учителесь макссь тензэ превть поладомс тонавтнеманзо Казаньсэ, учительской семинариясо. Тетянзо мельс те а пек тукшнось. Авазо лиякс вансь тень лангс. Сон парсте чарькодизе тонавтнеманть² лезэнзэ, шнынзе Макаронь арсеманзо ды мельспаросо ильтизе Казань ошов. (П. Глухов.)

355. Сёрмадынк валтнэнь ды ёвтынк, зяро неть валтнэсэ гайттнеде ды букватнеде.

Евкс, ютамс, сёкс, сятко, туемс, каль, монь, сеель.

- Максозь валтнэнь марто арседе валрисьметь.

356. Евтынк, мейсэ невтезь гайттнень чевтечист.

1. Пувазевсь свежа вармине, ды сеске жо пельтне кармасть сезневеме панксонь-панкс. Ютковаст³ варштась сёксень оланя чись. 2. Васолдо неявсь, буто виренть лангозо палы эрва кодамо тусонь толкельсэ. (И. Брыжинский.)

357. Весе неть валтнэ -кс, -сто, -стэ суффикс марто: веенст валтнэсэ суффиксэнтъ икеле аштиця пельксэнтъ сёрмадомась полавтовсь, лиятнесэ кадовсь апак полавто. Арсинк, мекс те истя.

Ведекс (теевемс), недькс, недекс (коймень), кедькс, лазкс, тарадокс, визькс, одсто, медьстэ, паргосто, карькс, тарадсто.

358. Евтадо, кода невтеви сёрмадомсто согласнойтнень калгодочист.

1. Сентябрянь вейке маней чистэ школанек якасть модамарень таргамо.
 2. Покш толбандя тейсть, аволь вейке котёлсо ямт-кашат пидесть.
 (А. Куторкин.) 3. Ламо пингень перть эрзянь ды мокшонь кельтне, сынст
 диалектнэ сюлмавозь рузонь кортавкстнэнь марто.

359. Сёрмадынк. Васенце столбикс арседе валт, конатнесэ букватнеде
 гайтнень коряс седе ламо, омбоце стол-бикс — валтнэнь, конатнесэ
 букватнеде гайтнень коряс седе аламо.

вальма	ярмак
.....	
.....	

360. Явинк валтнэнь слог лангс. Невтинк пекстазь ды панжадо
 слогтнэнь. Ловнынк, зяро эрва стихень строкасонть слогтнэде. Ёвтынк,
 полавтови а полавтови стихенть рифмазо, бути косяк слогтнэде теемс седе
 ламо или седе аламо.

Мизолдыця од тейтерекс
 Пиже руця тундось сась.
 Ушось жойни, лаки верем.
 Седе мазый шка арась!
 Менсь масторось ловонтъ³ алдо,
 Пакшакс кольни-эльни сон. (М. Трошкин.)

- Муинк кандовозь смусть марто валтнэнь.
- Ёвтынк, кодамо валрисьмесэ невтеви олицетворениясь.
- Явовтозь валонтень кочкадо антоним.

361. Видестэ сёрмадынк валтнэнь ды толковинк сынст сёрмадомаст.
 Муинк чевте согласнойтнень, ёвтынк, кода невтеви сынст чевтечист,
 толковинк ь сёрмадома правилатнень.

(Вецэ), (нетькс), (товсюро), (йонтол), (лайсэ), (таратт), (санцо),
 (вер'гиз), (вещтэ), (васт), (метте), (карандаске), (кальпуло), (аванцтэнь),
 (вал'гей), (сэн').

362. Ловнынк рузкс С.Я. Маршаконь «Дождь» стихотво-рениянть.
 Ёвтынк, кона строчкасонть невтеви пурьгинень гайгемась, а конатнесэ —
 васня шалтось, лопань каштордомась, а мейле — пиземень туемась.

По небу голубому
 Проехал грохот грома,
 И снова все молчит.
 А миг спустя мы слышим,

Как весело и быстро
По всем зеленым листьям,
По всем железным крышам,
По цветникам, скамейкам,
По ведрам и по лейкам
Весёлый дождь стучит.

Терявтынк ютавромс стихотворениянт эрзякс.

363. Ловнынк. Лемдинк текстэнтъ. Мезень кис авторось ламоксть одс ёвты **р** гайтэнтъ? Муинк кандовозь смусть марто валтнэнь ды сёрмадынк сынст валзюлмавкссо.

Валдэрькс* чиресэ, прок чуро пиземе, лажнось чова пой.

Ве ёно лужанясто кувсезевсь укса.

Сонгак тосо Рамкокс ризны.

Лось леэнтъ коське латконзо чиресэ нувара седей варнозевсь, прок варака:

— Ка-а-ар-rrr!

Истя, паряк, алтни Рамконень мезеньгак таго мельсапаро, зыян?

Куколокштне пек ашолдомстост кайсетить видьстэ сельмезэнзэ, прок Анисянь вельть ванькс пейтне. Пиже борчань* валаня прятне якить нинзэ кедь песэ юрныця каямокс*, чова пойтнеяк³ неявить лувсо сурекс.

— Ка-а-ар-rrr!

Мезе лангс а варшты Рамко, се ледстясы мелезэнзэ **калмс панезь** Анисянь.

— Ка-а-ар-rrr!

Лиссь Рамко Сура чирентень. Вармась книгань листэкс кайси, велявтни валдо-сэнь ведэнтъ.

— Матушка, саик мартот ризксэм, — энялдозевсь Рамко. — Витик седеем.

(А. Куторкин.)

- Ёвтынк, кода мерить явовтозь валсюлмавксонтень.

364. Ваннынк неть стихтнестэ явовтозь валтнэсэ вачкодевксэнтъ (ударениянтъ). Толковинк, мейсэ тевесь.

1. Сехте покш вечкемам,
Чачома² **мастором**,
Тондеть — васень валом,
Тондеть — седей **мором**.

2. Течи тонеть поздоровт

Пертьпельде сыть а стяк.
Цветяк, цветяк, **мастором**,
Прок тундонь сад цветяк!

3. Чачома край, мокшо-эрзянь мастор!
Седей мором складаия мон тонеть.

4. Ещё тонеть¹, монь уцяскав мастором,
Конань аравтан се шержеенть ваксс,
Пасиба, што баславик эрзянь мором,
Тонгак монень сават родной авакс.

3 §. Лексиканть, стиленть ды валкстнэнь коряс кемекстамонь кисэ кевкстемат ды максомат.

1. Мезе те лексикась?

2. Мейсэ явовить ламо смусть марто валтнэ вейке смусть марто
валтнэнь эйстэ?

3. Мезе те синонимесь? антонимесь?

4. Валонь кодат сюлмавкстнэненъ мерить кемекставозь?

5. Кодамо валт совить эрзянь лексикась?

6. Кода тынь чарькодъсынъ диалектной валтнэнь?

7. Мекс веенст валтнэ таштомить, омбонстнэ одс появить кельсэнтъ?

8. Кортамонь кодамо стильть тынь содатадо? Мейсэ сынъ явовить эсь
ютковаст?

9. Лецтинъ валкстнэнь, конатненъ марто тынь вастовиде? Мезе сынст
эйстэ содавтови?

365. Ёвтынъ, кона текстсэнтъ невтеви валонь ансяк лексиканъ смустесь.
Совась-эзь *теле* валонтъ лексиканъ смустезэ омбоце текстэнтень?

1. Теле — иентъ сехте якшамо шказо, кона моли сёксентъ мельга.

2. Виресь ашо шальс тапарявсь,
Сиянь рисьмекс **таргавсь ян**.
Или ёвкс пек мазый марян,
Или диванъ он неян. (А. Эскин.)

- Кодамо глаголсо-синонимсэ можна полавтомс явовтозь валось?
- Тонавтнинъ стихентъ.

366. Ловнынъ, муинъ кандовиця смусть марто валтнэнь. Улить – арасть
текстсэнтъ истят валт, конат гайгеманъ ды сёрмадоманъ коряс вейкетъ? Кода
сынненст мерить?

Кие зярдю.

Понгсь сельмем икеле укштор чувтыне. Варштынъ ды арсезевинъ: «Ваномс а мезе лангс». Эзь удала а сэрсь, а келес. Тарадкензэ човинеть, касы-як кичкерь-мичкерь. «Мезень лезэ тень пельде...» — савкшны марямс истятнеде.

Те ульнесь васень самстон — кизна.

Омбоцеде вастовинек сёксня.

Чувтынесь сеске тень эзь содаво. Истямокс невтизе эсь прянзо — а кемивияк. Мадемадо икеле ацась эстензэ чевте кенде. Покшолмазо — малав ума! Косто, зярдю ансяк кенерсь анокстамо зняро ожо-якстере понат. А вановат — сыреждезь сырежди алксозо.

Кувтёлды беряшкенть перька таркась. Кувтёлдыть прясонзо зярс апак пра келей лопатне. Пертьканзо сырнень валдодонтъ, маряви, валдомгадат тоньскак.

Истя вана: веенстнэ мазычист невтсызь тунда, лиятне — сёксень аварькс шкасто. (Е. Четвергов.)

367. Ловнынк. Лемдинк текстэнтъ. Сёрмадынк сеть валтнэнь, конатне, тынк койсэ, лововить лия келень.

Майстэ ушодыть эсь концертэст палакс нармунтне, тырдазтнэ, зябликтне. Васолдо маряви кукотнень вайгелест. Те нармундентъ народсонть улить эрьва кодат валмеревкст: «Пизэть а тейнить, эсь алост а нарвить, а моросост токить весень», «Кукось кукорды — кудонь арасьчиде мелявты».

Тундонь меельце ковстонть ушодови надобиякс молиция цецятнень пурнамось.

Лембесь канды аволь ансяк кеняркст. Сонзэ марто вейсэ минек паксятнесэ, виртнесэ ды садтнэсэ появакшныть зыянов унжат ды сукст. Майстэ, вень шкане, эрсить валскень кельметь. Велень эрицятненень, садонь кирдицятненень эряви свал улемс анококс зыянов унжатнень каршо бороцямо, якшамотнень эйстэ фруктань чувттнэнь ванстомо. Те ковонь ушодовомсто прядови эрявикс культуратнень видемаст, **ушодови** модамарень путомась.

- Муинк сеть валтнэнь, конатнень улить синонимест.
- Ёвтынк явовтозь валтнэнь антонимест.
- Ёвтынк, зяро гайтть ды зяро букват *меельце* валсонть.

368. Ловнынк. Мезде моли кортамось текстэнтъ? Конат явовтозь валтнэстэ лововить саень валокс? Муинк ды сёрмадынк башка кемекставозь меревкстнэнь ды ламо смусть марто валтнэнь? Кодамо стилень текстэсь?

Варма ведьгевесь виев вармане эзь веля — пельсть, прязо сезеви.

Вармась увнось прянь-полдань синдезь, лувозояк а саеви, косто пуви. Велязь-чаразь эртеви ловонь шушмотнес, каподи, зяро мелезэ, лов ды понжавты эйсэнзэ ков понгсь. Кить-янт а неявить, велень кудот-кардазт сэрсь вельтявсть ловсо. Веленть пельде кискань онгомаяк а маряви, ансяк аламодо кайсети **церьковань** покш баяганть гайтезэ. Сестэ ульнесь истямо кой: виев¹ берянь шкасто эли пек якшамо чистэ чоп ды веньберть чавсть баягат. Понги ломань **паксяс** — а ёмавтсы кинзэ, превензэ чополгадыть — **алашась** усксы. Вармась седеяк вешксь ды увнось, мерят бажась ськамонзо улемс мастор лангонь азорокс. Ларя стакасто эскелясь лов шушмованть, лиясто карксамо видсь ваиль ды прок уезь лисиль ловонть потсто. Вейке шушмосто лисеви, омбоцес вай. Окойники пачкодсть ялганстэнь³ ды ловонь пандокс стясь кенкш поровтонть лангс. Ваня тенстьсэ чукинзе оршамонзо, карензэ-пракстанзо ды пейдезь мерсь:

— Мерят тандавкс сась, сельме-чамат эзть неяво!

— Прамс сизинь, бути седе васов саволь молемс, велявтовлинь лов шушмокс. (В. Горбунов.)

369. Улить ли тынк школасо валкст: эрзя-рузонь валкс, синонимень, кемекставозь меревксэнь ды этимологической. Улиндеряйть, вейкенть эйстэст ваннынк ды анокстадо сондензэ ёвтнема.

Планось.

1. Валксонть лемезэ, кие авторось.
2. Кодамо иестэ лиссь ды косо?
3. Ваннынк, кода тееви валонь статьясь.

370. Изложения. Лемдинк текстэнтъ. Муинк сонзэ прявт пелькстнэнь. Ёвтынк лия кельстэ совазь валтнэнь. Кода чарькодъсынк *полифония** валонть. Кодамо стилень текстэсь?

Ламо иеть арась ютксонок Илларион Максимович Яушев. Виев ды мазый вайгелезэ яла гайти пилесэнек, лембе кеняркссо эжди седеенек.

А стяко седикелень ломантне кортасть: «Покшось ве пельде ваннозь седе парсте неяви». Яушев марто вастневемстэ седеень солазь кунсолынек кортамонзо ды чуросто арсекшнинек седе, косто саеви истямо покш, талновтыця виесь. Ды вана ламо иень ютазь одов ды одов арсезеват теде ды седе домкасто чарькодъсак эрзянь цёранть покштояк покш талантонзо.

Илларион Максимовичень содамо карминек эйкакш шкасто. Сон мондень кемгавтово иеде седе покшоль, ды секс ваннокшнынъ лангозонзо пелезь ладсо. Кепе пильге цёрынекс чийнинек ушос пурнавозь од цёратнень ды тейтертнень малава, кунсолынек морамост. Сынст вайгельтнень мазыл-гавтсь Ларькань (истя сонензэ мерильть Ламбаськесэ) сюпав басось. Савсь тень некшнемс сеньгак, кода велень цёратне пелькстыльть кинь вайгелезэ

седе виев. Тень туртов эрявсь мадстемс палыця лампа. Удалякшнось те аволь весенень. Ларька, содазь, ульнесь изницятнень ютксо. Сонзэ гайтев вайгелесь а весть мадстнесь лампат ды сорновт-несь вальма суликатнень.

Московонь консерваториянь студентэкс улемстэ Илларион Максимович эрва кизна сакшнось Ламбаськев. Сестэ сон теевкшнесь лия ломанекс. Ёжомарямось ды ломанень вечкемась кадновсть эйсэнзэ секетне, ансяк вана морась лиякс. Минь сестэ кортнинек: «Морамо кармась ошонь ломанекс». Лампат вайгельсэ эзь мадстне. Велень цёратне терявтнесть кармавтомс сонзэ мезе вийсэ морамо, сон мизолдозь мериль: «Арась, оят. Вий вайгелентень эряви, ансяк морамс эряви истя, кода тень веши сонсь морось. Аволь вальма суликатне, седейтне сорновольть».

Арасель велесэнек ломань, покш эли вишкине, кона аволь яксе Илларион Максимовичень кунсолосо. Сакшность натой шабрань Ташкина ды Пермеева велетнестэ кунсолыцят. Морсесь Ларька седе сеедьстэ vele куншкас теезь сцена лангсо. Кунсолыцятне пурнавильть те сценанть перька. Ансяк Ламбаськесэ эрицятнеде сестэ ульнесть кемень тыщат ломанть.

Илларион Максимович сеедьстэ ушолекшнесь концертэнзэ «Маря ашти», «Удок, баляк» эрзянь моротнестэ. Мейле морась рузонь, чувашонь, татаронь, мариецэнь морот. Кунсолыцятненень пек вечкевсть сын. Морась сонсь Яушев! Ламбаськесэ ламот маштсь ды вечксь морамо, Илларион Максимович сынст кунсолось мельспаросо, тонавтнесь пельдест. Консерваториясо тонавтнемстэ Яушев кармась пурнамо эрзянь морот, сёрмалесь сынст. Цёрынетне вансть сестэ ды энялдсть:

— Ларя леляй, ловнык, мезе сёрмадыть. Яушев эзь покшкавтне. Лиснесь мазыйстэ. Тукшнось мелезэнек, кода сон менчесь вайгелензэ. Маштсь морамо эчкстэяк, човинестэяк.

- Муинк кемекставозь меревкстнэнь.

371. 1.Прядынк валрисьметнень. Явовтозь валтнэненъ муеде антонимть.

1. Сон **сась** апак учо, но шкань ютазь
2. Сынъ ушодызь те ёвтнеманть аволь умок, ды сеске
3. Мазый ломанесь одсто, мазый сон
4. Келезэ **валаня**, тевезэ
5. Тонавтнемась — **пштилгавты**, нузякчись —
6. Кельсэ — эрва ков, тевсэ — **а тей, а**

2. Полавтынк валрисьметнень, косо а стака, валтнэнь кемекставозь меревкссэ.

1. Сон чийсь пек капшазь. 2. Сынъ те тевентъ тейсызь а куватьс. 3. А нолдамс сонзэ ковгак. 4. Вешнить эйсэст — мусызь. 5. Кортась а мельсэ. 6. Ушосонтъ чопода.

3. Сёрмадодо вишкинька сочинения «Сась тундось» теманть коряс. Планось истямо:

1. Зярдо ды кода сась тундось тынк велес?
2. Кодат тынь неиде тундонъ тешкст?
3. Мезе канды сон ломантненень?
4. Коды ды мейсэ минь васттано тундонть?

4 §. Валонь пелькстнэнь ды валонь теевемань коряс кевкстематне ды моксовкстнэ.

1. Мезе тонавтови валонь теевема пелькссэнтъ?
2. Коды муемс валонь полавтыця суффиксэнтъ ды валлувонтъ?
3. Кодат валонь пелькст совавтовить валлувс?
4. Коды содавтови валсонть юрось?
5. Коды чарькодъсынъ одс теезь валонть?
6. Кодат суффикст вастневить одс теезь валтнэсэ?
7. Мезе те стакалгавтозь валось?
8. Мезе те кавонзазь валось?

372. Ловнынъ. Лемдинъ текстэнтъ. Васня сёрмадынъ явовтозь валтнэнь, конатнесэ вальюрось ды валлувось вейке теке жо, а мейле — лиятнень. Кодат валонь теиця суффикст вастневить текстсэнтъ?

1. Вирьсэнтъ ней те эکشесь кирдеви эрьва чистэ яла седе кувать. Сон уш кармась **чополгавтомо** пиже лопатнень. **Чова** тарадтнэнь лангсо кересь эчкелгадсь. Куротнень юткова тикшесь **чуролгадсь**, мик **неявить** мелень коське лопатне. Кизэнь виресь аноксты сёксентень. Сон уш маласо. Седе таркатнева качады пангонь летке чине.

(К. Абрамовонь коряс.)

373. 1) Мезе невтеви текстсэнтъ? Лемдинъ. Ёвтынъ, коды теевсть явовтозь валтнэ.

Таго-зярдо савсь тень совамс
Кадозь чаво кудос.
Чатьмонемасонзо марявсь, —
Сон прок весень сюдось.
Каштмолеманть керязь керязь
Макшов чикордома.

Сыречинь пшти орма.
Стака коштось эшкевсь эйзэнь,
Прок лондадозь пандо.
Пельскаладозь кудось неявсь
Стувтозь **калмолангокс**.
Мештесэн толонь **сэредьксэсь**
Кивчкадсь ёндо ладсо,
Теке седей сангам ютасть
Чеменев тарвазсо. *(Н. Ишуткин.)*

2) Ловнынк. Муинк валонь форматнень, конатнесэ тевс нолдавить валонь полавтыця суффикстнэ. Сёрмадынк сынст башка ды явинк эйстэст валлувонть ды валонь теиця суффиксэнтъ.

А. М. Моро... Ловнат стихензэ ды мик тонсетькак ёжось, секень вант, сёлмовтомо ливти сонзэ морыця героентъ ёжомарямонзо мельга. Гайгить валт од порадо, вечкемадо, пертьпелькстэнтъ, лиякс меремс, эрямодонтъ. Истя гайгить, мик ловномстост маряви, кода лакась поэтэнтъ сансо вересь неть валрисьметнень сёрмадомсто, кода токнось седеезэ ды тундонь нармунь ладсо чоледсь оймесь:

Ах, од пора! Од пора! Од пора!
Пиже роща, цёков, Кинель лей.
Тонь эйсэ весёлгали од цёра,
Тонь эйсэ од тейтерень седей.

КОРТАМОНЬ ЁРОКЧИНЬ КАСТОМАСЬ.

Текстэ ды сонзэ пелькстнэде чарькодемась.

1. Ловнынк кавто сёрмадовкстнэнь. Конасонть валрисьметне сюлмавить эсь ютковасть смустень коряс. Лемдинк, кикстынк валрисьмень прявт пелькстнэнь. Ёвтынк глаголтнэнь-сказуемойтнэнь шкань формаст.

1. Валскесь ульнесь маней. Чись кепедевкшнесь чувтотнэнь сэрсьэ. Сонзэ чевензэ чевтестэ валовсть виренть лангс. Кстыень кувтёлтнэ седеяк кирвазсть якстере толсо. Псись эзь пачкоде моданть ёжос — нармушкатне чатьмонезевсть. Седеяк тантейстэ качадозевсть тикшесь ды кстыйтне.

2. Чокшнень вармась кельме. Сувтемшка ашназа чись сутямсь. Пиземесь яла сувтни. Менельсэнтэ эждясь чись ды састынька солась ловось. Умаринань празь лопатне пурназь оровтс.

Терявтынк васенце текстэнтэ полавтомс: 1) валрисьметнэнь аавтомаст; 2) валрисьмесэ валтнэнь таркаст; 3) ютазь шкань глаголтнэнь-сказуемойтнэнь неень шкань формасо.

Мезе те текстэсь?

Т е к с т э с ь — те смустень ды грамматикань коряс мельга-мельга молиця валрись-мень вейс сюлмамо. Грамматикань сюлмамо пелькстнэ текстэ — валрисьмень эрявикс таркас аавтомаст; валрисьмесэ валтнэнь путомаст; вайгелень ветямось.

2. Максозь валрисьметнестэ тееде текст. Лемдинк сонзэ. Сёрмадынк.

Важоди педе-пес ды оймсемань апак сода. Теледе телес. Сон а капши лиятнэнь ладсо штапо кадовома. Весемеде мейле, сёксня прядсы пиже пингензэ. Поесь тунда пургонды весемеде икеле.

3. Сёрмадодо ушодксонть коряс текст. Лемдинк.

Эзинь кенере панжомс сельмем, кода кие-бути: тук-тук-тук. Истя нерьсэнзэ таркси чувтонь наксадо кертнестэ сукстнэнь...

4. Тееде текст сёрмадовксонть лангс нежедезь.

Ушось... Чись... весе мазычисэнзэ, ансяк ... варминесь а максы чинтень ... моданть. Течи лиссь оймсеме шам, ды ули мелем ютамс вирьга. Виресь вастымим эрьва кодамо тюссо: укштортнэ ды чевгельтне палсть ... толсо, килейтне сравтнестэ ... валдост.

5. Ловнынк. Вейке валрисьмесэ максодо каршо вал (ответ): «Мезде ёвтневи текстсэнтъ»?

Веле песэ, веле ушосо,
Санта лей прянь чаво кужосо
Варма ведьгев, сыре пингензэ
Лецтнезь-мелявтнезь, нувси.
Чикор — а мерить сёлминензэ,
Ансяк чирь ды ченгезь рунгозо
Варманть каршо чоп кувси. (Д. Надькин.)

- Стилистикань кодамо ёнкс ули стихсэнтъ?

Эрьва текстэсь тееви-сёрмадови кодамояк эрявикс темань коряс.

Текстэнь темась

Т е к с т э н ь т е м а с ь — т е с е, мезде (или киде) эйсэнзэ моли кортамось. Сеедьстэ текстэнь темась текшкстави сонзэ прявт валсонть (заглавиясонть).
--

6. Максозь валрисьметнестэ тееде текст. Ёвтынк сонзэ теманзо, лемдинк ды сёрмадынк.

Ведезэ ванькс — неяви — уйнить калт. Луганарсо налксить эйкакшт. Кудонть икеле якстере, сэнь, ожо, тюжа цецят.

Аволь васоло чуди сэтьме лей. Вальманзо ванькст, валдот.

Чись маней, лембе, пуви, шожда варма. Веленть песэ ашти аволь покш мазый кудо.

7. Ловнынк стихотворениянтъ, ёвтынк сонзэ теманзо. Тонавтинк, сёрмадынк превс саезь.

Вердине верде,
Прок суре вельде,
Чуро пиземне,
Покшке каплине
Пуркси модантень,
Мастор чамантень.
Пелесь ашо сы,
Весе шалнозь сы:
Чифк! — ёндо.
Цяр-р! — пурьгине.
Кирвазсь чувтыне,
Сяворсь омбоце,

Чикордсь колмоце.
 Каштмольсть нармунтне.
 Кекшнестъ звертне,
 Емсестъ карвотне,
 Нурясть тарадтнэ,
 Валновсть тикшетне,
 Тапавсть сюротне,
 Авардсть лопатне.
 Ушось чополгадсь,
 Паксясь таймаскадсь.
 Цифк! — ёндол.
 Цяр-р-р! — пурьгине.
 Виресь — гай-гай-гай!..
 Латкосъ — жоль-жоль-жоль!..
 Вальмасъ — дринь-дринь-дринь!..
 Леесь — буль-буль-буль!..
 (И. Кривошеев.)

- Тееде явовтозь валтнэнень гайтев ёндо ваннома.
- Кодат художественной средстват саи поэтэсь стихэнтъ сёрмадомсто?

8. Ловнынк текстэнтъ. Невтинк валрисъметнень, конатнесэ панжови «Вирьсэ кадовиця» темась. Сёрмадо до кочказы изложения те теманть коряс. Арседе, мейсэ ушодомс сонзэ ды мейсэ прядомс. Явинк текстэнтъ ушодксонзо, куншканзо ды пензэ.

Аволь васоло неявсь сэрей вирь. Арасель Мика вирьсэ зярдояк. Терди виресь эйсэнзэ. Натой тантей экше моли тосто. Сыргиксэль Мика вирев, авазо неIZE, эзизе нолда. «Ялатеке молян», — арсесь эсь пачканзо Мика.

Пси. Псидентъ а ков кекшемс. Микань авазо озась ярасамо. Ярасасть, ды авазо мадсь оймсеме. Мика сыргась вирев.

Пачкодсь вирентень. Тесэ экше кошт. Маряви тантей чине, Мика варштась — пильгалонзо кстыть. Кармась кочкамо. Тей варшты, тов варшты — седеяк яла покшт ды якстереть кстытне.

Кепедизе Мика прянзо, стувтызе, косто саськак. Мекев модемс, а соды ков. Васня аварьгадыксэль. Кстыть несъ, лоткась, кармась кочкамо. Моли Мика, виресь яла седеяк сэрей ды эчке. **Пачкодсь латко чиресь. Валгсь латконтень.** Марясы — мезе-бути чуди. «Те мезе?»—арси Мика эсь пачканзо. Мекев кармиксэль куземе ды прась седеяк алов. Ваны — икелензэ лисьмине. Моли Мика, вирентъ пезэяк арась. Чарькодсь Мика: тевтне берянтъ — кадовсь. Кодя карми авардеме цёрынесь, коды карми «авай, авай» сеереме. Ды кияк сонзэ а мари. Кармась чополгадомо. Мика сизесь. Ансяк озыксэль оймсеме, мари, мезе-бути сеери:

— Ууу...Ууу!

Истя сеересь покшпрякорш. Ды Мика а содыль теде. Тусь цёрынесь седе тов. Лиссь чаво таркас. Несь мезе-бути раужо. Те ульнесь тикше. Мика мадсь тикше потс. Лембе, куток матедевсь... Мика неи он: сон кстыйтнень кандынзе аванстэнь. Авазо мурниксэлизе **оргодеманть** кис. Мейле неинзе кстыйтнень ды кармась пейдеме.

(Ф. Чесноковонь коряс.)

- Невтинк явовтозь валтнэсэ валонь полавтыця ды валонь теиця суффикстнень.

Муеде текстсэнтъ вейке пелькс марто валрисьме. Ёвтынк, кодат валрисьмень пелькстнень коряс явовтозь сёрмадовкстнэ.

9. Диктант. Кунсолынк текстэнтъ ды максодо каршо вал (ответ) кевкстематнень лангс: 1) мезе эйсэнзэ невтеви; 2) зяро пелькстэ сон ашти? Мезде кортави пелькссэнтъ?

Кальбулосо,
Кальбулосо
Цёков моро чольдэргадсь,
Морась цёковось урозокс,
Сонзэ чинзэ сундэргадсть ...
Пуви варма,
Варма пуви,
Кальбулованть сокори,
Цёконь седейс вармась сови.
Цёко панги-цёкари ...
Ки саизе цёконь моронть,
А вити мелентъ?
Ютасть цёконть лембе шканзо, —
Ливтясь сон лембе пелев. (П. Кириллов.)

- Кода тынь чарькодъсынк явовтозь валрисьментъ?

10. Мелезэнк аравтынк: валске марто тынь мольядо эсенк улыцява школав... Кодат гайттъ тынк перька марявить? Сёрмадодо теде сочинения. Лемдинк сонзэ.

▲ Текстсэнтъ валрисьметне сюлмавить аволь ансяк вейсэнь темасо, но и прявт арсемасо (идеясо).

Т е к с т э н ь п р я в т а р с е м а с ь — те се, мезень кис сёрмадозь сон, мезес текстэсь тонавты, терди. Прявт арсемась сеедьстэ тешкстави прявт валсонть
--

(заглавиясонть) или кодамояк вейке текстсэ саезь валрисьмесэ.

11. Ёвтынк текстэнтъ теманзо. Чарькодевтінк, кодамо валрисьмесэ невтеви сонзэ прѣвт арсемазо, кодамо валрисьмесэ сон панжови. Муинк текстсэнтъ стакалгавтозъ валтнэнь.

Ютась недля, ды вейксэ умартнестэ лиядсь ансяк вейке. Весе пракшность. Кода пры ожо умаресь, мерят мезе-бути ёмавтан, теке потсон аламодо чополгады.

**Текстэньпрѣвт
арсемась**

Пиземесь яла сувтни. Зярдэ аламошкас лотки, велентъ маласо вирентъ вельксс лоподезъ модасонть ашо качамокс кепети сув. «Теке качамо кудосо», — корты авам. Алкукскак, беряньстэ неявить кудотне, чувтнэ.

Кудосонтькак маряви сёксень летьке чинесь — вейке вальмась панжадо, — ванан умарентъ лангс. Меельце! Лиятне **ожолгадыть**, тикше потсо. Умарень тарадтнэнь пестэ петнякшныть ведьбайгть. Петъ, петъ...

Вана покш ведьбайгесь прась умарентъ лангс, сон лыказевсь, мон венствия кедень, кирдиксэлия прыця умарентъ — эзинь кенере, ды сон ожо чипаекс кеверезевсь тикше потс. Ансяк кирдиця тарадозо лыказевсь, теке туиця ломанень ильтиця кедь: «Ульть шумбра! Сы иес!»

Пекстыя вальманть. Снартнян а ваномс умарень ёнов, — мон а вечкан, зярдэ ильтить туемстэнь.

Течи эряви уштомс каштомонть.

(Л. Седойкин.)

12. Сёрмадовкс, конасонть прѣвт арсемась тешкстави прѣвталсонть (заглавиясонть). Арседе, мезде кортави текстсэнтъ.

Сась лембе тундось. Менелесь сэнь-сэнь. Эзганзо уйнить ашо човонь кондямо вецаня пельнеть. Пертьпельга истямо валдо — а вановаткак. Минек кудонтъ икельга чольни чудикерькске. Цвети одажа лопась. Састъ лембе масторсто нармунтне. Велесь пешкедсь тундонъ гайтьсэ. Вечкеви те шкась.

Текстсэнтъ сюлмавома рисьмесь.

Текстсэнтъ валрисьметне эрсить сюлмазь эсь ютковаст смустень коряс, меельцек-меельцек, прок рисьме: васенцесь (омбоцесь) — омбоцентъ (васенцентъ) марто, колмоцесь — (омбоцентъ) марто ды седе тов. Истямо сюлмавомантень мерить рисьмень.

13. Терявтынк невтемс: те текстсэнтъ валрисьметне сюлмазь вейкест-вейкест марто рисьмень кисэ-янсо (способсо). Тешкстынк рисьмевиця валтнэнь. Лемдинк текстэнтъ.

Теле. Мельганзо — тундонь селей сёлмо вармат.

Лопинесь кадовсь ськамонзо. Сорны килеенть тѣкшкесэ, прок тюзала панкске. Ялганзо умок лекшкадсть мода ёжос ды удыть а явавиця удомасо. Сон вана ... Мерькасть эйсэнзэ сѣксень тарькс якшамо пиземетне, эзэлясть телень варматне. Пря киненьгак эзь максо. Учось яла истямо варма, кона ноцковтолизе таркастонзо ды саевлизе васовдоjak васов. Саевлизе тов, косо арасть валыця пиземеть, косо свал лембе, ды цѣковонь моротнеде пейдоть балягатне.

Учось истя лопась тундос.

(Нуянь Видяз.)

- Ёвтынк, кодамо стилистикань ёнкс ули текстсэнтъ.

14. Максозь валрисьметнестэ тееде текст. Сѣрмадынк, лемдинк. Кикстынк алга рисьмевиця валтнэнь.

1. Чудикерьксэсь чувсь кикске.
2. Вастомс эсензэ кондятнень марто.
3. Кундась уцясканзо вешнеме.
4. Эряскалесь оргодеме ськамочидензэ.

Валрисьметне текстсэнтъ сеедьстэ эрсить кеместэ сюлмазь эсь ютковаст местоимени-ясо ды валмельгакссо (азорксчинь суффикс марто). Невтемга: Кинть трокс ютась лисьмалангс ава. Лангсонзо шождыне ожавтомо паля. Сон пештнесь ведранзо ведте. Пачкодинь сонзэ ваксс ды кевкстнинь симемс.

15. Арседе, точкатнень таркас козо путомс существительной, козо местоимения или валмельгакс азорксчинь суффикс марто.

1. Эрва тевесь ушодкс марто. ... тевенть ули ушодксозо. 2. Кись тусь веревбандт. Куроксто ... ливтимим аволь умонь керявкс таркас. ... сэрей вирь. ... моли латовтомо келей, сэрей кудо ёнов. 3. Валскень баягинетне начтызь лопатнень. ... стакалгастъ. Сезинь ... вейке ды саия коморозом.

16. Ловнынк. Апак учо ёвтницясь понгсь кажос. Кодамо стильс сонзэ ёвтнеманзо соавтадо? Мекс?

Ансяк кенерсь кенкшенть панжомо, стядо коклацкесь ливтясь эйзэнзэ. Цѣрась чаразевсь таркасонзо.

— Максодо монень палка, а нолды шайтянось! У-У-у-У» идемевсь! Сволочь! Вейкенъ пес пильгенк шкередьсынъ! У-у-у, серькине левкс! Чамазон яла ливтяволь! Нетядо — пукшостон верь цельдядезь цельдяди! У-у-у.

17. Ловнынк. Мезде ёвтневи текстсэнтъ? Кодамо стильс совавтови?

«Илядо стувтне, — фольклорось — сюпавдожк сюпав наука ...» — нетъ валтнэнь ёвтынзе минек раськенъ васенце ученоесь-фольклористэсь Андрей Иванович Маскаев профессорось. А. И. Маскаев чачсь 1907-це иень августонь 23-це чистэ Теньгушевабуень Вежга велесэ сокицянь-видицянь семи-ясо. Тесэ ютасть эйкакш-пингезэ ды одкспоразо.

▲ Кортамонь стильтне явовить эсь ютковасть сеньлангс ванозь, кодамо ёвтнеманть (кортамонть) артовксозо. Невтемга: цёранть валонзо коклацкедентъ (16 упр.) — кортамо (разговорной) стилень, *А.И. Маскаевде* текстэсь (17 упр.) — книжной науканъ стилень.

СТИЛЬТНЕДЕ Кортамонь стильс. Зярд ды косо сон ваствневи?

Кортамонь стильс саевкшни сестэ, зярдэ эряви кортнемс малавикс ялгат марто. Сон сеедьстэ тевс нолдави кудуютконъ ды аволь официальной обстановкасо, истя жо ялганень сёрмасо, кучомасо.
--

▲ Весе лия уликсчитнень ды кортамонь лия артовксчитнень коряс нолдави книжной стильс — сонзэ пельксэнзэ (художественноесь, научноесь). Науканъ стильсэ-пельксэ сёрмадовить научной важодевкстнэ, тонавтнеманъ книгатне, валкстнэ, энциклопедиятне, содавикс ломантнеде ёвтнематне. Стихтне, ёвтнематне, романтнэ, балладатне сёрмадовить книжной стильсэ.

18. Ловнынк Маризь Кемалень стихотворениясто саевксэнтъ. Кодамо стильс сон совавтови? Мекс?

Сёксесь сыргавтсь экше вармат,
Сырнень палят сэрсь оршась,
Кеминь тонеть, учинь кудат, —
Ансяк сынъ ялганень састъ.

Ков ней молян? Кинень пшкадян?
Седейормам ков тейса?
Молян вирень лейчирентень
Ды ведентень каяса.

- Кодамо смустьсэ аравтозь стихсэнтъ явовтозь валось?
- Муинк пшкадематнень. Толковинк лотксема тешкстнэнь путомаст.

19. Ловнынк. Ёвтынк текстэнтъ стилинзэ. Кемекстынк эсенк каршо валонк (ответэнк). Лемдинк текстэнтъ.

Касыця эрзят! Те пшкадян тенк мон, Якшаматя. Кеман, весе тынь содасамизь. Мон сакшнан тыненк эрва тельня. Од иестэ кантнян тенк каз-
неть, ушова яксемстэ кундсян судозонк-пилезэнк. Илядо кежиявтне, те истя мон налксян мартонк.

Валтнэнь, конат невтить кортыцянтъ мелензэ пачтязентъ-ёвтазентъ коряс, мерить совавтозь (вводнойть).
Невтемань кис: *Тейтерентъ чамазо сеске валдомсь, тетясь, улема, пейдемань кисэ мерсь, кадови казневтеме. (К. Абрамов.)* Кода несынек, те валрисьмесэнтъ улема совавтозь валось невти аволь педе-пес кемемань смусть.

20. Ловнынк. Содавтынк кортамонь стилентъ. Лемдинк текстэнтъ. Муинк совавтозь валтнэнь.

Шкась аволь айгор. Аволь машинак. А лоткавтсак. Сон полавты весень, мезе перьканзо ды мезе эйсэнзэ. Лиякстомты кудотнень, **пирявкстнэнь**, паксятнень... Олгонь латодо ней уш ламот эзть марсеяк. Полавтовсть оршамоды ярсамопельтне, мельтне-арсематне, минь минсь. Ульнесь те, мезде карми **ёвтнеме** седе тов, сизыгеменьшка иеде икеле. Калошат, конатнесэ ней лиснить рудаз шкава кардазов-ков, **кандтнестъ** велесэнтъ аламот кить. Ловт, весе якасть карьсэ.

**Ёвтнемачи
(повествования)**

Ульнестъ истят парочист Ботаеньгак.

Ланга цивтёркс раужот, потмова — якстереть, вельтязь чевте коцтсо. Лембень кис. Ванастасть сынст эсь сельмест ладсо. Бути кияк цёратнень эйстэ сырги омбо пелев, юты эйсэст ансяк веле юткова, велестэ велес молементэ сынст путнестъ юдмас. (Нуянь Видяз.)

Муинк текстэнтъ стакалгавтозь ды кавонзазь валтнэнь.

- Содавтынк вальюронтъ ды валлувонтъ явовтозь вал-сонть.

Зяро гайтть ды зяро букват **якстереть** валсонть? Евтынк, мейсэ сюлмавить вейкетъ пелькстнэ ветеце валрисьмесэнтъ.

▲ Ёвтнемачинть улить зярыя типензэ.

Вейкесь эйстэст — **ёвтнемась** (рассказось), конасонть кортави сеедьстэ вейке кодамояк героень эрямодонтъ.

Евтнеманть ули ушодксозо-сюлмавксозо (завязказо), тёкшкезэ (кульминациязо) ды прядовксозо (развязказо).

**Ёвтнема
(рассказ)
Сонзэ
пельксэнзэ**

21. Сёрмадо до изложения, конась улезэ малавикс максозь текстэнтень. Тень кис: 1) мельаравтозь ловнынк текстэнтъ; 2) содавтынк теманть ды прявт арсеманть; 3) кодамо кортамонь типс аравтови текстэсь; 4) невтинк текстэнтъ ушодксонзо-сюлмаваксонзо, тёкшкензэ (кульминациянзо) ды прядомань пелькстнэнь; 5) содавтынк текстэнтъ стилинзэ; 6) ловнынк текстэнтъ одс, пекстынк учебникентъ, сёрмадынк изложениянь васенце вариантонтъ, мейле витнинк-петнинк ды одс сёрмадынк.

Орголькай.

Минь теле лангс кадынек вете кудонумолот. Дубёнкань Кочкурвелесэ малав эрва эрицясь кирди сынст. Натъ, ули лезэст. Вестъ кода-бути пирявксесъ кадовсь панжадо. Нумолось лиссь ды кодаяк а понги. Мон тей, сон тов, мон тов, сон тей. Вана кажось*!

— Оргодть тестэ, мон кундаса, — мерсь Петя. Кудонумолось седеяк тандадсь эйстэнзэ ды тёкаезь тусь кардайстэ. Азё вешник! Вейкенек-вейкенек чумондозь. Минь натой сёвнолгадынек. Омбоце чистэ ванан: орголькаентъ мельга киска напу-стясь. Вай, кундызе! Эзь понго. Юрк, ды таго пенге алов совась. Вадря кекшема тарказо. Паро улемс оякчисэ. Ансяк вана... ярсамс а мезде. Пертьпельга лов. Вирьнумоло а пели теде — муи ярсамопель.

Ютасть ветешка чить. Минь уш стувтынек ёмаськентъ. Тусь олячинь вешнеме, кадык тусь.

Валске марто лисинь кардазов. Дивазь ванан. Ба, те орголькаесь сась. Саинь тикшинеть ды састо манян:

— Нумол, нумол, нумол!

— Сась малав. Вачо пекесь — аволь инжекс улемс сырепатяты кедьсэ. Мон нумолкаентъ — цоп! Пиледе ды — мекев эсензэ икелень эрямо таркав. Неявсь, пек кенярдсь. Лисни, олячисэ эрямось аволь весенень цидярдрави.

22. Ловнынк. Содавтынк описаниянь теманть. Лемдинк текстэнтъ. Невтинк рисьмевиця валтнэнь.

Яла пувить ды пувить якшамо варматне. Модась кельмесь кшникс. Лов эзь пра. Кинть лангсо эйгажа. Раужды весе перть-пельксэсь...

Чатьмониця Пьянанть чирева эсь рацаня пряст кепсизь чова сэрей чейтне. Токшсить эсь ютковаст. Каль куротне чурокстомсть, пачкаст неяви а васоло менель ёнксось. Кельме вармась сорновтни лопавтомо чова илейтнень. Кайсети седеень нусмакавтыця зуйнема, кона шкань-шкань ютни вешкемас. Штапо куротнень перька, кельмевкс тикшентъ ланга ацавсть ожо лопат. Чалгат лангозост — каяты коське кашторкс.

Эрямо ёнксонь невтема (описания). Косо ды зярдс сон вастневи?
--

(И. Калинкинэнь коряс.)

Эрямо ёнксонь невтема (о п и с а н и я с ь) — те ёвтамочинть эйстэ вейкесь. Ловови сехте эрявиксэкс. Вастневи, зярдо эряви невтемс предметэнтъ, кодамо-бути явлениянтъ ве шкань или свал шкань ёнксост.

23. Ловнынк. Мезень кис тевс нолдави описаниясь? Кода сонзэ эйсэ панжови прявт арсемась, конась невтеви васенце валрисьмесэнтъ?

Кизэнь перть Яхим овсе эзь полавтово. Истямо жо ёлганя, кодамоль свал, истямо жо шумбра. Секе жо цють мендявозь судось, секеть жо латки-нетне чаманть кавто ёнга, конатнеде турватне свал неявить пельс мизолдозь; сельметнеяк эзть ола: сынъ истят жо сэнтъ, истя жо вейкесь эйстэст цють конязь. Полавтовсь ансяк оршамозо ... сон оршазель буто мик ошонь ломанекс.

(В. Коломасовонь коряс.)

24. Ловнынк стихотворениянтъ. Тонавтнинк сонзэ, сёрмадынк мельс ледстязь. Чарькодевтнк, мезде описаниясь.

Теке валске, валдо,
Нусманя, прок чокшне,
Састо-састо валги
Лопине а покшке.

Аволи, прок простни,
Коштсонть чары-вели,
Соды — прама сёксня,
Ялатеке пели. (А. Арапов.)

▲ Описаниянь текстсэнтъ, аравтындерясынк сонзэ карадо-каршо ёвтнемань текст марто, седе сеedyстэ вастневить неень ды сыця шкань формасо глаголонь сказуемойтне.

Н е в т е м г а:

Кодамо мазый весь! Весе ломантне **оймсить**. Ушосонть а куш а каш. Менелеськак чаво, сонгак мезтькак **а тейни**. Постройкатненъ эйстэ празь сулейтнеяк **удыть**, прок раужо овтот. Коштось ванькс. (Никул Эркай.)

Описаниясь эрси:

1. Иень шкань пелькстнэде. 2. Кудо потмонь, школань, классонь уликсчиде. 3. Ломанень рунгодо, оршамопельде. 4. Картинадо (артовксто). 5. Книгадо ды ламо лиядо.

25. Кемекстынк, *ниче* валось — те существительной. Кодат тень кисэ эрявить тевс нолдамс кемекстамот (доказательстват)?

**Арсемась-ладсемась (рассуждениясь).
Косо ды зярдо сон вастневи?**

▲ Арсемась-ладсемась тееви колмо пельксстэ:

- 1) тезисстэ (се, мезесь кемекстави или чарькодевтеви);
- 2) кемекстамонь уликсчитне (доказательстватне);
- 3) пес самось (выводось). Невтемга: тезисэсь — **пиче** существительной. Кемекстамонь уликсчитне. *Васенце* — **пиче** валось невти предмет, кона-нень путови кевкстема мезе?. *Омбоце* — **пиче** валось полавтневи падежга: **пичеде, пичесэ, пичестэ, пичешка**; *колмоце*, валрисьмесэ сеедьстэ эрси подлежащейс ды дополнениякс. **Пичесь** — свал пиже чувто (тесэ **пиче** — подлежащей). *Пиченть* керизь (тесэ **пиче** — дополнения). Пес самось. **Пиче** валось существительной, секс мекс сонзэ улить те кортамо пельксэнтэ эрявикс ёнксонзо.

26. Сёрмадодо аволь покшке арсема-ладсема максозь тематнень эйстэ вейкенть коряс:

1. Кшись — те эрямо.
2. Книгась — тонь оят.
3. Тундось — иень пелькс.

27. Тынк икеле арсемань-ладсемань тезист. Муеде-арседе эрьвантень кемекстамонь уликсчить (доказательстват).

1. Вальюрось — валонь прявт пелькс.
2. Ванстомс книганть — ванстомс виренть.
3. «Чилисема» журналось — эйкакшонь журнал.

ВАЛКСОСЬ

- альне** — пшкадема. Нинть туртов мирденть ялаксозо.
аржо — пеелень, узерень колавкс
ауня — пултонь костямо тарка (теезь лембе лато)
балдуз — нинь патя
бальзя — нинь патянь или сазоронь мирде
батман — сталмонь онкс (10 фунт)
барыш — аштемс мезеньгак миемадо мейле ярмаконьулесь тевсэ (прибыльсэ)
башлык — эчке сукнань лембе прянь оршамопель, конась каяви шапка
ланга **безмень** — рычаг или пружина марто онкстамо пелькс (вест)
борча — сэрей тикше, сеерьксэзэ эчке, лопанзо келейть
бульчом — вводной вал, вастневи
неяви валонь смустьсэ
важо — се, кие важоди, роботы
валдэрькс — валдо ёнкс, ёнсто
вардо — ят, а минек ломань
варданка — служанка, рабыня
васта — мирде, ни (фольклорсо)
вата — пшкадема. Мирденть туртов нинть тетязо.
вигине — кодамо станонь пелькс (бердо)
видемань парго — кедьсэ видементэ видьмень кирдема-пелькс
галах — ломань, конань мезезэяк арась
гаруз — коцт (ситца)
душман — враг, ят
инеськеть — энялдома вал. Чевтестэ мерема, ёвтави мезеньгак вешемадо икеле
кажо — апаро тев, зыян, беда
кан — умонь шкане ве раськенень ламо семиянь вейсэ эрямо
кенде — понасто кевердезь или чавозь ацамо, вельтявкс
камораз — ломанень скелет, седла
каямо — коцтонь кодамопелькс. Калмонть потсо почко, конанень тапарязь суре
кептере — ленгстэ теезь парго
кесак — ламо сурень кругс тапарявкс
кородовкс — пирявкс
клубарь — клубонь прявт
кодемкс — трокс аравтозь суретне, конатне кодавить видестэ молезнень марто (кодамонь стансо)
куколокшо — ашо тантей чине горниповне марто тикше, лиякс —
куконь понкс (ландыш)
кумба — ковёр
кундо — эрямо парень вельтявкс, парник

мар — модасто аволь покш кепедевкс, бугор
мерлушка — реве левксэнь кедьстэ мех
миле — венчень панемапель, кедьёнкс, конаньсэ панить венч.
мушкой — верьгиз
орво — цирей
оска — тыщ пештезь коцтсто теезь а покшке шарнэ
пакарь — мушконь (сурень) судрямкапелькс (гребушка)
пенч парго — пенчень кирдема тарка, теезь керьстэ
пине — киска
плескат — наряжамонь кис аволь пек покш цивтёлдыця круккеть
покай — авань панар
пола — мирде, ни
полифония (теевсь грекень келень кавто валсто — poly «ламо, зярыя» + Рпопе «вайгель») — зярыя вайгельсэ морамо; вейке теке жо шкасто зярыя башка мелодика ёнкс марто вайгелень васодема
потмар — ярсамопелень ды симемапелень кирдема тарка
посад — кезэрень шкане ошонь пирявксонть эйстэ а васо-ло торговамо ды эрямо тарка, ошонь пелькс (пригород)
пулай — ламо цёко марто авань каркс
пуярмо — нармунень пеке потмо
ракша — трявкс, андовкс (рузокс — скот, скотина)
рига — покш сарай, косо костясть пултт ды пивсэсть сынст
рисьме — вишкинькине кольцинеть, конатне вейкенть, омбоценть, колмоценть марто сюлмавить вейс (цепь)
руця — авань панар
семинария — средней учебной заведениянь лем
сивекс — ашко
сув — кошт, кона пек пештеви ведень парсо (туман)
сумань — понань коцтсто стазь оршамопель, сивевтеме (кафтан)
сюлгамо — брошка
сюкпря — ломаннень парочинь, шумбрачинь арсема (по-клон)
сянгора — авардема (оймень сезиця)
талика — мезеньгак пелькс, судьба
тарантас — кизэнь шождыне кильдемапелькс
телим — вирьсэ телень эрямо тарка
тёкш — сэрей тарка
тиринь — пек малавикс эсь седей пельксэнь ломань; те-
 тьянь-авань
толкун — волна
тор — обрядонь пеель (свадьбасо), покш сабля ёнов
мо-лица пеель
тувор — столь, мода потмос теезь эрямо тарка
улав — воз, подвода

ундо — чувто потсо чаво тарка
ума — модань пелькс, кона мейсэяк видезь
уре — ломань, конань арасть кодаткак праванзо, сон
 ловови киньгак собственностекс (раб, рабыня)
уредев — свадьбасо урьвакстыця цёранть пельде эрявикс цёра ломань
 (шафер)
усия — ведьуло (остров)
ушмо — войска
ушман — солдат
цилим — трубка (таргамонь)
цёрабай — цёрыне
чандо — мезеяк ярмаксо рамамка (свадьбань обрядсо)
чансть — паронь арсема вал (рузокс — счастье)
чиряз — прявт (барин)
човалят — вейс керьксазь вишкинькине эрыгть (бисерт)
човар — чукамс ды томбамс чувтосто теевкс. Эчке чувто пес теить
 каравкс, потмозо валаньгавтозь, каравкссонть чукить ямкст или лия кодамояк
 суро.
штере — штердема — кодамо станонь пелькс
шушмо — аволь покш мар; лов шушмо — ловонь кандовкс (сугроб)
шумордамс — прядомс (тевенть, тикше ледеманть)
эргана — паро суро, эчкстэ яжавтозь товт, содавикс
 ломань
эрямо парь — тейтерь-авань оршамопельксэнь кирдема тарка
эряске — капшиця ломань
юдма — покш сувтеме
ялт — шожда вармине, коштонь зэхель
ят — душман, лия ёнсто ломань

МЕЗЕ ПЕЧАТАЗЬ

Келесь — кезэрень лувонь эрямонь ёнкс.....	3
Ушодксонь класстнэсэ тонавтнезенть мельс ледстямось	

1 §. Валось. Валонть пельксэнь-пелькс явомазо	5
2 §. Кортамо пелькстнэ. Сынст лезэст кортамонь рисьмесэнтъ...	6
3 §. Валрисьмень прявт ды аволь прявт пелькстнэ. Апак келейгавтозь ды келейгавтозь валрисьметне.....	7

Синтаксисэсь. Лотксема тешкстнэ. Кортамонь маштомась

4 §. Валзюлмавксто чарькодемась.....	8
Валзюлмавксонь ванномась.....	11
5 §. Валрисьмеде чарькодема.....	12
6 §. Кортамонть путовксонзо (целензэ) коряс валрисьметнень явовомаст.....	14
7 §. Серьгедемань валрисьметне.....	16
8 §. Валрисьмень пельксэнзэ.....	18
9 §. Валрисьмень прявт пельксэнзэ.....	19
10 §. Валрисьмень аволь прявт пельксэнзэ.....	21
11 §. Дополнениясь.....	21
12 §. Определениясь.....	23
13 §. Обстоятельствась.....	24
14 §. Апак келейгавтозь ды келеигавтозь кавто составонь валрисьметне.....	25
15 §. Вейкеть пелькс (однородной член) марто валрисьметне....	27
16 §. Вейкеть пелькс марто валрисьметнесэ лотксема тешкстнэ.	28
17 §. Пшкадема марто валрисьметне.....	30
18 §. Валрисьмень ванномась.....	31
19 §. Союз марто стакалгавтозь (сложной) валрисьметне.....	32
20 §. Стакалгавтозь валрисьмень ванномась.....	35
21 §. Виде кортамось.....	36
22 §. Кавто ломань ютксо кортамось (диалогось)	38
Мельсэ кирдемга.....	39

Фонетикась. Графикась. Орфографиясь. Парсте кортамось

23 §. Кортамонь гайттне, сынст теевемаст.....	41
24 §. Гласной ды согласной гайттне.....	42
25 §. Слогось.....	44
26 §. Гласной гайттне.....	45
27 §. Гласноень гармониясь.....	48
28 §. Согласной гайттне.....	50
29 §. Калгодочинь ды чевтечинь коряс кавонзась (парной)	

согласной гайттне.....	52
30 §. Гайтев ды гайттеме кавонзавозь согласной гайттне.....	54
31 §. Вачкодемась (ударениясь).....	58
32 §. Орфоэпиясь. Орфоэпиянь норматне.....	61
33 §. Кортамонть мазыйстэ гайгемазо.....	62
34 §. Гайттне ды букватне. Алфавитэсь.....	67
35 §. Валонть песэ ды валонть куншкасо чевте тешксэнь (ь) сёрмадомась.....	69
36 §. Е, ё, ю, я гласной букватнень смустест ды сынст сёрмадомась.....	71
37 §. Э, е, и, ы гласной букватнень сёрмадомаст	73
38 §. Явовтыця калгодо (ь) ды чевте (ь) тешкстнэ	74
39 §. Фонетика ёндо валонь ванномась. Ванноманть молемазо... Мельс ледстямось.....	75 76

Лексикась. Кортамонь маштомась

40 §. Лексикадо чарькодемась. Валонть смустезэ	79
41 §. Вейке ды ламо смустть марто валт.....	81
42 §. Виде ды кандовиця смусть марто валтнэ.....	84
43 §. Омонимть	86
44 §. Синонимть	90
45 §. Антонимть.....	94
46 §. Валонь кемекставозь сюлмавкстнэ (фразеологизматне)....	96

Эрзянь келень валонь сюлавчинь пелькстнэ

47 § Валтнэ, конат кадовсть финнэнь-угрань кельюрстонть.....	101
48 §. Эрзянь кельсэ эрзянь-мокшонь вейсэ эрямошкань валтнэ...	104
49 §. Эрзянь валтнэ, конат арасть мокшонь кельсэ	106
50 §. Лия кельстэ саезь валтнэ.....	108
51 §. Эрзянь литературань келесь ды кортавкстнэ	112
52 §. Таштомовозь валтнэ.....	115
53 §. Од валтнэ	118
54 §. Эрзянь литературань келенть стилень ёндо явовомазо	120
55 §. Перифразась, олицетворениясь ды гиперболась	127
56 §. Эрзянь келень валкстнэ.....	129

Валонь пелькстнэ ды валонь теевемась

57 §. Валонь полавтнемась ды валонь теевемась. Валонть пельксэнзэ	139
58 §. Валлувось. Валонь полавтыця суффиксэсь.....	140
59 §. Валъюр ды валонь теиця суффикс.....	143
60 §. Валонь теевемась. Валонь теевемапельтне.....	145

61 §. Киртязь валтнэ. Сынст ёвтамост ды сёрмадомаст	151
62 §. Валпельксэнь ды теевемань коряс ванномась	152
Мельсэ кирдемга.....	153

Иень перть тонавтнезенть мельс лецтямось

1 §. Валзюлмавксонь ды валрисьмень коряс кемекстамонь кис кевкстематне ды максозетне.....	155
2 §. Фонетикань, графикань ды орфографиянь коряс кемекстамонь кис кевкстемат ды максомат	157
3 §. Лексиканть, стиленть ды валкстнэнь коряс кемекстамонь кисэ кевкстемат ды максомат	161
4 §. Валонь пелькстнэнь ды валонь теевемань коряс кевкстематне ды максоматне	165
Кортамонь ёрокчинь кастомась	167
Текстэ ды сонзэ пелькстнэде чарькодемась	167
Текстэнь сюлмавома рисьмесь	171
Валксось	178



КИЕ СЕДЕ КУРОК? КАВТО ВАЛСТО-ОД ВАЛ

ЧИ	КЕЛЬ
СУДО	АВА
ОД	АД
ПРЯ	УНЖА
ПАЗ	ВЕДЬ
ВИРЬ	АВА
МОДА	АЛКС
ПАР	САРАЗ
САЛ	МЕКШ
ТОЛ	ПАЗ

ВАРЯ

